



BIBLIOTECA NAZ.  
Vittorio Emanuele III

**XXIII**

**B**

**23**

NAPOLI

Ex Libris  
~~George Goring~~

XXIII

B.

23.





D E

# ANIMI

17-Geo: Tranquillitate 17-Geo: 17

## DIALOGUS

*Florentio Voluseno Scoto*

AUCTORE.

---

*Editio novissima prioribus longe  
emendatior.*

---



---

EDINBURGI,

Excudebat ROBERTUS FREEBAIRN.

Anno Dom. MDCCVII.



# ROBERTUS FREEBAIRN

## Benevolo Lectori

### S.

**C**UM hic, quem tibi offero, benigne Lector, Florentii Voluseni de Tranquillitate Animi Dialogus, paucorum manibus tereretur, & ad multorum aures fama tantum pervenisset: plurimi me rogarunt, ne nobilissimum Scriptorem temporum injuria intercideret, aut paucissimis quidem cognitum esse sustinerem. Ego, cui bonarum literarum cultoribus bene velle, eorumque studia utcunque promoveri tantum concessum est, non poteram tam justa petentibus reluctari. Alacri itaque animo hanc novam editionem in me recepi: atque quid in ea adornanda prestiterim, ne te longiore exordio morer, paucis expediam. In eam in primis curam sedulo incumbendum existimaui, ut si non emaculatissima, prioribus certe longe emendatior emitteretur. Id quo felicius fieret, editionem Gryphianam nitidissimam, quæ prima, & auctore nostro vivo prodierat (quam & ipse sibi gratulatur) præ oculis unice habuimus. Posterior enim, siue Leydensis, siue Hagienfis sit illa (nam si paginam libri titulum præferentem excipias, nultum inter eas discrimen intercedit) plurimis erroribus est fœdata. Sed nec dissimulandum est, priori illi Gryphianæ suos nævos & sphalmata nonnulla esse; quædam etiam ejus generis, quæ non nusquam auctoris sensum evertere comperiebantur. Ea omnia, cum operis typographicis vitio vertenda essent, adhibita prius summa diligentia, & aliorum auxilio impetrato, commode restitui-  
mus. Et ne hoc ab re nobis dictum videatur, e multis paucula exempli gratia hic visum est exhibere. Pag. 2. l. 16. pro *ποιοις τισιν* reposuimus. p. 105. l. 8. pro *excussi*, excussis. p. 106. l. penult. *ἐν* pro *ἐν*. p. 110. l. 26. *Hypanin* pro *Hypain*. p. 193. l. 24. *pluma* pro *pluvia*. p. 242. l. 25. pro *vicinus*, *vicinus*, ib. cum pro *cur*. p. 243. l. ult. *vidisset* ut  
4 2  
superfluum

superfluum rejecimus. p. 251. l. 8. post divina, vocem dignæ, quæ deerat, restituiimus. Non est autem cur quis inde nobis litent intendat, quasi nos criticam exercere, aut virgula censoria protinus damnare audeamus, quicquid nobis prima fronte non arripserit. Ab hoc enim vitio ( in quod tamen summi ac doctissimi viri sæpius prolapsi sunt ) nos alienissimos prostitemur : id quod exemplaria conferentibus innotescere non dubitamus. Neque interim adeo inmemor sum conditionis humanæ, ut nusquam me lapsus ullos admisisse præ me feram : operam certe dedi, ut sint quam paucissimi, quos, sicubi reperiantur, homo homini condonabis. Quod ad auctorem ipsum ejusque scripta attinet, parum utique tenuitatis locique mei rationem habere viderer, si de iis operosius judicium proferrem. Sed nec viro ob singularem eruditionem, morum elegantiam, sinceramque pietatem, Cardinali Sadolero, Georgio Buchanano, Thoma Dempstero aliisque notissimo, præconis nostris est opus. Statueram equidem de ipsius vita & studiis paullo fusius inquirere : sed hoc onere me levavit vir clarissimus. D. Georgius Mackenzie M. D. qui ad auctorum Scotiorum historiam ( quam dudum moliebatur ) omnibus doctrinæ & humanitatis ornamentis instructissimus scribendam accessit : quam & brevi, orbi erudito Scotisque omnibus opus gratissimum, est in publicum emissurus : inter quos Volusenus noster ( elevet quantumvis [ in præfat. ] merita sua vir longe modestissimus ) ceu primæ magnitudinis stella fulgebit. Mihi satis fuit, per brevem illam a Thoma Voluseno, de ejus patria, vita ac morte conscriptam narrationem subjungere, quam doctorum aliquot virorum de eo encomia consequentur : inter quæ Davidis Echlini M. D. ad Comitum de Ancram Epistolam censeri velim. Ipsius denique auctoris præfationem addidi, quæ nescio quo facto posterioribus editionibus aberat, ut omnibus tandem suis numeris absolutus aureus hic libellus publica luce frueretur. Atque hæc sunt, amice Lector, ob quæ otium tuum interpellandum duxi. Quæ si tibi haud ingrata esse intellexero, tibi tuisque commodis inservire, si Deus vitam viresque suffecerit, ulterius pergam. Vale.

FLOR.

## FLOR. VOLUSENI

*Ortus, Vita & Mors.*

**F**lorentius Volusenus (vulgo Wilson aut Wolsey) natione Scotus, parentibus ingenuis in Moraviæ provincia natus, ad Lossæum amnem amænissimum, haud procul ab Elgino oppido, ad cujus templum, omnium quæ tum in Scotia erant longe pulcherrimum, dum Tranquillitatis ædem, pag. 96 & deinceps, describit, alludere videtur. Disciplina liberalibus primum in patria in Gymnasio Aberdonensi imbutus, deinde Lutetiæ Parisiorum eruditior factus est; ibique Eboracensi Cardinali Thomæ Volsæo aut Voluseno innotuit, qui fratris sui filium ei erudiendum commisit, a quo multis beneficiis honorifice cumulatus fuit. Post, cum patruī mors a puero illo Florentium distraxisset, ad Bellaicum Parisiensem Episcopum se contulit. Cum quo, itinere in Italiam, Romam versus proficiscens, Jacobum Sadoletum Cardinalem, tum Episcopum Carpentoractensem, visendi studio ductus, & ab eodem humaniter acceptus est. Haud multo post tempore, Præsul ac Consules Carpentoracti, ob singularem viri virtutem, accensi sunt

sunt omnes desiderio retinendi hominis, ad publicam liberalium artium professionem ob- eundam. Res pacta, tanta civium volu- ptate & gaudio (teste pio Præfule) ut omnes novam felicitatem urbi exortam existimarent. Postquam autem complures annos in Italia, Gallia, aliisque exteris regionibus transegisset, tandem in patriam rediens, anno Salutis hu- manæ 1546, Viennæ in Delphinatu ad Rhoda- ni ripam fatis concessit. Unde Buchananus noster hoc carmine ei parentavit.

*Hic Musis, Volufene, jaces carissime, ripam  
Ad Rhodani, terra quam procul a patria?  
Hoc meruit virtus tua, tellus quæ foret altrix  
Virtutum, ut cineres conderet illa tuos.*

Docto-

Doctorem aliquot virorum  
DE  
FLOR. VOLUSENO  
ejusque scriptis Testimonia.

*Jac. Sadoletus Card. lib. 6. Epist. 16.*

*Joan. Lotharingio Cardinali.*

**N**ON putavi molestum tibi me facturum, si cum hominem tibi commendassem, quem in primis dignum tua benevolentia esse arbitror. Florentius Volusenus, natione Scotus, elegantia morum & literis Latinissimus: de quo homine sane agendum paucis tecum est, quippe qui tibi probe notus sit, & tuæ bonitatis operæ subsidio literarum studiis Lutetiæ aliquantum tempus operam dederit. Is cum superioribus mensibus urbis Romæ visundæ studio flagrans, de tua voluntate, cum collega tuo Joanne Bellaio, viro ornatissimo, in viam se dedisset, atque Avenionem usque esset pervectus: ibi adversa valetudine & inopia rerum necessariarum subsistere est compulsus: paulloque post ad me se contulit. Quem ego, quanquam pertenuis, & magnis rei familiaris difficultatibus affectus, jucunde tamen comiterque accepi: cognitoque mox hominis ingenio, & natura ingenua liberalique perspecta, etiam in honore deinde habui.

——— *Et paullo post* ——— Sed ut co redeam unde diverti, Florentius mecum nunc Carpentoracti est, maximoque animo & incredibili assiduitate optimis literis, præsertimque Philosophiæ dat operam: mihi quæ in quotidiana consuetudine admodum jucundus & gratus est. Te porro dominum & patronum prædicat ipse ac profitetur. ——— Eum ergo tuæ fidei, bonitati, liberalitatisque commendo: & abs te vehementer peto, ut quando ipse non minus hic studia doctrinæ persequitur, quam si Lutetiæ esset, velis pro tua præstanti liberalique natura, eam mercedem annuam illi salvam abs te

te esse, quam jampridem constituisti. Hoc cum tua amplitudine, generisque tui ac virtutis gloria maxime dignum est, tum mihi certe facturus es gratissimum. —  
1536.

*Idem ad Paulum Sadoletum Epist. 3.*

**D**Octorem huic juventuti & magistrum, abs te quæri non puto fore amplius opus. Narrabo enim tibi, simulque tu agnosces, quanto plus sæpe fortuna polleat, quam hominis consilium. Receperam me forte in bibliothecam nudius quartus, cum esset jam nox: ibique attentius libros quosdamolvebam; cum cubicularius nuntiat, esse qui me conventum velit. Rogo quis homo? Togatus inquit. Jubeo intromitti: Accedit. Interrogo quid sibi velit, quia illa hora adeat ad me. (Cupiebam enim absolvere ocus hominem, & ad studia me referre.) Tum ille, repetito altius principio, ita apte mecum, ita accurate & modeste locutus est, ut mihi curam injecerit cognoscendi interius, & percontandi. Itaque clauso libro, ad eum totus conversus, sciscitari incipio, cujas sit, quam disciplinam profiteatur, quid sibi quærens in has regiones venerit? Ac ille: Scotus sum, inquit. Ex ultimane, inquam orbis terræ natione? Etiam. Ubi ergo disciplinis liberalibus operam dedisti? (Quod ideo interrogavi, quia ejus sermo & Latinitatem & ingenium redolebat.) In patria primum, inquit, complures annos Philosophiæ operam dedi: deinde Lutetiæ sum eruditus, ibique Eboracensis Card. fratris filium in disciplina mea habui. Post, cum patrui mors a puero illo nos distraxisset, ad Bellaium Parisiensem Episcopum me contuli, eramque cum illo Romam profecturus, nisi morbus me gravis in itinere ab eo disjunxisset. Quid ergo tibi hic expetis? inquam. Cupiditas, inquit, primum tui visendi, quod maxime optabam, hic me compulit. Deinde cum Avenione esset mihi dictum, te alicujus hominis indigere, qui juventutem tuam hanc erudit,



diret, si forte ego essem isti negotio aptus, offerendum tibi ego me duxi: non tam onus illud appetens quidem, quam tibi gratum facere studens; & simul intelligens, fore mihi laudi, quodcunque munus apud te, & tuo iussu hortatuque suscepissem. Quid quæris? Usque eo mihi placuit, ut primo mane Glocerium Consulem, atque Heliam accersissem: exposui de homine quid sperarem, & quæ mihi in eo egregie complacita essent omnia narravi. Certe enim ejusmodi modestiam, prudentiam, compositionem oris atque vultus vix in Italo homine talem exspectare potueramus. Neque hoc contentus ad prandium invito, cum Florentium ipsum, (hoc enim illi est nomen) tum medicum nostrum, de quo scripseram ad te antea: itemque Heliam, una cum Consulibus. Post prandium statim disputationes me cohortante inducæ sunt: argumenta physices assumpta: certatum a medico nostro acriter, obtorto vultu, magnisque anhelitibus. Ille alter, modestus, placidus, nihil non ad rem, nihil non accurate & sobrie, sane quam perite omnia & intelligenter. Quin cum ego conclusissem argumentum quoddam adversus medicum, tortuosum ac difficile, in quo erat enodando magnus illi labor: iste, petita venia, solutionem protulit quam maxime fieri potuit docte atque accomodate. Quid quæris? Accensi omnes desiderio sunt retinendi hominis, Consulcsque eum sevocaverunt. Res pacta est aureis nummis centenis: tanta cum voluptate civium, sicuti ego audio, ut omnes novam quandam felicitatem huic urbi esse exortam putent. Quin circumferuntur sermones, quos cum Consulibus habuit, ita liberales atque ingenui, ut nil possit supra. Quamobrem spero huic negotio & muneri optime provisum fore. — Habet autem iste, quod mihi maxime voluptati est, Græcarum etiam literarum quod pueris imbuendis sit satis. Quocirca de eo sine cura esse potes. &c.

**E**um, qui superioribus diebus tuas ad me attulit literas, testimonio tuo adductus, libenter vidi: opemque illi & studium meum detuli, ut multum apud me valuisse commendationem tuam facile intelligere potuerit. Nec te tua sane, quam de me habes, fefellit opinio. Sumus enim, semperque fuimus, ad bene de doctis & probis hominibus merendum, si minus opibus & facultatibus instructi, at certe natura studioque propensi ac parati. Te quidem, quem & optimis artibus eruditum, & in his de religione dissensionibus optime sentientem semper judicavimus, eo quo debemus studio atque amore prosequimur. Itaque quod sententiam exquiris nostram, quam viam, cum in patria tua constiteris, in qua maximas de religione contentiones esse scribis, insistere debeas: nos id tibi consilii dabimus, quod & amore nostro erga te, & virtute & pietate tua dignum sit: quod tamen a te jampridem captum esse minime dubitamus. \* \* \* \* \* Sed hæc, ut voluntati tuæ obsequer, non quo te putarem de his rebus non optime & sentire & tecum statuisse, jam attigi. Tu velim benevolentiam erga me tuam conserves: tantumque de animo & voluntate mea tibi pollicere ac spondeas, quantum virtus & probitas, & vetus tuum erga me studium postulat. Vale. Romæ. 1546.

*Tho. Dempsterus. Hist. Ecclesiast. gent. Scot.  
lib. 19.*

**F**lorentius Volusenus, vir ingenii exercitissimi, Jacobo Sadoleto Carpenteractensi Episcopo, & S. R. E. Cardinali familiaris, ut ille testatum reliquit *lib. 6. Epist.*——Romam invisit cum Joanne Bellaio Cardinale. Avenione in mortuum incidit, & cum adversa fortuna diutissime luctatus est. Scripsit \* *Philosophiæ Aristotelicæ synopsin. lib. 4. De Consolatione lib. 2.* Quo opere

opere nihil legi Latinius. Commendat mirifice Geor. Buchananus lib. 2. Epigramm. *Hic Musis &c.* Floruit anno 1536, fortunæ adversæ & novercantis injuriâ exercitissimus. Obiit Viennæ in Delphinatu.

\* *Horum alterum nunquam typis fuisse mandatum admodum probabile est, eo quod in clarissimarum Bibliothecarum, aliisque (quas nos quidem vidimus) librorum nomenclaturis, nusquam compareat. In alterius vero titulo argumenti similitudine Dempsterus hallucinatus, atque hos de Consolatione libros, pro eo, quem hic exhibemus, de Animi Tranquillitate Dialogo, posuisse videtur. Neque hoc injuria existimare licet, tum quod idem sæpius virò aliqui doctissimo usu venisse compertum est, tum præcipue ex eo, quod optimi hujus, atque unici, quod sciam, superstitis libelli, nulla apud eum sit mentio. Reperi quidem in Catal. Biblioth. Thuanæ Flor. Voluseni opusculum; cui nomen est Commentatio quædam Theologica, quæ eadem precatio est in Aphorismos dissecta. 82. Lug. per Seb. Gryphium. 1539. Quo, autem in angulo delitescat, an penitus interierit, nihil certi possum statuere: reminem equidem novi, qui de eo quidpiam vel fando audiverit.*

## Julii Cuspii Calabri de hoc Dialogo judicium.

**P**auca tibi, Lector, dicam, quæ pauca notato:  
Me certe invenies non nisi vera loqui.

Magna quidem, ut nosti, res est facundia, major  
Doctrina est, pietas vincit utramque tamen.

Hæc simul, ut cernis, tria per se singula magna

Hoc licet exiguum quam bene jungit opus.

Singula sic magna cum sint dignissima laude,

Sat, liber hic laudis quid mereatur, habes.

Sed quia vix habitant tria, quæ modo diximus, una;

Vix erit & judex qui queat esse libri.

Generosissimo Domino

Roberto Caro, Comiti de Ancram:

C A R O L O

Magnæ Britanniae, Franciæ, & Hiberniæ Regi, ex intimis a secretiore Cubiculo.

**Q**uam debeat Voluseno, non modo parens Scotia talium ingeniorum ferax, sed & quotquot usquam terrarum sunt gentes, idoneus profecto testis, amplumque monumentum extat vel hoc unum opusculum; siue scribendi argumentum spectes, siue artificium tractandi. Cum enim plerique hodie scriptores in re leviuscula levioris gloriolæ auram captantes, nihil aliud, quam & suam, & legentis operam ludant, cum jactura bonarum horarum: noster hic materiam selegit, cum tanto philosopho dignam, tum lectori in primis perutilem, imo necessariam. Quid enim, quæso, in universa hac rerum universitate, post mentes illas æthereas, excellentius aut sublimius? Quid divinius, quam Anima humana ipsius Divinitatis expressa imago? Quid autem felicius, quid beatius, quam ejusdem in mediis hujusce peregrinationis fluctibus serenitas, & tranquillitas? Jam hoc argumentum eo versavit agitavitque ingenii acumine; instruxit, & locupletavit doctrinæ suppellectile; interflexit, imo referfit sententiarum gemmis; ornavit, & expoliivit orationis cultu: denique, quod caput est, Christianæ pietatis indicis, veluti vivo charactere ita insignivit, ac prope dicam animavit, ut mehercle  
omac,

omne ferens punctum scrinia Socratica Tullianis  
coloribus pinxisse videatur. Quo magis deploran-  
dum, tot tantosque in campo gravissimo exantlatos  
labores jam procul dubio perituros fuisse, nisi De-  
us humani generis misertus impendenti cladi com-  
muni cœlitus providisset. Quid igitur mereatur  
ille, qui Volusenum e faucibus Orci eripuit?  
Nempe tu is es, mi, multorumque me meliorum  
Mæcnas, undequaque vere Nobilis Ancramie;  
qui dialogum hunc, cum vix unum aut alterum  
blattis exesum superesset exemplum, denuo revi-  
viscere facis. Nec quicquam hic sine numine Divi-  
no. Nam Volusenus statim in principio operis,  
conjectura optimæ rationi consentanea auguratur,  
bella hujus Insulæ intestina, non prius finem ha-  
bitura, quam e duobus regnis unum confletur.  
Tum tu apud Carolum primum, post Jacobum  
Pacificum, utriusque regni Regem, tranquilli ani-  
mi exemplar sine exemplo, locum tenes non medi-  
ocre, utpote ex intimis ipsi, & melioris ordinis  
Cubicularius. Quippe ut Monarchia Britannica  
alter terrarum orbis, sua Amphitrite circumscri-  
pta, suos limites transgredi dedignatur: ita ma-  
gnanimus Carolus, suis ditionibus, satis alioquin  
amplis, abunde contentus, trans-Britannica ut se  
minora contemnit, tantamque ad omnes omnium af-  
fectuum insultus animi tranquillitatem præ se  
fert, ut rupe firmior nulla inde tempestate dimo-  
veri queat. Sic Plato Respublicas tum demum be-  
atas fore prædixit, quum Reges saperent, aut sa-  
pientes

*pientes regnarent. Ac Volusepus quidem, si in  
hæc tempora incidisset, de regnorum unione, quod  
tam fausto prænuñciaverat augurio, Regi procul  
dubio gratulatus fuisset, ipsique lucubrationes suas  
inscripisset. Tu auctoris institutum, mentemque  
supple: ipsumque ab Inferis tuo Marte, id est,  
(rumpatur quisquis rumpitur invidia) heroice  
revocatum, super Animi Tranquillitate quam di-  
serte dilucideque differentem, Regi Carolo tran-  
quilli animi prototypo Da, Dica, Dedicæ: omnique  
adeo posteritati per se satis commendatum, quan-  
tum potes, potes autem multum, commenda. Nihil,  
mihi crede, præstare queas, aut Majestati regiae  
gratius, aut manibus defuncti optatius, aut doctis  
omnibus bonisque desiderabilius, aut Scotiæ no-  
stræ plausibilius, aut genii tui magnitudine di-  
gnius. Cæterum cum ab omnibus ubicunque genti-  
um non possit non prædicari præclarum hoc civica  
corona donandum facinus, tum mihi præsertim in  
singularem & sempiternum necesse est cedat hono-  
rem; quem propinquitas sanguinis, mutua animo-  
rum benevolentia propinquior, cum tam splendido  
atque illustri civis tam egregii & eximii restau-  
ratore arctissime colligavit. Me itaque Voluseni  
vere tui tecum vere amantem, ut hactenus, præter  
unam generis, & quæ mea gloria, avorum commu-  
nionem, nullo meo merito semper solitus es, usque  
ad extremum semper ama.*

*Patrocinio tuo plus quam pluri-  
mum Devinctus, ac Devotus.*

*David Echlinus.*

*Maria, Mag. Britannicæ, Franc. & Hiber. Regine Medicus.*

# FLORENTIUS VOLUSENUS

*Francisco Michaeli Patricio Lucensi S. D.*

**P**roximis hisce diebus in hortis vestris, qui sunt in clivo ejus collis, qui Lugduno imminet, positi, multis (ut scis) verbis est inter nos de animi tranquillitate disputatum. Sermo ille omnis huc (ut vides) temere congestus, atque in dialogum utcunque inclusus, nunc sub tuo nomine prodit in lucem. Quod si in hominum reprehensionem, pro eo ac meretur, disputatio rudis atque inculta incurret: incitiae meae culpam in festinationem tuam conferam: quae sane effectum est, ut implumes adhuc, quod aiunt, pullos passus sim evolare de nido: vel potius ut ipse eosdem illinc ante suum diem temere atque injuriose deturbarim. Tuo enim impulsu, eo ipso pene quo primum conscriptus est die, libellus hominum est expositus conspectui. Non me fugit, eam esse facultatis meae tenuitatem, ut etiamsi vehementer & quam diutissime advigilem, nihil a me confici possit, quod doctissimae hujus aetatis censuram non magnopere reformidet. Attamen, nisi valde fallar, non adeo a literis inopes sumus, aut ingenio (est Deo gratia) defecti, ut non meliuscule instructa, atque culta, si vel in paucos adhuc dies premi potuisset, disputatio ipsa fuerit proditura. Sed quid tantopere de lectorum gratia vel calculis sum sollicitus, maxime ipse qui toto pene sermone contemnendam gloriam, & frangendas cupiditates inculc?

culco? τέτιξ μὲν τέτιγγε φίλος, μύρμακε δὲ μύρμαξ, & semper, ut habet proverbium, ὅμοιον ὁμοίᾳ ἐπιέται. Quo fit, ut plerumque semidocti nos, atque imi, quod dici solet, subsellii scriptores, plures quam classici ipsi, quibus lucubrationes nostræ placeant, inveniamus. Siquidem quæ a doctis multa cum cogitatione sunt elaborata, non temere aliis, quam doctis, quorum exiguus admodum est numerus, satisfaciunt. At indoctorum, & rudium, quis nescit omnia esse plena? Verum, ut libere quod sentio dicam, ipse eos nunquam ut idiotas fastidiendos, aut in rudibus habendos censebo, qui quamvis disputandi subtilitatem non teneant, nec Græcorum sint imbuti scholis, aut in aliquam denique philosophiarum familiam recepti, præcipuam tamen operam in præcipua nostri parte, hoc est, animo excolendo, posuerunt. Omni mente in ea cura cogitationeque versor, ut huic hominum generi complaceam. Hos pro virili juvare, mihi immortale est atque semipiternum institutum. Hisce hanc nostram disputationem non omnino contemptum iri mihi persuasi. Ea si me fallit spes, nec cuiquam suscepta hæc a nobis opera bono futura videbitur, jactura præcipue ad Sebastianum Gryphium pertinebit, qui, qua est semper tum humanitate tum eruditione, etiam nobis minus doctis, sæpe vel cum olei atque operæ suæ dispendio gratificari non gravatur: & in illo Typographiæ suæ cælo, non tantum præcipuis illis fulgoribus, & primæ magnitudinis stellis, sed etiam minutis luminibus vult esse locum. vale.



D E

# ANIMI

## Tranquillitate.

I N T E R

*Franciscum Michaelem, Florentium Volusenum,  
& Demetrium Caravallam,*

D I A L O G U S.

F R A N C I S C U S.

**H**OC mane, Florenti, nobis intermittendæ sunt lectiones: sentio enim valetudinem, ab eo qui nos heri perflavit Argeste, nonnihil labefactam. Quocirca si non est quod te alio vocet, ascendamus in hortum, & cœlo hoc sereniore, levationis nonnihil (ut spero) allaturo, aliquantisper fruamur.

*FLOR.* Eamus quo voles: nam & me quoque juvat, ex amœnis hisce collibus formosum hunc rerum vultum, quo me cunque vertam circumfusum, liberius contemplari. Verum, si molestum non est, interea dum vestem accipio, tu prior ascende: ipse te e vestigio consequar.

*FRANC.* Jam clivosæ hujus viæ difficultas est superata: proximum est, ut, donec quam ascensus attulit lassitudo sit depulsa, opaco hoc in loco in herbosis hisce sedilibus propter hanc pergulam confidamus:

B

post,

post, cum erimus sedendo fessi, nos dabimus in ambulationem. Tu interim, si quid habes auditu dignum (habes autem semper) ne nobis tempus inaniter elaboratur, in medium afferre non grave.\*

*FLO R.* Heri cum me, ut mihi mos est, trans Ararim in librarias illas tabernas, quas hæc urbs habet & multas & instructissimas, contulissem; duas de spectatæ fidei viro res intellexi, quarum utra me pejus habeat, non facile dixerim. Et, ut te interrogandi labore levem, earum prior est, gentes Britannicas esse in armis, & ingentem Anglorum exercitum, qui in Scotos ducatur, nuper esse contractum. Popularibus meis, hoc est, Scotis, quos Latine Caledonios populos dicas, non possum non bene cupere. Nihil enim patria dulcius, ut est apud Homerum. *ἡ περ καὶ τις ἀπόπροθεν πόονα ὄικον γαίῃ ἐν ἀλλοδαπῇ γαίῃ.* Anglorum semper in me singularis fuit humanitas, & eorum plerisque beneficiis non vulgaribus sum devinctus. Prætereo florentissimi Regis gratiam, per quam sane non stetit, quo minus ipse jamdudum omnibus eis ornamentis, quæ a fortuna proficisci possunt, sim ampliter collocupletatus. Impia illa atque infestina bella, quibus insula omnium quas Sol (quod satis constat) videt, sive soli genium, sive gentium præstantiam spectes, longe princeps & clarissima assidue concutitur, non prius (quantum conjectura auguror) finem invenient, quam ex duobus regnis unum conflatur; aut certe gentes ipsæ utrinque, in eam quæ Christianos decet, hoc est, in sanctam atque indissolubilem quandam adducantur concordiam. Cur autem hoc utriusque populi intersit, & cur utrisque optandum sit, & quid me in hanc mentem impellat, nisi intempestivum esset, priusquam ulterius progrediar, clarissimis argumentis demonstrarem. De altera illa re, quæ ad religionem pertinet, te jam pridem certiolem factum esse arbitror; quemadmodum videlicet non ita multis ab hinc mensibus, præstantes aliquot ex vestra Italia viri, se ad Germanos eos contulerunt, qui Romani antistitis dignitatem, & recepta

pta quædam apud nos de religione dogmata, multos jam annos non minore successu quam studio oppugnant. In his est Bernardinus Ochinus, vir in concionandi facultate, quantum ad sacra pertinet, longe omnium facundissimus, idemque apud vos religiosæ cujusdam factionis (Capucinos vulgus vocat) olim facile princeps. Sunt item & Petrus Martyr, & Paullus Lacisa, viri cum linguarum multarum, tum philosophiæ variæ atque multiplicis cognitione insigniter instructi. Et, quod rationibus nostris majorem in modum officiat, quodque facile præstet, ut quæcunque scribant, secundos habituri sint Italiæ populos, & in suam plerisque adducant sententiam, sunt omnes natu grandes, nec non sanctitatis nomine vulgo mirifice commendati. Hic a cordatis viris antistitum desideratur officium, qui si ea quæ sustinent munera fideliter obirent, hoc est, si fastu atque luxu positis, *εὐαγγελίον* puriter docerent, & Christi rationes cariores suis ducerent, non existerent ejusmodi defectiones: nec præclara hoc genus ingenia ad eos, qui pietatis hostes Pontificum atque Regum edictis sunt denunciati, tam facile se aggregarent.

*FRANC.* Etsi istud tuum in patriam studium, & te, qui officium, & memorem erga bene meritos animum libenter præstare soleas, majorem in modum collaudo: non tamen propterea video, cur te tam sollicitum habere debeant res illæ, quas constituere aut dirigere in te positum non sit. Scis sapienti præter culpam nihil esse præstandum; qua cum vacat, cætera illi æquiter & moderate sunt perferenda. Hanc ergo, quæ bellorum exitum respicit, curam per mitte superis. Tibi sane, qui in doctrinæ studiis pene ab ipsis incunabulis versatus es, non licet ut te existimes popularem esse alicujus definiti loci, quin potius cum Socrate & Stoicis, omnis hic orbis qui ab hominibus incolitur, tibi patriæ, imo vel unius urbis loco esse debet: in qua, si ratione aliqua offensus, illi vico unde ortus es ingenii tui dotibus usui esse non potes, proximum aut alium quemlibet pro viribus orna.

Patet tibi hæc Gallia, patet & Italia nostra, in qua jamdudum multos tibi amicos habes; plures profecto, si eo te rursus conferas, habiturus: qui quidem in te amando atque ornando, neque Anglis, neque Caledoniis tuis (dicere aulam) sint cessuri. De religione porro, quod secundo loco retulisti, viderint ipsi antistites, qui certe non diu impune auferent, si quam obtinent provinciam incuriose administrarint. Nos (quod satius erit) istiusmodi ordinum insectatione omissa, in nosmetipsos (quod aiunt) descendamus; & an ipsi nostrum præstemus officium sedulo dispiciamus. Non enim illorum negligentia causam nostram, si mala erit, adjuvare poterit. Neque tamen hæc eo dicta accipi velim, tanquam ipse pro improbis ac nefariis hominibus propugnationem suscipere cupiam, aut quod de tuo candore quicquam addubitem: sed quod nescio quomodo præpostera hac quorundam caritate offendar, qui aliena vitia acutissime cernunt, in suis sunt talpis cæciores. Si quid ab aliis delictum est, id magnæ religioni habent, accusant graviter, & vehementer (ut videri volunt) indoleſcunt; de sua ipsorum vita, etiam ut inquinatissima sit, corrigenda nihil interim solliciti. Itaque ab odiosis his rebus, imo & ab aliis item vernaculis atque quotidianis, ad præstantem aliquam materiam, & quæ aliquid solidæ utilitatis sit allatura, sermonem traducamus.

*FLOR.* Sunt ista tibi, Francisce, & sapienter & humaniter dicta, quibusque ipse audiendis non mediocriter mehercule sum confirmatus: quocirca magnam a me fateor tibi deberi gratiam. Quod si oratio mea, ea parte, quæ religionis antistitum delidiam carpsit, tibi paullo acerbior visa est, ita superstes sim, atque ita mihi propitius sit Christus, ut ego quod in hac causa vehementior fui, atque gravius in eum ordinem investus sum, non malevolentia, aut atrocitate aliqua animi, sed publicæ salutis atque dignitatis ipsorum studio sum commotus. Sed nunc me ad id quod tu flagitas accingo, & quidem lubens: quandoquidem eo abs te vocor, quo ipse prior sponte mea cucurrisse debueram.

Maſte

Macte tu interim animi, qui non solum quod a curis necessariis superest tempus, sed etiam hoc quod valetudini curandæ impendendum est, in hoc ætatis flore, conculcatis juvenilibus desideriis (quod, adulandi suspicionem inter tot rei hujusce testes nihil reverens, dico) in præclarissimis hisce studiis, quibus animi decus acquiritur, immortalī tuā cum laude libenter consumis. Verum age, in quibus nos sermonibus vis versari, & quā de re vis verba faciamus?

*FRANC.* De quacunque, quæ proprie ad componendum animum pertinebit: me sane auditorem habebis, sic jampridem affectum, ut opus futurum non sit apparato aliquo exordio me docilem reddere vel attentum. At cum ex auditoris usu sit, si quid aliud, quoties animum dubitatio subit, percontandi libertas, illud oro, ut ne grave tibi sit, si vel ego, vel ille noster Demetrius, qui huc (ut cernis) quo consuetudinis nostræ particeps sit, properanter accurrit, te differentem interdum interpellat: alius, quod sciam, interventor erit nemo.

*FLO R.* Tu mihi nunc easdas partes agendas, quas tibi ipsi servasse debebas. Nam in te ad naturæ felicitatem, quæ plane singularis est, accessit copiosa præcocius cujusdam sapientiæ penus, quam tu perpetua vitæ moderatione, quæ philosophandi ratio est præstantissima, tibi parasti. Sed quia ad quaecunque ingenium videor ipse tibi doctrinæ aliquid atque artis adjunxisse, vis ut ipse differentis personam sustineam: faciam id equidem, modo sciam poteroque; neque eam, ad quam accedere me cupis, (etsi ingenii agitur existimatio) disputationem defugiam: ea tamen lege, ut tu argumentum suppedites. Tantum vero abest, ut mihi molestum futurum sit, orationis meæ cursum interpellatione vestra impediri, ut vix quicquam gratius accidere possit. Nam etsi vos satis alioqui scio cupidos docti atque utilis sermonis, crebro tamen a vobis interpositæ quæstiones majorem facient constantis cujusdam attentionis fidem. Adde, quod contradictione tempestiva (ut ferrum ferro acuitur) excitatur acumen  
dil.

disputantis, & veritas ipsa elicitur facilius, si adhibita altercatio modum non excedat. Quare, si quid usus venerit, facite ne interfari, neve contradicere, aut arbitratu vestro percontari omittatis. Sed quid hoc sibi vult, quod protinus in altam quandam cogitationem mihi defixus, atque propemodum jam demersus videris?

*FRANC.* Nunc mecum tacitus hodierni cœli faciem cum hesternâ conféro, atque eas res quas oculis hausi ad animi statum traduco. Quod dum facio, casu in id incidi argumentum (nam hujus afferendi curam nostram esse voluisti) quo ego nullum vel uberius, vel fructuosius (etiam si anxie quæratur) inveniri posse existimo, & quo nullum mihi occurrisse malim.

*FLOR.* Aveo quam primum scire, quodnam istuc sit tibi tantopere gratum.

*FRANC.* Heri dum nubibus, pluvia, & molestis illis ventorum flatibus omnia confusa essent & conturbata, quam ingratus & cœli fuit aspectus? Rerum extinctus decor videbatur, & naturam ipsam luctus quidam occupasse. Hodie nec imber cadit, nec fragor aliquis violentior exauditur, nec interposita nubes Solis officit fulgoribus, & pristinus tandem rebus restitutus est nitor. Unde fit, ut animi etiam nostri, reducis atque velut postliminio redeuntis hilaritatis sint participes. Hunc ipsum ad modum, triste atque in primis inamabile quiddam esse apparet mens, ignorantium tenebris obducta, atque furioso isto curarum strepitu jactata: & contra,

*Felix ille animi, divisque simillimus ipsis,  
Quem non mendaci resplendens gloria fuco  
Solicitat, non fastosi mala gaudia luxus:  
Sed tacitos sinit ire dies, & paupere cultu  
Exigit innocuæ tranquilla silentia vitæ.*

Verus hos, etsi sunt recentis cujusdam scriptoris, (Angeli, ni fallar, cujusdam Politiani) recitavi tamen libenter, tum quod ad propositum pertineant, tum quod tute eos ipsos nudiustertius (si memini) mihi luculentis verbis dilaudaveris: illud interea, quod mihi magnopere probatur, affirmans; Non tam quo-  
tem-

tempore, quam quid, & quo modo quis scripserit, referre.

*F L O R.* Ista commentandi forma animum procul dubio philosophiæ natum resipit, estque inter ea indicia, quibus se quis in probitatis studio nonnihil promovisse dignoscat, à Plutarcho auctore sane non ignobili relata; Non solum videlicet ex libris, aut sapientum sermonibus, sed etiam undelibet, & ex quavis re obvia, quantumlibet ea minuta sit, conferendis similitudinibus & exploranda rerum convenientia, locupletandæ atque exaugendæ virtutis ansam arripere. Sic Socrates rixosæ uxoris jurgia, propter liberos qui suscipiuntur, perferenda collegit; non secus ac molestos ac nimium vocales illos gallinarum strepitus, propter ova. Sic Diogenes, dum puerum forte conspiceretur e manu in poculi effigiem conformata bibentem, ad paupertatem instructior abiit, & poculum quod in pera circumferre solitus erat, ceu rem supervacaneam abiecit. Sic Plinius, naturalis historiæ clarissimus auctor, ex eo, quod a lacrymis & nuditate vitam auspicemur, coarguit eorum dementiam, & vanitatem castigat, qui se ab ejusmodi initiis ad superbiam genitos esse existimant. Sic Seneca nos excelso atque erecto animo contra mortem esse debere contendit; propterea quod sorices, & ignavissima id genus animalcula, a natura ipsa ad fugam generata, ubi non patet effugium, se convertunt ad hostem; & quamvis corpore sint imbelli, nihilo minus se ad pugnam animosè comparant. In summa, omnium sapientum libri referti sunt hujusmodi collationibus. Et est sane ista tua concinna in primis, atque ab illustri ducta principio, dum horrifico & perturbato rerum vultui sollicitum animum, & contra læto atque sereno eundem cum est tranquillus, comparas. Sed quorsum evadas exspecto.

*F R A N C.* Scire ex te cupio, an ista animi tranquillitas, nullo ( ut mihi quidem videtur ) non redimenda pretio, sit ratione aliqua in hac vita parabilis.

*F L O R.* Parabilem eam esse omnino, etiam dum hic vivitur, arbitror: & si non perfectam, gradum tamen aliquem

aliquem ejusdem illustrem & minime poenitendum, si ad eam laudem gnaviter incubueris, tibi pararis.

*FRANC.* Qui fit ergo, ut in tam numerosa mortalium turba tam pauci eam assequantur? Quotus enim quisque est, qui non laboret fastidio sui, qui non inexplibili votorum cupiditate torqueatur, qui sua sit forte aut conditione contentus? Neque opinandum est, quentquam usque adeo sibi ipsi invisum, ut querulum vitæ statum deponere, aut ærumnis carere nolit.

*FLO R.* Expetunt quidem hanc omnes ad unum, nec aliud tot sudoribus, & tam laborioso vitæ cursu quærimus omnes quam tranquillitatem. Est enim ea tanquam jucundissimæ cujusdam requietis portus. Ita enim statuere necesse est, cum omne negotium otii aliqujus causa suscipiatur. Verum, quia, vel propter ignorantem non satis nobis constat, qua in re posita sit tranquillitas, aut unde ea nascatur; vel propter infractionem atque debilitatem animi, viam quæ ad eam ducit, etiam ut nota sit, firmis vestigiis non insistimus; fit ut rarissimi sint, qui ad eam perveniant.

*DE METRIUS.* Quomodo eam petunt, si ignorant? Num fieri potest, ut rem incognitam appetamus?

*FLO R.* Norunt quidem omnes generatim, tranquillitatis voce significari absolutam quandam animi, nihil ultra, vel certe anxie quærentis, pacem: cæterum quorum ex bonorum adeptione ea constet, aut ea ipsa bona, ex quibus illa procreatur, quemadmodum sint paranda, non ita vulgo est intellectum. Qui morbo affligitur, scit quid sit sanitas: verum idem quibus ea rebus paretur, & quo modo sit facienda medicina ignorat. Puer matrem domo clam se egressam sequitur, sed cum ventum est ad trivium, atque illa nusquam apparet, jam animi dubius, & consilii inops, se ad clamores & lacrymas convertit; nunc huc, nunc illuc, iratus & ejulans, furiosa & incerta erratione se proripit, ut inveniat. Scit aliquo abiisse matrem: verum cum neque quo, neque qua sit eundem expedire aut constituere possit, ipse se inaniter



inaniter excruciat. Et profecto nos, non multum dissimiliter, non satis in promptu habentes tranquillitatis adipiscendæ rationem, nunc ab hac, nunc ab illa re frustra animi expletionem petentes, tota (quod aiunt) erramus via, & nos ipsos perpetuis angoribus conficimus: imo similes illis, qui in labyintho properant, *quo sumus in præpostero cursu* (ut ait Seneca) *celeriores, hoc ab eo quod petimus longius abscedimus.*

**FRANC.** Est ergo ars aliqua, cujus præceptionibus in tranquillitate acquirenda dirigamur?

**FLO R.** Est sane. Nam in hoc totius philosophiæ moralis munus positum est atque versatur, ut intelligatur, quæ sint nobis bona maxime expetenda, quorum fructu absque interventu mœroris oblectemur; & quibus rationibus compesci possint affectuum tumultus, per quos animo non licet inoffense persequi ea, quæ vera esse bona jam a ratione definitum est. Sed singularis est in hac philosophiæ parte colenda hominum oscitantia & supinitas. Pauci sunt, quorum interfit aut Logicen, aut sermonis expoliendi artificium didicisse. Naturalis pars tota propemodum opiniosa est, nisi quum de metiendis corporibus, aut numeris sit mentio. Hic certius quiddam expromitur; reliqua propemodum sunt (ut facete dixit Lucianus) *περὶ τῆς τοῦ οὐρανόθεν pugνæ.* Et ut indagatio naturæ sit pulcherrima, partis tamen hujus absolutio in hac vitæ sperari non potest. Una moralis pars reliqua est ad omne hominum genus sine ulla exceptione pertinens. Nemo enim est, cujus non referat placide & tranquille vitam degere: quod cum non aliunde, quam a moralis disciplinæ (quæ & bonorum finem, & iter quod eo ducat demonstrat) cura sperari possit, statim ab ineunte ætate hoc scientiæ genere imbuendi sunt adolefcentum animi, & utilissimis vitæ præceptionibus assidue personandæ sunt juventutis aures. Sic enim facilius reliquæ ætatis partes, atque totius vitæ cursus, in persequendis officiis confirmari possunt. Nunc quotusquisque est (quo quid indignius aut deplora-

tius cogitari potest?) qui non prius ad vitæ terminum veniat, quam quemadmodum degenda fuerit vita intellexerit: qui non prius ex luce hac demigret, quam cur in lucis hujus possessionem venerit perspectum habeat: & ante in ipso cursu obruatur, quam potuerit portum conspiceret? Diligenter ergo in hanc artem totius vitæ atque officiorum magistram incumbendum est: studiose discenda est hæc via, cujus ignorance, aut desertione, non modo non ad illud otium, quod quæritur, pervenis; sed etiam in ærumnas & ineluctabiles quasdam difficultates incidis. Opus est autem hic præmonstrator dexter, & itineris dux percommodus. Adeo enim jejune atque frigide, hoc est, absque omni suavitate, atque absque ullis aculeis orationis, a plerisque traduntur morum præcepta, ut is qui legit aut audit, plurimum inanis, nihil permotus, & absque ullo fructu discedat.

• *DEMET.* Finge me eum esse (atque utinam re ipsa non forem) qui propter inscientiam hætenus a via aberravit. Nam puero mihi, vel mea vel parentum culpa, non fuerunt hæc studiorum genera magnæ curæ; neque propter negotia unquam habui sepositum tempus ad discendum, & ad dandum operam philosophis. Verendum est igitur (ut videtur) ne si nunc, hoc est, tam sero, coner meipsum a vulgari vitæ ratione ad hanc sapientem & felicitatis effectricem disciplinam traducere, laterem (quod aiunt) lavem, aut Æthiopem studeam dealbare; neque usque adeo digresso, in viam redeundi facultas sit ulla. Quis enim dedoceri possit, quæ tam diu didicerit? Quid tu hic faciendum censes?

*FLOR.* Ego te, Demetri, neque politioris literaturæ, neque humanitatis expertem scio: imo ut magni usus, nec hebetis ingenii hominem suspicio. Sed quia tibi libet modestiæ causa præstantiam tuam dissimulare, tecum in præsentia colloquar, ac si unus aliquis esses ex vulgo. Attigisti tu quidem isto tuo extremo sermone magna ex parte quid facto opus sit: sed quo res sit dilucidior, ad eas ipsas quas tute attulisti

tulisti me referam similitudines. Ac illud primum te rogo, sitne consentaneum, ut postquam vulgaris via illuc, quo tu tendis, non ducit, alia quædam sit tentanda?

*DE MET.* Istuc sane non minus necessarium est, quam consentaneum.

*F L O R.* Dic & illud; anne aliquando tibi iter facienti usu venerit, ut offensus aqua aut salebris, a publico & detrito itinere in pratum aut agellum diverteris: atque ubi in viam redeundum fuit, jam toto emenso spatio, coactus sis incitato equo retro undevernas te referre?

*DE MET.* Usu venit quidem hoc sæpissime, & interdum non sine comitum risu, qui me animi causa, commodioris viæ specie falli passi sunt: cum vel agger, vel præalta fossa, vel densior aliqua sepes jam longius profecto exitum negaret.

*F L O R.* Haud secus ei, qui in vitæ tranquillitate inquirenda cursum ab initio male instituit, faciendum est. Neque enim eo ducit iter, in quod se vulgus assidue dat: neque ejus est generis hæc tranquillitatis via, ut ab illa vulgari in hanc desultoria aliqua transiitione commigrare queas: sed oportet, ut ad ipsum viæ caput te referas, & a calce (quod ajunt) ad carcerem revertare. Nam in ipso principii puncto aberratio plurimum contingit; & in eo totius pene professionis momentum positum est. Quod si consiliorum atque opinionum mutatione ipsum viæ caput tenere poteris, res omnis est (mihi crede) opinione facilior: & quod paullo ante insuperabile videbatur iter, jam se tibi commodum & contextu facile exhibebit. Vide nunc, ut iniquiter per difficultatis causam, vel officium deseritur, vel inquirendæ tranquillitatis studium intermittitur.

*F R A N C.* Hic mihi temperare non possum, quin contra dicam. Semper ego accepi hanc esse communem sapientum omnium sententiam, quæcunque præclara essent, eadem continuo esse & difficilia. Lucæ, dum nobis pueris in literario ludo Ciceronis epistolæ præle-

gerentur, illud Hesiodi, quod Cicero epistolæ cuidam insarfit, mihi auditum est,

Τῆς δ' ἀρετῆς ἰδρῶτα θεοὶ προτάροιθεν ἔθνηαν.

Quibus (ut opinor) verbis significatur sudandum esse iis, qui ad aliquam virtutis excellentiam contendunt. Sudor autem & difficultas, etsi aliquid differunt, sunt tamen omnino finitima. Videsis nunc, an recte abs te factum sit, qui in tranquillitate animi rerum omnium facile clarissima, quæque (quod tute non diffitebere) non nisi per virtutem parari possit, acquirenda, non dubitatis facilitatis inferre mentionem. Quid, per Deum immortalem, vel præstabilius vel admirabilius cogitari potest, quam humanum animum in hoc imbecillo corpusculo etiamdum habitantem, ita esse constitutum, ut etiam septus ab omni parte miseris, atque undique fortunæ telis impetitus, non modo sibi constare possit, sed etiam intrinsicè, hoc est, ex sese incredibiles quasdam, quibus sese sustentet atque soletur, gignat suavitates? Nam hoc (ut opinor) in ratione tranquillitatis clauditur. Et nos (si superis placet) quiescentes & securi ad excelsissimum hoc rerum fastigium feremur? Quid decantatius est illis Romanæ poetæ versibus?

--- Facilis descensus Averni:

Noctes atque dies patet atri janua Ditis.

Sed revocare gradum, superasque evadere ad auras,

Hoc opus, hic labor est. Pauci, quos æquis amavit

Juppiter, aut ardens evexit ad æthera virtus,

Ditis geniti, potuere. ---

Quid? quod & CHRISTUS ipse (si hominum te non frangit auctoritas) ait, eam, quæ ad vitam ducit, viam angustam esse, & non ab ita frequente turba detritam,

FLO R. Hoc tibi non invitus largior, neque virtutem, neque hoc quod quærimus mentis otium, neque ullam omnino rem præclaram sine labore aliquo parari. Non enim minus verum quam pervulgatum est illud, τὰ καλὰ χαλεπὰ. Do item & illud; non nisi virtutis

virtutis ductu ad tranquillitatis arcem scandi posse. *Semita namque tranquilla per virtutem* ( ut ait Juvenalis ) *patet unica via.* Verum, vel virtutis, vel laboris nomen auspicantibus obtrudere, ex usu esse non arbitror. Est virtus ( fateor ) res pulchritudinis incomparabilis : sed quemadmodum mores duriusculi in insigni forma solent procos abstertere, ita ipsa duritas, quam præ se virtutis fert vocabulum ( est enim virtus, quæ cum difficultatibus luctatur ) efficere posset, ut novitii ipsius cultores animum despondeant. Cæterum rem ipsam atque vim virtutis tradendam omnino arbitror, & quidem diligentissime. Itaque, ut qui pueris, vel qui grandiusculis, qui delicatioribus sunt palato, medentur, si in pharmaco, vel medicata potione multum insit absynthii, mellis nonnihil admiscant, vel poculum a labris dulci quopiam liquore oblinunt, ne ingratus sapor deprehensus, salutiferi medicaminis functionem impediatur : sic virtutis qui apparet horror, est ipsa tranquillitatis specie obvolvendus, ut non tam a virtutem, quam ad perpetuam quandam etiam præsentis vitæ jucunditatem, multa ad hæc facilitatis ipse injecta, invitari se intelligant mortales : sic enim & confluent cupidius, & in incepto constantius persistent. Inest enim in ipsa tranquillitatis appellatione dulce & illecebrosus quiddam, quodque animos ad se attrahat atque pelliciat. Habent item & artis præceptiones, si commode tradantur, suas qualdam rationes, a quibus, nisi fero & immani sis ingenio, valde abhorre non possis. Et ut illa quæ medicis dicuntur *ἀνόδυνα*, tum præcipue habent gratiam, cum ipsa nullum interim afferentia doloris sensum, dolorem depellant : ita præclararum rerum difficultatem imminuisse, plane res est antiquæ laudis.

*FRANC.* Quomodo te hic nobis de vanitate atque impostura ( quod pace tua dictum sit ) purgabis? Nonne istuc est alienam credulitatem mendacii astruptione ludificari, si in negotio, in quo plurimum sit sudandum, facilitatem pollicere? Fides, & simplicitas philosophos, hoc est, morum magistros, præcipue decet.

decent. Ingrederere ergo ad plenius hujusce sententiæ rationem explicandam.

*FLO R.* Nihil est hic omnino fraudis aut imposturæ. Primum, quod ejusmodi ratione illius consulatur commodis, quem adjuvandum susceperis; qui propositam rerum difficultatem alioqui fortasse refugisset. Deinde, quod virtus ubi adaucta fuerit, ne vestigium quidem difficultatis relinquit in eis actionibus, quarum ipsa est auctor. Difficile est initio obsistere libidinibus, refrenare cupiditates, irarum ardores refrigerare; maxime si ab usu firmitudinis aliquid acceperint. Verum postquam ad tempus aliquod consueveris ejusmodi sapientiæ munëribus fungi, libens & sponte tua præstabis, quod ægre antea tibi, & non nisi invito extorqueri poterat. Hoc & Hesiodus in eo ipso affirmat loco, cujus tu nunc nuper principium citasti:

—ἐπὶν δ' εἰς ἄχρον ἵκηται,

Ῥηϊδίνδ' ἤπειτα πέλει χαλεπή περ ὄψα.

Hoc est.

— — Ubi in ipsa cacumina ventum est,

Jam facilis facta est via, qua fuit ardua dudum.

Hæc dum incipias (ut est apud Terentium) gravia sunt, dumque ignores: ubi cognovis, facilia. Postremo loco & illud expendendum est, etiam quæ est in principiis difficultatem mirabiliter imminui, si legitime, & unde oportet, occæperis. Si non in limine impingitur, facilis est rerum progressus. Tolle incitiam, tolle exitiosas de rerum pretio persuasiones, totius errationis fontem; & expeditus erit ad omnem excellentiam cursus. Jace fidelia virtutis fundamenta: hoc est, tanti unamquamque rem æstima, quanti ipsa æstimari debet ac mereatur, & non pluris; & tum quod reliquum est molis, videbis pene sponte sua consurgere. Nusquam vel justius vel verius quam hic, illud ejus ipsius, cujus proxime commemini, poetæ usurparis, ἀεχὴ ἡμῶν παντὶς: quod tantumdem est, ac si dicas,

Dimidium facti qui bene cœpit habet.

Cæterum quod ex Virgilio allatum est, solis iis, qui Diis geniti sunt, concessum, ut ab inferis redeant, (hoc

( hoc est, ut equidem intelligendum arbitror, ut corporum, & periturarum rerum amore posito, ad purum & stabile illud animorum decus assidue rapiantur ) sententiæ nostræ non admodum officit : eo quod nemo nostrum non sit ex Divorum genere. Siquidem Divus Paullus in Apostolorum historia, illud ex Arato profert hujusce rei testimonium, *τὸ γὰρ ὃ γένε' ἱερὸν*. Animus tamen sæpissime culpa sua, & propter corporis societatem degenerat : quapropter illi soli Diis geniti videri possunt, qui corpori quanti minimum indulgent. Postremus ille, quem ex sacris depromisti locus, ad majores res pertinet : & singularem esse virium nostrarum imbecillitatem in iis, quæ Christiana pietas exigit, præstandis demonstrat. Sed & hic quoque, nisi me falsum habent, quæcunque ad hanc sententiam confirmandam occurrunt, sudoris multo maxima pars posita est in ipso limine. Hanc tamen tollit divinus quidam afflatus : qui ubi contigerit, quanta protinus ( bone Deus ) existit animorum alacritas, etiam in summis doloribus perferendis. Hujus rei argumento sint Apostoli primi Christianæ pietatis conditores, atque alii, quorum mentes semel sacrosancta illa de Christo persuasio imbuerat : qui ( ut in nascentis religionis annalibus proditum est ) tum potissimum gaudere soliti sunt, & hoc nomine se maxime deputare felices, quum digni habiti essent, qui pro Christi Servatoris nomine contumeliis afficerentur.

*FRANC.* Est, ut ex sermone tuo colligo, quædam parandæ tranquillitatis ars, quamvis ea non ita multis sit explorata. Est & eadem sententia tua, multo quam vulgo existimetur facilior, si recte tradita sit, & idonea cautio in principio adhibeatur. Hastenus bene habet, & pulchre huc usque processisti, & nos sanè in magnam singularis cujusdam fructus spem erexisti, facta jam fide imminuendi laboris. Nam rerum est difficultas, quæ nostram alacritatem in virtutum stadio decurrendo retardat. Faxit Deus, ut cætera tam speciosis principiis respondeant. Nunc ipse ( ut quid querar in sinum tuum deponam ) quanquam id do operam, ut  
inter

inter hos curarum strepitus, in quos non tam de voluntate mea, quam eorum, quibus quicquam negare mihi fas non sit, sim coniectus, utcunque mihi constem: nullo tamen studio hactenus sic mentis angores, & tanquam vulnificos quosdam ictus declinare potui, quin, quamvis non consoliar, pungar tamen acriter interdum, & ab optato tranquillitatis portu, tanquam vento quodam reflante, prohibear. Quocirca illud te etiam atque etiam oro, ut expeditiorem istam portus huius contingendi rationem uos doceas: atque hoc existima a nobis afferri argumentum, in quo tractando occuperis. Quæ hucusque dicta sunt, perquam accommodatæ cujusdam prolusionis locum obtinere videntur. Quod si præstiteris quod quærimus (ut omnino præstiturum confidimus) præclare sane apud utrumque nostrum (ut etiam pro Demetrio, quem nondum in Jovis sinu positum arbitror, pollicear) te positurum, tibi persancte confirmo. Possesse autem te aliquid hac in parte, vel inde ut credam adducor, quod videam te in egregia ista fortunæ tenuitate perpetuo placidum, atque hilarem, & externum hunc rerum splendorem magno atque excelso animo despicientem. An istuc divinitus, & extra communem hominum morem acciperis, haud scio: hoc satis constat, rem tantam nemini fortuitu contingere. Naturæ item beneficio attribuire non ausim, cum temperatio tua (quod me diuturnus noster convictus, atque domesticus usus abunde docuit) acris sit in primis, & earum rerum, etiam quæ vulgo præclaræ habentur, percupida. Sed tu eam in ordinem cogis, atque velut freno quodam moderationis reprimis. Consequens ergo est, ut istam animi æquabilitatem arte ac industria sis consecutus.

*FLOR.* Ut verum est illud Ciceronis; *natura bonitatem doctrinam imitari*; ut distribute atque ex arte collegisti. Sed ad rem veniendum est. Quum eis præsiidiis, quæ argumenti dignitas postulat, tatis instructus, atque ad rem tantum idonee comparatus non sim (magna enim hic requiritur ingenii vis, magna multarum artium disciplina) essetis mihi in præsentia

vos



Vos ad illos relegandi scriptores, qui hanc ipsam rem ex professo & nominatim tractarunt: ad Senecam, inquam, & Plutarchum, imo & ad Ciceronem ipsum, qui hisce de rebus in Tusculano suo copiosissime disseruit. Verum quia fides semel data liberanda est, quod vultis efficere conabor, atque apud vos, si non eruditionis, certe studiosæ voluntatis qualecunque pignus deponam. Dolet mihi hoc, sed sero, me non tantum studii in bonis literis posuisse, ut possim quod petitis cumulate præstare. Sed cum ipse, quicumque tibi videar, Franciscæ, communibus hominum infirmitatibus plus satis hæud dubie sim obnoxius, atque me mei multo quam vellem sæpius poeniteat; me magistrum ad hanc rem sine summa arrogantia profiteri non possem. Itaque non quæ tibi via tenenda sit, sed quam, ut ad istam quam jamdudum es adeptus animi constantiam pervenires, cœlesti quodam ductu & ingenii felicitate adjutus tu tenueris, communiter tecum inquiram. Interea dabis veniam homini barbaro, hoc est, in aliâ lingvâ, atque aliis moribus, nempe inter ultimos Britannos nato atque educato, atque doctrina ista, quæ nobis transmarina est & adventitia, sero & leviter tincto, si in tanto argumento inscientius versetur: si cruda sit, & peregrinitatem redoleat dictio: & ut summatim dicam, in crimine mihi non pones; si in festinato opusculo apparebit (apparebit autem omnino) vel rerum vel sermonis egestas. Hæc eo mihi prædicenda sum arbitratus, quod, quamvis ingenii opinio nunquam sit studiose querenda, non tamen propterea est negligenda omnino.

*FRANC.* Modestix isti tuæ tandem aliquando modum impone Florenti, & bonis (quod ajunt) avibus orationis tuæ vela ventis quam primum expande. Ipse tuapte natura jejunitatis atque inanis orationis (ut semper observavi) osor es; & ipse ornatum non magnopere requiro, contentus eo sermone, qui apte & congruenter rem explanet: quapropter, fore spero, ut pulchre inter nos conveniat. Nec illud ignoro, tibi proprium hunc esse morem, ut plus præstes, quam pollicearis.

*F L O R.* *Tranquillum*, ut arbitror, Romani sermonis consuetudine dicitur mare (aut si quid aliud est, quod similiter agitari solet) cum tumidi illi fluctus, quos violentior aura concitavit, conquieverint. Ejus instar (ut tute principio recte animadvertisti) *animi tranquillitas est placida ipsius perturbationum tumultu vacans constantia*. Vel, si brevior placet definitio (in more enim positum est, & disputationis natura exigit, ut a definiendo principium sumatur) *est aquabilis & rationi consentaneus animi status*. Hujus definitionis vim vox Græca *εὐθυμία* significanter admodum exprimit. Existit ergo tranquillitas ex affectuum sedatione, tanquam ex causa effectrice. Ipse affectionum animi ordo quietus & constans, est ipsa tranquillitas, ex qua continuo perennes vulgoque ignotæ voluptates pullulant.

*F R A N C.* Apparet ergo perturbationum esse flatus, per quos non licet animo esse quieto.

*F L O R.* Est sane ut censes. Nam momentum omne in iis sedandis positum est: iis viribus atque opibus est omnibus repugnandum, si volumus hoc, quod datur, brevissimum vitæ spatium tranquille placideque traducere: sic, *ut neque ab ira* (ut Ciceronis verbis utar) *ignescat animus, neque inflammetur libidine, neque deliquescat voluptate*.

*F R A N C.* Operæ pretium igitur erit, in ipso institutæ disputationis vestibulo, priusquam in præcipuæ partis explicationem ingrediare, de Affectuum ingenio, atque discrimine disserere; & quas habeant sedes, unde veniant, quis eos denique Æolus immittat: quod commodum atque opportunum erit explicare.

*F L O R.* Faciendum est haud dubie ut dicis: sed quoniam quas proposuisti disputationes, potius ad naturalis philosophiæ genus, quam ad morale, in quo nobis verlandum est, pertinent; erunt illæ obiter duntaxat, & tanquam in transcurso attingendæ. Ergo, quo res omnis sit dilucidior, primum generatim quid sit Affectus explicabitur, unde item manet, & quod habeat domicilium. Mox, quot qualesque sint, & pro-

profligandine sint penitus, an duntaxat moderandi. Ad extremum, quæ sit moderandorum ratio, & quas ex ea re utilitates capiamus. Hæ partes ubi ut decet absolutæ fuerint, institutarum inter nos scholarum cursus non incommode (ni fallar) confectus erit. Principio illud intelligendum est, Boetium (virum, quod ad rerum cognitionem pertinet, longe doctissimum) ea quæ Græci *πάθη* vocant, *Passiones*, sed minus Latine dixisse. Nos cum Cicerone & Quintiliano *Perturbationes*, *Affectus*, aut *Affectiones* dicamus. Ut autem liquido constet quid sit Affectus, operæ pretium erit rerum partitionem ab ipso capite arcessere. Eorum igitur quæ extrinsecus & aliunde perfici apta sunt (cujusmodi sunt omnia, præter Deum ipsum) alia sunt cognitionis omnis prorsus expertia, ut elementa, & inanimatum omne ex his conflatum: his & stirpes addas licet, quæ quidem omnia naturali quadam pronitate, absque ullo rei congruentis sensu antecedente, ad ea quæ conveniunt feruntur. Naturalis hic appetitus nonnullis vocatur. Hujus vi saxa, & quæcunque pondus habent, sidunt, levia tolluntur in altum, planta item succum haurit ex humo; & in summa, res omnis illud, a quo perficiatur, requirit. Hic cogitatione potius quam re, ab eo cui inesse dicitur, est distinctus. Aliæ sunt res cognitione præditæ, & hæ quidem triplicis sunt generis: Quædam sensu duntaxat valent, cujus officium est circa res crassas & corpora duntaxat versari: idque fit absque collatione similitudinum, atque eo discursu, qui rerum ordinem aut nexum videat; quamobrem exiguis quibusdam finibus totum ejus munus est circumdatum. Ad hunc ordinem pertinent belluæ, quibus omnibus adest appetitus, qui *Animalis* dici potest, vulgus *Sensitivum* vocat, sed minus (ut credo) Romane. Est autem is facultas ea, qua animans id, quod jam per sensum exploratum est, persequitur aut refugit. Alia sunt intellectus præstantia atque puritate utque adeo instructa, ut nihil quicquam corporeum in eorum natura insit: quod genus res *νοητικές* *λογιστικές*, hoc est, *Essentias* (si tamen ita loquendum

dum est) *separatas*, imo & *Deos* philosophi interdum vocant; nobis *Mentes*, *Intelligentieque* dicuntur; & pro religionis consuetudine, quæ ad nos ex sacris defluxit, Græca voce *Angeli* vocantur. In iis inest simplicis cuiusdam naturæ appetitus, quem *Voluntatem* vocamus. Tertium cognoscentium genus est eorum, quæ a natura & sensus & rationis, seu intellectus dono sunt locupletata, cuiusmodi est solus Homo: qui quidem ut per sensum quod in corporibus crassum est percipit, sic rationis atque ingenii beneficio corporum rationes atque ordinem, quæcunque vel supra vel subter sunt, imo & res incorporeas, ac sub sensum minime cadentes, sagaciter peruestigat, atque aliquotusque assequitur. Huic, propter variam & multiformem naturam (est enim, ut recte a Platone animadversum est, *Homo minor quidam mundus, rerum omnium quæ in hoc maiore clauduntur particeps*) præter inclinationes illas ac pronitates, quas *Naturales* diximus, inter quas famem sitimque referas licet, adsunt altera illa duo appetitus genera, *Animalis*, inquam, qui sensus comes est, & *Rationalis*, quæ *Voluntatis* vocabulo est insignita. Hujus munus est, rationem quocunque ea ducat sequi, atque illi perpetuo obsecundare. Est autem inter posteriores has duas appetendi facultates (nam de naturali atque infima illa ulterius verba facere non attinet) non leve discrimen, tum in ipsis quæ expetuntur rebus, tum in ipso expetendi modo; quod tamen omne ab ea quæ antegreditur cognoscendi ratione varia & imparibus iudicii terminis dimanat. Nam ut sensibus corporum duntaxat agnitio, atque ea quidem crassa, concessa est: sic qui ex illo manat appetitus solius corporis commoditates constitatur, nec ultra se porrigere potest. Unde fit, ut omnis belluarum cura in persequendis corporum commodis atque suavitatibus sit posita. Intellectus contra non solum res sensiles agnoscit (nam semper superior in cognoscendo facultas complectitur omnem inferioris virtutem, cum auctario non levi) sed etiam sensibile prætervectus fines, & supra ultimas corporum ora;

oras volitans, ad res corporaturæ prorsus expertes, imo ad inaccessible illum rerum Principem, qui ipsa puritas atque divinitas est, quodammodo penetrat. Et hæ sunt res, circa quas excelsior illa appetendi facultas proprie se exercere debet: hæc illi constituta est arena; hic attributus campus, in quo exultet. Modus autem utriusque facultatis diversus est, ex eo quod animalis appetitus inconsiderato impetu, & exultatione necessaria ac libertatis experte, ad definitas cupiditates efferatur: voluntas vero, postquam ad rationem de re expetenda aut gerenda relatum est, libere se in quandam bonorum immensitatem effundit: quorum alia ad corpus, alia ad animum pertineant; alia sint præsentia, alia futura; & alia oculis, alia animo duntaxat cernantur. Est enim voluntas ipsa, quemadmodum & intellectus, cujus est comes, materiæ suæ ipsius natura exors. Materiæ vero peculiare (quod iis qui interioris doctrinæ studiis sunt versati satis liquet) hoc est, ut formarum amplitudinem ad particulares rationes & angustias qualdam adigat. Nam rerum apud nos numerus & partitio est ex mole dissecta: & materiæ divisionem sequitur distinctio rerum in eandem speciem convenientium, ut Aristoteles noster non uno in loco subindicat. Itaque quo facultas aliqua a materia longius abscedit, hoc liberior est, hoc porrectiorem habet ad excursus ambitum: ut nihil mirum sit, si homo, qui per rationem a materia suapte natura quam longissime remotam, rerum omnium capax est, in rem quamlibet, citra vel temporum vel locorum metas, studio atque voluntate feratur: nec ad ullam rem se necessario applicet, nisi tale aliquod sit propositum bonum, quod intra se manifeste illam bonorum infinitatem complectatur. Nam in huius generis bonum, quam *Felicitatem* vocant, repudii ratio non cadit. Et hoc sane non contemnendo argumento est, nos ad maiora, atque præstabiliora, quam in hac vita consequamur bona, imo ad immensum quiddam esse natos. Ab his distinctionum exordiis est acris illa & perpetua in homine inter sensum & rationem conflictatio,

tio. Sensus nos ad id quod adest præsens corporis bonum abripit: Ratio contra suadet, ut usque tueamur dignitatem nostram, servemus decorum, quod sensus videre non potuit; & ut ad immortalium rerum præstantiam nulla facta intermissione feramur. Aristoteles in suis de Anima commentariis tradit, hanc appetitum dimicationem in ea duntaxat animante reperiri, quæ temporis certum habeat iudicium, & quæ, quid inter instans & futurum intersit, internoscere queat. Hominem haud dubie vult intelligi, qui sæpe contra quam præsens corporis affectio suadet, propter speratas in posterum commoditates, præsentium rerum difficultates atque doloris contemnit. Sic morbis laborantium sanitatis spes alios amaras exhaustire potiones, alios sectiones & cauteria perferre, alios ferro membra crudeliter laceranda tolerare instituit. Atque utinam apud nos tantundem posset æternitatis recordatio, atque immortale illud animorum decus, quantum sæpe posse solent exiles hujus vitæ suavitates, non certo venturæ, atque ubi venerint certo & brevi perituræ. Cæterum belluæ (ut illo unde digressi sumus redeamus) ad præsentis doloris perpeffionem, venturæ alicuius commoditatis spe, nunquam excitari possunt, propterea quod nulla sit iisdem futurorum provisio. Extruunt quidem nidos aviculæ, canis odoratu feræ vestigia perlequitur, & penus condit *inopi* (ut poetæ verbis utar) *metuens formica senecta*: ac ne infinitatem persequar, sexcentas id genus astutias, & multiplicem tam in terrestrium quam aquatilium genere ejusmodi industriam deprehendas. Verum, ut philosophorum doctissimis placuisse video, fiunt hæc omnia, non ratiocinatione aliqua, aut consilii alicujus de futuro solliciti providentia, sed cæco quodam superioris impulsu atque instinctu naturæ. Appetitus tam exacte, quam nos jam fecimus, distinxisse priscis illis philosophis curæ non fuit: nobis tamen, qui non tam ratione quam religionis auctoritate adducti, animum a corpore dissociabilem, & separatæ cujuldæ esse naturæ certo nec immerito constituimus, secus facere non licet:

cet : ne, cum is corpore liber erit, suis videatur spoliatus facultatibus & instrumentis, atque adeo ad inertiam quandam & sepulturam, quam natura maxime in præstantibus rebus refugit, adactus. Nunc appetituum distinctione (quæ quidem necessario commemoranda fuit) absoluta, ad Affectus definitionem veniamus. Vox ipsa *Affectus*, etsi latius patet, tamen significatio, quam nos in præsentia tractandam suscepimus, aliud non est, quam appetitus humani ex rei alicujus jucundæ vel molestæ sensatione suscitata commotio. Etenim ut in visu, quod exempli causa dicitur, admoto colore, si non desit lux, exurgit ea vel actio vel affectio, quæ visio nominatur : sic eo, quod vel convenit vel disconvenit animanti, per sensum aut rationem proposito, protinus existunt in appetitu motus quidam adlubescentiæ, aut averfationis : hoc est, amores, iræ, gaudia, metus, ægritudines, reliquique sub hos subjecti, aut iis finitimi perturbationum greges. Usurpare cogor interdum voces fortasse apud principes illos Romani sermonis auctores non temere inventas : sed hoc facio, ut quam maxime significem quid velim, & rerum declaratio atque intelligentia sit facilior : quandoquidem illa effectus atque fructus est sermonis omnis, & ad quem tanquam ad scopum omnis tum dictio, tum scriptio jaculari debet : & a qua si aberres, etiam si ipsa sis facundia, infacundus es. Erit ergo operæ pretium interdum subtilitates cogitationum communibus verbis & usitatis explicare : quamquam, ut ingenue quod verum est fatear, licentiosum sermonem, maxime qui a forma Romanæ orationis valde aberrat, non existimem esse probandum. Sunt ergo in hominibus (ut illo unde abii me referam) duplices affectus : alii crassiores, homini cum belluis communes, quos animales dixi ; alii subtilioris cujusdam naturæ, qui proprie sunt ejus facultatis, quam voluntatem dicimus : qua parte est nobis proxima cum separatis illis mentibus cognatio.

*FRANC.* Duplex hic me habet scrupus, uterque quidem ex tuis verbis ortus : Prior est, ex eo quod amorem atque gaudium inter affectus (dum obiter quos-

quosdam recenses) retuleris. Hoc si verum est, cum affectus idem sit quod perturbatus quidam animi motus, qui fieri potest, ut in Deum, aut in eas, quæ secundum Deum primæ sunt dignitatis, mentes, amor aut gaudium cadere possit? Magnus est (ut a vobis, quos perpetua habet naturæ perscrutatio, accepi) eruditorum in eo consensus, atque inter philosophos omnes constare illud audio, principem illum motus auctorem necessarie prorsus, & ab omni parte immotum esse, adeoque & perturbationis omnis immunem. Gaudium autem aut amorem, si Deo aut reliquis cœlitibus detraxeris, atque eos hominum gratia & caritate teneri negaveris, non solum sacræ, sed & profanæ quoque literæ, si tamen ullæ profanæ sunt, te mandacii & coarguent & damnabunt. *Charior est enim illis* (ut profano cuidam poetæ, sed minime profane dictum est) *homo, quam sibi.* Unde nobis est vita ipsa, unde nobis sunt tot animi atque corporis insignes dotes, nisi Dei immortalis beneficio atque concessu?

*DE MET.* Quæ posset vel Deo, vel cuiquam esse vita, quæ nulla sit vel amoris vel gaudii suavitatem respersa?

*FRANC.* Alter hujusmodi est: Postquam voluntas præstantioris animæ, quippe ejus quæ rationalis dicitur, facultas est, qui fit, ut perpetuo tam turpiter succumbat, & in omni pene lucta ab appetitu illo animali vincatur? Apparet igitur, aut nullam esse, aut certe otiose adjectam, cum a suo sibi munere perpetuo ferietur, nec nobilem illam & præclaram suam vim expromat usquam. Quotusquisque est in hominibus, qui splendoras illas immortalitatis rationes persequatur; qui non vel totus sit in libidinum cœnum demersus, vel a ventosis laudibus in inanitates abreptus: qui non denique sic præsentis temporis commoda quærat; ut virtus, ut probitas, ut superi inania videantur vocabula, & quibus nulla prius solida subsit significatio, sed tantum philosophorum commentatione superævacua sint in hominum sermonem inducta?



**FLOR.** Vos abundantia quadam acuminis me obruitis, &, ut mihi quidem videtur, uterque alteri constituitis in me oppugnando esse subsidio. Danda ergo mihi terga forent, nisi nobis pueris degustata esset Dialectica, a qua non parum est adjumenti ad argumentationum difficultates tollendas. De Deo breviter sic habetote, nam me hic tanquam dilemmate quodam tenere vixi estis: Affectuum alios esse, qui illi non nisi *μεταπορική*, hoc est, per translationem quandam atque similitudinem tribuantur. Sic & irasci, & furere quoque dicitur: quod genus locutiones etiam in sacris admodum sunt frequentes. Nam cum ii in se deformitatem quandam contineant, proprie in illum convenire non possunt. Recte itaque illud a Theologis præceptum est, ut quoties quippiam apud nos inventum oratione nostra in Deum transfertur, si vox una secum deforme aut imperfectum aliquid afferat, cogitatione animi omnis deformitas amputetur atque detrahatur. Ira ergo, aut furor in illo non sunt turbidi motus, sed fedatissimæ justitiæ cogitationes, quibus ex pœnæ acerbitate iræ atque furoris nomina imponuntur. Alii sunt qui proprie in illum competunt: cuiusmodi sunt, quos proxime commemorasti, amor & gaudium, & quæcunque ejusmodi sunt voces, nihil secum indignitatis afferentes. Verum tanta est rerum omnium illius exuperantia, ut tam hi, quam superiores illi, quorum translatitiam esse rationem diximus, alienissimæ cujusdam sint a nostris; cum illi tribuuntur naturæ, atque ab omni eo quod mobile aut turbulentum est penitus segregatæ. Cætera extra Deum in se varium quiddam habent ac multiforme. Deus ipse simplex quædam est & uniusmodi res, nihil in illa rerum infinitate concretum habens, eoque Theologi voces Deo hominibusque communes, inter eas, quæ *εὐρύμα* dicuntur, hoc est, quæ diversæ sunt in significando rationis, reposuerunt. Nostri sermonis inopia non potest attingere ineffabilem illam Dei omnipotentis

majestatem : & tanto intervallo ab illa rerum excellentia abest hæc nostrarum rerum humilitas, ut nostra, si cum illo componantur, picturarum aut imaginum, vel verius umbrarum, quam rerum solidarum locum teneant. Quocirca præ illius gaudiis, atque eâ vitæ beatitudine, qua ille fruitur, quicquid est apud nos vel voluptatum vel lætitarum, mœroris atque doloris pene rationem accipit. Et, ut finitima illa de Angelis quæstio paucis absolvatur ( nobis enim propositum est, non mentium illarum ingenium aut mores excutere, sed animi nostri vitiis mederi ) observandum est illud, quod Peripateticæ factionis philosophi concorditer tradunt, motus rationem proprie non nisi corporibus convenire: proinde affectus tunc & non alias, motus rationem accipere, cum in ea insunt re, quæ ex animo corporeque constat. Inferiores ergo illæ mentes, etsi infinito intervallo a principis illius mentis puritate absunt, quia tamen corporaturæ prorsus sunt expertes, subtiliter & illæ atque citra ullam motus turbulentiam afficiuntur. In nobis vero utriusque affectus motus induunt rationem: sed alteri, hoc est, animales, id ex sua natura habent; voluntarii vero non item. Omnis enim affectio animalis, sensilem quandam corporis immutationem habet adjunctam: in gaudio sanguis & spiritus quidam alacres suaviter circa præcordia diffunduntur: in metu & ægritudine contra eorundem fit molesta contractio, quam & oris pallor comitari solet: in ira inest biliosus quidam fervor, & immodica sanguinis excalefactio; unde & vultus existit figura minax, atque oris torvitas: verecundantibus facies rubore perfunduntur: neque in cæteris est dispar ratio. Adde quod ipse appetitus animalis, unde hi motus proxime fluunt, consistere non potest, nisi corpori sit affixus. Voluntas vero, quemadmodum & intellectus, cujus ductu nititur, non sic est in corpus demersa, neque inter appetendum necessarie secum affert has corporum commotiones. Siquidem ut quisque est

est prudentissimus, atque animo maxime sedato, ita minime est ejusmodi turbulentiis obnoxius: ut cerne-  
re sit interdum quosdam, in quibus nullum, etiam dum  
ulciscuntur delinquentes, iræ appareat vestigium; &  
qui in magna rerum trepidatione de pristini vultus con-  
stantia nihil remittant. Verum quia plurimum, cum  
voluntas ipsa vehementius concitatur, nexu atque redun-  
dantia quadam prope naturali contingit & animalem  
appetitionem una cieri; etiam voluntatis affecti-  
ones non sunt prorsus motus & perturbationis expertes;  
quod si eadem rationis præscriptum fuerint prætergres-  
sæ, tunc & morbi vocantur. Rationem autem deferri  
inter appetendum fere usu venit, propter res eas, in quas  
fertur proprie animalis appetitus, hoc est, propter sua-  
vitates corporis, cujus facibus ad omne nefas inflam-  
mari solemus: ante enim dictum est, animalem ap-  
petitum ea quæ ad corpus pertinent quærere: quod  
dum facit, cupidius pro corpore contra rationem pu-  
gnans, sæpe etiam voluntatem ad fidem sceleratæ consen-  
sionis mirifica quadam societate abducit. Itaque cum  
affectus nostri non temere vacent motu, & motus non  
sit nisi in corpore, cujus contagione etiam animus im-  
pellitur ad turpia, non immerito Plato perturbationes  
morbosque animi omnes in corpus tanquam in fon-  
tem & originem confert: sic ut tum primum pertur-  
bari incipiat animus, quum in tam insolitum & pertur-  
batum immigrat domicilium; & tum demum, & non  
aliter, beatus futurus sit, cum relicto corpore cupidita-  
tum atque æmulationum erit expers. Hac ipsa de re  
insignis est ille apud Virgilium locus, qui ex Platonis  
officina totus est depromptus:

*Ignis est ollis (de animis loquitur) vigor & celestis  
Seminibus quantum non noxia corpora tardant, (origo  
Terrenique hebetant artus moribundaque membra,  
Hinc metuunt, cupiuntque, dolent, gaudentque, nec auras  
Respiciunt, clausæ tenebris & carcere cæco.*

Huc pertinet, quod Socrates jamjam cicutam devora-  
turus

turus iussit Phædoni, ut persoluto Æsculapio gallo, se voto liberaret: nimirum sensit, non longe abesse sanitatis beneficium, cum jam corpus, unde vitia scatent, relinquendum foret. Et profecto quadam naturæ acerbitate factum videri potest, ut nobilissimus hominis spiritus putri & infecto corporis trunco tam misere jaceat obstrictus. Eodem pertinere posse videtur & illud Divi Pauli, etsi longe divinius hic ratio subest: *Infelix ego homo, quis me liberabit de corpore mortui hujus?* Sed video me nimium diu in hujus loci tractatione habitavisse. Nunc veniendum est ad pudendam illam animalis appetitus victoriam, atque unde illius calamitatis ortus sit, explicandum est. Qui totus ex humana pendet sapientia, nec divinitus & ex oraculis est veritatem edoctus, ideo (ut opinor) accidere dicet, quod cognitio veritatis, & incorruptum de veris bonis iudicium, non nisi post longum tempus, & per plurimam mentis exercitationem eruatur. Hac enim una ratione apparantur animi lumina, quibus purgatissimis opus est, ut conspiciamus incredibilem illam pulchritudinem quæ in honesto inest: quæ nisi nos rapiat, ad falsam bonorum speciem necesse est delabamur. Jam vero nos, simul atque in lucem editi & suscepti sumus, corrupta excipit educatio, solius corporis suavitatibus adfuescimus: vulgi & ad vitia consentientis multitudinis exempla, & foecunda hæc culpæ secula nos corrumpunt, efficiuntque ut pecorum ritu sequamur antecedentem gregem; non quo eundum est, sed quo itur pergentes: falsissimis de iis, quæ expetenda fugiendaque sunt, protinus imbuimur opinionibus, sic ut errorem, quemadmodum ait Cicero, *cum ipso nutricis lacte suxisse videamur*. Sensim enim usque adeo a via deflexit, eoque deducta est consuetudo, ut omnes hominum cœtus, omnis hic orbis, quocunque eas, scelerum ludus & nequitiae quædam communis officina videatur. Quid hic facias, ubi prius improbitas callum duxit, quam quid probitas esset ratio potuit dijudicare? Itaque

que maturescentibus annis, quamvis ratio admonitionibus sapientum excitata paullum expurgiscatur, voluntas tamen, sensus imperata facere jamdudum adsueta, jugum difficulter excutit, & tardis admodum rudimentis ad nativum coalescit vigorem. Videmus ut medicata lana colorem alte imbibitum se salva exuere nequit: sic profecto contracta ab ineunte ætate vitia ægre curationem admittunt: nec facile est rationem in regno suo (in cujus possessionem jam olim sensus involarunt) e servitute assertam denuo collocare. Num *Æthiops* ut est in sacris, *mutare queat colorem suum*? Sic & vos recte facere qui potestis, quum male agere didiceritis? Hinc est, quod conspiciamus eos, qui ad rectorum consiliorum rationes se convertunt, mirifice in iniitiis laborare, quemadmodum & illi qui diu ægrotarunt, etiam dum sanari incipiunt, vacillant. Languet igitur in nobis illa voluntatis potentia, rationis vires sunt confopitæ, & vulgi prius oppressæ opinionibus, & vinculis depravatæ consuetudinis impeditæ, quam ratio ipsa somnum a quo cum primum in corpus ingrederetur est correpta, potuerit excutere. Adde quod hæc corporis bona, ex quorum appetentia omnis dignitatis nostræ ruina existit, præsentia & ad manum adsunt; animi vero bona vel futura sunt, vel alte reposita. Et cum ad hoc, ut aliquid expetatur, non parum intersit futurumne sit, an adsit præsens (languidius enim nos comparare solemus ad ea, quæ non ostenduntur, aut apparent præmia) desertis illis alte positis, aut futuris rebus, præsentia amplectimur. Consistentiæ enim perfectio adauget appetitionis rationem, hoc est, ipsam bonitatem. Sed hæc disputatio subtilioris cujusdam est curæ. Responsum hoc, et si physicæ explicationis plenum est, nec a veritate omnino alienum, tota tamen rei ratio non inde est. Aliam oportet esse mali hujus originem, cujus vis tanta est, ut mortalium nemo a generis ortu inventus sit, a quo pure sit officium cultum, aut qui quicquid humanitatis leges poscunt, præstiterit. Multæ  
fane

sane sunt res, eæque opinione præclariores, quæ ad honesti absolutionem concurrunt: neque ulla potuit unquam institutio, quamlibet studiosa, nec poterit, hoc homini largiri, ut non in intima natura resideant quædam perversitatis fibræ, unde perpetuæ cujusdam impuritatis pus profluit. Christiana igitur disciplina sola nobis qui essent hujus mali fontes, ostendit. Hac magistra intelligimus, principem illum nostri generis parentem, posthabita ea, quæ Deo omnium regi & domino debebatur, obedientia, cupiditatem quandam præsentem (quod nos facere intermittimus nunquam) scelarate secutum. Hujus autem temeritatis vis atque contagio tanta fuit (ne quis existimet leve Dei immortalis imperata parviscere) ut omnis ab eo ducta posteritas sit a primo illo vulnere saucia atque prostrata. Hinc sunt hæc naturæ nostræ toxica: hinc sunt caligines animi, per quas non licet Dei vel magnitudinem, vel bonitatem expendere: hinc est pietatis, obliuio atque neglectus: hinc est præposterus, imo impius nostri amor: hinc est virium nostrarum infirmitas & debilitatio: hinc est rationis error, hinc item est & languor voluntatis. Negare autem in nobis inesse has omnes defectiones atque imbecillitates, imo & impietatem, qua nihil est execrabilius, perpetuam, est negare Solis lucem. Deus enim ipse, hoc ipso quod Deus est, suo sibi jure illud vindicat, ut in eo amando atque colendo omnis pene nostra opera atque cogitatio ponatur. *Esse enim præstantem aliquam æternamque naturam, & eam suspiciendam admirandamque hominum generi, pulchritudo mundi, ordoque rerum celestium* (ut ait Cicero) *cogit confiteri.* Quod si per nos id præstare potuissemus, extitisset aliquando in tanto hominum numero, & tam longo seculorum decursu ejusmodi aliquis vir, qui ad hanc officii integritatem pervenisset. At cum nemo ejusmodi extiterit, citra peculiare numinis auxilium (quod facile Annales te docere poterunt) qui vitæ innocentiam cum vera pietate conjunxerit: omnino confitendum est, naturam ipsam

ipsam modo aliquo vitiatam esse & infirmam. Non tamen humano generi divina defuit bonitas, quæ per eum ipsum CHRISTUM, cujus beneficio morbus agnitus est, morbo ipsi medetur. Sed doctrina hæc non penitus invadit, nisi in illorum animos, qui omni sui fiducia abjecta, se totos ad cœleste convertunt auxilium. Hic mihi in mentem venit non inutilis illius narrationis de quodam, qui in profundum puteum ceciderat, qui ab alio quopiam casum miserante interrogatus, quomodo illuc decidisset, respondit; illud non referre: hoc potius agendum. qua ratione posset educi. Ita in præsentia nobis præcipue ad hoc enitendum est, ut, postquam nos sentimus fractos, atque usu ipso certo comperimus magnitudinem imbecillitatis nostræ, in eo quod potissimum præstare nos convenit, studeamus CHRISTI auxiliis niti, atque undique rationes conquirere, quibus nostri muneris integritas constare possit.

*FRANC.* Sic quas proposui quæstiones dissolvisti, ut in præsentia nihil amplius requiram: hocque gratior certe fuit rerum explicatio, & auditio jucundior, quod, quemadmodum pium hominem decet, in religionis laude desiveris. Sed illud, priusquam ad institutum redeas, dic, princeps ille nostri generis auctor Adamus, quomodo potuit tam turpiter ab officio recedere, cum nondum natura illius esset vitiata: ab illo enim naturæ vitium defluxisse ais.

*FLO R.* Sane non fuit ante lapsum ejus natura vitiata, ut nostra est: sed infirmum est omne quicquid est extra Deum, maxime si suo sit permissum ingenio: & ut aperte tibi, quod mihi quidem verissimum videtur, dicam: illa nascentis mundi & de Adamo historia, huc tendere videtur, ut intelligamus, etiam eas res, quæ præstantissimæ apparent, & quarum gratia aliæ conditæ sunt (ne quid nobis arroganter assumamus) in loco maxime lubrico consistere, & divinæ opis potissimum egere, & ad divinum auxilium assidue confugere debere. Dii enim esse cupimus, & nobis videmur, & tales

ex

existimari petimus. ( Quis est, qui non postulet se primum esse ubique, quod in singulari quadam divinitatis participatione positum est? ) & si cum rebus brutis comparemur, pene tales sumus: sed hæc ignorationes & lapsus nostri, qui clam nobis ( si vel paullulum oculos aperuerimus ) esse non possunt, fati declarant, nos frustra vel divinitatem, vel magnitudinem ullam veram, nisi in illo, qui solus vere magnus vereque Deus est, agnoscendo atque reverendo sperare.

FRANC. Istuc mihi & physice, & Christiane, hoc est, pie, dictum videtur. Sed ( ut idem, qui tibi aberrationis fui, sim & reditus auctor ) nunc illud declara, an præter res ipsas, & appetendi facultates a rebus ostensis permotas, sint aliæ affectuum causæ?

FLOR. Sunt sane, sed quæ eos augeant potius & confirment, quam efficiant. Est crasis, hoc est corporis temperatio, quæ elementorum qualitatibus potissimum nititur: est & consuetudo sive habitus homini ex consuetudine ingeneratus. Quid hac in parte polleat crasis, indicio est eorum, qui adusta bile redundant, in iram proclivitas singularis: sanguinis multa hilaritas ad lætities & amores impellit: pituita hebetudinem & tarditates parit: quibus plurimum est atræ bilis, suspicionibus & timoribus urgeri solent. Imo animi mores a corporis manare temperatura, edito etiam ea de re libello, Galenus auctor est. Accipiunt & affectus pro ætatis gradibus mutationem. Abeunte enim illo ætatis vigore, qui ἀκμή dicitur, & fracto intenso illo mediæ ætatis calore, senescunt ardores libidinum, & ut Horatius ait, *Lenit nbescent animos capillus*: crescunt tamen una cum annis pleræque aliæ sordidæ aviditates: sic ut nulla sit ætatis pars, sive adolescentia sit, sive juven-tæ flos, sive senium, hoc est, avi faeces, quæ non suis quibusdam sit irretita vitiis, & affectibus obnoxia. Huic sententiæ finitimum quiddam habet poeticum illud figmentum, tam ab Aristotele, quam Platone in scriptis relictum, quo quorundam hominum compositioni auri plu-



plurimum admistum esse traditur: alios vero esse, quorum massa ex argento potissimum constet: alios denique reperiri, qui ferro plumboque onerentur. Hujus allegoriz vis in hoc, ut arbitror, posita est, ut alii aliis in rebus a natura intelligantur esse habiles, & magnas esse ingeniorum dissimilitudines. Huic ambitiosa est & irrequieta indoles: huic sedata & facilis: hic est ex eo sanguine, in quem cadit sapientia, atque ad magnas res gerendas est idoneus: hic ad quandam rerum mediocritatem est aptus: hic ad opificia & functiones humiliores est ablegandus. Cicero statuit quosdam ita naturæ muneribus ornatos esse, *ut non nati, sed a Deo aliquo fidei videantur*. Et sunt illi ipsi,

— quibus arte benigna, (ut Juvenalis ait)

*Et meliore luto finxit præcordia Titan.*

Qui astrorum notionem profitentur, præter suam cuiusque ex elementorum confusione emergentem constitutionem, aliam quandam afferunt, quæ ab ipso siderum positu, eo ipso quo in lucem edimur momento, in corpora nostra defluat. Et cum cælum sit elementis potentius, inde iidem effici volunt, ut is, quem elementorum mistura avarum, mulierosum aut imbellem effecerat, ab horoscopo, hoc est, a natalitii sideris aspectu habeat, ut sit benignus, ut sit belli studiis deditus, ut se castum integrumque servet, & quam minima sit illi cum corporibus contagio. Non inficior equidem ad plerasque res astrorum valere positum, atque ea re in singulis vel minui vel augeri cupiditates. Verum hic nobis duo sunt constanter retinenda. Prius est, neque Crasim, neque astra vim animis nostris afferre posse, & eam quæ est in rerum delectu tollere libertatem. Quamvis enim corpus nos astrorum subiciat dominatui, & corporis temperatio propensiones acres nobis indiderit; ratio tamen *asserit nos manu* (ut Terentii verbis utar) *liberali causa*, ut non in naturalibus causis, sed in voluntate positum sit, ut ad hoc vel illud ipsa se applicet.

Alterum est, naturæ pravitatem piis & honestis studiis

diis potius, quam sideris cujusquam beneficio corrigi. Zopyrus Physiognomus (quod est apud Ciceronem) Socratem hominem stupidum, bardum & petulantis ingenii dixit: quod cum risu ab Alcibiade & aliis, quibus viri integritas & sapientia explorata erat, exciperetur; ipse Socrates, ad quem offensio pertinebat, Zopyrum humanitus sublevavit, ingenueque fassus est, se talem a natura factum, qualem dixerat Physiognomus; sed industria se alium evasisse, & vitiosam naturam a se edomitam atque compressam doctrina. Consuetudo (ut ad eam partem veniatur) vim quandam suam obtinet in ciendis affectibus. Hanc Aristoteles, ex Eveni cujusdam Poetæ sententia, *αλυσχρόνιον καὶ τελευτώσαν* hoc est, diutissime permanere solere, & tandem in naturam abire statuit. Etenim, ut ea quæ a natura insunt, funditus tolli atque extirpari non possunt: sic & illud depulso est difficile, quod a diuturno usu inolevit. Et, ut nihil est nobis negotii aut sudoris in visione, auditione, cæterisque id genus actionibus, quas naturæ vis profert: ita consuetudo in omni re gerenda, tum facilitatem, tum firmitatem præstat singularem. Siquidem ex consuetudine, hoc est, iteratione actionum ad aliquod prolixius tempus, existit ea qualitas, quam Græce *ἔξιν* nos habitum vocamus. Etenim, quemadmodum tangendis crebros ut oportet fidibus, aut ducendo penicillo, manus promptitudinem quandam accipit ad fidium vel pingendi scientiam pertinentem: sic & uterque hominis appetitus habilitatibus quibusdam ex ipsa assuetudine informatur, unde facile & expedite operatur. Quam ægre se in offensionibus reprimunt, quam sunt inexorabiles, quam facile item irritabiles, quibus nunquam fuit curæ ejusmodi furores compescere? Et contra, alios videas, qui quamvis ingenio sint iracundo, quia tamen soliti sunt sapientiæ præceptis seipsos frenare, nullo negotio aut dissimulent aut contemnant injurias. Nec aliter se res habet in amore cæterisque animi perturbationibus. Est ergo habitus,

bitus, si vitiosus fuerit, sceleris, si ad probitatem pertineat, virtutis tanquam quædam maturitas. Et quoniam ex habitu forma aliqua necessitatis in actionibus existit, summo adnitendum est fieri diu, ne turpitudini alicui adfuescamus. Ægrotus non potest pro arbitrio sibi sanitatem restituere; nec qui semel lapidem projecit, jactum revocare: quem sane ad modum, ut ait Aristoteles, *qui vitioso aliquo habitu imbutus est, non potest se ad bonam frugem recipere.* Non tamen propterea necessitas hæc vitio patrocinator: eo quod de principio homini integrum fuit, se ad probitatem vel improbitatem applicare: sicut lapidis erat jactus, prius quam e manu esset emissus: & morbus ipse culpa ejus contractus, qui legitimam & præscriptam a medico victus rationem neglexit. Hoc tamen, quod hic ab Aristotele de necessitate dictum est, per *ὑπερβολήν* intelligendum arbitror, & necessitatem difficultatem interpretor. Nullus sane est habitus humana partus industria, quem non pari ratione, si ad hoc totus incumbas, demoliri. Nemo tam alte in vitiorum cœnum est demersus, ut non possit emergere, atque ad bonam frugem se recipere: quandoquidem & naturæ malignitatem pertinax opera vincit. Affert quidem ut in corporibus, sic & in animis quoque inveteratio difficultatem: citius enim repentinus oculorum tumor, quam diuturna lippitudo sanatur: improbo tamen studio nihil hic non est expugnabile. Sub consuetudine continetur educatio, cujus quantum sit ad virtutem adipiscendam momentum, Laconicarum legum conditor Lycurgus, noto illo catulorum exemplo abunde declaravit. Duos is educaverat, quorum alter erat ex ignobili canum genere, quales sunt qui ad a diu aluntur custodiam; hunc ad venatum exercuit: alter generosus erat, quem domi passus est inter ollas otiosum & inertem desidere: utrumque spectante populo produxit in forum, in quo hinc spinæ positæ erant, illinc ollæ escis refertæ. Cumque emissis lepore, uterque canis ad assueta procurreret, Videtis, inquit Lycurgus, edu-

catione nobilem naturam degenerasse; et contra ignobilem effectam generosam. Quamobrem hoc vobis persuasissimum sit, etsi genus ab Hercule habetis, nili res ejus gestas assiduo studio imitemini, vos brevi turpiter per ignaviam degeneraturos. Itaque ex Platonis sententia statim ab infantia instituendi sunt ad virtutem omnes. Corrigit enim ingenii pravitatem educatio recta; & ingentiam malitiam si non stirpitus evellit, mirifice tamen eam retundit ac debilitat. Et quoniam, ut ait Horatius,

*Quo semel est imbuta recens servabit odorem*

*Testa diu:*

teneri illi, atque quocunque volueris ( ut arbuscularum rami ) flexiles anni accurandi sunt, ut supra dixi, diligentissime: & ad hoc instituendi sunt, prius quam se proferat lanugo, adolēcentes, ut animum inducant credere, Honestatem semper pluri quam vitam ipsam faciendam.

DEMETR. Accepi ego, Aristotelem vestrum juventutem a civilis atque totius morales disciplinæ studio abercere: tanquam parum idonei sint, qui in illud, ubi mores traduntur, admittantur auditorium. Quod sane non tam cum doctrina tua, quam cum ipsa veritate pugnare videtur.

FLO R. Aristoteles vir plane maximi atque acerrimi judicii, non censet negligendam eam ætatem; quin potius studiosissime, etiam ex Platonis sententia, in secundo eorum qui sunt ad Nicomachum libro, colendam statuit. Ejus verba sunt hæc, οὐ μικρόν ἐν διαφύσει τὸ ἔργον ἢ ἔργον εὐθύς ἐκ νεότητος ἐπιτελεῖσθαι, ἀλλὰ πάντοτε πολὺ μᾶλλον δὲ τὸ πᾶν. Hoc est: non parum imo plurimum interest, vel potius in eo omne momentum consistit, nos ab ipsis protinus incunabulis sic aut secus assue fieri. Quod autem in eorundem librorum limine statuit, Juvenes non esse idoneos morales scientiæ auditores, alio pertinet: nempe huc, ut intelligatur, illos propter rerum imperitiā non assequi rationem

nem præceptorum vitæ. Nam paullum admodum adhuc temporis illis in vita consumtum est. Efficat item affectuum impotentia, ut in ejus doctrinæ ludo non libenter versentur. Etenim, cum adhuc recens sit in illis natura, *in eo duntaxat* ( ut docte scribit Euftratus ) *occupata est, ut sit, non ut bene sit.* Quare omnes ejus ætatis cogitationes consuectantur solum eas res, quæ vitam hanc communem cum belluis stabiliant, perinde atque ingenii structus non adhuc, sed jam constituto corporis habitu sit sperandus. Itaque cum adhuc ( ut ita dicam ) semibelluæ sint, nihil mirum est, si præ libidinum furore, sapientum de instituenda recte vita præcepta contemnant. Et quoniam interea quidam callus malitiæ ducitur, post multum facessitur negotii præceptoribus, qui ægre vel consiliis, vel contumeliis, vel denique verberibus adhibitis, eos ad diversam studiorum rationem traducere possunt. Quapropter, quo illa ætas vehementius a salutaribus consiliis abhorret, hoc sunt vigilantius admonendi, & sollicitius adhortandi. Paullatim enim cura mitescent, & dicto audientes atque bene morati evadent. Plutarchus in libello de liberis educandis, quamprimum optimos magistros arcessendos censet, Platonemque adducit ventantem, ut ne nutrices frivolas aut turpes fabellas in puerorum aures instillent, quod inde aliqua animi corruptela in illo ineuntis ætatis pudore existere possit. Verbosior, fateor, in hac parte fui, sed non omnino ab re : propterea quod pene tota consequentis vitæ ratio ex educatione dependeat. Priusquam tamen hujusce rei mentionem definam, hoc addam : Me vehementer cupere, eam adesse industriam parentibus, ut eos liberis eligant præceptores, qui ea sint ingenij dexteritates, ut Laconis illius pædagogi more hoc præstare student, ut fidei suæ commissi pueri a teneris etiam unguiculis, & delectentur honestis, & offendantur turpibus. Tantum enim nobis natura suavitatis studium indidit, ut si aliquis ejus gustus accesserit, puerorum  
mentes

mentes multo facilius ad virtutem, atque ad omnem humanitatem fingantur. Hactenus de affectuum causis diximus: nunc eorundem sedes & nidi ostendendi sunt. Naturales appetitus per omne animantis corpus sparsi sunt: verum illi, qui ad animam, unde vivendi vigor est, peculiariter pertinent, certis in locis liquidius se proferunt. Fames enim & sitis tum existunt in ventriculo, quum hepar inde solitum alimenti pensum flagitat, quod mox in venas, & deinde in membra distribuitur. Libido naturalis etsi alibi se exerat, hepati tamen a plerisque tribuitur. Animales affectiones omnes in cor & *cerebrum*, hoc est, præcordia sunt conjectæ, propter manifestum illum, qui illic inter appetendum (ut supra commemoravimus) intervenit strepitum. Voluntatis motus sunt in animo rationali, nec certam aliquam corporis partem, quemadmodum nec Intellectus, aut Voluntas ipsa, unde proxime fluunt, sibi vindicant. Ne tamen nimium a vulgata sermonis consuetudine discedamus, possunt & ii in corde collocari. Sed hic observandum, quasdam esse actiones, quæ non proxime a voluntate manent, sed ab ea duntaxat imperentur: cuiusmodi est Incessus, aut Auditio, Cogitatio item. Hæ pertinent ad vires, vel organa unde proprie oriuntur. Pedibus enim incedimus, auribus audimus, per rationem meditamur. Aliæ sunt, quas ipsa ex se elicit: cuiusmodi est ipsum Velle, aut Nolle, quorum ipsa, ut nuperrime dictum, est sedes.

*FRANC.* Postquam & ipse animus corporis quædam forma est atque perfectio: quæ vel ratio, vel religio vetat corporis partes etiam a præstantissimis illis animæ viribus perfici? nisi fortasse dicere velis, animæ vires, hoc est, intellectum & voluntatem purioris & dignioris esse naturæ, quam sit ipsa anima. Cur non rationem tribuimus cerebro, & voluntatem cordi? Plane nec cor nec cerebrum habere videntur, qui concilium inanitates quasdam persequentes, vulgatam statuerendi consuetudinem reformidant.

FLOR.

**FLOR.** Acutis istis tuis quæstionibus pene efficis, ut credam te Patavii aut Bononiæ in florentissimis illis Italiæ Academiis in scholasticis concertationibus eruditum. Sed id agamus quod instituimus. Hic se nobis offerunt plurimæ res, quæ in disceptationem quæstionemque vocantur. Plato quicquid est præter animum, id omne extra hominis essentiam ( ut voce utar philosophica ) hoc est, veram ipsius naturam esse autumat: eumque corporis esse hospitem duntaxat statuit, atque inibi tenere locum, quem in navi navarchus obtinet. Aristoteles ex animo & corpore hominem componit: verum quoties de Intellectu aliquid statuendum est, timide dubitanterque incedit: & licet passim hoc est, mentem, aut intellectum magna veneratione dignetur; implicatæ tamen orationis forma, in qua plurimus ille esse solet, lectori non mediocres offundit tenebras. Quocirca necesse fuit novas Peripateticorum tandem aliquando profeminari familias, & crebra doctrinarum fieri divortia. Itaque ex recentioribus nonnulli tres in uno eodemque homine animas inesse statuerunt: quarum suprema, quæ rationalis dicitur, non sit proxima atque intima hominis forma, sed hospes, & perfectio quædam adjuncta atque exentilis. Ducas reliquas, hoc est, eam unde sensus venit, atque eam unde vivendi vigor est corporibus, formas esse statuunt in corpora altissime demersas, & cateroquin non superfuturas. Alii qui *Ἀριστοτελικόττοι* videntur, unam duntaxat animam singulis tribuunt hominibus, quæ tamen trium munere fungatur; hoc est, Vitam, Sensum & Intelligentiam homini præstet. Verum neque istis inter ipsos convenit, cum de plerisque aliis rebus, tum de hac, quod alii non re, sed cogitatione, aut paullo admodum grandiore discrimine intellectum atque voluntatem ab ipsa anima distinguunt. Alii animæ vires inter ea, quæ Græci *συμπεφυκόττ*, hoc est, accidentia numerant, & in qualitatum classem rejiciunt. Mire tamen iidem se torquent in eo explicando, ut res

materiae prorsus expertis propria queat esse corporis forma. Sed illud nos recordari atque expendere volunt, animam, non quatenus intelligit, sed quatenus sensum motumque suppeditat, corporis esse formam : eoque nihil mirum videri debere, si intellectus nulli definitæ corporis parti ( ut videndi facultas oculis, atque audiendi auribus ) sit tributus. Non autem esse absurdum, res molis expertes etiam in corpora imprimi, docent illæ exuvix atque species, quæ a corporibus ad sensus assidue defluunt : idemque non paullo liquidius constat in illis rerum imaginibus innumeris, quarum citra ullam loci occupationem, aut de sedibus contentionem, conditorium & thesaurus est ipsum cerebrum. Et quando huc ipso orationis cursu pervecti sumus, hanc ipsam ob causam non gravate fateamur, cerebrum esse ingenii sedem, & cor voluntatum. Sunt sane hæc multis involuta difficultatibus, & vix mihi hic impero, ingenii quadam ambitione invitatus, quin me diutius in hoc argumento volutem. Sed quia rerum tanta est obscuritas, ut non possit facile verbis illuminari, neque res ipsæ ab illis concisis & angustis disputationibus, quibus illigatæ tenentur, ad liberiores & popularem orationis formam, & velut ex vepribus in apertum campum evocari queunt, non invitatus eam tractationem prætermitto, quæ etiam, præterquam quod intempestiva est, plus ostentationis habet quam utilitatis. Hoc tamen non reticere visum est, triplex illud animarum genus se gradatim supra corpora attollere, atque eadem sensim velut exuere. Vegetatrix facultas in profundum demersa, paululum se profert auctibus quibusdam rerum atque defectu innotescens. Sensus mediocriter sunt erecti, & accipiendis subtilibus illis & corporaturæ expertibus rerum simulacris, incipiunt cum incorporeis rebus habere commercium. Intellectus ipse jam prorsus in æthera emeruisse videtur, & tanquam puncto tenus ( ut ita dicam ) subiectum corpus contingere. Sane imaginum usus in causa est, quo minus divinitatis cujusdam libertate



tate fruatur. Sed quid tandem refert, qua in parte agri nostri delitescant hæ populatrices feræ : ubiubi sunt extrudendæ sunt, aut certe a damnosa depastione compescendæ. Poterat sane totus hic locus, qui est de Affectuum sedibus, sine vitio prætermitti : nisi quod, ut jucundissima est ea naturæ tractatio, quæ morale quiddam interdum admistum habet, sic & mores dum traduntur, libenter interim naturæ loci aliquid concedunt. Iam prima totius institutæ disputationis pars est absoluta. Nunc ad secundam, hoc est, affectuum tum distinctionem, tum recensionem, tum qualitatem accedamus. Et ne infinitatem aut superfluas partitiones consecremur, eorum præcipui duntaxat brevibus quibusdam descriptionibus a nobis percurrentur. Distinctio generalis, quæ & supra attacta est ex Aristotelis sententia, sumi potest ex subjectis viribus, e quibus oriuntur, & in quibus conquiescunt. Nam alii sunt voluntatis, alii sunt animalis appetitus : hos Aristoteles duabus vocibus Iræ atque Concupiscentiæ complectitur omnes, illis dat ipsum voluntatis nomen. Alia est distinctio, quæ ex rebus objectis, circa quas versantur, accipienda. Et hoc perpetuum est Peripateticis, virium animæ atque facultatum discrimina ex officiis & proposita materiæ varietate derivare. Sic Gustus sensus est, qui sapes discerpit, ut Auditus sonos, & colores Visus. Affectuum ergo alij sunt, quibus in id quod est, vel apparet saltem, bonum ferimur. Alii sunt, quibus a malo resiliamus. Sed ad hanc confusam distributionem addenda est ea, quæ tum ab arduitate boni vel mali, tum a temporum differentiis proficiscitur. Hanc rem, quas jamjam subjiciam descriptiones melius explicabunt. Sit itaque *Amor* prima illa appetitus commotio, ex rei bonæ atque complacitiæ approbatione nata: *Desiderium* pars quædam amoris subjecta apparet : aut enim amor est, aut animi ad rem amatam, nondum tamen adeptam, adlubescientis, atque tanquam ad complexus se comparantis procursus. *Gaudium* videtur esse titillationis cujusdam

suavitas,

suavitas, ex rei adamatæ præsentia, vel certe in dubi-  
tata spe, quæ præsentia instar est, in animo nata. *Odi-  
um* est affectio amori contraria : cum animus post ingra-  
tæ rei aspectum frontem velut contrahit, atque corrui-  
gat. *Abhorritio*, atque *Fuga* ex odio existit, dum malum  
nondum inhærescens, sed impendens, sollicitè devita-  
mus. Et est hæc affectio contraria desiderio aut cupi-  
ditari. *Ægritudo*, seu *Tristitia*, est animi dejectio, at velut  
luctus quidam ex præsentemalo natus, & opponitur gau-  
dio, five lætitiæ. *Spes* est appetitio boni, præsertim ar-  
dui, quod aliquando affore sibi animus persuasit. *Despe-  
ratio* contra est, cum malum insuperabile videtur, aut bo-  
num adeo difficile adeptu, ut inde animi desponsio quæ-  
dam exoriat. *Timor* est animi contractio levior quam  
desperatio, cum malum impendens difficultatem præ-  
fert, & est tanquam quædam mentis præmolestia.  
*Fidentia* aut *Fiducia* est quædam animi firmitas, ex  
mali superandi opinione profecta. *Ira* est affectus mistus  
ex tristitia & ultionis studio, cui opponi potest animi le-  
nitas. Reliqui affectus omnes cadunt sub hos quos jam  
recensui, & pene singulis partes ejusdem generis plures  
sunt subjectæ. Verbi gratia : *Invidentia* sub tristitia col-  
locatur ; est enim mœror ex alterius rebus secundis ni-  
hil quicquam incommodantibus veniens. Et haud scio,  
an sit quicquam in homine ignobilius. *Misericordia* qui-  
dem & ipsa tristitia est, sed minime vituperabilis, ut quæ  
sit sapissime cum humanitate & studio opitulandi con-  
juncta. *Afflictatio* est ægritudo cum vexatione corporis.  
*Exanimatio* est sub metu. *Superbia* ad amorem pertinet:  
est enim ea immodicum propriæ excellentiæ studium ex  
ignoratione sui profectum. Finis non erit, si singilla-  
tim sint explicandi affectus. Cicero, qui multus est in  
hac parte, ex Stoicorum sententia quatuor facit præci-  
puos : ex opinato quidem bono præsentem *Lætitiam* : ex  
opinato bono futuro *Libidinem* : ex opinato malo præ-  
sentem *Ægritudinem* : ex opinato malo futuro *Merum*.  
Duo ex toto grege supersunt, qui sui cujusdam videntur  
esse

esse ordinis atque naturæ, *Dolor & Delectatio.* Reliqui pene omnes animum videntur propius attingere, ex eo quod una cum opinione atque cogitatione mentis & sumi & deponi possunt. Hi non nituntur opinionibus, quod ad eos pertineant sensus, qui omnium sunt crassissimi, hoc est, aurium, oculorum, tactionum, odorati-  
onum, saporum. Neque enim, ut sola mali opinio me-  
tum, vel boni spem affert, sic cruciatus opinio nuda  
dolorem arcessit, aut deponenda cruciatus opinione  
cruciatum ipsum sustuleris. Dedit enim nobis natura  
animos usque adeo corporum doloribus congruentes, ut  
in potestate nostra non sit, fodicante cruciatu, dissimu-  
latio, vel oblivio. Hujusce rei ratio in hoc posita est,  
quod quo propius ad mentis naturam accedit affectio,  
hoc aptior sit, ut rationis imperio corrigatur. Metus  
sane oritur ex cogitatione, ideo & cogitatione depelli  
potest: Dolor non ex cogitatione, sed ex tactus sensus  
infimi, & qui nulli non animanti inest, quique sæpe in  
eo invenitur in quo nulla sit cogitatio ( ut in tinea &  
vermiculis cernere licet ) offensione fit. Extra ergo a-  
nimi regnum paullatim abscedunt sensus, ut mirum non  
sit, non esse illius libertatem ubique parem. Est autem  
Delectatio aut Voluptas jucunda externi sensus affectio,  
ex convenientia temperamenti rei admotæ ad sensum  
ipsum orta. In Doloꝛe contra est, cum quod admotum  
est temperamenti modum egreditur: unde consequitur  
inensione offensio, & nonnunquam sensus, aut organi di-  
laceratio. Inest enim in crassius hisce sensibus, vel, ut  
verius dicamus, in eorum organis, quæ sensoria non-  
nulli vocant, modus quidam qualitatum earum, quæ  
ad organorum compositionem adhibentur; hoc est, ca-  
lidi, humidi, frigidi, sicci, & similibus, si quæ  
sunt, a natura ipsa præscriptus. Hunc modum  
atque contemperationem objectæ rei exuperantia cor-  
rumpere solet. Sic oculorum aciem Solis fulgor hebe-  
rat: sic illa Nili Catadupa accolis auditionis sensum ex-  
tinguunt: sic ignis fervor proxime admotus tactionem

demolitur. Verum in intellectu (ut ait Aristoteles) contra usu venit. Nam is a quamlibet præstantium rerum meditatione vegetior exurgit, neque unquam in suo munere delassatur. Et si qua contingit cogitationum debilitatio, hanc sensuum famulantium, quibus est corporaturæ aliquid, infirmitas efficit. Siquidem quo quodque a corpulentia longius abscesserit, hoc minus est illi periculi ab eis affectionibus, quæ corruptionem aut interitum afferunt, hoc propius ad vigoris infinitatem accedit. Ex quo manifeste consequitur, omnem libertatem atque dignitatem hominis esse ex animo: & contra servitutem atque abjectionem ex corpore. Sed deerrationi modus esto. Non clam me est, plerasque ex eis vocibus quas jam definivi, multiplicem & ancipitem admittere significationem: ex quo factum est, ut a Ciceronis definitionum formis etiam interdum de industria discrepemus. Voluntas vocatur quæ quid cum ratione desiderat: Libido est cupiditas effrænata contra rationem. Est Amor & motus ille appetitionis brevi abiens, qui proprie est affectus: est item & habitus in ipso amante ex multa appetitionum iteratione generatus: accipitur & interdum pro ipsa re adamata, ut quum Poetæ dictum est,

*Nymphæ noster amor Libethrides.* ———

Odium item nunc est brevis aversatio alicujus rei ingratae: nunc est inveterata ira: dici solet & odium is cui vehementer invidetur ab omnibus. Atque hoc modo sæpe idem vocabulum & affectui, & habitui, & rei circa quam habitus aut affectio versatur, est commune: quod genus loquendi formas passum apud omne scriptorum genus, & in omni sermonis consuetudine invenias, quarum ratio atque excusatio ex Grammaticorum atque Rhetorum schematis est petenda. Hucusque de numero dictum sit. Nunc nos affectuum qualitas ad se vocat. Stoici in ea sunt hæresi, ut affectus nihil aliud esse statuunt, nisi depravatas de rebus expetendis atque fugiendis opiniones. Quod si verum est, necessario con-

sequitur, omnes non quidem moderandos esse ( quis enim possit esse in ipsa ignoratione modus? ) sed funditus tollendos. Avaritiam ( ut est apud Ciceronem ) definiebant vehementem opinionem & penitus insitam, de pecunia, tanquam de re vehementer expetenda ; lætitiā, opinionem præsentis boni, in quo efferri rectum esse videatur: metum; opinionem impendentis mali, quod intolerabile appareat, & in quo contrahi consentaneum sit. Hanc sententiam conati sunt astruere Socratis & similium ejus exemplo, quibus mors terroris nihil, quod tamen vulgo solet, incussit; propterea quod mortem non sint opinati esse malum. Timor ergo mortis apud hos est opinio fallax, quæ mortem in malis numerat. Verum hoc instituto ( si ad verbum accipiatur ) nihil est absurdius, neque quicquam illarum argumentationum laqueis quibus id colligunt est fragilius. Etenim, ut alia facultas est intelligentiæ, alia voluntatis; ita aliud est nosse, aliud velle aut appetere. Opinio autem manifeste pertinet ad intellectum. Est enim intellectus assensio imbecillior. Et quis est tam cæcus, ut non videat, aliud esse nosse, aliud amare? Sed neque illud, quod de Socrate allatum est, plus habet dialectici acuminis. Non enim ex eo, quod illi volunt, sed contrarium, atque id quod nos sponere nostra confitemur, consequitur. Opinio enim statuens mortem esse malum, non est mortis timor, sed timoris origo atque causa. Et sane vitiosi affectus omnes ex depravatis manant opinionibus. Socrati adversus mortis terrores petus communitum fuit præceptis philosophiæ. Nihil ille in malis ducendum, aut magnopere extimescendum existimavit, præter unam turpitudinem: at mors turpitudine non est, sed dissolutio fragilis hujus commissuræ, quæ irrevocabili quodam naturæ decreto suo tempore provenit. Scivit idem bonos viros Deo curæ esse, & nihil mali illis accidere posse, eoque quicumque sunt sapientes viri, Socratis instar ad has fatales necessitates se hilares atque libentes accommodant. Jam quod de iisdem non circum-

circumcidendis aut amputandis, sed penitus extrahendis præcipiunt, non minus ridiculum est. Nihil enim tollendum est prorsus, præter id quod malum est. Affectus autem non per se malos esse, hoc argumento sit certissimo, quod illos nobis natura inseverit atque ingeneraverit (sunt enim & Plutarcho auctore *συμπεφυκεν ταῖς ψαῖσιν*) naturam autem mali auctorem quis nisi impudens dixerit? Sed quid hic opus est auctoribus? Nonne usus ipse nos abunde docet, eos vel invitis nobis erumpere solere: neque quemquam esse ea sapientia prædictum, ut non exorientes illos animi motus vel nolens perferat? Non inficior omnes turpificati animi foeditates in affectibus sitas esse: attamen multitudinem promiscue propter quosdam facinorosos damnare, & eodem crimine infantes cum fontibus involvere, crudele est & in primis iniquum. Nostra itaque ratio sic est: vocum alias esse quæ vel auditæ continuo turpitudinem indicant, ut stuprum, furtum, idque genus aliarum complures. Aliæ contra sunt, quæ officium præferant, ut pietas, moderatio, & reliquæ virtutum appellationes. Aliæ tandem mediæ sunt, & indifferentis significationis: hoc est, quæ pro materia, consilio, ac temporibus, nunc in laude, nunc in vitio ponantur: cuiusmodi sunt vigilia, sermo, incessus: contingit enim & recte & secus incedere, ac loqui. Brevior si placet explicatio; ægrotatio mala habetur, sanitas in magnis bonis ducitur, valetudo & bona dicitur & mala. Sic affectuum alii ipsa auditu sunt turpes, ut superbia, invidia; quibus, cum suapte natura modum non admittant, frustra modum (ut Aristoteles ait) adhibere coneris. Omnis enim, etiam minima, superbia in vitio est: neque quisquam apposite dixerit, honestam meretricem. Alii sunt quibus & ipsa appellatio gratiam conciliet, ut sunt, humanitas, lenitas, misericordia, caritas. Alii in utramvis partem sunt inclinabiles, cuiusmodi sunt generales hæ voces, amor, spes, gaudium, ira, timor. Quæ quidem affectiones nudæ, nondumque vestitæ temporibus, quas vulgus circumstantias

stantias vocat, neque bonæ neque malæ censentur. Et si probe accepi, hujus generis est officium medium apud Ciceronem, cui depositum reddere, ad officium commune pertinet, recte reddere, ad recte facta & perfectius officium. Mediæ ergo cum sint aliquæ, ut res & actiones, itidem & appetitiones, ferendi non sunt Stoici, qui promiscue affectus omnes in turpitudinis parte collocant. Multo igitur æquior atque humanior est Aristoteles noster, qui nos ad ejusmodi naturæ ignotas angustias non adigit, nec hic *στέρσις* hoc est, privationem, sed *μετριότητα* hoc est, mediocritatem retinendam præcipit. Tantum vero abest, ut hoc nomine de natura queri possimus, tanquam ea nobis res damnosæ indiderit, ut eodem auctore affectus utiliter adjecti sint, velut materia quædam, in qua tractanda atque fingenda vires suas ipsa animi virtus expromat. Quod si materiæ naturam parum tractabilem esse caussere, in mentem tibi veniat, ea ratione maxime incalescere artificis ingenium, & catulos etiam ferarum disciplina cicures fieri. Plurimæ sunt arbores, quæ absque cultura degenerent, nihil non acidum & agreste proferentes; eædem, si cultoris accedat industria, suavissimos fructus suppeditant. Quocirca & virtutibus aliquid auxilii esse ab affectibus, ab Aristotele Homeri testimonio confirmatur: dum *δύμωρ*, hoc est, iram cotem esse fortitudinis, & aculeum ad adeunda pericula ostendit. Exprobrant hic Stoici Peripateticis bellatricem iracundiam, & rabiosam quandam fortitudinem, qualem & vinolentia præstare solet: sed sane non acceperunt quod Peripatetici statuunt. Vinum quidem utile est, etiam ad res fortes gerendas, sed non vinolentia: & profecto alacrius exequimur quod ratio imperat, cum ea corporis impetu adjuvatur Cicero hic impensius Stoicis faver, & Peripateticorum (quibus tamen nihil uberius aut eruditius esse fatetur) tum rationem, tum orationem mollem & enervatam vocat, quæ perturbationum mediocritatem persuadere frustra conetur. Eoque ait, oratorem irasci

non

non debere, sed histrionum in scena more iratorum atque dolentium gestus atque voces imitari & simulare debere; & ad eum demum componi modum, quo ipse fuit, cum transactis rebus orationes irarum plenas sine ira scriberet. O levem gravis viri vocem! num veritas tam imbecilla est, vel potius fallax, ut ipsa imposturæ ac vanitatis patrocinio defendi postulet? Hic procul dubio Cicero calamo nonnihil indulgit. Siquidem idem, dum oratorem informat, ex Antonii sententia ostendit, non parum interesse ad causam obtinendam, atque ad iudicum permovendos animos, si ipse orator prius misericordia sit captus, quam iudicibus misericordiam commovere adnitatur. *Neque parum refert, (ut est apud Terentium) ex animo omnia, ut fert natura, facias, an de industria.* Fatetur & idem Cicero, Democrito atque Platone auctoribus, sine inflammatione animorum, & quodam afflatu quasi furoris, bonum poetam esse neminem. Non fuit ergo Ciceroni illa Stoicorum *ἀνδρεία* tam acriter propugnanda.

FRANC. Est mihi crebro exaudita ista vox, Græcam esse arbitror, ea quid sibi velit explica.

FLOR. Vacuitatem ab affectibus ea significat, & imperturbationem, si Romani sermonis usus toleraret. Imperturbatus enim Romane dicitur, Imperturbatio (ut ego quidem arbitror) non item. Eam propriam esse sapientis aiunt Stoici, qui nihil neque cupiat neque metuat. Ex desiderio enim atque metu necesse est oriri ægritudinem, quæ cum mentis quædam sit insanitas, in sapientem (ut illis videtur) cadere non possit. Eum demum sapientem esse statuunt, qui (ut poetarum verbis utar) *nec doluit miserans inopem, nec invidit habenti: quemque etiam, si fractus illabatur orbis, impavidum feriant ruine.*

FRANC. Hæc saxi aut stipitis, vel certe Dei cuiuspiam, non hominis esse apparent. CHRISTUS unus procul dubio omnis officii atque sanctitatis magister, vult nos more patris nostri, hoc est, Dei, rerum omni-  
um



mhium regis & domini, misericordes esse, atque reverentia tum adversus se, tum adversus homines uti.

**FLOR.** Quædam hic paullo altius repetenda sunt. Plotinus ex Platonis familia philosophus non ignobilis, quatuor constituit virtutum ordines. Primus est civilium, quarum officium est affectus moderatiore reddere. Alter est καθαριστικῶν hoc est, earum quæ purgatrices dicuntur, quarum munus est omnes cupiditatum flammæ prorsus extinguere. Tertium genus est animorum usque adeo purgatorum, ut ne memoria quidem cupiditatum supersit. Postremæ dicuntur exemplar quoddam divinitatis exhibere, & individua cum Deo præstare conjunctionem. Magnifica sane est hæc oratio, & satis consentanea iis, quæ a Paulo nostro de futuræ vitæ conditione ac dignitate differuntur: qui forte ait, ut animale hoc corpus aliquando sit ἀνθρωποτικόν, hoc est, subtilioris atque diviniorei cuiusdam naturæ. Apparet hunc Plotinum aut Christianæ doctrinæ codices evolvisse, aut certe a religionis antistitibus multa didicisse: neque temporum ratio repugnat, ut qui Galieni, Claudii, Taciti & Probi temporibus floruerit. Vir fuit singulari continentia, adeoque, Porphyrio ejus auditore teste, quæcunque ad corpus pertinerent est avversatus: adeo hujus vitæ illum pudit, ut nunquam æquo animo sit passus exaudire parentes aut patriam se in terris habere; quippe qui se totum ad animorum dignitatem converterat. Inerat sane in ejusmodi instituto raræ cuiusdam excellentiæ species, sed quæ, me iudice, multum habuerit delirii admistum. Postquam enim ita divinæ providentiæ ordo sanxit, ut animus hic noster aliquandiu in hoc corpore vel exulet, vel habitet; nostrum est, ubique a quæmimitatem præstare, toleranterque ferre quæ præsentis vitæ conditio affert, ne munus humanum assignatum a Deo defugisse videamur. Quocunque nos ille mittat, ubicunque collocet, nihil est mussandum: imo ingentes illi semper non solum pro prosperis & ad votum fluentibus, sed etiam

pro adversis gratiæ sunt agenda. Etenim ille pro sua immensa tum sapientia, tum bonitate, rebus nostris longe melius prospicit, quam ipsi vel cogitare vel expectare possimus. Sapientius igitur multo fecit ille nostra, hoc est, veræ pietatis signifer Paulus, qui quamvis ad Christum abeundi desiderio vehementissime flagraret, neque illius spes ullam habitationem in se clauderent; tamen præ humanæ salutis atque propagandæ religionis studio dubius animi fuit, essetne hic in terris libi diutius commorandum, an abeundum extemplo ad Christum, *καὶ τί ἀλεήτωμαι ἐν γὰρ ἔμῃ*, inquit, hoc est, *utrum eligendum sit, non possum satis constituere*. Sed jam aberans ad suum callem est oratio revocanda. Hominem ab animā ( ut satis constat iis, qui vel primis philosophiæ rudimentis imbuti sunt ) ne cogitatione quidem distraxeris. ( Sciunt enim & pueri, hominem esse *ὅν λογικόν* ) ex animalī autem natura necessario suppullulant affectus. Quamobrem tres posteriores illius Plotiniciæ distinctionis ordines hujus vitæ non sunt. Neque ipsi Stoici negare possunt visiones & subitaneos formidabilium rerum occurfus nonnihil concutere etiam sapientem. Non enim ex silice nati sumus, &, ut ait Pindarus, *ἐν γὰρ δαίμονιός ποσεις ὀδυσσεὺς καὶ παῖδες θεῶν*; quod est, *in panicis terroribus fugiunt & divotum filii*. *ἀδύνατον* ergo est, ut inquit Plutarchus, *τὸ ἀπεθεῖν ἐπὶ ἀνθρώποις*. Non est inficiandum tamen, extitisse aliquot heroas, qui vel divinitus adjuvi, vel rara quadam naturæ felicitate præditi, etiam primos illos concitati animi motus ( quod ad secundum supra allatæ distinctionis ordinem quidam pertinere volunt ) multo tardiores reddiderint. Ad Heroicam hoc arbitror pertinere virtutem, cui & Aristoteles immanitatem vel feritatem contrariam facit: medium idem locum dat virtutibus humanis. Supergreditur ergo aliquando homo commūnes humanæ facultatis metas, dum mirifice studet eam excolere partem, qua nobis est cum superis cognatio. Attamen ex ejusmodi

ha-

hominum prerogativa & laude singulari, non sequitur vituperatio eorum qui moderate civiliterque vivunt. Etenim naturæ ingenium exuere, hoc est, primos animorum præstare impetus, & ne commotiunculas quidem ulla sentire, divinæ cuiusdam facultatis res est. Sed cum jam satis superque Peripateticorum disputationibus explosa atque profligata sit hæc Stoicorum *audacia*, supervacaneum erit contra hanc diutius pugnare.

**FRANC.** Si vera sunt ista, non est (ut apparet) quod speremus animi tranquillitatem.

**FLOR.** Quamobrem?

**FRANC.** Tranquillitas mentis quædam est quies: ex quietis autem ratione potius esse videtur, prorsus non commoveri, quam aliquouquam commoveri. Adde, quod ægritudo, metus, & reliqui affectus, morbi mentis esse dicuntur: & ut morbi non sint, certe mens tranquilla non est, quæ in metu aut mœrore est. Si mihi das, affectus morbos esse (quod vel gallus *Æsculapio* a *Socrate* persolvi iussus ostendit) quis non videt, vel levissimum morbum accurate depellendum: & multo satius esse, omnino non ægrotare, quam leviter & ad præscriptum aliquem terminum ægrotare? Quæcunque enim crescentia perniciofa sunt, eadem sunt & vitiosa nascentia. Ægritudo ergo, cæteræque perturbationes, cum amplificate pestiferae sint, etiam susceptæ continuo in pestis parte versantur. Neque unquam is sanus dicendus erit, qui vel leviter ægrotat: dicitur enim ira insanix initium. Ergo qui irascitur, insanitatis aliquid habet. Hic tibi vigilandum est, ne susceptam Peripateticorum causam deferas vel amittas, intelligis tibi cum valentissimis philosophis, hoc est, Stoicis, esse luctationem.

**FLOR.** Attigisti tu quidem breviter pene quicquid pro Stoicis dici potest. Verum præcipua propositio, qua totius pene argumentationis ductus nititur, veritate subnixæ non est. Sic enim eorum incedit argumentatio, tanquam confessum sit, affectus omnes,

morbos, hoc est, vitia esse. Ita enim si haberet se res,  
 esset illis victoria in manu. Quocirca ut res omnis sit  
 dilucidior, quædam altius paullo sunt repetenda. Hoc  
 itaque in primis nobis constituendum est, Vitii aut vir-  
 tutis rationem non cadere nisi in actiones humanas.  
 Actio autem humana censeretur ea nequit, ubi nullum  
 potuit rationis (quæ homini propria est) officium in-  
 tervenire. Nunc illud assumendum est, cum esse in  
 appetitionibus ordinem a natura inductum, ut prius  
 res in sensum, quam in rationem incurrant. Ex eo  
 autem incurfu statim excitatur animalis appetitus: &  
 quamvis mens ipsa natura sua sit velocissima, propter  
 tamen imaginum, quæ in sensibus insunt, conforma-  
 tionem, sine qua iudicium a ratione reddi non potest,  
 moræ aliquid omnino interponitur, priusquam quid  
 facto opus sit, mens constituere possit. Offert se oculis  
 (ut res exemplo colliquefeat) blanda aliqua species,  
 quæ tamen nisi cum dedecore appeti non potest, ea ad  
 se pellicit: inimicus a quo insigniter læsus sis occurrit,  
 statim sequitur sanguinis quædam commotio: verum  
 nec hæc commotio, nec celer ille animi ad rem blan-  
 dam appulsus, ante natus quam deliberationi locus  
 esset, humana, hoc est, voluntaria actio esse dicetur:  
 cum nihil, ut jam dictum est, voluntarium sit censen-  
 dum, de quo ratio ante cognoscere nequivit. Sed fa-  
 ciamus esse rationi spatium se colligendi, atque dijudi-  
 candi otium, adhuc tamen nec voluntatis, nec anima-  
 lis facultatis appetitiones vitii rationem accipient, nisi  
 adsit rationis aspernatio. Rationem autem affectus di-  
 cuntur aspernari, vel cum ad res turpes se accomodant,  
 vel cum negliguntur tempora, vel cum animi consili-  
 um sine aliquo inhonesto proposito est corruptum. Si  
 propter amorem puellam ad stuprum sollicitas, amor  
 turpis est: si amicum aut sodalem beneficio afficis, ut  
 tibi sit socius vel adiutor in aliquo scelere, amicitia  
 abuteris: si propter metum enuntias commissum, aut  
 in generoso incepto conscios, vel officium quodcun-  
 que

que prodīs, etiam ut capite pericliteris, metus in vitio est. Et contra, affectus si ad res honestas observatis temporibus se applicant, quantumlibet intenti etiam sensiles illi cordis motus sint, in laude ponentur.

*FRANC.* Si intensiorem affectuum in rebus honestis recipis, fieri posse videtur, ut metus magnitudine oblivio quædam adducatur officii, & cæco quodam velut impetu raptatus, rationis terminos vel invitus vel insciens prætervehare.

*FLOR.* Et hæc Stoicorum est objectio, quam Plutarchus exemplo diluit: hoc perinde esse dicens, ac si quis cursum vituperaret, quia posset intervenire lapsus; ac jactum, quia contingat ultra scopum jaculari. Voluerunt quidem Stoici nos, cum iræ aut cuiusque perturbationi indulgemus, non amplius esse spontis nostræ. Num lapis (inquiunt) ubi semel projectus est, potest revocari? aut ubi quis se ex edito loco precipitem dedit, se cum velit sustinere? Sed non sunt satis aptæ huiusmodi similitudines. Feruntur gravia natura sua deorsum, neque rationis aut voluntatis imperium exaudire nata sunt: motus vero omnes cordis nostri & in nobis insunt, & ex opinionibus nostris manant. Et quoniam integrum est rationi, opinionum pravitatem cum volet corrigere, semper sub rationis ditionem cadunt affectus. Atque, ut qui equo insidet currenti, freni adductione cursum inhibere potest: sic perturbationum impetum semper poterit ratio ipsa comprimere. Non me præterit, supra cum de habitus viribus mentio fieret, illud de lapidis (postquam semel e manu emissus esset) jactu necessario, etiam ex Aristotelis sententia allatum esse: verum quomodo illa necessitas temperanda sit, eo ipso in loco est demonstratum; & infra, cum res postulabit, finitimum quidam tractabitur. Ergo ut tota hæc ratiocinatio concludatur, soli illi affectus, qui turpes sunt, in morbis sunt numerandi: quod iis solis violetur illa mentis integritas, quæ in hoc posita est, ut nihil nisi quod honestum est,

est, saltem consulto & cogitato, vel geramus vel appetamus. Quocirca si turpitudine abest, semper pacati esse intelliguntur animorum motus. Porro autem tranquillitati non officere leniores flatus, satis nos docet hic suaviter inter has quæ nos tegunt frondes spirans Pavonius, qui lucis hujus jucunditatem non imminuit quidem, sed, ut videtis, exauget. Elysi illi campi, quos Homerus, ingeniorum fons habitus, beatitudinis voluit esse domicilium, non norunt nivem, aut hiemem, aut imbres, ἀλλὰ δὲ ζέφυροιο λυγρὰνείοιρας ἀντὰς hoc est, *Sed semper Zephyri spirantes molliter aura.*

FRANC. Ego quidem manibus pedibusque, quod alunt, in sententiam tuam eo: verum (ut credere convenit) non de nihilo est, quod tot præstantes viri deinceps rem supra hominum captum tam studiose nobis commendarint. Neque enim credibile est eos fugisse, quanta esset humanarum virium infirmitas. Quid hic causæ fuisse putas?

FLOR. Nulla unquam extitit philosophorum factio, ejus doctrinæ non fuerit suis quibusdam tanquam maculis respersa, imo & gravium quorundam errorum denigrata laphionibus. Pythagorici suam habent μετεμ-  
βόλησιν: Platonici Ideas, numerorum compositionem, & monstrosas Reipub. formas: Peripatetici infinitam seculorum aternitatem, & vacillantes de animorum duratione sententias: Academici in contrarias partes de omni re disputant, ridicule etiam a manifeste veris assensionem abstinentes, ἀσεντικὸι idcirco dicti. Nec ego nunc de his loquor philosophis, quorum dogmata cum natura aut virtutis dignitate pugnant, cujusmodi fuerunt ex voluptariis illis philosophis nonnulli: sed de his, qui præcipue sunt apud omnes dignationis. Nihil ergo mirum videri debet, si & Stoici, sanctum sane philosophorum genus, suas habeant doctrinæ absurditates. Sed cum complures insignes viri ex ea familia extiterint, in quibus sunt Zeno, Cleantes, Cato  
Uticen.

Uticensis, Epictetus, & gravissimus ille morum magister Seneca: insignium autem virorum errores & lapsus semper sint cum aliqua honoris ac reverentiae significatione refellendi, imo ubi pietatis non interest id aliter fieri, excusatione aliqua liberali elevandi; quid eos in eam sententiam adduxerit, breviter (ut mihi quidem videtur) aperiam, & eum me in presentia esse facio, cui illi causam suam agendam vel ludo permittant.

*FRANC.* Rem & nobis gratam, & ingenio atque consuetudine tua dignam facies.

*FLOR.* Mediocritas ista, quæ a Peripateticis in perturbationibus præcipitur, signum est ad quod perpetuo est collinandum, & scopus ad quem omnis morum disciplina studia sua dirigit: nam in eo attingendo virtutis perfectio consistit. Verum quum medium illud punctum inter duo extrema, hoc est, inter plus & minus positum, indivisum sit, atque ex accurata rerum circumstantiarum expensione estimandum, aberrat (ut quæ ultra, citraque late pateat) facilis est, scopi vero attactus difficilis: non secus acini iis videmus, qui sagittas dirigunt, aut jacula ad signum aliquod contorquent. Abiectis armis mortis metu signa deferere in proclivi est. Multi sunt, qui rabiosa feritate in nihil commeritos incurrant, sed animo præsciti, ubi, quantum, & quando ratio postulat (quod ad fortitudinis laudem pertinet) pauci sunt qui utantur. Præter vero communem hanc difficultatem, ex indivisa mediæ puncti ratione magna ex parte ortam, accedit alia, ex eo quod nemo nostrum non sit in alterutram partem pro ingenii qualitate propensior. Quamobrem si eodem voluntas tendit, quo naturæ fert impetus, facile (quod aiunt) ~~sed ita exasperata transibit~~; hoc est, ultra se prætransilimus: jam enim inclinatis adventitia vis incumbit. Sic iracundus, quum non ira sibi interdictum, sed nimietate ejusdem intellexerit, ingenio fretus, ultra punctum medium, hoc est, rationis metas effertur, & pro vir-

virtute vitium amplexatur. Quod si quis ita esset a natura factus, ut quoties inambulare instituisset, ad cursus raperetur celeritatem, huic haud dubie perpetuo testudineus quidam gradus esset conandus. Profuerit igitur non mediocriter ei, qui iracundo se esse sentit ingenio, cum laceffitur injuriis, stupiditatem aut lentitudinem conari: ei, qui in amores est proclivior, non modo formarum vitare aspectus, sed etiam se in formarum odium adducere tentare: ei, qui liguritionibus, temulentis & cupediis est deditus, se fame atque siti interdum excruciare. His rationibus fiet, ut dum ratio a complacitis rebus prorsus avocat, & affectus alio nos vehit (nam affectus aliquid interea lucrificat) medium a ratione propositum assequamur. Est & hæc disciplina Aristotelis, qui in cupiditatibus moderandis nos idem facere vult, quod illi, qui (ut illius verbis utar) τὰ διασραμμένα τὴν εὐλιν ὀρθῶντες ποιεῖσιν. Hi enim ligna incurva in contrariam partem deflectunt, ut tandem in medio, unde figuræ æquabilitas est, cum id ab extremis non extumescit, consultatur. Plus enim nimio semper nos ad enervatas, & eas quæ affectibus nostris blandiuntur sententias nos dociles præbemus, & multo facillime in hac parte, quæ cum natura nostra conspirat, peccamus. Sed quorsum hæc? aies. Audite: Hoc mihi & Stoici dabunt, affectus quo vehementiores fuerint, hoc periculosiores esse, & quo turpiores fuerint, hoc sollicitius tollendos. Illud rursus satis constat, flagrantiores in nobis esse eas, quas affert temperatio, & nos in illis dirigendis potissimum delinquere solere. His jam addamus id, quod ab Aristotele de deflexione ad alterum extremum est consultum: aliis verbis, sed pari pene sensu, a Stoicis præcipi, dum perturbationes has prorsus exterminatas volunt. Natura tibi indidit perpetuam cursus celeritatem, quæ tamen sit refrenanda; Aristoteles vult, ut tarde incedas: Stoici volunt te quiescere, ut acerbitate quadam præceptionis atgeatur in præcavendis vitiis industria. Verum hanc excu-

sati



sationem fortasse non omnes accipient, quamobrem aliam afferam, quam fortasse Stoici ipsi non repudiarent: sed eget illa subtilioris atque longioris explicationis.

FRANC. Nos ejusmodi de rebus percipide, ut vides, audimus. Tuum erit, pro ingenii dexteritate perficere, ut ne rebus vel obscuris lux, vel prolixis compendium desit.

FLOR. Faciam equidem, non quantum vos petitis, id enim majoris est cujusdam facultatis, sed quoad ipse possum, & temporis ratio finit, vel quod in buccam venit effusiens. Nam si occasio sineret, ut studiosius in causam incumbam, & qualiscunque industriæ vires in rem intendam, satisfacerem vobis plenius. Igitur, ut ad rem aggrediamur, sic statuo: Si quod Stoici de ponendis omnino affectibus præcipiunt, de animalibus illis perturbationibus accipiatur, plus habet illorum causa æquitatis quam vulgo existimetur. Et profecto dum ipse mecum rem totam reputo, perpauculis me sentio passibus in eorum academiam deductum. Subest autem hic ratio duplex, quarum tamen utraque *aurisem* ipsius potius, quam *populari statere* (ut Ciceronis verbis utar) sit *examinanda*. Prior in hoc posita est, quod quominus affuerit ejusmodi perturbationum, hoc minus in ipso rerum delectu erroris soleat intervenire. Altera hujusmodi est, tum majorem esse officii & puritatem & laudem, cum abest in officio præstando ille commoti corporis impetus.

Hæc ut dilucidiora faciamus, mutuanda sunt nobis quædam ex instructissima illa Peripateticorum officina. Neque vos habeat admiratio ulla, si me videtis frequentem in citando Aristotele. Non nego illum interdum lubricum & obscurum, interdum redundantem, interdum vanum denique deprehendi: sed certe acumine atque methodo in excutiendis subtiliter rerum naturis, longe omnibus qui hætenus vel in Græca vel in Romana lingua sunt exorti, (nescio quid habeat ultima Indorum barbaria) præstitit. Huic, in de Anima

commentariis, & in eis libris, qui principem philosophiæ partem, quam ille τὰ μετὰ φυσικά vocat, tractant, ὅς τις πᾶς ὁρῶς ἐστίν: ὁρῶς δὲ καὶ φαντασία, καὶ ὁρῶν καὶ καὶ ὁρῶν: hoc est, Intellectum ubique rectus est: appetitionem vero & Imaginationem contingit & rectam esse & secus. Quæ facie verba (ut Themistius & Joannes Grammaticus celeberrimi ejusdem interpretes enarrant) huc tendunt, ut intelligamus, intelligendi vim suapte natura erroris non esse affinem: adeoque quicquid uspiam ab homine delinquitur, corpori ac sensibus, quibus intellectus alligatus est, assignandum esse. Siquidem assidue suffitum quendam noxium & tenebricosum ad mentem usque exhalat corpus, cujus interventu livescit plurimum ingenii fulgor, & judicii acies hebetatur. Sed hic intelligendum est, hanc perturbationum vehementiam interdum consequi solere mentis deliberationes: quod dum fit, hominem duntaxat in pristina sententia, siue ea studiosa, siue prava fuerit, confirmant affectus: itaque ab hac parte minus est periculi. Eadem interdum antecedit consilium, & tum dupliciter animo noceri contingit: hoc est, tam in ipso judicationis initio, quam progressu. In initio quidem, quia semel excitati hi motus animantis corpus varie afficiunt, animanti vero aliter affectæ alia conveniunt. Nam nunc flagrante canicula umbram quærimus, frigidis potionibus indulgemus, qui dum sol in brumali fertur signo focum accendimus copiosum, parcius, quod sitis absit, bibentes. Et cum plurimum ex præsentē corporis affectione, ratio, dum commoditates vitæ quærit, bonam judicii partem mutuetur, fit ut ea pene semper amplectamur, ad quæ nos propellit ipsa corporis affectio. Juvenī tibi (verbi gratia) se offert insignis aliqua forma, vel jam rem attentius curanti aurum, aut amœnus atque fructuosus ager: hic protinus pro temperationis modo celerius, aut tardius sæpe, vel ex sola ea vi, quæ φαντασία dicitur, existunt animales illi motus, qui rationem, jam tum de optione ambigere incipientem, ad sententiam a se absque

absque prorogatione dicendam importunis advocacionibus sollicitant. Itaque, ut quod per vitrum colore aliquo infectum conspicitur, vitro concolor apparet (hinc pupillæ nullus est suus color, qui si esset, unius omnia viderentur coloris) sic nos res illæ fallere solent, de quibus cum vehementer affecti sumus, & velut præjudiciis corrupti, statuimus. Huc pertinet illud Charini adolescentis apud Terentium, *Facile omnes, cum valemus recta consilia agrotis damus: tu si hic sis, aliter sentias.* Quoties ergo cunque externa rerum species nos afficit & delectat, omnia nobis suspecta esse debent, tantisper dum maturrima accedat judicatio, ipsique nobis interea subinde sumus admonendi notis illis Virgilii versibus.

*Qui legitis flores & humi nascentia fraga,*

*Frigidus (o pueri! fugite hinc) later anguis in herba.*

In progressu vero nocent affectiones, propterea quod, cum vehementes sunt, adeo hominem sibi surripiunt, ut aliam rem nullam extra eam, ad quam illi ferunt affecto cogitare libeat. Hinc temporum, & eorum quæ ad officii integritatem concurrunt negligitur ponderatio, & omnia inconsiderata temeritate geruntur. Faceti sunt illi Martialis versiculi, de Rufo quodam Naviam efflictim depereunte, &, quia ad propositum nostrum faciunt, asserre non gravabor:

*Quicquid agit Rufus, nihil est nisi Navia Rufo:*

*Si gaudet, si flet, si tacet, hanc loquitur:*

*Cænat, propinat, poscit, negat, innuit, una est*

*Navia: si non sit Navia, mutus erit.*

*Scriberet hesternæ patri cum luce salutem,*

*Navia lux, inquit, Navia lumen avè.*

Hinc sunt & apud Virgilium incensæ illius Didus sollicitæ cogitationes, dum,

*Multa viri virtus animo, multusque recurset*

*Gentis bonos, hærent infixi pectore vultus,*

*Verbaque neò placidam membris dat cura quietem.*

Hujus rei gratia rhetores præcepta tradunt de perturbationibus

bandis iudicum animis, maxime si orator causæ ejus, quam agendam suscepit, æquitati diffidit. Sic enim fiet, ut in iudiciis perpauulum loci sit rationi, & veritas ante præterlabatur quam sit recepta. An autem id fiat oratori ex æquo & bono, non est præsentis disquisitionis: hoc satis constat, omnes qui de rebus dubiis consultant, hoc melius munere suo functuros, quo longius ab iræ, amoris, odii, gratiæ & simultatum vehementia abfuerint. Jam quod de officii puritate dixi (fuit enim hæc altera extirpandorum affectuum ratio) hoc nititur fundamento, quod postquam iudicium illud de re gerenda non est prorsus (ut ita dicam) indigenum, hoc est, non totum a ratione proficiscitur, sed partim a corporis affectu, & perinde ab adventitio eoque bruto impulsore, minorem obtinet dignitatem, & propter nonnullum corporaturæ interventum impurius esse censetur. Hæc autem ipsa iudicii impuritas deinceps redundat in delectum, sic ut minus liberum habeatur illud, quod non est ex pura ratione profectum: unde manifeste in actione tum bonitatis, tum malitiæ, adeoque & laudis ac vituperii, imminutio quædam consequitur. Finitimum quiddam huic sententiæ versabat (ut opinor) in animo Cicero, cum statueret ea beneficia, quæ temeritate & repentino quodam quasi vento atque impetu incitati animi in aliquem conferuntur, minoris æstimanda esse, quam ea quæ iudicio & constanter considerateque sunt delata. Et ut ratio omnis paucis concludatur verbis, non possum vituperare virilem atque animosam Stoicorum sententiam, qui volunt, ut postquam divinitatis non mediocriter sumus participes, perpetuo studio conemur deferere id quod nobis cum bellis est commune corpus, & divorum consortionem atque similitudinem perpetuo meditari.

*FRANC.* Sane æquitatis aliquid habet tam generosa excusatio: attamen cum permulta sint, cur eam non accipiam, ex permultis pauca quædam commemorabo. Si affectus anteccedens iudicii puritatem, atque  
adeo

adeo arbitrii ( ut tu mihi statuisse visus es ) libertatem impedit, apparet, nec mala vitio nobis verti debere, nec bona laudi esse, quæ affectibus impulsæ gerimus. Tum enim vel te, vel certe Stoicis auctoribus, non ire sed protrudi videmur. Huc accedit, quod in hominum more positum est, voluntatis, adeoque & facinoris magnitudinem, ex illis indiciis quæ affectus intensiorem indicant, metiri. Ex vultus enim inflammatione, ac torva figura, colligitur ardor voluntatis; ex ejusdem dejectione, perpetua desperationis cujusdam offensio. Et fortasse vocis *ετυμολογίαν* si perscrutemur, Vultus vocem a volendo ductam inveniemus, quando & Cicero vultum tacitum quendam mentis sermonem appellat: quod sane constare non posset, si affectus, ex quibus vultus varietas existit, voluntatis rationem impedirent.

**F L O R.** Affectus, qui sequuntur consilia & deliberationes, non adeo ( ut jam dixi ) judicii puritati offi-  
ciunt, ex eo quod jam superveniant judicio facto, verum ex iis documentum capitur & pravæ & studiosæ voluntatis: propterea quod voluntas flagrantior etiam in animalem partem aliquid fervoris sui infundere soleat. Qui vero antegrediuntur, si adeo vehementes sunt, ut prorsus omnem mentis usum tollant ( quod in furiosis ac mente captis usu venit ) adimunt pariter & laudis & reprehensionis rationem. Siquidem *qui ita affectus sit, eum dominum esse rerum suarum XII tabula* ( ut ait Cicero ) *vetant*, & leges plurimum culpa liberant. Potest & hæc nimia atque monstrosa inflammati animi potentia etiam post consilia exurgere; sed semper ejus vis fere uniusmodi est, hoc est, ut ex homine pene belluam factam intelligamus. Sed quoniam plurimum interest, an lucidum fontem immanis saxi injectu funditus conturbes, an lapillo leviter demisso undam ad tardos quosdam circulos adigas: ita multum est discriminis inter eam mentem, cujus tota lux sit extincta, & functio ingenii omnis impedita, & eam, cui offusa sit duntaxat nubecula quædam prætenuis, & nullius prope

prope corpulentia. Et certe, ut doctissimis quibusque placere video, mitiores hæc perturbationes, quæ paullum ingenii luminibus officiunt, si non sint de industria arcessitæ, quamvis libertatem prorsus non tollant, detrahunt tamen aliquid ponderis crimini, & veniæ aliquid delinquentibus conciliant. Itaque eorum, qui perturbatione victi peccarunt, facilius miseremur. Non enim in eadē par esset Ajacis & Vlyssis conditio : & in iis ipsis quoque, qui animi sunt impotes, naturæ impetus major expendi solet. Verum cum humana conjectura non semper ad amissum assequi queat, antegressane sit perturbatio consilium, an post accesserit, ( Deo enim soli hæc nota sunt ) certum de principio flagrantis voluntatis documentum non semper ex ea, aut ejusdem indiciis capi potest. Hoc tamen satis confessum est, in eo qui a natura insigniter factus est ad perturbationem aliquam, solere illam non solum consequi, sed etiam antevertere judicium, unde est illa libertatis supra commemorata imminutio. Sed & in officio quoque præstando, qui puro mentis ductu, & non suavitate temperaturæ ad humanitatem fertur, egregiam sane & singularem meretur laudem, & præstantior ( ut videtur ) est eo habendus, quem natura prope officiosum fecit. Nam videas quosdam tanta ingenii bonitate, ut simul atque aspexerint aliquem in calamitate positum, humanitus condolescant, & quamprimum subvenire cupiant, more illius Menedemi Terentiani, qui hominem se esse meminit, & humani a se nihil alienum putavit. Alios cernere est, qui ad ærumnas alienas ne hilum quidem commoveantur. Hi si ratione alio non ducuntur, sed ingenio obsequi pergunt, & miseris aut victis insultant, immanis & deterrimæ sunt naturæ homines. Possem huc ad confirmandam hanc sententiam de imminuta per perturbationem libertate afferre acutos aliquot Theologos, qui ideo censeant actiones ex habitu profectas minus esse liberas, quod habitus naturæ instar sit ad turpia vel honesta ferentis : sed modus est rebus omnibus adhibendus.

DE.

**D E M E T R.** Si recte observavi quæ tibi proxime dicta sunt, vitandi sunt ( ut apparet ) hi sensiles cordis motus, & ratione duntaxat pura utendum est, cum succurrendum est afflicto, vel pie aut humaniter aliquid faciendum. Siquidem liberales esse possumus, & opem ferre sine illa tali, qualis inter miserandum intervenit, ægritudine. Quorsum enim ipsi propter alios suscipiamus inutiles ægritudines, si in promptu sit sine ægritudine subvenire : præsertim cum & alios, si possumus, levare ægritudine debeamus ?

**F L O R.** Subit animum recordatio dicti cujusdam nobilis in primis, & Equestris ordinis viri Francisci Briami, quod quidem mihi acutum visum est, & cum argumentatione tua concordare. Cum CHRISTI celebratur Natalis dies, luditur alea apud Britannos prolixius, jam fors ipsa ( ut interdum fit adversante fortuna ) Guilielmo cuidam Picringo, homini sane generoso, & qui Regi ipsi merito charus erat, perierat. Hoc Rex ubi rescivit, ægre sibi esse, atque se Picringi dolere vicem dixit. Tum Briamus, qui cum Rege familiaritèr colloqui consueverat ( est enim Rex ipse, ut omnibus alijs virtutibus, ita & comitate affabilitateque ornatus ) Nostrum, inquit, O Rex, est, qui cupientes subvenire non possumus, non tuum, condolescere : neque tibi ob aurum illi deperditum tristitia ulla suscipienda est, cui in promptu sit illum vel Cræsum quendam jam nunc efficere : aurum ubi illi largitus fueris, sublata erit ægritudinis causa. Probat Rex, ut est prudentissimus, Briami ingenium, & Picringum paullo post munificentissime & ad honores & opes evexit. Nunc ( ut ad institutum redeam ) hujusmodi curiositatis me nec auctorem nec suasorem habebitis. De re ipsa cum in utramque partem disputari posse vidissem, tantum ostendere volui, Stoicos non omnino temere rigidum illud τὸ ἀπαρὲς in hominum sermonem invexisse : quamobrem quæ pro illis a me dicta sunt, definitionis aut sententiæ vim ut habeant non postulo. Leniorem

orem illam viam tenendam arbitror : & cum vestro nutu in laudatam aliquam rem propendebitis, accipite quod natura dat, remittite fidenter frenum, exultate audacius, & ad illud unde flatus ostenditur, vela dare ne formidetis. Qui pura ratione in singulis electionibus utatur, equidem phœnice rariorem existimo. Atque utinam mihi natura copiosissime largita esset illam ingenii suavitatem, ac *φιλαθρηπία* illam, quæ etiam corporis temperatione adjuvatur ; ut facile alios perfectam, nemini temere sim adversus, nemini me invidiose præferam. Amabo me & misericordia deliquescere, & opitulandi omnibus pro virili studio me capi mihi multo erit jucundissimum. Tanta enim est in officiis præstandis nostra infirmitas, ut nunquam nimium multis vel rationibus excitari, vel excitati præsidii confirmari possimus. Habeat itaque nos amor quamlibet vehemens, dummodo sit rerum præstantium atque honestarum. Expavescamus, sed id potissimum, ne in turpitudinem aliquam delabamur. Irascamur item, sed nobis ipsis, si quando nos sentimus scelerum blanditiis ignavius obistere ; aut ea cupide consecrari, quæ cum hominis dignitate pugnent. Hac enim ratione tandem aliquando fiet, ut omnes affectuum cohortes, qui libentius fortasse in turpitudinis castris militant, ad honestum transfugiant, atque sub virtutum signis faciant stipendia. De Xenophonte quodam Lagi, si bene memini, filio proditum est, ut cuidam timiditatem exprobranti, quod secum tesseriis decertare non auderet, responderit ; Se nihil laborare, quam timidus esset ad ejusmodi res aggrediendas, quæ vel inutiles, vel indignæ essent : imo id sibi unice in votis esse. Quam præclarum est illud Agésilæi, qui cum maleficum constanter tolerasse cruciatus intellexisset, perquam miserum eum hominem esse pronunciavit, qui ejusmodi animi vigorem non in patriæ aliquod tempus & res honestas, sed in flagitiosas consumsisset. Quæ ideo recitavi, ut liquido

constare



constare possit, affectus plerosque non suo sibi ingenio, sed nostra culpa exitiosos & vituperabiles esse.

**FRANC.** Isthæc si ut tu dicis se habent, eodem, ut apparet, identidem revolvimur, eodem urgebimur incommodo, ac in id, quod remis velisque (quod aiunt) effugere studemus, perpetuo incidemus. Nam isthac ratione non modo non tolluntur perturbationes, imo ne imminuuntur quidem : sed in eo ipso, quo esse solent, intensioris gradu atque magnitudine alio derivantur. Permittis mihi, ut meis ipsius, vitiis irascar, ut extimescam, ne quando mihi lædatur officium, ut honesti conscientia gaudeam & exultem : justiores, fateor, sunt hic multo irarum, formidinum & exultationum causæ : interea tamen in iris atque formidinibus non desunt molestæ illæ contractiones & angores, quibuscum mentis otium commodè copulari nequit. Siquidem & vulnus fortiter, & pro patria acceptum, ingratum quendam doloris sensum secum affert. Improbabilis ergo apparet hic, quem tu instituis, perturbationum usus.

**FLOR.** Ego te eo ingenii acumine & memoriæ fidelitate præditum scio, ut ipse tuam objectionem, licet acuta sit, ex iis quæ nobis supra dicta sunt, facile, si velis, queas infringere. Sed fortasse extrahendæ disputationis gratia novos semper argumentationum nodos innectis. Dicendum ergo & hic erit aliquid, præsertim cum objectio tua occasionem præbeat explicandæ cujusdam scitu atque explicatu profecto non indignæ difficultatis. Atqui voluntatis bene institutæ hoc proprium est, quæ honesta sunt, propter se, vel certe ideo ut Dei immortalis voluntati mos geratur, & non propter utilitatem aut voluptatem aliquam adjunctam complecti (quanquam ita a natura cautum est, ut nunquam solida & confirmata bonitas animi jucunditate vacet, nec vera jucunditas a bonitate sit divulsa) & contrarietudinem fugere non damni aut doloris metu, sed quia ipsa per se fugienda sit : vel potius, quia cum eis, quæ divinitus sancitæ sunt legibus, quibus nos omni-

no parere convenit, ex diametro pugnat. Ita secum statuat oportet, cuicunque solida probitas cordi est. Hic enim est omnium officiorum fons; hoc fundamentum est omnium, quæcunque ex æquo & bono fiunt, adeo stabile & illustre, ut nemini vel exiliter erudito ignotum sit illud,

*Oderunt peccare boni virtutis amore :*

*Oderunt peccare mali formidine pena.*

*Hoc patrium est potius, (ut est apud Terentium,) consuefacere filium sua sponte recte facere, quam alieno metu.* Et Seneca timidos, non innocentes vocandos censet, qui propter timorem cessant a malis. Idemque vult nos colere amicos, non ut habeamus qui nobis infirmis assideant & succurrant; sed potius, ut sint quibus a nobis assideatur & succurratur. Semper enim virtus magis propter suam dignitatem, splendorem & puritatem; quam propter fructum, voluptatem, aut mercedis aliquod lenocinium expetitur. Et, ut exemplo res prope manu teneatur: Tu patrem tuum præstantissimum civem & magnum Reipubl. vestræ ornamentum Bonaventuram, non tam studiose colis, propter commodum illum, ac tam amanter observas; nec quam diutissime saluum vis & incolumem, quia ille longiore vita rem familiarem auctiorem, aut patrimonium locupletius sit relicturus, aut quia ex domestica cum illo consuetudine sis percepturus voluptatem: sane ἐπιχέριον quidam esset hoc, & tuum agere negotium, teipsum, non patrem adamare, & tuis tandem velificari commodis, quæ omnia nefarie fierent, & accusabilem quandam turpitudinem continent. Cur ergo? Quia officii & pietatis fructus in ea re positus est, dum illam virtutem quæ in eo inest præstantiam, in quocunque inveniatur admirandam, veneraris, dum suus origini habetur honor, & divinis obtemperatur legibus. Sed quorsum, aies, tam longa propositio? Ut intelligatur, pari ratione vorari ares & animi studia, aut res ad quas illa ferunt, nec perfe-

persequendas propter utilitates aut lætitiā, quæ in suavi cordis motu consequi solet, nec fugiendas propter doloris quosdam morsus, quos præcordiorum affert contractio. Resipit enim hoc ( ut diximus ) delicatam Epicureorum disciplinam, atque animi mollicitē, ab ipsa virtutis dignitate maximopere abhorrentem. Erit ergo & ratio cur refugiendæ sint hæ corporum commotiones, non molestia aliqua corporis, quam illæ asferre queant, sed quod nos sollicitent interdum, ut flagitiose ab honesto desciscamus, quod nos ad turpitudinem, nisi vigilemus, adducant. Itaque quantæcunque sint, si absit turpitudine, intelligendum est commotiunculas illas esse nihil quicquam tranquillitati illi, quæ humanitus parari potest, officientes. Sed hic operæ pretium est observare, quam benigne nobiscum hac in parte natura egerit. Hic vos, ut attentiores sitis, & animum diligentius advertatis, nisi id jam sponte vestra faceretis, majorem in modum adhortarer. Dixi extimescendas esse turpitudines; dixi irascendum nobismetipsis, si ad officium desides inveniamur: concessi ægritudinem suscipiendam, cum nobis incuria nostra aliqua turpitudinis macula inusta est aut accrevit: porro metus, ira, ægritudo, affectus sunt, qui cum tranquillitate manifestius pugnant. Verum, si ob ejusmodi res duntaxat, quæ sane solæ sunt, propter quas merito suscipiendæ sunt quas recensui perturbationes, perturbemur: nunquam profecto erit usus, ut vel diu id, vel magnopere fiat. Et cur ita, inquires? Quoniam semper in nobis fitum erit, primo quoque tempore arbitrato nostro ejusmodi affectiones, adeoque & molestias cordis ex eis prognatas deponere. Ratio locuples & firma admodum in promptu est: cum, ut in te hæreat turpitudine, vel honestate spolieris, ex voluntate tua proficiatur. Siquidem in voluntatem, ad quam unam proprie & virtus & vitium pertinent, nulla cadit coactio. Nam, ut est apud Horatium,

*Iustum & tenacem propositi virum  
 Non civium ardor prava jubentium,  
 Non vultus instantis tyranni  
 Mente quatit solida: neque Auster  
 Dux inquieti turbidus Adriæ,  
 Nec fulminantis magna Jovis manus,  
 Si fractus illabatur orbis,  
 Impavidum ferient ruina.*

Ergo ut ratio concludatur, ejusmodi dolores honesti nostræ sunt ditionis, & nostro tum accipiuntur, tum deponuntur arbitrio: unde nihil est ab illis animi tranquillitati impeditenti. Multo secus est in tristitia, temere & præter rationem suscepta. Nam si amissam desles pecuniam, id desles, quod non potes ipse tibi, cum voles, vel dare vel adimere. Hic tibi negotium est cum fortuna, atque eis rebus, quæ non cadunt intra fines ditionis tuæ. Hic alia quædam medicina adhibenda est, de qua nobis infra dicetur. His ipsis de rebus in Epicteti Enchiridio, quod Arrianus conscripsit, utiliter quidem, sed nimis concisim disputatur. Quapropter volo ipse vobis in præsentia locum quendam ejus libelli, qui statim a principio occurrit, quadam explanationis luce illustrare. *ἂν μὲν ὃν μόνον ἐκκλίνῃς τὰ παρὰ φύσιν ἢ ἐπὶ σοὶ, ὃ δὲν ὃν ἐκκλίνῃς περὶ σοῦ νόσον δ' ἂν ἐκκλίνῃς ἢ θάνατον, ἢ περίαν, δυστυχίσεις. ἄρα ὃν τὴν ἐκκλίσιν ὅσοι πάντων ἢ ἔκ ἐο' ἡμῖν, καὶ μετὰ δεξιὰ τὰ ὅσα φύσιν ἢ ἐφ' ἡμῖν.* Hæc ut perspicua sint, opus est illud meminisse, quod idem in capite statuit: Eorum quæ sunt, alia in nobis esse, alia non item. In nobis esse dicit (hoc est, in nostra esse potestate) opiniones, & appetitiones, atque declinationes rerum, quæ sunt functiones animi, quarum alteræ sunt ingenii, alteræ voluntatis. Quicquid est præter has, hoc est, quæcunque vel ad corpus pertinent, vel a fortuna dependent, extra nos sunt, neque cuiquam mancipio dantur. Nunc Epictetum Latine explicemus. *Si igitur ea sola declinas, quæ sunt præter naturam eorum quæ sunt in te: hoc est, si solum fugis at-*  
que

que extimescis opiniones depravatas, atque indecoras appetitiones (sunt enim hæc utræque præter naturam, cum ejus integritatem dissolvant; sunt item & ex numero eorum quæ in nobis sunt) *nunquam futurum est, ut in illorum aliquod incidam*, propterea quod tibi sit in eas res imperium. *Quod si morbum, mortem, vel pauper-tatem fugis, continuo es infortunatus*: nam hæc cum sub dominatum tuum non cadant, tibi vel invito accidere possunt. *Aufer igitur declinationem ab omnibus quæ in nobis non sunt*: hoc est, ne magnopere fuge, aut extimesce hæc externa, quoniam sic eris in perpetuo metu, & tibi ipsi struis iter ad miseriam, cum illa perpetuo impendeant, atque accidant vel nolentibus nobis: & *transfer eam ad ea quæ sunt adversaria naturæ eorum quæ in nobis sunt*, hoc est, turpes appetitiones, & perversam rerum æstimationem devita. Videtis ut hic locus consen-taneus sit iis, quæ a nobis paullo ante sunt definita. Addite quod honestum hoc genus irarum & ægritudi-num, quod vobis indulsit, semper soleat solidam quan-dam animi voluptatem procreare. Quis enim tam stu-pidus invenitur, qui non lætetur conscientia dignitatis suæ? Cujus hoc profecto argumentum est minime fal-lax, indigne atque iracunde ferre, se labe aliqua tur-pitudinis deformari, & semper metuere, ne nativæ no-bilitatis florem vitii marcor aliquis corrumpat. Sed vi-deo me jam in illud Chrysippi & Stoicorum incidisse vitium, qui (ut scribit Cicero) de animi perturbatio-nibus disputantes, magnam partem in iis definiendis ac partiendis sunt occupati, orationis paullum admodum ad animorum curationem, quæ sola in morali disputa-tione quaerenda videtur, accommodantes. Cursum igitur nunc flectamus, & ad tertiam totius tractationis partem aggrediamur, quæ tota compescendis ac mode-randis his, quos jam definivimus atque distinximus, animi tumultibus jure erit tribuenda. Ineptum sane est illud medicorum genus, quod coram ægroto flente, la-crymoseque levationem poscente, subtiliter de morbo dif-

disputat, eruditionis venditandæ gratia; et in Hippocrate, Galeno, Paullo, Celso & Avicenna citandis tempus consumit, quod fuit in adhibenda medicina terendum. Verum in hac de curandis animis disciplina prodest proprio cursu excuti, atque a scopo remōtiora quædam tractare: quod hic, secus atque est in corporum morbis, quisque sibi medicus est, nosque ipsi necesse est ut teneamus artis præcepta, si animos probe curatos volumus.

**FRANC.** Non est quod te excursionis cujusquam poeniteat. Nam sic semper in excutienda perturbatio-  
num natura & causis es versatus, ut oratio tua perpetuo Ethologiam resipuerit: neque mihi unquam vel argumenti, vel personæ immemor es visus. Perge itaque ad extremam hanc partem absolvendam, in qua si talem te præstiteris, qualis es in superioribus visus, certe (ne quid amplius dicam) nobis abunde satisfeceris.

**FLOR.** Multi sunt (ut constat) vitiosi affectus, quorum quisque suam medicinam exposcat. Porro de singulorum remediis separatim scribere, res esset operis propemodum infiniti; nec nos provinciæ huic idonei sumus. Generatim vero ea ipsa de re præcipere, & utiliter simul, multo est difficillimum. Quis enim uno pharmaco cujuscunque generis morbis medeatur? Nisi forte se hic nobis offerat herba illa Ulyssi a Mercurio contra omnia Circes veneficia data, quam, ut est apud Homerum, *Μᾶλιν δ' ἐμὴν καλέουσι θεοὶ*, aut tale aliquid, quale est apud Galenum illud Philonium ad tot usus accommodum, pharmacum invenire possumus.

**FRANC.** Quis est, qui non mallet illo quo cupit compendio, quam longo itinere, modo periculum absit, pervenire? Quamobrem oramus, ut si tibi sit communis aliqua ratio, qua omnes animi morbi depelli possint, ne istam diutius etiam nobis habeas.

**FLOR.** Ne gratis expectationem vestram producam, jamjam vobis compendium citra anxiam disputationis partitionem, cui etiam nec lux desit, com-  
mon-

monſtrabo. Pleuritis morbus eſt vulgo ſatis notus, in hoc qui coſtarum inflammationem (ut a medicis accepi) morbi cauſſam ſuſtulerit, una eademque opera & *ſumma* ar, hoc eſt, reſpirandi difficultatem, & febrem & tuſſim agnatos & appendices morbos proſtigabit. Non ſecus in affectibus (animum huc advertite ſtudioſius) qui unum amorem ad rationis normam direxerit, in reliquis omnibus moderandis paullum admodum aut nihil prorſus eſt habiturus negotii. Ex amore enim alii cœmnes, quotquot ſunt, non aliter atque rivuli ex fonte, oriuntur. Deſideramus bonum, ſed quod antea ſit complacitum, hoc eſt, adamatum: fugimus & extimeſcimus mala, & irafcimur iisdem, propterea quod ſint inimica & contraria bono adamato, aut quia ab ejuſdem adeptione nos prohibeant. Speramus bonum adamatum: incremus, & in luctu ſumus, abducto aut oblato bono adamato: exultamus vel ſola ſpe potiundi bonum adamatum. In ſumma, inſanius & uſque fatigamur, non ob aliud, quam bonum adamatum: neque malum ipſum nobis diſpliceret, niſi in natura poſitum eſſet, ut placeat bonum. Quiſquis igitur rivos in canales excurrentes purgatos cupit, neceſſe eſt ut a fonte incipiat: & proſecto illud hoc in loco non ab re uſurpatur,

*Arte leves currus, arte regendus amor.*

FRANC. Tu ſic amoris huius leges & diſciplinam trade, ut cum eo ipſo poeta, quod ille dixit in re infami & vetita, ipſe in laudata dicere queas;

*Typhis & Automedon dicar amoris ego.*

FLOR. Ei, qui non ſuo ſibi ductu & conſilio, ſed aliena ſententia fretus, rem aliquam eſt geſturus, opus eſt, eo ducę atque conſiliario, qui in eo genere, cujuſcuius modi ſit, ſit ſapiens & fidus: quoque cœcior eſt qui ducitur, hoc oculatiorem oportet eſſe ducem. Nunc cum voluntas per ſe bruta ſit omniſque cognitionis expers, ejus directio atque ductus neceſſario pendet a ratione: atque ut appetitus animalis eſt duntaxat animantis

mantis propensio ad res sensibus arridentes, ita voluntas hominis est propensio ad id quod rationi placet. Quapropter, si volumus, ut ad nihil voluntas feratur, hoc est, ut nihil adametur, nisi quod re vera bonum est, gnaviter ad hoc est incumbendum, ut nihil probeatur a ratione pro bono, nisi quod re vera bonum est, & ut nulla interveniat caligo, aut infirmitas aciei, quæ efficiat, ut id quod malum est, bonum videatur. Ex rationis enim incolumitate tota prope salus actionum humanarum existit: neque hic incommode illud Virgilii dici potest,

—*Rege incolumi mens omnibus una est,*

*Amisso ruperè fidem.*—

Nam menti & rationi totius animi regnū a natura tributum est: ideo qui exisse e potestate dicuntur, idcirco dicuntur, quia mentis iudicio atque sapientia non regantur. Quod si ratio in dijudicando non aberraverit, nunquam (ut Aristoteli & Peripateticorum doctissimis placere video) a voluntate peccabitur, nunquam se voluntas ad rem turpem applicabit. Atque, ut cum sanguis est corruptus, aut pituita redundat, aut bilis nondum est extracta, morbi ægrotationesque in corpore nascuntur: sic opinionum pravitas atque repugnantia est, quæ animum spoliât sanitate. Opinionum ergo vel prima debet esse cura.

FRANC. Dixisse mihi visus es voluntatem nunquam discrepare a sententia rationis. Quid ego hic audio? Quomodo tunc voluntas libera dici potest & sui juris, si ea solum imprimat vestigia, quæ sunt a ratione præscripta, si se non possit, etiam contra rationis iudicium, tam ad malum quam ad bonum applicare? Nul- lum hoc pacto apparet esse voluntatis regnum, imo servitus & necessitatis cuiusdam angustia in illius rationibus versatur. Illane tibi, contra quam sentire velle videtur, cui dictum est,

—*aliudque Cupido,*  
*Mens aliud suadet: video meliora, proboque:*  
*Detiora sequor:*

Dei



Deinde, qui potuit existere in cœlestibus illis animis, quos Angelos vocamus, illud execrabilis superbix vitium, si peccatum omne ab ignorantione, vel a depravata opinione proficiscitur? Quomodo potuit cœlestis illius ingenii splendor ad eam mentis perduci obscuritatem, ut sperare posset rem cum tota natura manifeste pugnantem, hoc est, pacem cum immensa illa divinitatis infinitate dignitatem? Unde tam superba rivalitas? Quomodo cecidisti de cœlo Lucifer, qui mane oriebaris? Certe non, ut apparet, ignorantione id factum est. Et si tu tibi constare vis, necesse est hoc fateare, qui supra ex Aristotele tuo docueris, in intellectum illum, qui a corpore sit segregatus, nullum cadere erroris genus. Postremo, ut a doctis accepimus, scelerum alia sunt quæ in ignorantem, alia quæ in perturbationem, alia quæ in malitiam conferantur. Quæ sane distinctio locum (ut videtur) non haberet, si in omni peccato interveniret ignoratio. Neque ergo omnis voluntatis error est ex ratione; neque voluntas sic rationi est obstricta, ut non possit alioquin ab ea deflectere. Hæc tibi ante explicanda sunt, quam ad illud quo intendis proficiscare.

*FLOR.* Vos, molibus quibusdam in via, quas necesse sit superare, dispositis, properationem meam impeditis. Sed quia ad fidem meam pertinet boni istam vestram industriam consulere, locum hunc ignorantie, quo vix alius in morali philosophia vel uberius vel acutius tractari postulat, cursim attingam. Prius tamen sententiæ nostræ rationem afferam: mox ad ea quæ objecta sunt breviter respondebo. Sed & hæc fundamenta quædam jacienda sunt, quorum hoc sit caput: neminem quicquam appetere posse, a quo non vel vere, vel opinionis errore perfici posse videatur. A natura enim nobis tributum est, illud quærere quod conveniat, & incolumitatem tueatur; & fugere id quod corruptionem aut interitum afferat. Hoc naturæ ingenium non citius quam naturam ipsam exueris:

L

Nunc

Nunc, cum a malo nihil perfici possit ( nisi forte tam plumbei aut stipites sumus, ut credamus nos ab ipso frigore calefcere, aut nigrescere ab albore ) malum, cur appetatur, nihil quicquam in se claudit, quin potius tanta ejus est indignitas, ut procul ab se appetentiam omnem absterreat. Hoc Plato in Phadro ex Socratis sententia prolixe demonstrat, qui vocis εὔμειν curiose exquirens, καλόν, id est, bonum, vel pulchrum a, καλέω, quod voco, vel καλέω, quod mulceo significat, dictum putat. Unde est proverbium, κόροι καλῶν. Magna enim bono, magna item & pulchro, & in pelliciendo & in deliniendo incantationis vis inest; imo incredibilis, nisi nos usus doceret, in quæ se dent pericula, qui vehementius aliquid amant vel oderunt. Idcirco apud philosophos εὐεὶν καὶ ἀγαθόν, hoc est, expetendum & bonum a quabili-ter diffunduntur, & mutuam atque reciprocam quandam obtinent conversionem: sic ut quicquid bonum & pulchrum est, idem continuo expetendum sit, & contra. Epictetus cum vellet demonstrare, in rerum natura non inesse malum, sed solum in nostris perversis voluntatibus, hac usus est similitudine, ὡς σκοπὸς ἢ τίθεται πρὸς τὸ ἀποτυχεῖν ἕτως καὶ κακὸς οὗσις ἐν κόσμῳ γίνετ'. hoc est, *Quemadmodum scopus non figitur, ut ab eo deficiatur: ita nec mali natura in mundo est.* Quicquid enim fit in rerum orbe, fit in usum aliquem, adeoque ad illud tanquam ad scopum aliquem aliquo modo collineandum est. Et cum res se ad hunc modum habeat, perridicula est illorum doctrina, qui hic ingenio & literis abutuntur, dum captiosius quam verius ostendere conantur, voluntatem etiam ad malitiae amplexus se extendere posse. Quisnam illud appetit, quod non aliquo modo iudicet appetendum? Si appetendum videtur, certe continuo idem & bonum ( quemadmodum ex superioribus liquet ) apparet.

DEMET. Quid ergo eligunt illi, qui pecare eligunt, qui furta, qui fraudes, qui interdictas libidines moli-

moliuntur, qui impietates meditantur? Hæc si mala non sunt, quid quæso malum est? Non deesse autem qui ejusmodi implicati sunt cupiditatibus, quis ignorat?

**FLOR.** Hæc objectio & Francisco, verbis paululum mutatis, est commemorata: quamobrem commune erit responsum. Nemo adhuc post homines natos neque impositum compos animi conspectus est, qui gratis omnino peccaverit hoc est, qui nullo adductus emolumento, aut nulla evocatus suavitate, animum atque consilia ab honestarum rerum cursu ad improbitatem & scelera traduxerit. Non enim avarus quærit fraudem, quæ est in turpi quæstu, sed aurum aut facultates, quod ex illis adeptis copiam sibi quandam, atque quietem, licet falso, polliceatur. Nec adulter, aut scortator turpitudinem quæ est in stupris & libidinibus, sed sensuum voluptates requirit, quas licere vellet, atque improbitate, si fieri posset, vacare. Itaque, quicumque se ad improbitates applicant, hoc faciunt propter utilitates aut suavitates quasdam, res sane per se bonas, sed quibus sit aliqua turpitudine adjuncta. Cernere est, fateor, quosdam, qui gaudeant inferendis injuriis, etiam gratis: sed inde voluptatem capiunt, dum depravatione quadam naturæ sit inferenti opinio excellentiæ cujusdam, dum videt se alium impune conculcare; cum tamen ad veram magnitudinem non obesse alli sed prodesse pertineat. Neque hoc est ex ratione libertatis, ut possit voluntas in bonitatem & malitiam juxta ferri: sed quod infinita bonorum varietate proposita, ad id quod lubet se accommodat, nulli uni rei ( ut nobis ante est explicatum ) addicta. Rem exemplo declarari si requiritis; videte, ut gustus præter saporem nihil agnoscit: variæ tamen sunt saporis species, quarum discretio ad gustum pertinet, cujusmodi sunt dulce, amarum, acerbum, falsum, austerum, acre, acidum, unctuosum. Par ratio est in visu, qui non nisi lucem aut colores cernit: at colorum variæ sunt formæ. Verum id quod

no parere convenit, ex diametro pugnat. Ita secum statuat oportet, cuicumque solida probitas cordi est. Hic enim est omnium officiorum fons; hoc fundamentum est omnium, quæcunque ex æquo & bono fiunt, adeo stabile & illustre, ut nemini vel exiliter erudito ignotum sit illud,

*Oderunt peccare boni virtutis amore :*

*Oderunt peccare mali formidine pena.*

*Hoc patrum est potius, (ut est apud Terentium,) consuefacere filium sua sponte recte facere, quam alieno metu.* Et Seneca timidos, non innocentes vocandos censet, qui propter timorem cessant a malis. Idemque vult nos colere amicos, non ut habeamus qui nobis infirmis assideant & succurrant; sed potius, ut sint quibus a nobis assideatur & succurratur. Semper enim virtus magis propter suam dignitatem, splendorem & puritatem; quam propter fructum, voluptatem, aut mercedis aliquod lenocinium expetitur. Et, ut exemplo res prope manutentetur: Tu patrem tuum præstantissimum civem & magnum Reipubl. vestræ ornamentum Bonaventuram, non tam studiose colis, propter commodum ullum, ac tam amanter observas; nec quam diutissime saluum vis & incolumem, quia ille longiore vita rem familiarem auctiorem, aut patrimonium locupletius sit relicturus, aut quia ex domestica cum illo consuetudine sis percepturus voluptatem: sane ἐπιεικής quidam esset hoc, & tuum agere negotium, teipsum, non patrem adamare, & tuis tandem velificari commodis, quæ omnia nefarie fierent, & accusabilem quandam turpitudinem continent. Cur ergo? Quia officii & pietatis fructus in ea re positus est, dum illam virtutem quæ in eo inest præstantiam, in quocunque inveniatur admirandam, veneraris, dum suus origini habetur honos, & divinis obtemperatur legibus. Sed quorsum, aies, tam longa propositio? Ut intelligatur, pari ratione volun-  
tates & animi studia, aut res ad quas illa ferunt, nec  
perfe-

persequendas propter utilitates aut lætitiā, quæ in suavi cordis motu consequi solet, nec fugiendas propter doloris quosdam morsus, quos præcordiorum affert contractio. Resipit enim hoc ( ut diximus ) delicatam Epicureorum disciplinam, atque animi molliitiā, ab ipsa virtutis dignitate maximopere abhorrentem. Erit ergo & ratio cur refugiendæ sint hæ corporum commotiones, non molestia aliqua corporis, quam illæ afferre queant, sed quod nos sollicitent interdum, ut flagitiose ab honesto desciscamus, quod nos ad turpitudinem, nisi vigilemus, adducant. Itaque quantæcunque sint, si absit turpitudine, intelligendum est commotiunculas illas esse nihil quicquam tranquillitati illi, quæ humanitus parari potest, officientes. Sed hic operæ pretium est observare, quam benigne nobiscum hac in parte natura egerit. Hic vos, ut attentiores sitis, & animum diligentius advertatis, nisi id jam sponte vestra faceretis, majorem in modum adhortarer. Dixi extimescendas esse turpitudines; dixi irascendum nobismetipsis, si ad officium desides inveniamur: concessi ægritudinem suscipiendam, cum nobis incuria nostra aliqua turpitudinis macula iniusta est aut accrevit: porro metus, ira, ægritudo, affectus sunt, qui cum tranquillitate manifestius pugnant. Verum, si ob ejusmodi res duntaxat, quæ sane solæ sunt, propter quas merito suscipiendæ sunt quas recensui perturbationes, perturbemur: nunquam profecto erit usus, ut vel diu id, vel magnopere fiat. Et cur ita, inquires? Quoniam semper in nobis situm erit, primo quoque tempore arbitrato nostro ejusmodi affectiones, adeoque & molestias cordis ex eis prognatas deponere. Ratio locuples & firma admodum in promptu est: cum, ut in te hæreat turpitudine, vel honestate spoliæris, ex voluntate tua proficiscatur. Siquidem in voluntatem, ad quam unam proprie & virtus & vitium pertinent, nulla cadit coactio. Nam, ut est apud Horatium,

Iustum & tenacem propositi virum  
 Non civium ardor prava jubentium,  
 Non vultus instantis tyranni  
 Mente quatit solida: neque Auster  
 Dux iniqui turbidus Adriæ,  
 Nec fulminantis magna Jovis manus,  
 Si fractus illabatur orbis,  
 Impavidum ferient ruinae.

Ergo ut ratio concludatur, ejusmodi dolores honesti nostræ sunt ditionis, & nostro tum accipiuntur, tum deponuntur arbitrio: unde nihil est ab illis animi tranquillitati impedimenti. Multo secus est in tristitia, temere & præter rationem suscepta. Nam si amissam desles pecuniam, id desles, quod non potes ipse tibi, cum voles, vel dare vel adimere. Hic tibi negotium est cum fortuna, atque eis rebus, quæ non cadunt intra fines ditionis tuæ. Hic alia quædam medicina adhibenda est, de qua nobis infra dicetur. His ipsis de rebus in Epicteti Enchiridio, quod Arrianus conscripsit, utiliter quidem, sed nimis concisim disputatur. Quapropter volo ipse vobis in præsentia locum quendam ejus libelli, qui statim a principio occurrit, quadam explicationis luce illustrare. *ἐν μὲν ἑνὶ μόνῳ ἐκκλίνης τὰ παρὰ φύσιν τ' ἐπὶ σοὶ, ἑδενὶ ὧν ἐκκλίνεις ἀπειπεῖ. νόσον δ' ἂν ἐκκλίνης. ἢ θάνατον, ἢ περίαι, δυσυχίσεις. ἄρον ἔν τῇ ἐκκλίσει λόγῳ πάντων τῶν ἐκ ἐο' ἡμῖν. καὶ μετὰ δεῖς ἐπὶ τὰ ὅσα φύσιν τῶν ἐο' ἡμῖν.* Hæc ut perspicua sint, opus est illud meminisse, quod idem in capite statuit: Eorum quæ sunt, alia in nobis esse, alia non item. In nobis esse dicit (hoc est, in nostra esse potestate) opiniones, & appetitiones, atque declinationes rerum, quæ sunt functiones animi, quarum alteræ sunt ingenii, alteræ voluntatis. Quicquid est præter has, hoc est, quæcunque vel ad corpus perzinent, vel a fortuna dependent, extra nos sunt, neque cuiquam mancipio dantur. Nunc Epictetum Latine explicemus. Si igitur ea sola declinas, quæ sunt præter naturam eorum quæ sunt in te: hoc est, si solum fugis at-

qua

que extimescis opiniones depravatas, atque indecoras appetitiones (sunt enim hæc utræque præter naturam, cum ejus integritatem dissolvant; sunt item & ex numero eorum quæ in nobis sunt) *nunquam futurum est, ut in illorum aliquod incidam*, propterea quod tibi sit in eas res imperium. *Quod si morbum, mortem, vel paupertatem fugis, continuo es infortunatus*: nam hæc cum sub dominatum tuum non cadant, tibi vel invito accidere possunt. *Aufer igitur declinationem ab omnibus quæ in nobis non sunt*: hoc est, ne magnopere fuge, aut extimesce hæc externa, quoniam sic eris in perpetuo metu, & tibi ipsi struis iter ad miseriam, cum illa perpetuo impendeant, atque accidunt vel nolentibus nobis: & *transfer eam ad ea quæ sunt adversaria naturæ eorum quæ in nobis sunt*, hoc est, turpes appetitiones, & perversam rerum æstimationem devita. Videtis ut hic locus consentaneus sit iis, quæ a nobis paullo ante sunt definita. Addite quod honestum hoc genus irarum & ægritudinum, quod vobis indulsi, semper soleat solidam quandam animi voluptatem procreare. Quis enim tam stupidus invenitur, qui non lætetur conscientia dignitatis suæ? Cujus hoc profecto argumentum est minime fallax, indigne atque iracunde ferre, se labe aliqua turpitudinis deformari, & semper metuere, ne nativæ nobilitatis florem vitii marcor aliquis corrumpat. Sed video me jam in illud Chrysippi & Stoicorum incidisse vitium, qui (ut scribit Cicero) de animi perturbationibus disputantes, magnam partem in iis definiendis ac partiendis sunt occupati, orationis paullum admodum ad animorum curationem, quæ sola in morali disputatione quærenda videtur, accommodantes. Cursum igitur nunc flectamus, & ad tertiam totius tractationis partem aggrediamur, quæ tota compescendis ac moderandis his, quos jam definivimus atque distinximus, animi tumultibus jure erit tribuenda. Ineptum sane est illud medicorum genus, quod coram ægroto flente, lachrymoseque levationem poscente, subtiliter de morbo dis-

disputat, eruditionis venditandæ gratia; et in Hippocrate, Galeno, Paulo, Celso & Avicenna citandis tempus consumit, quod fuit in adhibenda medicina tendendum. Verum in hac de curandis animis disciplina prodest proprio cursu excuti, atque a scopo remōtiora quædam tractare: quod hic, secus atque est in corporum morbis, quisque sibi medicus est, nosque ipsi necesse est ut teneamus artis præcepta, si animos probe curatos volumus.

**FRANC.** Non est quod te excursionis cujusquam poeniteat. Nam sic semper in excutienda perturbatorum natura & causis es versatus, ut oratio tua perpetuo Ethologiam resipuerit: neque mihi unquam vel argumenti, vel personæ immemor es visus. Perge itaque ad extremam hanc partem absolvendam, in qua si talem te præstiteris, qualis es in superioribus visus, certe (ne quid amplius dicam) nobis abunde satisfeceris.

**FLOR.** Multi sunt (ut constat) vitiosi affectus, quorum quisque suam medicinam exposcat. Porro de singulorum remediis separatim scribere, res esset operis propemodum infiniti; nec nos provinciæ huic idonei sumus. Generatim vero ea ipsa de re præcipere, & utiliter simul, multo est difficillimum. Quis enim uno pharmaco cujuscunque generis morbis medeatur? Nisi forte se hic nobis offerat herba illa Ulyssii a Mercurio contra omnia Circes veneficia data, quam, ut est apud Homerum, *Μῶλυ δὲ μιν καλέουσι θεοί*, aut tale aliquid, quale est apud Galenum illud Philonium ad tot usus accommodum, pharmacum invenire possimus.

**FRANC.** Quis est, qui non mallet illo quo cupit compendio, quam longo itinere, modo periculum absit, pervenire? Quamobrem oramus, ut si tibi sit communis aliqua ratio, qua omnes animi morbi depelli possint, ne istam diutius etiam nobis habeas.

**FLOR.** Ne gratis expectationem vestram producam, jamjam vobis compendium citra anxiam disputationis partitionem, cui etiam nec lux desit, com-

mon-



monſtrabo. Pleuritis morbus eſt vulgo ſatis notus, in hoc qui coſtarum inflammationem (ut a medicis accepi) morbi cauſſam ſuſtulerit, una eademque opera & *διπνεύς* er, hoc eſt, respirandi difficultatem, & febrem & tuſſim agnatos & appendices morbos proſtigabit. Non ſecus in affectibus (animum huc advertite ſtudioſius) qui unum amorem ad rationis normam direxerit, in reliquis omnibus moderandis paullum admodum aut nihil prorſus eſt habiturus negotii. Ex amore enim alii cœmnes, quotquot ſunt, non aliter atque rivuli ex fonte, oriuntur. Deſideramus bonum, ſed quod antea ſit complacitum, hoc eſt, adamatum: fugimus & extimeſcimus mala, & irascimur iisdem, propterea quod ſint inimica & contraria bono adamato, aut quia ab ejuſdem adeptione nos prohibeant. Speramus bonum adamatum: incœremus, & in luctu ſumus, abducto aut oblato bono adamato: exultamus vel ſola ſpe potiundi bonum adamatum. In ſumma, inſanimus & uſque fatigamur, non ob aliud, quam bonum adamatum: neque malum ipſum nobis diſpliceret, niſi in natura poſitum eſſet, ut placeat bonum. Quiſquis igitur rivos in canales excurrentes purgatos cupit, neceſſe eſt ut a fonte incipiat: & proſecto illud hoc in loco non ab re uſurpatur,

*Arte leves currus, arte regendus amor.*

FRANC. Tu ſic amoris huius leges & diſciplinam trade, ut cum eo ipſo poeta, quod ille dixit in re inſami & vetita, ipſe in laudata dicere queas;

*Typhis & Automedon dicar amoris ego.*

FLOR. Ei, qui non ſuo ſibi ductu & conſilio, ſed aliena ſententia fretus, rem aliquam eſt geſturus, opus eſt, eo duce atque conſiliario, qui in eo genere, cujuſcujus modi ſit, ſit ſapiens & fidus: quoque cœcior eſt qui ducitur, hoc oculatiorem oportet eſſe ducem. Nunc cum voluntas per ſe bruta ſit omniſque cognitionis expers, ejus directio atque ductus neceſſario pendet a ratione: atque ut appetitus animalis eſt duntaxat animantis

mantis propensio ad res sensibus arridentes, ita voluntas hominis est propensio ad id quod rationi placet. Quapropter, si volumus, ut ad nihil voluntas feratur, hoc est, ut nihil adametur, nisi quod re vera bonum est, gnaviter ad hoc est incumbendum, ut nihil probeatur a ratione pro bono, nisi quod re vera bonum est, & ut nulla interveniat caligo, aut infirmitas aciei, quæ efficiat, ut id quod malum est, bonum videatur. Ex rationis enim incolumitate tota prope salus actionum humanarum existit: neque hic incommode illud Virgilii dici potest,

— *Rege incolumi mens omnibus una est,*

*Amisso ruperé fidem.* —

Nam menti & rationi totius animi regnum a natura tributum est: ideo qui exisse e potestate dicuntur, idcirco dicuntur, quia mentis iudicio atque sapientia non regantur. Quod si ratio in dijudicando non aberraverit, nunquam (ut Aristoteli & Peripateticorum doctissimis placere video) a voluntate peccabitur, nunquam se voluntas ad rem turpem applicabit. Atque, ut cum sanguis est corruptus, aut pituita redundat, aut bilis nondum est extracta, morbi ægrotationesque in corpore nascuntur: sic opinionum pravitas atque repugnantia est, quæ animum spoliât sanitate. Opinionum ergo vel prima debet esse cura.

FRANC. Dixisse mihi visus es voluntatem nunquam discrepare a sententia rationis. Quid ego hic audio? Quomodo tunc voluntas libera dici potest & sui juris, si ea solum imprimat vestigia, quæ sunt a ratione præscripta, si se non possit, etiam, contra rationis iudicium, tam ad malum quam ad bonum applicare? Nul- lum hoc pacto apparet esse voluntatis regnum, imo servitus & necessitatis cuiusdam angustia in illius rationibus versatur. Illane tibi, contra quam sentire velle videtur, cui dictum est,

— *aliudque Cupido,*  
*Mens aliud suadet: video meliora, proboque:*  
*Deteriora sequor:*

Dei

Deinde, qui potuit existere in cœlestibus illis animis, quos Angelos vocamus, illud execrabilis superbix vitium, si peccatum omne ab ignoratione, vel a depravata opinione proficiscitur? Quomodo potuit cœlestis illius ingenii splendor ad eam mentis perduci obscuritatem, ut sperare posset rem cum tota natura manifeste pugnantem, hoc est, pacem cum immensa illa divinitatis infinitate dignitatem? Unde tam superba rivalitas? Quomodo cecidisti de cœlo Lucifer, qui mane oriebaris? Certe non, ut apparet, ignoratione id factum est. Et si tu tibi constare vis, necesse est hoc fateare, qui supra ex Aristotele tuo docueris, in intellectum illum, qui a corpore sit segregatus, nullum cadere erroris genus. Postremo, ut a doctis accepimus, scelerum alia sunt quæ in ignoracionem, alia quæ in perturbacionem, alia quæ in malitiam conferantur. Quæ sane distinctio locum (ut videtur) non haberet, si in omni peccato interveniret ignoratio. Neque ergo omnis voluntatis error est ex ratione; neque voluntas sic rationi est obstricta, ut non possit aliofsum ab ea deflectere. Hæc tibi ante explicanda sunt, quam ad illud quo intendis proficiscare.

*FLOR.* Vos, molibus quibusdam in via, quas necesse sit superare, dispositis, properationem meam impeditis. Sed quia ad fidem meam pertinet boni istam vestram industriam consulere, locum hunc ignoracionis, quo vix alius in morali philosophia vel uberius vel acutius tractari postulat, cursim attingam. Prius tamen sententiæ nostræ rationem afferam: mox ad ea quæ objecta sunt breviter respondebo. Sed & hinc fundamenta quædam jacienda sunt, quorum hoc sit caput: neminem quicquam appetere posse, a quo non vel vere, vel opinionis errore perfici posse videatur. A natura enim nobis tributum est, illud quærere quod conveniat, & incolumitatem tueatur; & fugete id quod corruptionem aut interitum afferat. Hoc naturæ ingenium non citius quam naturam ipsam exueris:

L

Nunc

Nunc, cum a malo nihil perfici possit ( nisi forte tam plumbei aut stipites sumus, ut credamus nos ab ipso frigore calefcere, aut nigrescere ab albore ) malum, cur appetatur, nihil quicquam in se claudit, quin potius tanta ejus est indignitas, ut procul ab se appetentiam omnem absterreat. Hoc Plato in Phadro ex Socratis sententia prolixè demonstrat, qui vocis εὔμειν curiose exquirens, καλὸν, id est, *bonum*, vel *pulchrum* α, καλῆα, quod *voco*, vel καλέα, quod *mulceo* significat, dictum putat. Unde est proverbium, κόρος καλῶν. Magna enim bono, magna item & pulchro, & in pelliciendo & in deliniendo incantationis vis inest; imo incredibilis, nisi nos usus doceret, in quæ se dent pericula, qui vehementius aliquid amant vel oderunt. Idcirco apud philosophos εὔμειν καὶ ἀγαθόν, hoc est, *expetendum* & *bonum* a quabili-ter diffunduntur, & mutuam atque reciprocam quandam obtinent conversionem : sic ut quicquid bonum & pulchrum est, idem continuo expetendum sit, & contra. Epictetus cum vellet commonstrare, in rerum natura non inesse malum, sed solum in nostris per- versis voluntatibus, hac usus est similitudine, σκοπὸς ὃ τίθεται πρὸς τὸ ἀποτυχεῖν ὥτως καὶ κακῶ φύσις ἐν κόσμῳ γίνεσθαι. hoc est, *Quemadmodum scopus non fitur, ut ab eo deficiatur : ita nec mali natura in mundo est.* Quicquid enim fit in rerum orbe, fit in usum aliquem, adeoque ad illud tanquam ad scopum aliquem aliquo modo collineandum est. Et cum res se ad hunc modum habeat, perridicula est illorum doctrina, qui hic ingenio & literis abutuntur, dum captiosius quam verius ostendere conantur, voluntatem etiam ad malitiæ amplexus se extendere posse. Quisnam illud appetit, quod non aliquo modo judicet appetendum? Si appetendum videtur, certe continuo idem & bonum ( quemadmodum ex superioribus liquet ) apparet.

DEMET. Quid ergo eligunt illi, qui pecare eligunt, qui furta, qui fraudes, qui interdictas libidines

moli-

moliuntur, qui impietates meditantur? Hæc si mala non sunt, quid quæso malum est? Non deesse autem qui ejusmodi implicati sunt cupiditatibus, quis ignorat?

**FLOR.** Hæc objectio & Francisco, verbis paulum mutatis, est commemorata: quamobrem commune erit responsum. Nemo adhuc post homines natos neque impos neque compos animi conspectus est, qui gratis omnino peccaverit hoc est, qui nullo adductus emolumento, aut nulla evocatus suavitate, animum atque consilia ab honestarum rerum cursu ad improbitatem & scelera traduxerit. Non enim avarus quærit fraudem, quæ est in turpi quæstu, sed aurum aut facultates, quod ex illis adeptis copiam sibi quandam, atque quietem, licet falso, polliceatur. Nec adulter, aut scortator turpitudinem quæ est in stupris & libidinibus, sed sensuum voluptates requirit, quas licere vellet, atque improbitate, si fieri posset, vacare. Itaque, quicumque se ad improbitates applicant, hoc faciunt propter utilitates aut suavitates quasdam, res sane per se bonas, sed quibus sit aliqua turpitudine adjuncta. Cernere est, fateor, quosdam, qui gaudeant inferendis injuriis, etiam gratis: sed inde voluptatem capiunt, dum depravatione quadam naturæ sit inferenti opinio excellentiæ cujusdam, dum videt se alium impune conculcare; cum tamen ad veram magnitudinem non obeffe alli sed prodesse pertineat. Neque hoc est ex ratione libertatis, ut possit voluntas in bonitatem & malitiam juxta ferri: sed quod infinita bonorum varietate proposita, ad id quod lubet se accommodat, nulli uni rei ( ut nobis ante est explicatum ) addicta. Rem exemplo declarari si requiritis; videte, ut gustus præter saporem nihil agnoscit: variæ tamen sunt saporis species, quarum discretio ad gustum pertinet, cujusmodi sunt dulce, amarum, acerbum, salsum, austerum, acre, acidum, unctuosum. Par ratio est in visu, qui non nisi lucem aut colores cernit: at colorum variæ sunt formæ. Verum id quod

nec lucidum est, nec coloratum, ut videatur est ineptum. Solum ergo quod vel vere bonum est, vel boni specie vestitum, nos permovet.

**DEMET.** Cur ergo voluntas prava dicitur, si semper bonum appetit? Non enim malum est appetere bonum cum in natura positum sit, ut bonum appetatur, & ut voluntas id quod bonum est appetat.

**FLOR.** Voluntas dum peccat in actionibus, fertur in rem malam, sed non quatenus mala est. Malum enim in moribus plurimum nihil aliud est, nisi claudicatio quædam in actione, quæ si esset directa, ad officium pertineret. Hæc autem claudicatio, hoc est, defectus ejus ordinis qui fuit adhibendus, tanti est momenti, ut actio ipsa, quæ in se alioqui bona est, nunc mala censeatur. Certe & honores, & facultates, & conjunctiones naturales expetere contingit citra vitium: sed cum prætermittitur ordo quem honestatis leges instituerunt, turpitudinem & clauditates accipiunt actiones. Expetit ergo voluntas, etiam dum delinquit, res quæ bonitatis aliquid habent: quæ tamen propter adjunctas foeditates malæ sunt & respuendæ. Quod vero voluntas in ea re non omnino discrepet a judicio rationis, nec prius in voluntatem quam in rationem cadat error, vel inde agnoscere potes, quod nihil amplectimur, nisi quod aliquo modo placet: quicquid autem placet, boni rationem quandam accipit: neque quicquam usquam expetimus, quod non prius, ut jam dixi, expetendum videatur. Sed operæ pretium est hic considerare errorem judicii, qui inter peccandum intervenit, non esse uniusmodi. Alia enim est ignoratio, quæ vulgo juris dicitur: cum quis inscius est, & rudis præceptorum, quæ necessaria sunt ad vitam honeste degendam: ut si quis nescit scortationem in turpibus esse. Et hæc biformis est: nam interdum adest quædam pervicacia animi, contemnens inquirere quid ad officium pertineat. Hoc ignorance genus, quod affectatum aut sponte arcessitum dicitur, haud dubie criminis rationem exauget.

exauget. Interdum ignoratio a defidia quadam animi, ab eo labore qui est in veri inquisitione abhorrentis, proficiscitur. Atqui hæc supina ignorationis forma non prorsus culpam tollit, cum honestarum rerum scientia in primis sit accuranda: tamen aliquid de pondere criminis adimit, & paulum veniæ maleficio impetrat. Alia est ignoratio, quæ quidem non sit juris, sed facti, quæ quidem in optimum & sapientissimum quemque cadere potest: cum nulla hominum diligentia sit tanta, ut eventum præstare queat, aut omnium meminisse. Hæc erat ignorantia Æmylii (ut est apud Plutarchum) adolescentis, qui delitescens inter vepres uxorem, cervum suspicatus esse, sagitta confixit. Hac ignoratione tenetur, qui oblitus diem esse eum, qui Veneris dicitur, avem esitæ inter nos Christianos. Quod ab hac ignoratione manat factum, nunquam cuiquam ponitur in fraude capitali, eo quod invitus fecisse existimaris, quicquid non fecisses, si affuisset rei gerendæ cognitio; qua tamen nulla tua supinitate aut culpa caruisti. Argumentum autem locuples eas actiones non esse voluntarias hoc est, quod simul atque constat de errore in poenitentias incidimus. Siquidem Æmylius ille, ipse sibi præ mœrore, ubi quid accidisset rescivit, manus intulit. Cæterum, qui perturbationibus impulsus delinquant, præditi esse possunt omni & juris & facti agnitione. Consilia item iisdem recta, & deliberationes honestæ sunt: sed cum ventum est ad usum, labascunt: propterea quod superveniens perturbatio iudicium corrumpat. *Ejiciunda hercle hæc mollities animi, nimis me indulgeo: Tandem ego non illa caream, si sit opus, vel totum iridium?* ait Phædria apud Terentium. *Egone illum? quæ illum? quæ me? quæ non? sine modo: mori me malim: sentiet qui vir siem.* Sed hæc verba una falsa restinxit lacrumula: totusque tremit atque horret, ubi aspexit hanc, mosque continuo gerundus fuit Thaidi. Sic & Medea, cujus verba recitasti.

Dixit,

*Dixit, & ante oculos rectum, pietasque, pudorque  
 Constiterant, & viâa dabat jam terga Cupido,  
 Et jam fractus erat pulsusque resederat ardor,  
 Cum videt Æsonidem, extinctaque flamma reluxit.*

Hoc genus errantem Aristoteles ἀρεστίη, hoc est, *impotentem* vocat, quod nequeat affectibus imperare. Sed ubi, dices, intervenit error? Habet hic multiplices atque involutos, imo & contrarios syllogismos, *atque animum* (ut poetæ verbis utar) *nunc huc celerem, nunc dividit illuc.* Scit fugiendum esse stuprum, eoque & illud quod in præsentia offertur, cum ad stuprum pertineat, omnino devitandum esse. Sed hic occurrit protinus alia quædam ratiocinatio adversaria, dum statuitur, quæcunque suavia sunt convenire naturæ; adeoque & præsentem stupri voluptatem amplectendam. Hic affectus, qui interea in homine dominatur, efficit, ut illo syllogismo de fugiendis turpibus omisso, assumptio ad eam propositionem pertineat, quæ statuit suavia convenire; dum statim colligitur, hoc stuprum in suavisibus esse, adeoque persequendum. Quæ syllogismi complexio est postrema, a qua statim ad facinus profilitur.

**FRANC.** Hic, ut apparet, in eodem animo insunt contrariæ & pugnantes assensiones: quod tamen non posse usu venire ratio ipsa docet. Nemo enim eundem hominem & sanum & ægrotum una esse fatebitur; aut eandem aquam calidam & frigidam. Hic tamen impotens hoc facinus turpe esse statuit, quia stuprum sit, eoque fugiendum: et bonum esse statuet idem, adeoque persequendum, quod sit voluptarium.

**FLOR.** Vera contradictio & pugnancia esset, si in eodem temporis puncto animus apud se statueret, eandem rem aut actionem, nihil immutatam, & bonam & malam esse. Verum hoc nusquam accidit. Nam dum is fluctuat, & imagines celeriter mentem percutiunt, nunc in hanc, nunc in illam partem inclinatur victoria: itaque non nisi post intervallum aliquod contingit con-

traria



traria statuere. Sed quia celerrimus est cogitationum ultro citroque discursus, hæc temporis intercapedo non apparet. Atque Aristoteles confitentes se improbe facere, & res pravæ sectari, eo ipso momento quo prave eligunt, deliros esse censet, & eorum instar facere οἱ ἐν τοῖς πάθεσι ὄντες ἀποδείξουσιν ἡ ἐπὶ λεγούσας ἀποκλείουσιν qui (ut Latine reddam ejus verba) *insania laborantes, demonstrationes & versus repetunt Empedoclis*. Ergo illo auctore non serio & ex animo sentiunt ad malas se res applicare; sed contra statuunt pro eo tempore bona & expetenda esse quæ expetunt: quod cum secus sit, manifestum est mentis intervenire errorem. Hi eidem non plane improbi sunt, quod, etsi patiuntur humanum quiddam tantisper dum affectus remittant, facile tamen, ubi fractus erit perturbationis impetus, ad se redeant, & lapsiones suas detestentur, & generalia honestatis præcepta cum fide aliqua atque observantia colant. Malitiose vero peccare censentur aliqui, non quod per se malitia placeat (ostensum est enim rerum naturam hoc non pati) sed quia apud se, nullo in præsentia perturbationis exortu perpulsi, constituerunt persequi res, quas malas esse aut legibus vetitas norunt. Verum horum mihi videtur biformis esse ratio. Deteriores sunt illi, quibus certum est, per omnem vitam, quo jure, qua injuria, quod ipsis videbitur utile procurare. Nihil hi, vel perpaulum, virtutis aut religionis auctoritatem reverentur, dummodo id clam aliis fore, & se impune ablaturus sperent. Apparent hi perditissime, hoc est, circa ipsa salutis principia errare. Nam plurimum Deo non esse res mortalium curæ, animos totos interire, & virtutem denique nomen esse inane credunt: & his freti tenebris, in animum induxerunt, perinde esse utut vivas, dummodo legum humanarum multas effugere possis. Longe minus mali sunt alteri, qui habitu & depravata consuetudine tracti, vitæ hujus jucunditates, etiam cum injuria conjunctas, assidue consecantur: vacant tamen illis pestiferis erroribus, & a maximis sceleribus temperant,

perant, nec omnem honestatis speciem aut rationem abjecerunt: imo interdum ingemiscunt, se non posse ex illa dissolutæ vitæ ratione & vitiorum cœno emergere. Hi proximi sunt ab illis, qui impotentes vocantur, & Aristoteli sunt (ut opinor) ἀκολάστοι hoc est, *intemperantes*. Hos habet hic error pene perpetuus, quod plus tribuendum voluptatibus aut utilitatibus censeant, quam honesto: & sunt multo difficiliiores curatu quam impotentes, tum propter iudicium perversius, tum propter habitus necessitatem quandam. Siquidem in his pravitas est velut παθητικὴ ποιότης hoc est, *durabilis affectio* aut *qualitas*, quæ in impotentibus πάθος hoc est, *effluentis & minime diuturnæ commotionis* habet rationem. Videtur mihi Juvenalis, poeta sane elegans & sententiosus, utrumque hoc proximum genus huicæ verbis complexus:

*Sunt qui in fortune jam casibus omnia ponunt,  
Et nullo credunt mundum rectore moveri,  
Natura volvente vices & lucis & anni;  
Atque ideo intrepidi quæcunque altaria tangunt:  
Est alius metuens ne crimen poena sequatur:  
Hic putat esse Deos, & pejerat, atque ita secum:  
Decernat quodcunque volet de corpore nostro  
Isis, & irato feriat mea lumina sistro,  
Dummodo vel cæcus teneam quos abnego nummos:  
Ut sit magna, tamen certe lenta ira deorum est.  
Sic animum diræ trepidum formidine culpæ  
Confirmat.*

Jam ex his, quæ nobis dicta sunt, liquere arbitror, periculosiorem esse inscientiam ejus qui malitiosus est, quam ejus qui vel per impotentiam, vel etiam per ignorantiam labitur. Itaque vel nullum, vel leve est cõtum crimen, qui per ignorantiam non arcessitam, aut eam quæ facti est, delinquant. Perturbatis item ignoscitur facile. Sed malitia illa, quæ plurimum contemtum adjunctum habet, severiter & gravissime est vindicant.

*Micanda.* Et sane hic contemptus videtur esse illud quod malitiosum ab impotente disseparet, etsi a malitia absit etiam subito nata illa perturbationis furia. Hanc ignorantiae distinctionem facile ego præterissem, nisi vos mihi principes atque auctores fuissetis hujusmodi sermonis ordiendi.

*FRANC.* Postquam passim intervenit judicii error, cur non ut his qui impotenter labuntur in errore est aliquid præsidii, itidem & illis sit quos malitia occæcat?

*FLOR.* Non potest, ut sæpe jam diximus, industria nostra præstare ne cooriantur perturbationes, nec ubi coortæ fuerint, derepente cohibere. Itaque cum ante natum motum deliberatio esset honesta, & eo abeunte ad honestum facile redeatur, ab illa rationis caligine aliquid est auxilii lapso. Verum secus se res habet, in eo, qui meditatus & cogitato turpis fit. Absit ab hoc perturbatio, & ad rem sceleratam non protrudi ut ille, sed ire sua sponte quodammodo videtur.

*FRANC.* Perturbatio omnis quasi ebrietas quædam apparet rationis. Hinc (ut opinor) admonemur, de sicca ebrietate cavenda. Verum si ebrietas ad punctum temporis durans maleficio nonnihil patrocinator, videtur illud ipsum majore de causa convenire debere ebrietati quæ sit perpetua. Jam is qui malitia fretus delinquit, videtur perpetuo & assidue perturbari nimio amore sui, & quadam temperaturæ perversitate. Præterea adest illi & habitus, qui novæ perturbationis vice esse possit.

*FLOR.* Et immodicus sui amor, & temperationis pravitas etiam in illo impotente inest. Sed fortasse instabis, ut inæquabiliter statuatur esse participes pravæ temperationis. Ad hæc dico, condonari nonnihil posse pravitati naturæ; miseretur enim & nostri Deus, non ignarus cujusmodi figmentum sumus. Sed quia temperatura non adeo nobis molesta est, ut perturbationum vehementium more tollat pene mentis usum (vides ingeniosissimos esse malitiosos, at-

que acutissima mente uti in studiis suis) & semper resideant in animo generales quædam sententiæ de honesto, unde eliciendi veri copia sit prolixa, non potest hic interveniens ignoratio sceleri suffragari. Quod de habitu vitioso additum est, satis ex superioribus constat, quoniam sit pacto dissolvendum. Hic ego non nego, ab una pietate Christiana corruptæ naturæ purificationem expectandam: tantum id obiter attingo, quod contra desidiam nostram afferri possit, dum naturam nostram potius quam voluntatem aut rationem, gravius, quam par sit, accusamus. Sed jam veniendum est ad malum illud Angelorum facinus, cujus ut modum & rationem explicant, mirifice se torquent Theologi nostri, qui Peripateticam philosophiam cum religione copulare conantur. Turbidum aliquem aut crassum errorem illis non largiuntur, sed tantum inconsiderantiam quandam, qua effectum est, non ut omnino Deo pares esse concupierint (nam hoc erat nimium absurde sentire) sed ut conjecti sint in quandam mentis elationem sua ipsorum specie ac dignitate expendenda, absque hoc, quod quam primum Deo auctori quod acceptum est sit relatum. Hisce de rebus si curiosius scire vultis, adite Theologos ipsos. In hujusmodi enim altissimis atque difficillimis quæstionibus, cujusmodi sunt & illæ de ineffabili Triade, de æterna immutabilitate divinorum consiliorum circa salutem hominum, quam Prædestinationem populariter vocant, de modo quo humana natura sit in CHRISTO divinitati conjuncta, qua ratione animi corporum expertes torqueantur ab ignibus, aliisque hujus generis compluribus, libenter me cum Paulo abdo in illam ignorationis confessionem, & exclamo, *O altitudinem divitiarum sapientiæ & scientiæ Dei! Quam incomprehensibilia sunt judicia ejus, & via nulli pervestigabiles!* Hoc nobis satis sit in presentia; illud solius ejus rei, quæ ipsa norma est, (nec erubescio bis dicere, quod nunquam satis dici potest) id esse proprium, ut a recto nusquam deflectat. Norma enim

enim si enormis sit, jam non amplius norma est. At Deus ipse norma est; cætera autem omnia, cum ex iis nihil sit ipsa norma, neque ejusmodi sunt, neque ejusmodi esse aut fingi possunt, ut non suapte natura sint labentia & caduca. Eatenus ergo integra consistunt & recta permanent cætera omnia, quatenus ab ipso Deo, nunquam sine religiosissimo tremore nominando rerum principe, & conservantur & diriguntur. Sed quomodo-  
 docunque habeant mentium illarum separatarum res, nos homines se ipsa experimur nostri fundi calamitatem esse ex ea pugna, quæ est inter τολογικὸν καὶ τὸ ἀλογον hoc est, inter *intelligentem* & *brutam* nostri partem; ut nobis amplius dubium esse non possit, voluntatis pravitatem ex ratione per corpus infecta manare: cum nihil quicquam unquam appetamus, quod non aliquo pacto expetendum, adeoque & bonum judicetur. Videte quæso, quantum soleamus obtendere velorum, quantum prætexere excusationum, quoties ipsi nobis indulgere volumus, & si superis placet, uno eodemque tempore & turpes & honesti esse. Neque ego hic de perditissimis illis ingeniis loquor, quibus pro ludo est & superos contemnere: sed de iis, a quibus multum, ut apparet, tribuitur honesto. Sic enim nostra ratio est.  
 "Quod me nunc ad se vocat, res est commoda & sua-  
 "vis: plerique hanc accurate quærunt, nec adipiscun-  
 "tur: imo principes viri & magistratus tam sacri  
 "quam profani magno ad hanc ambitu contendunt.  
 "Turpitudine si quæ in ea inest, non ita magna est. Su-  
 "peri sunt faciles, & ignoscunt libenter: ætas & oc-  
 "casio præceps ut ita faciam suadent: neque ego solus  
 "in crimine ero: Quis non ita facit? In tot labori-  
 "bus necesse est ut persentiscam aliquod præsens præ-  
 "mium: arduum nimis est, ad sola futuræ vitæ solatia  
 "intendere: desinam aliquando, & quod contractum  
 "est culpæ resipiscencia diluam, & damnum datum  
 "multis rationibus quæ in promptu sunt compensabo.  
 "Aliquid facultatum in monachos aut egenos erogabo.

"Extruam aram alicui divo; redimam nummis fidem;  
 "hoc est diploma Pontificis, unde mihi integrum erit  
 "eligere sacerdotem a quo non solum sceleris, sed etiam  
 "penæ committitur (ubi consilium mutare, & ad  
 "poenitentiam confugere visum fuerit) condonationem  
 "em spero. His ego rationibus ævum molliter exigam,  
 "& paucarum horarum cura ad extremam vitam  
 "(quod fatui isti, & stipites, & ad fallendam Nemesim  
 "parum ingeniosi, consequi nequeunt) perficiam,  
 "ut ex deliciis ad delicias transferar. En ut vetulum  
 "& putidum scortum, hoc est, actionem turpem, tot oblinimus  
 "fucis, tot ascititiis ornamentis, ipsi nobis (quod indignissimum est)  
 "imponentes, convestimus: ut facile pro speciosa virgine, quæ in  
 "primo sit ætatis flore probet. Quocirca, quoties est deliberandum,  
 "omni (quod ajunt) pede standum est, & ad hoc omni contentione  
 "incumbendum, ut ne aliquis in judicio sit error, & ut non solum  
 "ubi plus est mali quam boni, sed etiam ubi quicquam omnino mali,  
 "hoc est, turpitudinis est, id totum abjudicemus atque rejiciamus.  
 "Nam sic nihil jucundum aut formosum apparebit, quod re ipsa  
 "tale non sit. Hucusque si semel scandere poterimus, rem omnem  
 "ex sententia conficiemus. Semper amor rectus & honestus erit:  
 "qua una ex re, ut supra constituimus, aliorum affectuum omnium  
 "& bonitas & pax dependent.

FRANC. Non tam sæpe te properantem retardarem,  
 nisi (ut mihi appareret) hæc disputationis pars ad ipsam  
 officiorum stirpem pertineret. Quocirca ut res penitus sit  
 excussa, mihi libet aliquot, quæ superesse videntur,  
 difficultates afferre.

FLOR. Nihil jucundius est animo bene constituto earum rerum  
 indagazione, quæ ad bene beateque vivendum pertinent: neque  
 ulla disputatio poterit esse nimium prolixa, unde perpetua  
 quædam utilitas effluit. Quamobrem dic quæso, quis hic te  
 scrupus habeat.

FRANC. Quamvis ratio exacte teneat quæ sint ve-

ra bona, neque quicquam in iudicando labatur aut vacillet; non tamen propterea consequens erit voluntatem ad illud bonum se necessario applicare. Concessi quidem tibi propter superioris disputationis vim, voluntatem neque malitiam propter se amplecti, neque in eandem cadere lapsionem aliquam, nisi falsum aliquod rationis iudicium præcedat: attamen adhuc, ut nullus sit error in deliberatione, potest voluntas procursum suum suspendere atque refrenare: alioqui appareret illam naturaliter, non libere in rem ferri. Iam istuc illa si poterit, etiam iudicii integritas non tanti esse apparet, quanti tu eam videri postulas. Deinde item & illud tibi veniat in mentem, quod superioribus proximis diebus, dum super mensa quæreretur unde esset tanta iudiciorum varietas, non solum in constituendo summo bono, sed etiam in singulis pene rebus quæ ad vitæ usus assumuntur (alios enim alia delectant) productus est a te Aristoteles, statuens talem unicuique finem videri, qualis ipse jamdudum evasisset. Allatum est & exemplum de sanis, quos non nisi salubria delectant, cum interim infirmis etiam noxia placeant: eoque fieri dixisti, ut studiosi propter habitum virtutum jam partum recte dijudicent; & improbi contra scelerata consuetudine infecti, in rerum delectu hallucinentur. Hæc si vera sunt, apparet non voluntatis rectionem & incolumitatem a ratione, sed contra rationis rectionem & incolumitatem a voluntate, aut eo qui in ea inest habitu, pendere. Postremo, fac abesse omnem & habitum & perturbationem, si deliberationes honestæ ex iudicii integritate existunt, & hæc ipsa rursus aut a doctrina, aut ab ingenii nativâ quadam felicitate proficiscatur, & ingenium denique sit a natura; verisimile est, non nostra opera sed naturæ beneficio, & acerbitate, quæ mentis acumen huic negat, illi largitur, nos tum probos, tum improbos fieri. Atque ita voluntatum causæ erunt naturales, & nihil erit in nostra potestate. Etenim, ut qui a natura contigit oculorum vigor eximius, is multo rectius

rectius de coloribus aut rebus longe positis pronunciat, quam qui luscus est, aut lippientibus oculis: sic ingenii præstantia vel hebetudo efficiet, ut recte vel secus de expetendis fugiendisque statuamus.

**FLOR.** Tu ingenii similitudine in eadem cum doctissimis hominibus vestigia incurris, atque cum in præsentia ostendis disputationis campum, in quo si pro rei merito decurrere siti essemus, extrahendus in multos dies esset sermo, qui nos non sine voluptate quadam a proposito retardaret. Sed eundum est ad explicationem earum quas proposuisti difficultatum, quam fieri possit brevissimam. Et, sicut a te ordine quodam oppugnata est nostra sententia, ita oppugnationes ipsæ ordine propulsabuntur. Primo loco objecisti, non tantum posse esse momenti ab ipso mentis iudicio, ex eo, quod quamvis voluntatis studium ab eo non discrepet, non tamen propterea voluntas id sequatur, quod a ratione est comprobatum, cum possit ipsa se abstinere a cuiusvis rei appetitione. Sane voluntas, etsi (quod in perturbatis cernere est) sæpissime a cognitione ea generali, quæ perpetuo in animo residet, se segreget: nunquam tamen vel unguem, quod aiunt, latum ab eo quod in præsentia & particulatim sit iudicio discedit: neque tamen necessitatis ejus, quæ coactio dicitur, hic pars aliqua admiscetur in electione: ex eo, quod etiamsi summum bonum aperte proponatur, voluntas ad illud rapietur cum jucundissimo quodam, tanquam ad rem maxime congruentem, motu. Violentia enim tum intelligitur, cum adest reluctatio, propter naturarum discordiam atque pugnantiam. Et hoc est, quod poetæ scriptum est,

*Te, Corydon, & Alexi, trahit sua quemque voluptas.*  
Sed est hic motus alacrior, aut remissior, pro opinione ea, quæ est de rei ostensæ præstantia, atque convenientia. In aliis autem a summo bono rebus, voluntas summa cum facilitate se a quovis ad quodvis traducit: nisi aliqua res talis sit, ut sine ea summum



num bonum consistere aut parari nequeat: tum enim & forma quādam necessitatis inest in ejus rei appetentia: ut, si cui certum sit in Britanniam ire, postquam intelligit insulam esse, consequens omnino est, ut navigare instituat. Sane quemadmodum in disciplinis naturalibus, ut principiis, quæ *ἀξιώματα* vocantur, necessario assentimur; itidem facimus & complexionibus ordine inde ductis. Et, ut exempla tibi nota afferam, Francisce, qui ante paucos dies non sine voluptate quadam Astrologiæ & descriptionis orbis rudimenta nostra opera adjutus didicisti: qui dedit omnes ejusdem circuli quadrantes esse æquales, & reliqua permanere æqualia, si ab æqualibus partes æquales adimantur; cogitur quodammodo fateri, spatium, quod est inter verticem cœli erectum & finitoris ambitum, par esse illi, quod est inter æquatorem circum, & cœli punctum quod nostri capitis vertici respondet. Item qui novit lineam quæ recta sit in alteram incidentem duos conficere angulos qui recti sint, vel duobus rectis æquales, atque externum angulum paris esse spatii cum duobus inclusis qui sunt oppositi: continuo dabit, omni triangulæ figuræ necessario esse tres angulos, qui pares sint duobus rectis. Iam, cum cum locum in moribus & vita obtinent (ut Aristoteles docet) finis, quem principia in speculatricibus disciplinis, hoc est, eis quæ solam consecrantur veritatis contemplationem: quisquis necessario fertur in aliquem finem, non potest non ea appetere, sine quorum ductu finem se adipisci posse non videt. Verum quemadmodum multæ sunt conclusiones, quarum fluxio ex principiis habet obscuritatem & ambages: ita plurimæ sunt res, quarum ductus est incertus, & sine quibus felicitas acquiri posse videtur. Ideo fluctuatio appetitionum nostrarum modum non habet, sed semper pro re nata ab aliis ad alias res affectum traducimus. Et quamvis nullam rem voluntas necessario appetat (nam potest ab omni appetitione quiescere) dum tamen vigilat, & munere suo fungitur,

fungitur, nihil appetet, quod non sit quodammodo a ratione comprobatum: neque multis rebus propositis, alia deserta ad alium amorem se transfert, nisi prius sit quædam translationis ratio in re explorata per ingenium. Hæc igitur translationis infinitas, citra ullam violentiam aut coactionem, satis est ad tuendam voluntatis libertatem. Nec ego nunc theologico more de arbitrii libertate disputo, & an homo suis viribus possit divinis legibus satisfacere, aut a scelerata vitæ ratione ad piam & salutarem se convertere. Hæc non sunt hujus loci: nam hæcenus me intra quosdam philosophiæ cancellos conclusum esse volui, quos sine veniæ præfatione non egrediar. Nunc adeo ad alteram illam acutam sane, & meam scientiæ propriam objectionem. Tanta est rationis & voluntatis in officio tum conservando tum violando conspiratio, atque altera alterius sic (ut Horatii verbis utar) *poscit opem res & conjurat amice*, ut vix rationis sine voluntate, & nunquam voluntatis sine ratione consistere possit integritas. Sed quoniam voluntatis munus est consequi, rationis anteire in rerum delectu: natura ita comparatum est, ut origo directionis atque salutis sit ex ratione. Quapropter, ut demus voluntatis jam præviter affectæ vitium (quod haud dubie fit) derivari atque redundare in rationem: fuit tamen aliquando tempus, cum nondum generati essent illi habitus, nec libertas quicquam imminuta esset, aut virium puritas exotico aliquo habitu vitiata. Etenim ipsa anima cum viribus suis, Aristotele auctore, de principio est tanquam tabella, in qua nihil dum descriptum est: nostra culpa accrescunt vitiosi habitus mentis, qui ad prævitatem judicii faciant, & qui depulsi sunt difficiles: iidem tamen labore & contentione, sed majore adhibita depelluntur. Idcirco Timotheus musicus, qui ab aliis antea præve instituti essent non rejecit quidem a ludo suo, sed ab iisdem duplum exegit stipis ejus quod ab integris discipulis accipere solitus erat. Et ut id demum tibi largiar, judicii integritatem non pa-

sum

tum a voluntatis habitu vel juvari, vel ladi: non tamen propterea obtinebis, voluntatem a praesente rationis iudicio discrepare, aut ab ejusdem incolumitate ex multo maxima parte pendere. Quæ tertio loco est abs te allata difficultas, sortis in speciem composita, Aristoteli in tertio eorum qui sunt ad Nicomachum moralium librorum tractatur. Verum, quia non est ab illo ea ratione explicata, quæ nobis in praesentia magnopere usui esse possit; nos in ea ipsa declaranda viam nonnihil diversam ingredi statuimus. Non omne momentum, sed plurimum in iudicii integritate positum dixi: sed neque hæc ipsa integritas tota est a natura. Ingenium fateor esse naturæ beneficium, quod & vocis ductus demonstrat: dicitur enim quasi ingenitum, & ex docilitate atque memoria tanquam partibus constat. Verum doctrina, quæ est ingenii cultus, partim etiam a voluntate est. Acquiritur enim assiduitate & industria, quam oportet imperari a voluntate. Eapropter Isocrates sciscitanti cuidam, quid opus esset filio, quem in ejus ludum erudiendum mittere decreverat, *ἄλλ' ἔστι, γερὰ δὲ διὰ τοῦτο* hoc est, *style*, inquit, *opus est & mente*. Adhuc opus est & perpetuis mentis excubiis, ne quid in deligendo nos effugiat: quod sane non contingit, nisi voluntatis jussu atque imperio, adeoque & ipsa laudis ejus, quæ in recte judicando inest, est etiam & hac ratione particeps. Et rursus eundem ad modum neque in malis culpa omnis est assignanda naturæ, vel hebetudini ingenii: eo quod nemini usque adeo natura nocere fuit (nisi forte mente prorsus captos proferas, in quorum actiones non cadit laudis aut vituperii ratio) ut non in animo habeat generales quidam sententias de moribus insculptas, quibus excutiendis omnis veritas, quæ ad vitam hanc civiliter degendam pertinet, elicitur. Quis ignorat unamquamque sui partem, ut ea maxime praestans est, ita maxime & eam esse debere, & curandam atque excolendam esse maxime? Nec illud obscurius est, nostram digni-

tatem positam esse in ea parte, qua superamus belluas, & proxime ad superos accedimus: quibus constitutis, protinus consentaneum & consequens esse videmus, ut animus se exerceat in investigandis & persequendis assidue suis bonis, quibus & exornari & perfici possit: quod si facit, statim occurret illi pietas, quæ nos gratos adversus Deum & parentes facit: occurret temperantia, quam agnoscet esse moderationem in eis actionibus quæ ad vitæ suavitatem pertinent: occurret item & humanitas, quæ ad justitiam, hoc est, convictus tranquilli & pacificæ societatis genitricem colendam nos instituet. Has ergo notionēs cum natura in animis nostris consignarit, sicubi in officio claudicamus propter opinionis errorem, non accusemus naturam, sed ignaviam nostram, qui non præstitimus id quod in naturæ viribus positum erat, in occupando ingenio in rerum luce atque veritate eruenda. Ipse hieme noctu interdum exsurgere soleo ad lectionem. Cum expergiscor, postquam adest & silex unde ignis excutitur, & chalybs quo excutitur, & assula sulphure infectæ, si lumen desit, quid hic est præter inertiam meam quod accusari possit? Et fortasse vix alia in re a que luculenter libertatem suam ostendit voluntas, ac in rationis usu facit, dum illam ad quamlibet rem intuendam atque explorandam adhibet: unde dictum opinor Epicæto, *Nihil tam esse in potestate nostra, quam sit usus cogitationum.*

FRANC. Responsiones tuæ sane mihi acres videntur in primis, acuminis & rationis sane non inanes: superest tamen semper nescio quis scrupus. Si ista præstantia ingenii adeo facit ad puritatem judicii, ex qua voluntates honestæ oriuntur: unde est quod acutissimi sensus homines, & interdum iidem docti, ad turpes & infames vitæ rationes delabuntur?

FLOR. Existimo tales nunquam exercuisse legitime ingenium in virtutis specie exploranda. Nec absurdum est, aliquem Astrologiæ aut Medicinæ peritissimum

num esse, absque hoc quod recte sentiat de moribus & de summo bono. Nam (quod dici solet) *ubi intenderis ingenium; ibi valet*. Quod si aliquem proferas insigniter turpem, cujus sermo atque doctrina sanctitatis plena videatur: tibi respondebo illud, quod Aristoteles de perturbatis dixit, *Non ex animo illum, & serio ita sentire, sed delirii esse speciem*. Potest item & vis mentis quamlibet acris occasione aliqua prius impediri, atque occupari erroribus, quam vel illa prima virtutum semina, quæ animo inclusa habet, perspexerit: quibus de rebus supra est disputatum.

**FRANC.** Faciamus esse aliquem adeo benigne a natura ornatum, ut acutissime cernat honesti speciem, & qui jam inde ab ineunte ætate semper viderit persequenda ea bona (rejeclis aliis omnibus) quæ animum perficiunt: is si propterea sibi constat in officio persequendo citra adjutorium doctrinæ, apparet esse naturæ (ut jam dixi) beneficium: si officii desertor est, & ipsa judicii integritas, etiam quæ est ab excellentia ingenii, etiamdum infirma apparet.

**FLORE.** Adeo acriter urges, ut pene confugere cogar ad dogmata religionis, quæ sunt de illo quod originis vocatur scelere, atque illud ipsum errorum causam statuere. Sed quia adhuc philosophiæ patrocinium deferere nolo, dicam tibi, si possis talem aliquem mihi proferre, me illum veluti semideum adoraturum, qui nunquam hallucinetur, nusquam labatur in judicio: hominum enim est & falli & labi: in iisdem tamen positum est, inspectis illis philosophiæ regulis, quas in animo custodiunt, se ad meliorem recipere frugem, & liberalem aliquam honestatis saltem speciem (nam solida honestas extra religionem non est) se recipere. Cæterum hæc postrema tua argumentatio effecit, ut ventum sit ad disputationis hujus (nimium fortasse prolixæ) de judicii & opinionum puritate fructum explicandum: in qua quidem parte ita philosophabimur, ut omnia sine admodum cum religione consensura. Natura

tura nos διανοηθεί hoc est, honestatis atque pulchritudinis cupidos finxit: verum oportet pulchritudinem luminibus esse admotam. Nam oculi sunt in amore duces. Quod si admota illa nihil prorsus in se labis habet, sed augefcit semper, formæ decus, quo propius itas, hoc te capiet magis; & quo penitius introspexeris, hoc flagrabis vehementius. Jam hoc nemini, qui se hominem esse profiteri ausit, dubium esse potest, tanto animi pulchritudinem ea quæ corporis est præstantiorem esse, quanto ipse animus corpore est nobilior. Pulchritudinem autem animi esse ejusdem statum, quem ratio a divina voluntate manans præscribit; nemo mentis compos negabit. Ex his colligas licet sapientiam, pietatem, moderationem, humanitatem, reliquasque his conjunctas virtutes conficere pulchritudinem animi, & ad hoc nobis vigilantissime incumbendum, ut harum rerum speciem inspicendi non strictim & per transennam, sed coram & proxime nobis sit potestas. Habet enim illa immensitatem quandam dignitatis, non modo non vilescens, sed semper quo melius aspexeris, hoc se commodius explicantem, & potentissimæ cujusdam incantationis vi nos ad se rapientem. Conquirenda erunt igitur rationes undique, quibus persuasio de virtutis specie atque præstantia, & contra de vitiorum & libidinum fœditate assidue augefcet & confirmetur, imo altissime & tanquam trabalibus clavis in animum defigatur, atque medullitus (ut Plautina voce utar) nobis inhærescat. Semper illud animorum decus sese nobis vel importune objectet, semper incurrat in oculos, nusquam nos quiescere patiatur. Ex hac autem persuasionem, quæ apertam & pertinacem veræ pulchritudinis. hoc est, honestatis visionem consequitur, pene necessario manat continentissima & jucundissima simul vitæ ratio. Siquidem, ut veritas quo apertior atque illustrior fuerit, hoc firmiorem in intellectu assensum generat: ita quo fuerit honesti species exploratior, hoc efficacius animi studium in officiis persequendis

quendis proliciet. Sumus sane natura, (ut ait Cicero) appetentissimi honestatis: cujus si quasi lumen quoddam aspeximus, nihil est quod. ut eo potiamur, non parati simus & perferre & perpeti. Plato item ait, sapientiam & virtutes mirabilem sui concitaturas amorem, si oculis, hoc est, aperte cerni possent. Et profecto, quemadmodum balistæ lapidum. & reliqua tormenta telorum eo graviores emissiones habent quo sunt contenta atque adducta vehementius: sic pro modo persuasionis ejus de honesto, quæ in ratione inest, erit & voluntatis ardor atque contentio. Languida itaque assensio, & tanquam opinio hæsitans de virtutis dignitate atque præstantia, frigidus parit voluntatis motus, cum aliquid pie aut humane est faciendum. Et contra, intenta atque indubitata rerum fides, quid tam est difficile quod non perfacile ea superet & conculcet? Quid Socrati, quid Leonidæ, quid Deciiis, quid Mutio, quid Regulo, cæterisque, quorum Græcæ & Romanæ literæ meminerunt, dolorum & mortis contemptum fecit, nisi virtutis fulgor, & magnarum rerum species, quæ radiis suis assidue mentis lumina feriebat, eorumque animos ab omni alia cogitatione atque studio avocabat? Hoc si potuit in illis virtutis bractea quædam & leviter adumbrata imago objecta; nihil mirum est, si heroes illi, qui nostræ religionis veritati sanguine suo subscripserunt, admirabilem illam animorum alacritatem etiam in exquisitissimis tormentis præstiterint, ut quibus non umbra virtutis, sed ipsa virtus esset proposita; & divina quædam phasmata, facem sacro præferente spiritu, sint usque conspecta. Neque sane quicquam a nobis res turpes, ut supra ostendimus, impetrant, nisi cum personatæ occurrunt,

*Fallit enim vitium specie virtutis & umbra.*

Sic sane cum nobis erit vehemens & indubitata de virtutis dignitate persuasio, atque adsuæfecerimus animum aperte cernere magnitudinem ejus speciei, quæ in servando

vando decoro & conservanda nostra nobilitate inest, quando occurrent fallaces hæ rerum species, & libidinum irritamenta, quibus vulgus incautum, imò cæcum, capitur: statim nos ad solidam, quæ est in animo inclusa, honesti speciem convertemus: & tum facile videbimus, quantum absint quotidianæ hæ formæ, imo formarum umbræ, ab hac nostra; & quantæ sit dementiæ tenebras luci, vel rebus umbras anteferre. Ut ergo vage excurrentis orationis sit epilogus, & tibi pro acervali argumentatione acervalem reddam, sic habeto. Postquam pulchritudo conspecta a ratione est, quæ movet voluntatem virtutis species, si propius visa fuerit, mirifice inflammabit eandem. Ea ipsa semel inflammata naturæ quodam nexu, (ut in coelestibus globis, ubi superior inferiorem vel obluçantem secum rapit) cor & animale mæbit appetitum: animalis autem appetitus sic inflammatus atque occupatus, prius erit in rationis partes pertractus, quam nubem aliquam (quod solet) rationi possit offundere, atque adversarios illos instruere syllogismos. Quod si quicquam tenebrarum offuderit, propter vehementiam quæ est in voluntate, id discussu erit facillimum: quemadmodum videmus interdum Solis, cum rapidus est, fulgorem solere nubes momento dispergere atque dissipare, flammam potenter coortam subito fumum omnem fugare. Sed cum communes veritatis notiones, nisi ad singulas applicatæ sint actiones, minus procul dubio sint efficaces, quotiescunque libido vel turpis utilitas nos ad defectionem sollicitat: ita nobiscum ratiocinemur atque statuamus oportet, non solum videlicet perpetuam vitæ honestatem, sed etiam hanc unam actionem ab honestate profectam, præsentem libidinis huius victoriam, hoc pusillum quod nunc præstandum est officii, in reprimenda cupiditate, plus in se decoris & dignitatis, adeoque & solidæ voluptatis habere, quam si ex ejus desertione nobis omnes totius orbis & opes & honores, imò etiam & voluptates accrescant.

Hoc



Hoc vel verissimum esse quis dubitat, cui agniti sunt, honestum immenso intervallo antecedere utile? Quod si verum est, cum utile nudum proponitur; quanta sit veritatis accessio, ubi utilitas turpitudinem habet adjunctam, qua sit, ut boni nomen jam penitus utilitati extinctum sit & perierit. Nunc cum rem ita se habere luce ipsa sit illustrius, cur non ita esse nobis indubitanter & vehementissime persuadeamus? Si autem semel ita persuasi simus, non est magnopere verendum, ne tanta rerum pulchritudine atque præstantia floccipensa, sordes & turpitudinem amplectamur. Hujusmodi sane syllogismis in vitæ usu si fuerimus adsueta, consciemus nobis pulcherrimas victorias, & eas quidem crebras, quæ nobis non solum veras voluptates suppeditabunt ex officii conscientia necessario nascentes; sed etiam nos coelitibus ipsis admirandos atque venerabiles (nam homines conscios esse nihil interest) efficiant. Et hujusmodi mentis usum opinor esse scientiam, quam Socrates omnes esse virtutes dixit. Nunc (ut opinor) aditum aperui ad cætera, & ostendi omnium cupiditatum domandarum, imo totius tranquillitatis atque salutis fundamentum, caput totius sanitatis, positum esse in indubitata & vehemente persuasione de honesti specie atque præstantia incomparabili: ne cui mirum jam sit, si multus fui in ignorationis atque scientiæ rerum locis tractandis. Verum, quia plus fructus nos relaturos arbitror ex disputatione, si generalis hæc sententia in præceptiones quasdam sit distributa, referam vobis quoddam meum somnium, quod rem pene totam particulatim complectetur. Neque institui ipse in præsentia singulis perturbationibus suam adhibere medicinam, res enim esset immensæ operæ, & profecto etiam supervacaneæ: eo quod ea sit futura præceptionum nostrarum ratio, ut iis commode acceptis, & omnes & singulas perturbationes profligare, & perpetuo honestatis honore florere sit in promptu. Verum cum fidem aut approbationem audientium, somniorum visa non facile inveniunt,

niant, talem velim intelligatis eam mihi visam nocturnam informationem, ut ego illam multorum dierum meorum vigiliis anteponam: neque ne vos secus sensuri sitis vereor, cum auditione ipsa comperturi sitis, non commentitias res sed veras vobis exponi.

**FRANC.** Quæsumus uterque, ne nobis utilitatis huius communicationem invid eas, neve nos quacunque de re celes, ex cuius notione accensionis aliquid probitati adjungi posse speres. Iam enim persuasum habemus, istud tuum somnium, postquam tu illud referre pro indigno non habes, non esse ex vulgari genere, sed singularem quandam afferre utilitatem. Observavi enim semper, te, ut ab impietate, ita ( ut mihi quidem visus es ) a superstitione quam longissime abesse.

**FLOR.** Annos abhinc aliquot, priusquam ex patria huc in Galliam trajecissem, dum ego & Joannes Ogilvius, qui nunc apud Scotos Crodanam regit ecclesiam, vir, ut generis claritate, ita literis & moribus ornatissimus, una ( nam multum una esse solebamus ) in ripa Loffæi amnis deambularem, principium illud sermorum Horatii, ( nam Horatius præ manibus erat )

*Qui sit, Macenas, ut nemo, quam sibi sortem*

*Seu ratio dederit, seu fors objecerit, illa*

*Contentus vivat: laudet diversa sequentes?*

nobis occasionem dedit, inter nos de ærumnosa hac humanæ vitæ conditione commentandi. Tum ille ad me conversus, Quid sibi vult hoc, Florenti, quod neque cupiditatibus nostris satisfieri potest, ne nos ipsas, ne se in immensum extendant comprimere valeamus? Quid sibi vult hæc ægritudinis carnicina perennis, quæ animum exest atque conficit? Tu jam totum quadriennium philosophis operam dedisti, solent illi huiusmodi res tractare: me tui nosti studiosissimum, tu si nos vicinum amas, fac cras a prandio inclinante jam Sole hunc ipsum ad locum redeas, ipse te in hoc tumultu expectabo: interea philosophos consules, ut possis explicare, nostrone an rerum vitio hæc vitæ anxietas contingat.

contingat. Me certe primus iste ingenii tui calor majorem in modum delectabit. Fallere enim tædium illud, quod a tempore esse solet, nec honestius nec utilius poterimus. Ea ipsa nocte sub auroram, priusquam somno solutus essem, visus sum mihi per amoenissimum quoddam pratum, quod vario florum genere pulcherissime distinctum erat, incēdere. Solent enim nocturnæ visiones lucis studia & curas, maxime si sint acres, quæ pridie antegrediuntur, referre: & est sane ille extremæ Britanniae angulus aspectu atque fructu multo jucundissimus, propter frondosos colles vicinos & lacum oloribus habitatum, haud procul ab Elginio oppido, ubi templum est magnifice exstructum. Prato vicinus erat collis leviter, & modice editus. In collē posita erat ædes exitiā, eaque in templi formā, ut mihi quidem visum est, exstructa. Circum collem ad radicem decurrebat amnis lucidus & vadosus, in quo cernere erat varii generis pisces colludere. Post ripam, priusquam ad collis cliyum ventum esset in planitie quadam, & in ipso quoque clivo, arbores erant, præter vulgares, myrti, lauri, cupressi, terebinthi: nec procul inde malorum, & nucum, omnisque generis fructiferarum arborum genera varia, mihi quæ proflus ignota. Virgultis & arboribus passim insidebant canoræ aviculæ: fontium item in collis latere scaturigines aliquot erant, & lenem quendam sibilum inter frondes aura suaviter spirans concitabat. Hic ego eo lubentius spatiabar, quod nullum locus ille anguem aleret, aut noxium quodvis animal. Ædes ipsa ex Parrio (quantum conjectura assequi potui) constabat lapide, ratione illa quidem atque arte summa, exedificata, claudebatur murorum ambitu amplo & specioso. Ad fores senex quidam confidebat, cultu plane & gestu philosophico, Democritus mihi videbatur, aut antiquis qui ex ejus ludo prodijisset. Hoc ex sermone quem post habuimus intellexi. Nam ille, ut est apud Diogenem Laertium, summum bonorum finem statuit esse

esse διδυμίας ἢ τὴν αὐτὴν ἔσσαν τῇ ἡδονῇ hoc est, *non eam, que sit eadem voluptati: sed eam, per quam animus compositus degit perturbationis expertus.* Huic (ubi propius accessissem) gestu ad venerationem composito, salutem dixi. Ille nutu duntaxat reddidit, sed eo sane amico, & placido. Tum ego; Si superbum aut incivile non est, inquam, O venerande senex, percontari: Valde avelo scire; quænam sit ista ædes tam speciosa, &, ut mihi quidem videtur, numinis alicujus domicilium. Haud perperam conjectas, inquit ille, & sermone usus Romano, quamvis sonus Græcitatē præferret, iussit ut inscriptionem, quæ supra fores posita erat, inspicerem: Erat autem huiusmodi,

Ο ΤΗΣ ΕΤΘΥΜΙΑΣ ΟΙΚΟΣ,

*Hoc est.*

### TRANQUILLITATIS ÆDES.

Cumque rursus interrogarem, an fas esset eam subire. Rem, inquit ille, arduam affectas: quandoquidem huc semel admissi hominum exempti miseriis poterunt quodammodo cum superis ipsis de felicitate contendere. Verum, cum te videam rerum honestarum studio non mediocriter flagrantem, tibi de hac re quam petis gratificari non gravabor. Tum me manu apprehensum intra ambitum introduxit, & ad porticum quandam admirabiliter substructam, quæ pro ædis janua erat, sistit. Nitebatur autem ea columnis octo, quarum singulis sua quædam paullum infra epistylium ἐπιγὰρ) fuit. Mox ad me conversus hunc ad modum sermonem est exorsus: Ut in hoc Tranquillitatis domicilium ingrediare, opus est ut prius illas columnarum inscriptiones intelligas, & intellectarum in omni vita sis tenacissimus. Eatum enim usu tibi facilem aditum ad tranquillitatem munieris. Cumque me ad ea omnia paratissimum esse professus essem, & quænam isthæc essent præcepta sciscitarer, me propius ad columnas admovit, hic mihi in mentem venit ille aureus & foliis & lento vine

mine ramus, quem Æneæ in subterranea illa manium regna descendenti Sibylla sacerdos ex opaco nemore carpendum docuerat. Nec ille aliud, ut opinor, quam sapientiam significat : cuius auspiciis atque ductu, etiam ut omnem vim suam atque impetum in nos fortuna convertat, ubique dum apud inferos, hoc est, in hac vita agimus, salvi & incolumes esse possumus, & perturbationum mitigare feritatem. Egregie sane comparata est illa Plutarchi similitudo, quæ statuit, efferatos animorum motus sapientiæ præceptis & sententiis (quas semper in prœnitū esse oportet) audiendis, & (ut ita loquar) ruminandis, sic compesci atque mansuescere, ut truculentos canes, qui ad agnitæ vocis agnitionem rabiosos ponunt latratus.

Primæ igitur, a sinistra incipienti, columnæ inscriptio hæc erat,

ΠΟΘΟΣ ΕΦΟΔΡΟΣ ΤΟΥ ΕΥΠΟΙΕΙΝ  
ΚΑΙ ΤΕΛΕΙΝ Ε'ΑΥΤΟΝ

*Hoc est.*

FLAGRANS STUDIUM BENE MERENDI DE SEIPSO, ET SEIPSUM PERFICIENDI.

Hujus, & reliquarum deinceps inscriptionum explicationes breves adjecit senex, quas ipse, quoad memoria suppetet, imitabor. Apparet hæc præceptio primo occurſu supervacanea : cum nemo quisquam sit, qui non vel naturæ instinctu ad hoc feratur, ut se quam præstantissimum esse velit, & perficiendi sui procuracionem vel in primis suscipiat. Sed habet illa reconditam intelligentiam, aque utilitatem in omni vitæ cursu latius opinione patentem. Includit enim præceptio & tranquillitatis studium ; nunquam enim conquietum est quicquam, quoad adeptum sit perfectionem sibi ex naturæ ordinatione debitam, magis quam saxum, quod a cœlo decidens consistere nequit, quoad ad

terram communem gravium sedem sit perventum.  
 Et quoniam, ut ignorantem portum nullus est suus ven-  
 tus, ita quisquis non de summa vitæ cogitavit, sed  
 casu quo præsens fert libido nunc in hanc, nunc illam  
 partem fertur, nunquam compositæ vivet, nec eum ad-  
 hibebit, quem adhibitum oportet, actionibus ordinem.  
 Multos invenias, quibus propositum sit potentia, ho-  
 norum, aut divitiarum, aut voluptatum denique studi-  
 um: sed hoc non est studere se præstantem aut perfe-  
 ctum virum esse, sed minimas quasdam & deterrimas  
 vitæ partes cogitare. Quod si quis est, qui secus existi-  
 met, is profecto pessime de seipso meretur, qui non de  
 principio studiose inquisivit, quibus in rebus posita sit  
 hominis summa dignitas atque perfectio. *Nam ceteris in-  
 zebus, sive prætermisum, sive ignoratum est quippiam, (ut  
 ait Cicero) non plus incommodi est, quam quanti quaque ea-  
 rum rerum est, in quibus neglectum est aliquid.* Finis au-  
 tem humanæ vitæ, & quæ sit summa perfectio si ig-  
 noretur, vivendi rationem ignorari necesse est: ex quo  
 tantus error consequitur, ut in quem portum nos reci-  
 pere debeamus, scire non possimus. Sed quia de perfici-  
 endis nobis ipsis commode statuere non possumus, nisi  
 prius nobis constet, cujusmodi res simus: prima ratio-  
 nis cura hæc esse debet, ut naturam nostram penitus  
 perspectam habeamus. Jam qui se explorat, sentiet si-  
 bi ipsi inesse divinum quiddam, *ingeniumque suum si-  
 cut simulacrum aliquod dedicatum* (ut inquit Cicero)  
*putabit, tantoque munere Deorum semper aliquid di-  
 gnium & faciet & sentiet;* cumque ipse perspexerit, se-  
 que totum tentarit, intelliget quemadmodum a natura  
 tubornatus in vitam venerit, intelliget quo a belluis dif-  
 ferat, & ut omnis hominis excellentia sit ex ratione. Ex  
 hoc autem perlevi ingenii labore statim eruitur clarissi-  
 ma illa sententia, In finitis partibus majorem curam  
 ponendam in inquirendis ingenii ac rationis perfectio-  
 nibus & ornamentis, quam eis commoditatibus, quæ  
 ad corpus & præsentis vitæ usum duntaxat pertinent.

Belluis quidem soli sensus dati sunt, quibus ea inquirant, quæ ad animale[m] vitam tuendam pertinent. Dati sunt & nobis sensus, cum in eum ipsum finem, tum etiam ut rationi inserviant, in colligenda præstantium rerum agnitione. Verum nos (quod singularis est dementiæ) non solum sensibus, sed etiam ipso ingenio abutimur, dum omnem etiam mentis vim atque laborem huc convertimus, ut potientes simus earum rerum, quæ nobis cum belluis sunt communes. Merito profecto nobiscum natura parens optima expostulare potest, qui tam præclarum ejus munus in sordes abjicimus. Quod si non rerum dignitate permovemur, ut ingenium ad altiores res perscrutandas accommodemus: faciamus tamen id saltem, vel nostra ipsorum commoditate impulsī, cum non magis manifestum sit, cælum ac sidera moveri, quam supremum nostrum honorem atque perfectionem ad mentem pertinere. Hoc officiorum fonte patefacto, consequens est, ut perpetuo versari debeamus in eis cogitationibus, quæ nos ad nostram præstantiam atque absolutionem quam facillime perferant. Sed hæc res ut dilucidior sit, expendendum est, nos duabus a natura ipsa (Cicerone teste) indutos esse personis, quarum una communis est, ex eo quod omnes participes sumus rationis, præstantiæque ejus, qua antecellimus bestiis. Altera est propriè attributa singulis, quæ quidem ex ingenii & temperaturæ varietate proficiscitur: ex quo fit, ut non omnes omnia æqualiter deceant: neque Demea quantumlibet affabilis & benignus esse meditetur, Mitionem plene exprimat aut exæquet. Adjunguntur item & duæ aliæ personæ, quarum priorem casus vel tempus nobis imponit, posteriorem nos nobismetipsis nostro judicio accommodamus. Regna, imperia, nobilitates, honores, divitiæ, opes, eaque quæ sunt his contraria, in casu sita temporibus gubernantur. Ipsi autem quam personam gerere velimus, a nostra voluntate sæpissime proficiscitur. Quo fit, ut alii se applicent ad philosophiam, alii militiam sequantur.

tur : alii mercaturam, alii advocaciones & causas forenses amplectantur : alii ad agriculturam aut opificium aliquod mercenarium se applicent, alii religionibus quibusdam se dedant. Et in iis consilium est maturum, ex natura capiendum,

*Ac prius ignotum ferro quam scindimus aquor,  
Ventos, & varium cæli prædiscere morem  
Cura sit, ac patrios cultusque habitusque locorum,  
Et quid quæque ferat regio, & quid quæque recuset.  
Hic segates, illic veniunt felicius uva.*

Non enim nos minus diligentes esse debemus in animorum cultura & dirigenda vita, quam sint in agris accu-  
randis agricolæ. Has personarum distinctiones ideo attuli, ut intelligatur, primam illam, hoc est, honestatis personam naturalem esse adeoque omnium hominum communem. Quapropter omne consilium, quod vel suaj  
cujusque natura, vel fortunæ, vel nostræ voluntatis studium nobis suppeditat, ad illam est referendum, sicque temperandum, ut a communi virtutis ratione nunquam recedatur. Nulla est in hac persona gerenda vel sexus, vel ordinis, vel conditionis exceptio. Omnium hominum interest virtute atque sapientia colendis acceptam saltem a natura dignitatem perfortiter tueri. Quo magis stolidi & ridiculi sunt nonnulli, qui propterea quod non sint in Flaminium ordinem cooptati, aut quod non habeant verticem dera sum, aut quod extima vestis non sit linea vel prodigiosa, aut quia non sint cucullo obvoluti, pietatem ac vitæ moderationem ad se pertinere non arbitrentur. Plerique, quod majores habuerint opulentos aut claros, omnia sibi licere volunt. Alii, quos loci dignitas ad virtutis excellentiam excitare debet, ut sunt Antistitum religionis nonnulli, opulentia quam ex CHRISTO habent freti, multa palam dedecorosa facere non verecundantur. Alii, quod milites sint, nihil tam est sceleratum, quod non sui officii esse credant. O temporum cæcitatem ! O doctorum religionis, hoc est



est, Antistitum desidiā, imo crudeles animos, quos nulla pereuntis præ ignorantia gregis misericordia tangit! Sed hos missos faciamus, quum se ne admoneri quidem velint. Verum num tu illos ipsos censes communis personæ meminisse, qui propter voluntariam, aut privatam illam vel fortunæ indulgentiam aliquam, sibi turpe aliquid licere putant? Num rationem habent, quid dum sacro admoverentur lavacro promiserint? Sed quid ego Christianismi facio mentionem? Ea enim professio nos in diviniorem quandam includit religionem, quam animus penè vel cogitando assequi possit. De his duntaxat loquor, quæ naturæ lege præstare jubemur, & de eo quod nobis faciundum sit, non quatenus Christiani, sed quatenus homines sumus, & quod sacramentum commune tum nobis cum vitam acciperemus dictum requirit. Jam verò cum reliquis vitæ cursus magna ex parte derivetur ab hoc proposito, quod in ipso florentis ætatis limine complectimur, ad hoc (ut supra attigi) vigilantissime debent eniti & parentes & magistratus, ut simul atque in puero eluxerit aliqua ingenii aut comprehensionis vis, instilletur illi in animum, Quanti pretii animans sit, quo belluas vincat, cur vitam acceperit, quod sit a Deo hominum generi munus assignatum, quis sit tum bonorum tum malorum finis. Dici non potest, quantum reliquæ vitæ inter sit, in illa exorientis iudicii velut aurora, & cum nobis se bivium illud Pythagoricum offert, rectas de humani generis nobilitate atque rerum pretio imbibisse opiniones. At quorum animis jam protinus a prima lanugine non insedit illud?

*O cives, cives, querenda pecunia primum,  
Virtus post nummos.*——

*Unde habeas nemo querit, sed oportet habere.*

*Vivamus, mea Lesbia, atque amemus,  
Rumoresque senum severiorum,*

*Omnes*

*Omnes unius astimemus assis.  
Soles occidere, & redire possunt;  
Nobis, cum semel occidit brevis lux,  
Nox est perpetua una dormienda.*

*Hæc discunt omnes ante Alpha & Beta puellæ.*

Theologi aliquot, iidemque sane acuti, non dubitant hominem capitalis atque mortiferi dammare criminis, si non primo quoque exerentis se rationis momento finem sibi vitæ & actionum honestum præstituat: idque pertinere aiunt ad obligationem quandam naturalem. Summum hoc jus, ut non usque adeo probem, efficit conditio fragilitatis nostræ: tamen quia sæpe incuria educationis & defectu doctrinæ tenera illa ætas in vitiosas vitæ rationes delabitur: sacri magistratus, quibus propterea a populo suppeditantur ea, quæ ad vitam degendam pertinent, ut piæ vitæ ratio omnibus sit exposita, debent, si aliter commode fieri non potest, urbem vel domesticatim circumfere, explorantes, an legitima sit juventutis institutio. Sic enim omnes, tanquam in eodem probitatis ludo eruditi, offendentur turpibus, delectabuntur honestis: neque ulla poterit intercedere irarum atque discordiarum acerbitas, ubi omnes in easdem præclaras voluntates consentiunt. Sic parentes filios, & magistratus propulum & cives dicto audientiores habituri sunt, neque ex illustribus illis tirociniis aliud expectandum est, quam obedientiæ, dum honesta imperantur, alacritas, ex qua ordinum, & totius societatis humanæ stabilitas exilit. Neque sane diffitendum est, omnes quodam perficiendi sui amore teneri. *Nam & qui laqueos, & exitia querunt* ( ut scribit Cicerò, & ille apud Terentium, *ταυτὸν τιμωροῦντο*; qui decevit tantisper se minus injuria suo nato facere, dum miser fiat ) & quicunque in mala scientes irruunt, hoc faciunt ob quandam sui caritatem: & quod ita illis ( ut existimant ) sit usus. Verum cæcus est ille plerumque auctor, propterea quod assiduis cupiditati-

bus elati, honestum necne sit quod expetimus bonum, non referre putamus. Et si, quid quisque nostrum apud se instituerit, fixius introspicere velimus, intelligemus, in hoc perficiendi sui proposito insigniter delinqui: nosque verbo tenus quæ honestant, re ipsa quæ turpificant consecrari. Nemo quidem nostrum interrogatus non respondebit, Sibi illud in primis in votis esse, ut sit bonus, perfectus & absolutus, sed postea excussis illis involucris dissimulationum, inveniemur *alius villam, alius illa quinque boum iuga, alius uxorem* ( ut CHRISTI Servatoris habet parabola ) *meditari*. Sed neque & illud satis erit etiam, te liberum esse earum rerum cupiditate quæ turpificant, nisi hoc perficiendi tui studium serio & gladiatorio ( quod aiunt ) animo capeffas. Steriles enim sunt plurimum languidæ illæ voluntates: fervoris constantia est quæ fructus affert. Magna sane bonitatis pars est, toto pectore velle se fieri bonum; & præstantiæ itidem, magnopere velle se esse præstantem. Opus est igitur studium & ardor quidam amoris, sine quo nihil quicquam egregium in vita assequi posse cuiquam est concessum. Socrates solitus erat dicere, perfectum sibi opus esse, si quis esset satis concitatus cohortatione sua ad studium cognoscendæ percipiendæque virtutis. Quibus enim id persuasum esset, ut nihil mallent se esse quam bonos viros, iis reliquam facilem esse doctrinam censebat. Priusquam hanc partem destinam, operæ pretium erit nonnullorum singularem inceptiam commemorare. Sunt quidam, qui secum in animo deliberarunt, interea dum ætatis flos præterlabitur, omnis generis voluptatibus se dedere, atque ubi ad ultimum ætatis tempus perventum est, dare operam virtuti & seipsos præstantium rerum studiis cohonestare. Verum hic dupliciter erratur. Primum, qua syngrapha producenda ostendere possumus nos superum concessu vel unum diem superfuturos? Quis nobis Deus hæc longiora vitæ spatia promisit? Quis, nisi plane stolidus, sibi crastinum polliceatur?

*Non est, crede mihi, (inquit Martialis) sapienti dicere,  
vivam.*

*Sera nimis vita est crastina, vive bodie.*

Nunc expendite, quantum iniquitatis habet ea distributio: Quod nostrum non est, nec unquam fortasse erit, dare honesto; & instans, quod nostrum est, turpitudini. Debet nos scilicet pro tam præclara gratia honestas ad se vocare, & caput tanquam egregie de ea meritis amanter demulcere. Deinde & illud succurrat, quam turpiter illi rei proferantur dies, & compendinatio concedatur, propter quam unam omne vadium esset deferendum, quam unam quamprimum complecti par erat, & præ qua cætera omnia sint sine mora relinquenda. Sane adeo hic maturato opus est, ut sustinendum sit potius vita ipsa primo quoque tempore spoliari, quam vitæ momentum absque honestatis contubernio degere. Ergo cum præsentēs cupiditates suadebunt, ut sibi nos totos dedamus, & honestæ vitæ rationes in ventura tempora differamus: ponderabimus diligenter, quantum ea res contineat indignitatis: quas nobis inuramus, si ita fecerimus, maculas: & quam male de nobis ipsi mereamur, qui turpes & perituras res speciosissimis & immortalibus prætulerimus. Quocirca hic nobis talaria sunt induenda, & in hoc laudis cursu neque remi neque venti nobis satisfacere debent. Ipsi nobis sedulo ita admonendi sumus:

*Heu fuge crudeles terras, fuge littus avarum.*

*———Heu regni rerumque oblite tuarum.*

*Non fugis hinc præcept, dum præcipitare potestas.*

*Eia age rumpe moras.———*

Sera ( ut proverbio tritum est) parsimonia est in fundo.  
Et, ut inquit Hesiodus,

*Μεωρόδι φείδεαι, δ' ἐνὶ δ' ἐνὶ πυθμένι φείδω.*

*Parcendum in medio est, gravis est res parcere fundo.*

*Siquidem*

Siquidem illic non solum quod minimum, sed etiam quod deterrimum est consistere solet. Nullam itaque, cum de honestæ vitæ instituto agitur, moram interponamus. *Nam ita demum* ( ut ait Seneca ) *vita beneficium erit: alioqui mora est, & quidem turpis inter fœda versantibus.* Id agamus. ut nostrum omne tempus sit, quod erit, cum nos nostri juris esse cœperimus, & affectus sub arbitrium adduximus. Sed jam satis diu in hujus columnæ tractatione habitavimus, resque omnis sic nobis est (ut arbitror) explicata, ut nihil prorsus vel difficile vel dissentaneum imperare videatur, qui hoc solum imperavit generatim, Ut velimus ex animo & re ipsa nobis ipsis bene esse, & nos eis præditos esse ornamentis, quæ nos non falso sed vere perficiant atque illustrent. Ad secundam deinde columnam accessimus; cuius hæc erat inscriptio:

ΤΝΩΝΑΙ ΔΕΙ ΤΑ ΑΛΗΘΙΝΑ ΑΓΑΘΑ

*Hæc est,*

OPORTET NOS VERORUM BONORUM AGNITIONE INSTRUCTOS ESSE.

Postquam enim prima informatio pertinet ad serium perficiendi sui votum, hæc autem perfectio non consistet, nisi verorum bonorum adeptione & fructu, & declinatione malorum, jure proximus a primo locus boni vestigationi tributus est. Studia enim perveniendi aliquo nihil profunt, nisi illud quod eo, quo intendas, ferat deducatque cognoris. Et pictori, ubi constitutum est, cujusmodi imaginem exprimere velit, colores apti sunt conquirendi. Nec levis huc afferenda cura est, quod difficile sit in eo appetendo tenere modum, quod bonum esse credideris. Et profecto absque certa & illustri expetendorum fugiendorumque agnitione (nam hæc bona sapientiæ pars est) vitam hanc traducere, est, quod dici solet, absque filo ingredi in Labyrinthum. Bonum itaque cum illud dicatur, quod sit

expetendum, bonorum ut & expetendorum duplex est divisio. Quædam enim sunt, quæ non propter seipsa, sed aliorum gratia expetuntur: quæ utilia dicuntur, eo quod horum usu ad maiora quædam deveniatur, ut pecunia & alimenta quibus vitam & incolumitatem tuemur. Alia sunt quæ propter se expetantur: & hæc rursus bipartita videntur. Quædam enim tantæ sunt dignitatis, ut merito propter se semper sint expetenda: cuius generis est omne quod honestum est, & quod quidem suapte natura hominem in quodam excellentiæ gradu constituit, ut sunt sapientiæ & virtutum functiones. Alia quidem sunt, quæ quidem propter seipsa ab appetitu recto, hoc est ratione gubernato, non primum appetuntur, tamen adjuncta esse solent potissimum iis, quæ propter se sunt expetita, cuiusmodi sunt voluptates. Sunt quidem & hæc interdum cum utilibus copulatæ, sed propius attingunt finis rationem, eo quod quo præstantius fuerit bonum cuius sumus capaces, hoc (nisi insit in nobis quod obstat) suavius ex natura sua nos afficiat. Verum quisquis voluptatem recte atque ordine appetit, non tam eam appetit, quam rem convenientem, ex cuius adeptione affectatione quadam & naturæ nexu sequitur sensationis cuiusdam jucunditas, quæ tum gaudium, tum voluptas dicitur. Alia est ex rebus ipsis cum hominis partibus comparatis bonorum ducta divisio. Et est hæc tripartita. Vocantur enim alia fortunæ bona, cuiusmodi sunt res externæ, opes, illustre genus, potentia, gloria: quibus contraria sunt inopia, generis obscuritas, impotentia, contemptus. Alia ad corpus pertinent, quo in genere sunt sanitas, vires, forma, quibus & voluptas adjungi potest. Cum his pugnant insanitas, sive morbus, infirmitas, deformatio aut pravitas corporis, & dolorum cruciatus. Tertium & summum bonorum genus est eorum, quibus animus nobilior hominis pars perficitur: & sunt illa quæ jam dixi, propter se expetenda: quibus contraria sunt omnia illa, quæ animum turpificant: quod genus sunt.

sunt, ignoratio rerum præstantium & convenientium, vitium omne atque omnis immoderatio. Stoici nihil in bonis numerant præter ipsum honestum: reliqua genera, hoc est, corporis dotes, & res extraneas *περὶ ἡμῶν*, id est, *præolata* vocarunt: & mala alia a turpitudine *ἀπερὶ ἡμῶν*, hoc est, *postposita*, vel *rejecta*. Inde est quod Seneca scribit, *nos boni nomine abuti atque projicere, cum illud potentæ, parvi, & cæteris quæ in diem utilia sunt, communicamus*. Sed hic potius est verborum quam rerum concertatio: quandoquidem & apud Peripateticos tantum excellit hoc quod decorum & honestum appellamus, quod idem interdum virtutis nomine explicatur: ut omnia præterea, quæ bona corporis & fortunæ putantur, perexigua sint & perminuta, & nulla pene æstimatione dignanda. Faciunt pro Peripateticis sacræ literæ, quæ ab ipso mox principio valde bona vocant quæcunque sunt a Deo condita. Unde fit, ut ridicula sit censenda illa in boni nomine communicando Stoicorum scrupulositas. Sed hic animadvertendum est, aliam esse bonitatis rationem in rebus, ab ea quæ est in nostris actionibus. Res bonæ dici possunt singulæ, vel ob id tantum quod sint, vel certe quod nihil sit in tota rerum machina quod non sua quadam utilitate, etsi ea plurimum clam nobis est, sit instructum. Verum hæc bonitatis ratio mire generalis est & latissime patens. Actiones vero nostræ bonæ dicuntur, cum eum ordinem conservant, quem honestatis leges adhibere jubent. Atque hoc est magnum illud bonum, quod vocatur Honestum. Verum sunt actionum honestarum aliæ quæ ad civilem vitam pertinent, & repressionem cupiditatum, quarum tamen omnium fons est prudens animi cogitatio: aliæ in sapientiæ studiis politæ sunt, dum mens occupata est in divinarum rerum commentatione, ex qua æternitatis admiratio quædam atque amor exsurgunt. Nunc quamvis utrumque genus honestum sit, sapientiæ tamen studiis primæ partes dantur, eo quod hisce proxime Dei immortalis vitam referamus. Quod  
verq

vero de actionibus hisce dico, communicari volo & habitibus unde illæ oriuntur. Nam virtutes omnes aut mentis aut voluntatis habitus sunt. Sunt ergo hæc propria animorum bona atque ornamenta, tanto præstantiora his quæ ad corpus pertinent, quanto res incorporea & intelligens animus, corpore, quod crassum est & suo sibi ingenio brutum, est excellentior. Sed ut planius intelligatur, aut nullam aut sane perexilem bonitatis rationem in corporis & fortunæ bonis inesse, si cum illis animi bonis comparentur, rationes aliquot perbreves afferam, ex philosophorum quidem schedis depromtas, ad popularem tamen captum attemperatas: quarum hæc erit prima. Apud eos, qui cogitationes & ætatem in philosophiæ studiis consumserunt, hoc indubitatum est; Nihil posse boni rationem accipere, quod non sit: & quodque quo perfectius est, hoc & melius esse. Nunc illud assumendum est, omnia fortunæ ornamenta, atque adeo corpus ipsum cum omni sua gloriosa suppellectile ejusmodi esse, ut vix ad temporis punctum durent, & interea dum habentur effluant; quamobrem ne esse quidem censenda sunt. Sane tota temporum fluxio, etiam longissima, si ad æternitatem respicias, vix puncti instar obtinet, nec aliter si Tithoni, Nestoris aut Mathusalæ annos superes, longævus esse censere, quam aliqua ex illis bestiolis apud Hypanin fluvium natis, quæ occidente Sole exspirat. Est illis vita (ut ita dicam) diaria; quare illæ diutissime vixisse videri possunt, quæ sub Solis occasum, maxime si solstitialis sit dies, emoriuntur, collatæ illis quæ octava aut sexta hora sunt extinctæ. Verum nobis, qui lumina non in æternam seculorum seriem, sed in angustias vitæ nostræ dirigimus, pauci Solis anfractus redditusque ingentia ætatis spatia concludere videntur. Cum tamen, ut sapientissime a Cicerone (qui etiam proxime commemoratam bestiolearum similitudinem, Aristotelis auctoritate fretus, assert) dictum est: *Quid est omnino hoc ipsum Diu, in quo est aliquod extremum, quod*



quod cum venerit, omnis voluptas præterita pro nibilo est, quia postea nulla futura sit? Merito itaque hæc corporis aut extranea bona, quæ nos tanquam præstantissima persequimur, non *εἶναι*, sed *αἰεὶ ὄντα* hoc est, non *entia* (si tamen Romanus sermo hanc vocem admittit) sed *abentia* esse censenda sunt:

*Festinat enim (ut ait Juvenalis) decurrere velox*

*Flosculus, angustæ miseraque brevissima vitæ*

*Portio: dum bibimus, dum sarta, unguenta, puellas*

*Poscimus, obrepit non intellecta senectus.*

Et, ut ait Gregorius ille Nazianzenus,

*Αὐτὸ δ' ὅσον πνεῖω ποταμὸν ῥόος ἔκαθ' ἑὸν ἦτορ.*

ubi de vitæ nostræ defectione celeri loquitur: quod sic reddi posse arbitror:

*Spiritus hic rapide nihil est nisi transitus undæ.*

Homerus hominum genus *φύλλαις*, hoc est, *foliis* aut frondibus simile esse ait: in quam eandem cogitationem inciderat præclarissimum illud tolerantiae exemplum Jobus, cum illud scriberet, *Contra folium quod vento rapitur ostendis potentiam tuam.* David Hierosolymorum Rex, & Esaias natum longe nobilissimi hominem florem agri dicunt, atque omnem ejus quæ ex carne est gloriam perinde ac fenum subito exarescere. Pindaro poetæ *αἰεὶ ὄντας* est homo, hoc est, *umbra somnium*, Jobus fugere eundem ait velut umbram. Breviter, cum non possent invenire vocem quæ satis apte vanitatem rerum hujus vitæ significaret, quod proximum fuit, ad inanissimarum rerum vocabula confugerunt. Sed quid opus est citandis quibuscunque hujusce veritatis testibus tempus extrahere, cum oculis quotidie videamus, quam cito nobis pereat hæc rerum facies? Sed nos cæci & dementes nunquam fixe & serio studiorum nostrorum inanitatem ponderamus, quoad veniat illud extremum vitæ momentum, in quo misella hæc anima est efflanda, & cum deserta hæc temporum fluxione pervenimus ad illam æternitatis januam, tunc (sed serius) incipimus

agno-

agnoscere rerum nostrarum vanitatem. Soli ergo illi prudentes sunt, qui ante periculum ipsum, animum id quod verissimum est credere induxerunt, *Omnia esse vanitatem, & nihil quod sub Sole sit permanere.* Altera quæ bonitatis pretium iisdem detrahat ratio ex eo ducatur, quod boni appellationem iis, qui ea possident, non conciliant. Non enim, ut a forma formosum, aut a divitiis divitem, sic ab illis fortunæ bonis quempiam vel esse vel nominari bonum usu venit. Quod si de opibus sermo sit, quemque ut pessimo est ingenio, hoc est, maxime vafro, & ad fraudes appposito, ita maxime florere divitiis videas: & contra, optimum quemque rei familiaris difficultatibus laborare. Nam, ut versiculus ille Græcus habet,

*Οὐ πάνυ τοῖς ἀγαθοῖς τέτων πολὺ μοῖρα δίδωσι*

quod sic, ut opinor, veritas licet,

*Fortunam raro bonus experire benignam.*

Non nego opes, & copias in se nihil prorsus habere vitii, & inveniri viros graves, qui in media opulencia singulari sint integritate, & qui divitias vel relictas, vel honestis rationibus partas, tum in inopum, tum in amicorum & Reipub. tempora conferant. His sane facultates sunt bonitatis & magnificentiæ materia: sed magna est huius generis hominum raritas, qui rerum abundantia non insolescant. Philosophorum nonnulli, inter quos numeratur Crates, aurum & patrimonium omne sponte vel reliquerunt, vel abjecerunt, ut expediti & liberi curis commodius philosopharentur. Cicero longe clarissimus Latini generis scriptor, majorum quodam in loco requirit prudentiam, qui hæc imbecillia & commutabilia pecuniæ membra vel solo verbo bona putaverint; cum re ac factis longe aliter judicassent. Et, ut cursim reliquas bonorum ejusmodi partes attingamus, primum Regnum expendamus, summum inter homines potentiæ genus: hoc, si quam oportet moderationem retinet, singulare, imo divinum quoddam bonum

bonum est: sed bonitas ea a sapientia animi splendentis & excelsi proficiscitur: quæ sanè non temere in eam cadit fortunam, ubi non suffragiis populorum aut sapientum fiunt, sed nascuntur Reges. Sed hoc regnum quid quæso aliud est, nisi perperuus labor pro publica salute susceptus? Sunt enim legitimi Reges, ut ait Homerus, ποιμένες λαῶν, hoc est, *pastores*, quibus *populus* moderandi regendique sui, non conculcandi potestatem, & quasi habenas credidit. Itaque non secus se gerere debent, quam tutores fideles, imo quam boni solent parentes, quorum maxima cura est, ut filiis bene sit, & tum demum beatos se existimare debent qui rerum summæ præsumunt, cum industria & vigiliis suis populum & legibus & pace florere, & necessariis non defici vitæ præsidiiis vident. Jam quotusquisque Principum est, qui non malit principatu excidere, quam talem se præstare, qualem loci ejus rationes exposcunt? Quod si populorum sudoribus, & provinciarum tributis ad luxum & tyrannidem abutuntur, atque omnia non fidei suæ commissorum, sed suis commodis metiuntur, ex pastoribus fiunt δεινοβόροι, hoc est, *populorum voratores*, imo publicæ pestes, hoc magis perniciosi, quod plus possunt. Sed non est quod sibi magnopete propter fortunæ vel magnitudinem vel indulgentiam placeant. Nam, ut hominum manus effugiant, brevi apud posteritatem infamiam sibi inuri sempiternam efficient, atque illi meritas dabunt, propter personam male gestam, poenas, qui unus atque idem totius orbis & Rex est immortalis, & æquissimus iudex. Laudes item & gloriæ & magnitudinis præconia,

*Humanis (ut ait Juyenalis) majora bonis creduntur: ad hæc se*

*Romanus, Græcus, & Barbarus Induperator  
Erexit, causas discriminis atque laboris  
Inde habuit.*

Verum illa ipsa si alicui non sua virtus, sed stultia opum admiratio conciliat, vel metus extorquet, quid aliud.

aliud sunt, nisi meræ assentationes, & mendacia sub laudis persona imponentia ?

*At qui favorem gloriam veri petit,*

*Animo magis (ut inquit Tragicus poeta) quam voce laudari volet.*

Agésilæus tam in laudibus quam vituperationibus, non tam laudati, quam laudantium mores & ingenium spectari oportere censuit : ut qui veram laudem esse non crederet, aut honorem, quem vulgus non tam virtuti quam opibus deferre solet. Et vulgaris ista nobilitas quid aliud est, nisi opinio quædam præstantiæ majorum ex oblivione nata ? Cum nemo ne Regum quidem sit, ut inquit Seneca, *cujus majorum series non alternatim ex splendidis sordidisque constiterit.* Hanc si avitæ pararunt divitiæ ; quid nobile habere potest id, cujus origo tam vilis est, & cum sordibus, fraude, injuria atque omni indignitate plurimum conjuncta ? Si majorum hanc pepererunt virtutes ; ut illæ meæ non sunt (non enim propagatione generis, sed industria propria virtus paratur) ita nec majorum nobilitas. Necesse est nobilitatem, ut mea sit, ex mea esse virtute, & non ex aliena. Corporis valetudinem quamlibet firmam, robur, voluptates, ac speciem omnem, tum ætas tum levis morbus aut oblatio demoliuntur ; mors, quæ semper impendet, totam superbi cadaveris gloriam momento extinguit. Finge animo aliquem vel hujus vel exacti temporis Narcissum, aut Adonida, aut Ganymedem, vel Helenam, vel Venerem ipsam, num a funere iisdem alia est species, quam sit excarnificatis illis ossibus, qui ex latronum furcis dependent ? Nisi forte pulchriora esse putes cadavera, quæ sub terra & ab oculis nostris remota, jam vermium nidi & pabula, quam quæ ad ventos suspensa computrescunt. Et tamen hujusmodi res sunt, propter quas tam dulciter insanire juvat, & si superis placet,

Οὐ νέμεις τρεῖς καὶ δυνήμιδας ἀγχαῖς  
Τοῖς δ' ἀμφὶ γυναικὶ πολὺν χρόνον ἀλγεα πάχυν.

*Hoc est,*

*Nec fuit indignum Danaum Troumque catervas  
Tot mala pro tali longum tolerare puella.*

Vita quoque ipsa tandem, quæ rerum carissima esse solet, num aliud est, quam perpetuus ad mortem cursus? Et tamen miramur atque indignamur, cum ad finem cursus est perventum, qui perpetuo currebamus. Etenim, ut clepsydram non sola quæ ultima excidit gutta, sed etiam priores exhauferunt: sic non tantum supremo die, sed toto etiam interjecto tempore emorimur. Sed quia cursus terminum, hoc est, supremum diem opinionis errore longe adhuc abesse nobis persuasimus, vel quia animum ab eo cogitando avertimus, futilibus laticitiis falsum animum delinimus, incredibiliter consternati, cum cursum inopinato intercipi sentimus. Sed certe jam lata est sententia, ducit nos omnes licitor, adempta est omnis effugii spes,

*Serius aut citius sedem properamus ad unam.*

In hoc tantum est discrimen, quod tu cras, ego fortasse hodie extinguendus sum. Doctissimus meus Vintoniensis antistes Stephanus, perinde nobiscum agi dicere solet, ut si hic ad primum ab urbe lapidem, alius ad secundum, & ita deinceps ad certum aliquem terminum sit strangulandus. Quæ ergo dementia est, rem tam fragilem, & ex cuius productione tantum haurimus calamitatum, tanti facere & tam perditæ adamaré? Animi siue inflabimur precarii spiritus animalcula, & longas inchoabimus spes, magnaue nos facturos minitabimur, cum ex tam tenui filo omnis hæc inflatio atque rerum nostrarum superbia dependeat? Ergo cum tanta sit bonitatis exilitas in iis, quæ tum ad corpus, tum ad fortunam pertinent, ab iis & animum & oculos ad coelestia & sublimia attollamus, & σῶμα, hoc est,

Q 2

corpm

*corpus omnia* (quod est sepulchrum) esse intelligamus mentis: ex quo tamen sapientiæ beneficio adjuti caput proferre possumus, & supernarum rerum qualicunque aspectui adfuescere, *non aliter* (ut inquit Seneca) *quam opifices solent, qui ex alicujus rei parum conspicua in luce maligna inspectione, ubi oculos defatigarunt, prodeunt in apertum illustrium rerum intuitu oculos recreaturi.* Hunc ad modum nisi nos sedulo exerceamus, semper cum illis, qui in specu Platonica vincti has rerum umbras admirantur, commorabimur. Plato fane philosophorum longe religiosissimus corpora omnia rerum incorporearum umbras esse duntaxat statuit, & corpus cum affectibus suis obscuræ specus & vinculorum vice esse: quo fit, ut verarum rerum aspectum perferre non possimus. Ac, ut dormientes fallacia illa somniorum visa deludunt; itidem & nos vigilantes circumfusa hæc corporum species. Ridemus canem Æsopicum, qui abjecto eo carnis frusto, quod dentibus tenebat, se demersit in aquam, umbram captans quæ majuscula apparebat. Ridemus item & aves ad uvas quas Zeuxis pinxit devolantes: & non animum advertimus, nosmetipsos longe turpius a circumfuis his verarum rerum umbris decipi: & unamquamque rem hoc esse pretiosiores, quo longius a corpulentia abscesserit. Socrates apud Xenophontem hoc argumento satis evidenter ostendit, omnem hominis dignitatem esse ex animo: quod simul atque is corpus deseruit, etiam carissimorum aspectum ferre amplius non possumus, sed statim tumulto cadavera obruimus.

DEMETR. Fac quæso iterum audiam versus illos, quibus juvenem tibi amicum in amores prolabentem ut se contineret nuper admonuisti. Nam tale aliquid, quale nuper explicasti, mihi complexi esse visi sunt.

FLOR. Nimium longe evagarer, si istuc facerem: sed ut ne omnino frustra rogaveris, eorum paucos recitabo.

*Ecquid*

*Ecquid amas, qui corpus amas, nisi putre cadaver,*

*Quod tegit in paucos blanda figura dies?*

*Negligis infelix animum, licet omnis in ipso*

*Sit positus nostræ nobilitatis honos.*

*Hic sapit, hic potis est rerum cognoscere causas,*

*Et terris positus se super astra vebit.*

*Nec levis hæc, quam adfert animo sapientia, laus est,*

*Si rerum expendas callidus ingenium.*

*Non habet hoc quicquam, quamvis habet omnia, majus*

*Aurea qui cæli dirigit astra Deus.*

FRANC. Ne Demetrio nostro in amandis tuis studiis cedere videar, referam singularis illius tui carminis, quod recens composuisti, partem, huc proprie pertinentem: adeo enim ea delectatus sum, ut ad verbum teneam: ita enim scribis:

*Quicquid luminibus vides,*

*Et quicquid manibus tangis amabile,*

*Cuncta hæc pulvis & umbra sunt,*

*Et noctis brevis hujus mera somnia.*

FLOR. Habeo profecto gratiam utrique vestrum, sed tibi præcipue Franciscæ, qui nostra hæc, licet humilia sint, studia eo sis dignatus honore, ut etiam scripti-  
onis nostræ partem ediscere ad verbum, & memoriter pronuntiare te non piguerit. Sed ad rerum explicationem redeamus. Jam vidimus quæ sint fallacia & exigua admodum bona: nunc breviter nobis quæ vera & magna sunt percurrentur. Est autem hoc commune omnibus animi bonis, ut propter excellentiam suam hominem bonum reddant & perficiant. Horum ipsorumque altera ad ingenium pertinent, quæ sunt sapientiæ studia: altera pertinent ad voluntatem, quæ præclaris quibusdam habilitatibus instructa nullas habet appetitiones, nisi honestas. Et quoniam callidi rerum aestimatores, ut ait Cicero, *prata & areas magno aestimant*, eo quod huic possessionum generi minime quasi noceri possit: merito nobis plurimi ea sola faciendæ sunt, quæ sunt  
supra

supra tempus, atque fortunam posita: qualia diximus ea esse, quæ ad animum pertinent. Et ut in pristinis vestigiis quodammodo persistamus, verum aurum animi credamus esse sapientiam: quod cum ex sacris libris, tum ex Platone discere licet: apud quem in Phædro Socrates sic votum concipit: *Amici Pan & alii qui locum hunc colitis Dii, date mihi ut intus pulcher efficiar: & quæcunque extrinsecus habeo intimis sint amica. Divitem autem sapientem solum existimem: tantum vero mihi sit auri, quantum nec ferre nec trahere queat alius, nisi vir temperans.* Hoc extremum dictum puto, quod Dei sit immensa sapientia, quam nefas est optare: intemperantium nulla, vel nimium exilis: temperantium magna, & quam conveniat a Deo postulari. Veram item potentiam, & verum regnum existimemus, affectus habere in potestate, & barbaras cupiditatum gentes rationis frenare imperio, & sic animum virtutum communire præfidiis, ut nullis possit fortune telis debellari. Nullam turpem, aut damnosam esse servitutem ducamus, præterquam dum divina nostri pars obsequitur affectibus. Non enim externus hic strepitus, aut fortune fulgor, sed invicta animi virtus est, quæ veram conficit excellentiam. Nemo, inquit Seneca, ex iis, quos purpuratos vides, magis felix est, quam ex illis, quibus sceptrum & chlamydem in scena fabule assignant. Homines si ascitis ornamentis & fortune mendaciis detractis aestimes, solus ille magnus est, qui erectis luminibus gladios micantes videt, & scit sua nihil interesse, utrum per os anima, an per jugulum exeat: qui admonitus corporis instare tormenta, & formidines eas quas tyranni injuria attulerit, securus illud secum repetit,

— Non ulla malorum,

O virgo, nova mi facies inopinave surgit.

Hinc est illud poetæ cognominis Senecæ in Tragædiis:

*Mens regnum bona possidet;*

*Hoc regnum sibi quisque dat.*

Et



Et perquam appositum est, quod Plutarchus scribit, cum stulti existimant divites felices, *perinde esse, ac cum pueri beatos putant nebulones miseros, cum in scena saltant aureis induti vestibus.* Vera gloria est, re ipsa niti; non pendere ex vulgi & imperitæ multitudinis opinionibus. Ad eam *recta & compendio*, quemadmodum Socrates præcepit, *ibimus*: si tales esse studeamus, quales haberi volumus. Sed quoniam ea, quæ ab hominibus etiam ex merito contingit, & temporum & locorum angustiis est definita, & fatali quodam interitu evanescit: operta danda est, ut colenda virtute nos superis gratos efficiamus, ex qua una re solida & sempiterna claritas existit. Cur autem neminem habere debeat magnum studium nominis sui in honorem adducendi, infra, cum erit locus, latius explicabitur. Vera nobilitas non est, summo inter homines nasci loco: neque is vere illustris est, cui nihil sit præter id, quod ex bulga matris attulit. Verum, si quis magna animi contentione mentis defendit dignitatem, & sollicite cavet, ne degeneri fordium hujus vitæ amore natalium claritati, hoc est, cœlesti animorum origini obscuritatem aliquam offundat, is demum vere & serio nobilis est. Et quoniam omnis veræ nobilitatis fundamentum est virtus, quisque ea præditus est, est præcipue nobilis. Merito itaque apud Sallustium queritur Marius de impudentia quorundam, *qui cum ipsi ignavi & socordes essent, nobiles tamen haberi postulabant, propter majorum suorum virtutes: & tamen illud ipsum Mario non concedebant propter suum, quod sibi sumebant ob alienum.* Vulgi hic error est, nec hæc nomina, (ut ait Seneca) *Eques, Servus, Libertinus, sunt nata nisi aut ex ambitione aut injuria.* Verum robur est animi magnitudo, nihil præter turpitudinem extimescentis, & indigne quodammodo ferentis se diutius intra abjecti hujus corpusculi angustias concludi, in quo nihil sit aspici dignum præter artificis ingenium. Et profecto erumpere conaretur, nisi naturæ id legibus vetitum esset, excelsus & fortis animus. Luctari item  
affidue

assidue cum fortuna, & non succumbere; & non modo non timide, sed etiam cupide, cum res postulat, se periculis offerre; neque mortis metu ullas defugere difficultates, quæ sint cum honestate conjunctæ, magni roboris, & generosi animi indicia sunt illustria: & contra, ut Poeta ait,

*Degeneres animos timor arguit.* —————

Vera sanitas est, cum non labefactatur salutaris illa animi constitutio, quæ tunc adesse intelligitur, cum sensus & appetitiones non discrepant a ratione: cum mens Deo paret, affectus item menti: sic, ut nulla sit in illis anticipatio, quæ rationis judicium non exspectet; neque tarditas aut mora, cum imperata sunt faciunda. Hæc obedientia est, quæ conficit harmoniam illam virium, quam sanitatem vocamus. Ea si desit, quantascunque corpus vires habeat, non aliter quam furiosi, aut phrenetici Seneca valldum esse ait. Et quemadmodum corpus ægrotum, dum non admittit quod suum est, multarum absurdarum rerum gignit appetentiam; ita ægrum animum vel ex hoc deprehendas, quod votorum novitate semper inquietetur, & curis distrahatur variis. Formam item hominis ex animi luce atque figura æstimandam judicavit Socrates: qui postquam diutius puerum præstanti forma silentem contuitus esset: *Loquere*, inquit, *ad-escens, ut videam te*: perinde ac exuvium duntaxat hominis sit corpus hoc, aut figura, quæ digito demonstrari potest, & mens cujusque sit ipse. Formosi ergo sumus, cum nulla morum pravitas animæ partium convenientiam lædit, nulla ignorantis obscuritas, aut corrupti affectus livor eum, qui ex virtutibus est, colorum vigorem inficit. Voluptas ipsa cum ex adeptione atque sensu boni nascatur, consentaneum est, ut tum maxima sit, cum id quod est optimum, parti illi, unde omnis sensus atque cognitionis vigor est, conjungitur. Deum enim beatissimum esse nemo negat; cui tamen non aliæ, quam mentis ad-  
sunt

sunt voluptates : quod etiam philosophi magno consensu statuunt, dum in seipso aspiciendo æternam degit ætatem. Imaginem ejus sibi dat animus noster, dum se sublimium rerum cogitatione & veritatis indagine pascit & oblectat. Cogitur idem interdum ob domicilii hujus ingenium quiescere, aut in rebus versari humilioribus. Sed quemadmodum radii Solis, quanquam terram contingunt, hærent origini suæ : ita nobis sic terrena sunt inspicienda, ut perpetuo cœlestis originis memores nos a præstantium rerum complexu divelli non patiamur. Falsa ergo est homineque indigna ea sententia, *ἐν τῷ μὲν δὲν ὁρῶντες ἡδίστην βίαν* : hoc est, *in sapiendo nihil vivitur dulcissime*. Tanquam ipsa sapientia, quæ una solidi gaudii mater est, veris voluptatibus officiat. Nemo tam mente captus est, ut, etiamsi illi id integrum esset, omnibus per omnem vitam corporis voluptatibus sine interpellatione ea vellet lege frui, ut nullum interea rerum sensum habeat, præter eum qui in belluis vel pueris inest : quod sane luculenter ostendit, deliciarum præstantiam ex ratione nasci. Sed quia mentis qualiscunque usus nobis est perpetuus, eum multo minoris quam oporteat æstimamus. Facta jam est de veris bonis (ut opinor) fides : & ostensum est, quantum insit inanitatis in istis fortunæ ludibriis, quorum fulgor exoticus atque adventitius eorum duntaxat oculos perstringere solet & decipere, qui sapientiæ sunt inanes, nec se totos aliquando in rebus contemplandis perspiciendisque posuerunt. Constat item veris & solidis illis bonis onerandum complendumque esse pectus. Nunc si pauca aliquot verba, tanquam coronidem, addiderim, columnæ hujus explicationem definam. Hæc quæ vere bona sunt, sapientia, moderatio, & magnitudo animi, etsi inter ea alia aliis præstant : omnia tamen ob id unum bona & excellentia sunt, quia illorum possessione atque usu, proxime referimus, illud summum atque unum bonum Deum : talemque ipsa animo nostro status dignitatem conferuat, ut ille inter-

rim nihil evariet ab illa quæ in Deo inest, imo quæ ipse Deus est, bonitatis forma, quæ *ἰδέα* dicitur. Ad hunc quo propius unumquodque, tanquam pulchri atque boni *πρωτότυπον* accesserit, hoc venustius est atque amabilius. Ex hac autem notione, quæ in promptu est, evestigio consequitur, illa etsi magna, imo ingentia bona sunt, non tamen prorsus & absolute esse propter seipsa expetenda, sed referenda esse ad Deum ipsum. Nisi forte tam vecordes simus, ut hic imaginem potius, quam rem (quod quidem sine summo scelere non fit) complectendam putemus. Multo haud dubie, imo extra comparisonem generosius atque sanctius senserunt Philosophi, illi qui in scientia aut virtute summum bonum collocarunt, quam minutuli illi & plebei, quibus placuit in externis quiescere. Veruntamen eosdem ulterius progressos fuisse conveniebat, donec perventum esset ad ipsum omnis boni fontem Deum, unde omne aliud, quod vel est, vel bonum est, & ut sit, & ut bonum sit, habet. Nonne delectatio quam ex luce aspicienda percipimus, ipsi luci unice accepta referenda esset, si lux ejus esset generis, ut ipsa nobis una & oculos conferret, & sese pro arbitrio tum offerre, tum subducere posset? Quocirca & ipsa visionis ejus, quæ beatitudo dicitur, dignitas omnis ex re objecta, hoc est, ex Deo est. Animus itaque noster, qui magnitudinis & excellentiæ perpetuo atque incredibili ardore tenetur, ita secum statuatur oportet: Equidem mentis particula quædam sum duntaxat, quamobrem omne meum bonum in te uno, magne Deus, qui tota, imo infinita mens es, agnoscendo, venerando, atque amando positum est: imo verius ipse omne meum bonum es: atque hoc ipsum, quod te agnosco meum bonum esse, ideo bonum est, quia puriter tibi id, quod tibi jure debetur, tribuitur: imo hoc ipsum quod jure fit, ideo jure fit, quia tu jus atque rectum omne es. Hæc procul dubio officii ratio omnino necessaria est iis, qui se serio perfici cupiunt, dum summopere vitatur illa laudis com-  
munica-

municatio, qua. mentis nostræ corruptio & superbia communiter cum Deo uti perpetuo conatur, & dum nullam in nobis partem gloriæ hæreere volumus. Huc fortasse pertinet, quod mystica illa amatrix in Canticis, postquam lustrata omni urbe dilectum invenisset, tenuit: nec dimisit, donec introduxisset in domum matris suæ, & in cubiculum genitricis suæ. Siquidem postquam videmus Deum ipsum omnis boni fontem esse, imo solum omne bonum esse, cur non uni illi omnis boni laudem permittemus: neque unquam sistimus gradum, donec ad omnis præstantiæ originem atque auctorem sit perventum? Nec vereor, ne hic procul extra philosophiæ septa sim egressus: cum nihil hic mihi dictum sit, quod non philosophi ipsi, si suis principiis atque institutis stare velint, sint facile confessuri. Sed Demetrius noster se (ut video) comparat ad difficultatis alicujus propositionem. Quid subhæsites Demetri, libere effare.

DEMETR. Et si tibi de bonorum animi dignitate facile assentior: ea tamen ipsa amitti possunt. Neque enim inficiabere, sæpe ex studiosis pravos fieri. Et ut perpetuo duret cum vita probitatis studium, omnia tamen videtur ipsa mors extinguere. Quod idcirco dico, quia tu visus es bonorum animi exaggerasse præstantiam, quod secus atque est in corporis suavitatibus perpetuo & æternum permancant.

FLOR. Fac illud tibi in memoriam redeat, quod supra dixi de animi divitiis, ut sint supra fortunæ dominatum: possumus quidem nos sponte nostra deserere officium: sed ad ejus diuturnitatem hoc nobis satis esse debet, quod nihil inviti contra officium facimus. Et haud scio, an quisquam qui de principio recte de virtute senserit, aliquando ejus studium omne prorsus deposuerit. Interveniunt lapsiones quædam etiam in præstantissimis ingeniis: sed non temere adest pervicacia. Nec temere obdurefcit is, qui semel perfecte tenuit quid esset honestum. Nec me fugit, proverbio etiam

laudatum illud Neronis quinquennium, quo ille toto incomparabilis continentiae Principem præstitit: post nihil unquam natuta crudelius aut monstrosius vidit. Verum interdum desunt occasiones proferendae malitiae, ut *dum* ( ut est apud Terentium ) *atas, metus, magister prohibent*. Ostendunt item se ingenia, sed non nisi post aliquod tempus: ut arbores quaedam sunt, quæ serius fructus edunt. Itaque ipse nunquam Neronem aliquem ne principio quidem vere bonum fuisse autumo, aut solidum habuisse de virtute iudicium. Sed homo animal est appositissimum ad simulationes, quibus facile est hominibus imponere, qui penitiores animi partes & cor non vident. Verum faciamus virtutem prorsus amitti posse: faciamus item eandem ( quod tamen falsissimum est ) cum vita extingui: certe tamen nunquam non sapientissimis quibusque probabitur illa sententia,

*Ipsa quidem virtus sibi met pulcherrima merces.*

*Debet enim* ( ut ait Cicero ) *nos ipsa suis illecebris trahere ad verum decus*. Et quamvis extinctis nobis, *ad nos* ( ut quidam falso putant ) *nihil portineat*, quid de nobis homines loquantur: nunc tamen certe dum hic vivimus ( ut idem apud Cæsarem in senatu verba faciens divinitus inquit ) *pertinet, nos tales esse, ut laudes nostras nulla unquam obscuratura sit oblivio*. Sed quaestio ista pertinet ad durationem animorum, de qua nobis non nihil infra dicetur. In summa, si magnanimis omnis pro libertate contentio esse debet, conveniet nos libenter fidem habere iis, quæ de bonorum animi præstantia sunt exposita. Quandoquidem simul atque aliquis aliud præter honestum magnum bonum esse iudicat, in fortunæ venit potestatem, & alieni fit arbitrii. Nihil ergo difficultatis in se habet hæc persuasio, & firmissimis est subnixa rationibus, & incredibiles parit utilitates. Ad tertiam deinde columnam adductus fui, cuius inscriptio hæc erat.

ΟΥ ΝΟΜΙΖΕΣΘΑΙ ΤΑ ΑΛΛΟΤΡΙΑ ΙΔΙΑ  
ΕΙΝΑΙ.

qua admonemur. NE QUÆ ALIENA SUNT. PROPRIA AUT NOSTRA ESSE PUTEMUS. Ex proxima rerum explicatione constitit, corporis & fortunæ bona, vel bona non esse, vel certe non esse magna bona. Jam demus illa esse qualiacunque bona: sed quid hoc nos juvare potest, cum nostra non sint, nec nobis mancipio & nexu proprie data: sed semper pro alieno arbitrio ultro citroque ab hoc ad illum commeantia? Nostra itaque bona sunt, cogitationes appetitionesque honestæ. Hæc libera sunt, nec aliunde impedimentum admittunt. Opes, valetudo, gloria, & reliqua id genus, ideo fortunæ esse dicuntur, quod nobis imprudentibus tum adveniant, tum adimantur. Si igitur (ut docet Epictetus) id solum, quod tuum re ipsa est, tuum esse existimabis: & aliena etiam quæ sunt, aliena esse duxeris: votis tuis (quod sane non parum est) ob stare nemo poterit, neminem culpabis, totius vitæ tuæ cursus incedibilis cujusdam libertatis plenus erit. Sin errore aliquo mentis, quæ aliena sunt tua esse tibi persuasisti: in perpetuas te ipsum coniecisti angustias. Certo expectabis quæ ventura non sunt, plurima tibi promittes, quæ ex animi sententia non sunt processura: unde protinus animi existunt ægritudines, debitum sane stultitiæ tuæ præmium. Tum Deum, tum homines iniquos esse querere, aut rerum imperitos, qui non pro tuo arbitrio tui rationem habuerint: cum tamen ipse & stolidus & iniquus sis, qui contra quam ratio postulat, quod tuum non est, tuum esse aut putaris, aut volueris. Prædium aliquod tibi vi extortum est, pecunia fraude adempta, arca expilata est: his acceptis damnis graviter ingemiscis. Et cur ita obsecro, nisi quia falso tuum esse existimabas id, quod re vera fortunæ, & non tuum fuit? Reposcit illa quod dedit: reddidisti

ta

tu quod mutuo aut commodato paullo ante acceperas. At dices, Etsi mutuo acceptum possederim, non conveniebat tamen id aut tam cito reposci, aut per fraudem vel vim eripi: idque multo indignius est, si amicus sit habitus, atque ex sinu fuit is qui fefellit. Strolide, an illud te fugit, nullum fuisse condictum tempus, nullum præscriptum diem ad quem redderes: quin potius rem ea tibi creditam lege, ut qua visum esset hora, & per quos, & quomodolibet repeteretur? *Et quid tua refert ( ut ait Epictetus ) qualis sit is, per quem creditor commodatum reposcit, aut nomina exigit: improbus scilicetne an probus sit de repetundis ad te missus nuntius?* Extra enim causam hæc sunt: in fortunæ, quæ credidit, arbitrio hæc posita sunt: tu tantum nomina æquo animo expedi. Alius te fortasse, etiam nullo tuo merito, vituperat, & existimationi illudit: alius in exitium tuum, pessundatis humanitatis legibus, iracunde incurrit. Hic tu protinus excandesces, quod jamdudum honores tibi ab omnibus deberi, adeoque & eos tuos esse tibi persuaseris: quare illum, qui non defert, aut qui obstitit gloriæ, aut claritatem oppugnat, pro hoste & plagario habes: nec consideras, id quod petebas, ex eorum numero, quæ extra te, quæque aliena sunt, esse: eoque inconsulte & temere abs te factum, qui aliena, & quæ incerti sunt eventus, certo expectaris. Hic te ut stupidum aut deformem irridebit: quid tum? Ille contemnet ut inopem, aut ignobilem: quid tum? Alius infamabit, & ad plebem traducet: quid tum? Num tu adeo consilii inops es, ut propterea teipsum totum ira conflagrare patiare? & non potius aliena frui improbitate atque infania? Ita fortasse illi apparet, loquitur ut sentit. Næ tu ridiculus es, si idcirco succenses, quia ille non pro arbitrio tuo de te statuit, nec tanti te facit, quanti tu tibi videris, aut quanti fieri postulas. Num in manu tua est, rerum imagines in illius cerebro conclusas sic conformare, atque alienas cogitationes in eam syllogismi formam disponere,



spondere, ut inde, si superis placet, ἀποδείξῃ aliqua, & necessaria laudum tuarum assensio exsurgat? Hunc dominatum in cogitationes ne Deus quidem ipse sibi sumit. Proficiscuntur ( fateor ) injuriæ a stultitia. Sed num illud in arbitrio tuo est, ex stultis sapientes reddere? Hoc vix in te ipso præstas: vide sis tunc, qui id in alio possis. Ex stultis autem quid est expectandum præter stulta & iniqua? Legum metus, & poenarum acerbitas, reprimat interdum erupturas alioqui injurias, hoc est, stultitiæ fructus: verum arborem, aut radicem, hoc est, stultitiam tollere nequeunt. Socrates apud Xenophontem in ejusmodi offensionibus aliam quandam leniendi animi rationem attulit. Is cum amicum quendam indignabundum conspexisset, causam est percontatus. Tum ille prolixè questus est apud Socratem de quodam non ita pridem a se officiosè salutato, qui tamen videns & prudens officium non agnovisset, neque resalutare sit dignatus, quin potius contemnerat, quamvis vetus alioqui sibi necessitudo cum eodem intercessisset. Eo, inquit Socrates, *tu stomacharis, propter quod te plurimum gaudere oporteat, ut qui alio officiosior & humanior sis inventus?* Ad hanc normam debemus nos improbitates & injurias alienas in nostrum commodum convertere. Cato ille Censorius dicere solitus est, *Stultos sapientibus majori emolumento esse, quam contra sapientes sint stultis*: propterea quod sapiens inspicendis fatuis facile videt, quam pudendi sint illorum errores: eoque sedulo cavet, ne quando similis eorum fiat. Sed stulti non eo sunt sensu, ut ex sapientum vel sermone vel exemplis fructum aliquem capere possint. Sed ut ad suum iter calamus aberrare incipiens revocetur, familiaria & quotidiani usus exempla tractemus. Vocaris ad convivium vel epulum, ubi tibi locus ex dignitate tua non conceditur, is inquam quem vel genus, vel opes, vel ingenium, vel virtus, vel meritum, vel alia quæcunque tua excellentia, propter quam tibi places, requirit. Alius, qui tecum comparandus non apparet,

apparet, accumbit honoratius, tibi praelatus est. Pulsas item fores adium principis, aut alicujus primarii viri: non admitteris, negligeres: interea superveniet homo teruncii, cui mox & ipsum conclave patet. Hic tu indignabere? Nescis quanti hic facilem sermonis vel ædium aditum, aut ille potiore in accubatione illa epulari locum emerit. Alii cognatio intercedit cum ædium domino, aut convivatore illo: alius mercedula adductus se præbuit ministrum sceleris: alius adulatione, alius perjurio, alius arcano, & sæpe turpi ministerio ad ejusmodi gratiam atque honores scandit: & tu, qui nullo tali obsequio vel ratione principem, vel convivatorem demerueris, nec maleficium ullum ejus gratia faciundum susceperis, paria cum illis, qui quo jure, qua injuria, vel demerere, vel susceperere, expectabis? Cum in forum cupediarium, aut macellum venis, si non avem, olus, aut cupedias domum aufers, ut illi qui pecuniam dedere, te qui nullam dederis, non nisi mente captus sis, ea res male est habitura. Cur ergo tibi ægre est, si in re aliqua, pro qua pretium non dederis, ille tibi antepositus est, qui pretium persolvit? At tu fortasse, tecum interim musans, virtutes tuas, aut alia quædam tua merita, quæ tibi majora videntur, jactas apud te ipsum, propter quæ nihil non tibi deberi arbitraris. Illud tecum etiam expendas velim, cum te in forum contulisses, gamaros aut turdos in coenam comparaturus, num eo gladiolum aliquem quem domi habebas egregie fabrefactum, aut phaleras, aut exquisitæ suavitatis citharam defers, & non potius nummos quorum usus est cupedinariis? Ita ille, a quo te injuria spretum quereris, non virtutibus fortasse, sed certis quibusdam obsequiis tibi negatos largitur honores. Sed tu rursus hoc vitium esse dices, & improbitatem causare ejus, qui virtutis rationem primam non habuerit. Primum virtus non curat ejusmodi præmia: denique fortasse majora tua esse merita apud te statuis, quam sint re ipsa: postremo, ut ille improbus sit, tu te in

in præsentia non ad illum conferebas, ut illius castigares vitia, sed vel ut cœnares, vel ut aliquem, quicum tibi agendum erat, convenires. Videndum quoque hic tibi est & illud, illius esse vitium, non tuum, eoque te angere non oportere cura ejus rei, cujus directio tua non sit. Sed certe quod male te habet, si te penitus excuties, est tui contemptus.

**DEMETR.** Vere istiusmodi considerationes magnum habent in omni vita usum. Vidi & ego sæpe magistratus non tam profanos, quam sacros & antistites, qui beneficium & sacrarum curationum doctrinæque stipendia multo facilius conferant in lenonem, aut propinquum alicujus scorti, quam in præstantissimos viros, & ad fungendum munera tam publica quam privata appositissimos.

**FLOR.** Et tu Demetri, qui nuper fretus ista formæ dignitate & suavitate ingenii operam nonnihil amoribus dare visus es, incidistine aliquando in mulierem, quæ Therpsitem aliquem tibi prætulisset, quæque nullius pretii nebulonem per saxa & per ignes esset secuta?

**DEMETR.** Diu est quod istuc militiæ genus deserui, ipseque me rude donavi. Vidi tamen profecto nonnullas ejus ingenii, easque & formosas, & loco satis honorato natas, quæ procos vel Helena dignos fastidirent: quas nec munera, nec preces, *nec tinctus viola pallor amantium* (ut Horatii verbis utar) curvasset: quæ tamen eadem miserum aliquem & d formem homuncionem, cumque vel morbo, quem populariter Gallicum vocant, obnoxium, vel podagricum, nulla famæ ratione habita, tantum non adorarent.

**FLOR.** Quid causæ fuisse putes, nisi fortasse quod merita quædam antegressa essent arcana, vel quod similitudo quædam esset infelicitis utrobique ingenti a temperamento vel ab astris profecta, quæ mentes & affectus alio, quam sperari posset, derivaret; & efficeret, ut Mopso Nisa daretur? Insipienter ergo admodum faciet, qui ob ejusmodi ineptias angetur, aut qui alie-

num affectum, eumque natura sua vagum, temereque deferri solitum, in se traducturum sibi promiserit. Plurimum itaque inest sapientiæ in ejusmodi cogitatione, quæ solenter inter appetendum ponderat, quid nostrum sit, quidque alienum. Hic nobis mirifice imponere solet cæcus nostri amor. Nam, quia si qua in nobis inest (inesse autem nemo non putat aliquid etiam magnum) vel corporis vel ingenii dos, pro eo quo nos ipsos amplectimur affectu, eam magni pendimus, semper in oculis ferimus: neque hoc contenti, itidem ab aliis fieri, aut certe fieri debere existimamus: nec illud nobiscum expendimus, alios interea suis quibusdam non absimilibus ad suam ipsorum excellentiam cogitationibus pertinentibus, non secus atque nos in nostris esse occupatos. Siquidem non minus alii sibi & cari sunt & placent, quam nos nobis & cari esse & placere soleamus.

Ἡ μὲν οὖν φιλέει ἀλόχως μερόπων ἀνθρώπων

Ἀτρεΐδαι, — inquit Achilles: hoc est,

*Uxorifne suas soli ex mortalibus ardens*

*Atrida.* —

Ex hac agnitione eorum quæ nostra non sunt, reprimatur vulgaris hæc superbia, quæ ex forma, viribus, opibus, aut natalibus existere solet. Notum est illud,

*Fastus inest pulchris, sequiturque superbia formam.*

Alius illud secum reputat,

*Ast ego Cæcropides: —*

qualis fuit & ille apud eundem poetam,

*— Inflatu plenusque Nerone propinquo.*

Græcis item proverbium est, τίκτηι κῆρ' ὅ μὲν ὕβρις ἀπαυδῶσια δὲ μετ' ἐξουσίας ἀνοίας, quod est, Parit sœtietas ferociam: & imperitia, si potentia sit adjuncta, insaniam. Verum (ut Epictetus ait) si equus, qui forma, viribus ac cursu valet, superbiat, rationis aliquid subesse apparet: sed si equi dominus eo nomine sibi placeat, & de se magnifice sentiat, ridiculus erit: eum in equo,

non

*non in domino dotes illæ insint, propter quas supercilium  
astollit.* Non secus sane corporis & fortunæ bona non  
nostra sunt, sed animi sapientia & virtutes. Sic vi-  
tis propria virtus est ubertas, non alligari aureis vimi-  
nibus. Equi item robur & agilitas non sella aut phale-  
ræ: gladii, aciei subtilitas & firmitudo, non balteus  
deauratus, aut vagina gemmis distincta: navis, veloci-  
tas, forma solida & tractabilis, non argenteum ro-  
strum, aut tutela ebore cælata. Quare si superbire aut  
animo inflari fas esset, id tum faciundum foret, cum  
nobis conscii sumus alicujus rei præclaræ, quæ ad ani-  
mum pertinet, cujusmodi est, perpetuo agnoscere &  
reuereri æternam illam divini numinis majestatem:  
nihil pendere hujus vitæ suavitates: mortem non ma-  
gnopere extimescere: bene mereri libenter de quovis,  
cum occasio datur: non commoveri injuriis: animo  
non efferri ob ullam excellentiam. Verum, quia sapi-  
entiæ ratio, & modestiæ item respersa est per omne  
officiorum genus, stolidi illa & intemperans animo-  
rum inflatio locum illic non invenit, ubi vera virtus  
habitat. Ex eodem item fonte adjuvatur ille ani-  
mi candor, cujus cursus in nobis debet esse perennis.  
Videbis plurima adesse aliis, quæ nec ipse tibi dare  
possis, neque tibi sint a quoque expectanda. Huic erit  
ingenii aut eruditionis excellentia: illi natalium clari-  
tas & ditionis amplitudo: illi opes & formosa uxor:  
illi laudes ex rebus domi vel militiæ gestis. Nihil est  
quo hic cuiquam inideas, cum multis aliis de causis,  
tum ob hanc, quod intelligas ea commodata esse, non  
propria eorum qui possident: quamobrem illi se tibi  
illis nominibus præferre non possunt: quod si faciunt,  
jam ipsi se humiles & miserandos efficiunt, & planè  
indignos quibus inuideatur, ex eo quod gravis illos jam  
corripuerit stultitia, qui ob exilia & non suâ bona in-  
tumescant. Tu contra persistis excelsior in tua magni-  
tudine, qui illud animi bonum possides (hoc est, exili-  
um rerum contemptum sapientem) quo non aliud præ-  
stan-

stantius homini contingere potest, & in quod fortuna jus non habet ullum. Merito itaque & facile fidem invenire debet hæc tertiæ columnæ doctrina, cum nihil illa tradat, quod non omnium, qui vel sensus communis aliquid habent, confessione sit comprobatum. Post se nobis obtulit columna quarta, cui hæc inerat sententia,

ΔΙΣΧΡΩΣ ΚΑΙ ΜΑΘΗΝ ΠΑΡΑ ΤΩΝ ΕΞΩΘΕΝ ΤΗΝ  
ΗΣΥΧΙΑΝ ΑΙΤΗΣΕΙΣ.

*Hoc est.*

**TURPITER ET FRUSTRA AB EXTER-  
NIS REQUIEM PETES.**

Jam ostensum est, oportere flagrans perficiendi sui studium adesse. Ostensum est item, & quæ vera sunt bona, quibus quod volumus effici possit: & quæ sunt, quæ quamvis bonitatis aliquid habeant, nostræ non sint. Jam jure proxime sequitur admonitio, ne, contra quam passim fit, tantum operæ ponamus in quærendis illis externis & alienis bonis, ex quibus nulla unquam futura sit animi expletio aut saturitas. Eoque intelligendum est, plane animo intrinsecus esse quærendum id, unde tranquillior effici queat: & in mentis penetralibus id positum esse, unde absoluta requies sit expectanda. Est autem in promptu quadruplex ratio, cur animus ab erraticis istis & mendicis excursionibus cessare, & domi suæ se continendo, inde unde petenda sunt vera bona quærere debeat. Primum, quod plerumque tam stulta sunt nostra vota, ut ea, quæ vel corpori vel animo, vel interdum utrisque sint nocitura superos flagitemus. Rem hanc Juvenale non facile alius melius explicavit: ita enim scribit:

— Nos animorum

*Impulsu, & cæca magnæque cupidine ducti,  
Conjugium petimus, partumque uxoris: at illi  
Notum qui pueri, qualisque futura sit uxor.*

Profert deinde exempla & ruinas maximorum Principum,

pum, quos fortuna in hoc altius extollere visa est, ut postea gravius præcipitaret.

*Quid Crassos, quid Pompejos evertis, & illum*

*Ad sua qui domitos deduxit flagra Quirites?*

*Summus nempe locus nulla non arte petitur,*

*Magnaue numinibus vota exaudita malignis.*

Profert item duos oratores, alterum Græcæ, alterum Romanæ facundiæ longe principes, quorum utrumque

*Largus & exundans leto dedit ingenii fons.*

Fabulantur poetæ de Theseo, ut iratus inter alia de Neptuno avo optaverit, Hippolytum filium a noverca stupri accusatum perdi: quod dum impetrasset, post, ubi falsum novercæ crimen patefactum est, in maximos luctus incidit. Jure igitur, ut est apud Horatium,

*Terret ambustus Phaeton avaras*

*Spes, & exemplum grave præbet ales*

*Pegasus terrenum equitem gravatus*

*Bellerophonem.*

Animis autem officere indulgentiam fortunæ, notius est quam ut multis explicandum sit verbis. Nemo nostrum tam feliciter natus est, ut non plurimum, sit illi stultitiæ ingeneratum: fortunæ benignitas adjuncta, plane ex stultis insanos facit. Quam prudenter poetæ dictum est,

*Nescia mens hominum fatis, sortisque futura;*

*Et servare modum rebus sublata secundis.*

Quam item apposite dictum est Horatio, *Fortunaque dulci ebrius*. Præstat itaque non raro fortuna tenui & obscura, quam opulenta & illustri uti: nisi forte nos ea habeat dementia, ut probine, an improbi simus, nihil interesse putemus. Istud si bonis contingit, ut fortunæ illecebris frangantur; profecto qui malis addit opes & gloriam, is febricitantibus ministrat vinum, biliosis mel, coeliacis opsonium. Suppeditant hic annales exemplorum vim infinitam. Sed quid opus est an-

nalibus

nalibus, cum ipsi nostris oculis quotidie cernamus, ad quantam passim voluptatum & vitæ insolentiam eos deducere soleat fortuna, quos amanter amplectitur? Omni igitur tibi pede (quod ajunt) est standum, ubi illa blanditer arriserit. Timeās Danaos, & dona ferentes. Imo (quod de amore fugitivo Moscho dictum est)

Καὶ ἢν ἐθέλῃ σε φιλάει,

Φῶγς κακὸν τὸ φίλαμα, τὰ χεῖρα φάρμακον ἐστί.

Ἦν δὲ λέγει, λάβε ταῦτα, χαρίζομαι δῶρά μοι ὅπλα.

Μήτις δῖγης πλάνα δῶρά τὰ γὰρ τυεὶ πάντα βέβηπται.

Quod si oscula tentet,

Oscula prava procul fugias, sunt labra venenum.

Cuncta precor capias, tibi do mea, dixerit, arma.

Dona dolosa cave, tota hæc ferus inficit ignis.

Deinde & illud molestum est, quod sæpe optamus quæ sunt pugnancia, & copulari nullo pacto queunt: ut cum quis magnam vitæ partem vult in conviviiis, & libidinibus, atque inter citharas degere, & nihilo minus præstans in philosophia, aut re militari haberi. Hac de re non incommode nos admonet apologus ille de corvo, quem arbori insidentem vulpecula ad radicem posita falsis laudibus inflavit, atque impulit ut de cantu etiam cum cygno certaret. Corvo dum canere occipit, præda, quam ore tenebat, decedit: quam mox arripiens vulpecula corvi gloriosos irrisit conatus. Finitimam sententiam complectuntur versiculi quidam, qui adolescenti mihi lecti sunt, quos tamen non satis fideliter custodivi. Sed hi sunt, vel non longe diversi:

Rusticus ex malo dulcissima poma legebat,

Unde dare urbano dona solebat hero.

Ast herus illeclus fructus dulcedine, malum

Transtulit in laribus proxima rura suis.

Sed quia malus erat senior, translata repente

Aruit, & proles cum genitrice perit.

Tunc sua tristis herus sero vota improba damnant,

Ulterior fructus spes ubi nulla fuit.



*Et merito & superum jussu mihi consigit, inquit,  
Hoc, cui non fuerat carpere poma satis.*

Nam ut in disciplinis pleraque sunt enuntiata, quæ per disjunctionem prolata manifestam præferunt veritatem: eadem si conjuncte enunties, absurditate rerum aures continuo offendis: ut, si vel luce, vel tenebris æra compleri dicas, res nullam admittit dubitationem: si & luce & tenebris una compleri dicas, statim te omnes hominum coetus sunt cum irrisione explosuri. Ita in moribus multa separata consistunt, que frustra copulare studeas. Et hoc est, quod sacrum Evangelium dicit, *Neminem simul posse duobus dominis*, hoc est, *Deo & Mammonæ* (est vox hæc a Judaica lingua ducta) *infringere*; Christo & hominibus placere. Hinc est quod laudes & præmia volumus sine labore: in tumultuosa hæc mundi parte degere sine cura: homines esse, & perpetuo hic vivere: sapientes simul & amatores esse; & Christiani & scelerati. Hic semper nos ponderare conveniet, quid postulet decorum, ut summopere vitemus stultam hanc pugnantium rerum cupiditatem. Sunt pleraque res, quarum in naturis nulla sit pugnantia, quæ tamen ipse ideo ad conjugationem duci non possunt, quia vel vita brevis est, vel infirmitas humanæ facultatis est tanta, ut vel artium percipiendarum, vel munerum explendorum varietati ægre sufficiat. Non enim magna & interior philosophiæ cognitio respuit multarum linguarum peritiam, imo plurimum ab ea adjuvatur. Nec medicina & poetica pugnant: nec fortasse pontificatus & sceptrum. Verum hæc non facile in eodem invenias: propterea quod ea sit præclararum artium ac illustrium munerum in homine difficultas, ut singulæ prope ut integræ consistent, totum sibi vindicent animum. Poeta assidue se abdit in nemora & specus, inter Musas versans. Medicus corporum nostrorum lapsionibus pervestigatis, remedia comminiscitur. Pontifex totus est in animorum curationibus, ad quas

ex

ex tranquillæ contemplationis portu subinde egreditur. Profanus magistratus de civilibus causis cognoscit, & in præsentis vitæ rationibus versatur. Quo fit, ut cum nemo alterutrum plene præstare possit, superfluo sibi quis utrumque usurpet. Et hic ergo contrahenda est votorum immensitas, & intra quosdam rationis terminos includenda. Postea & illud considerandum est, nos sæpissime frustrari illis spebus, quas tam ardentè & ambitiose sequimur. Quis nostrum tam stupidus est, ut ignoret, verissimum esse, quod ait Homerus,

Ἀλλ' ἔστιν ἀνδρῶν νόματα πάντα τελευτᾷ.

Hoc est,

*Juppiter haud semper facit ut potiare cupitis.*

Verum ut eventus ex sententia (interdum quod fit) procedat, atque optatorum pars aliqua contingat: usu venit tamen sæpe, ut rursus opinione celerius auferatur, imo ut longe in diversum cedat, & gaudium breve in sempiternum luctum convertatur. Celebratissimum est illud apud Herodotum, & apud Plutarchum item, Solonis ad Cræsum responsum. Rex ille ob opulentiam incredibilem existimabat se a Solone prædicatum iri beatum. Verum ille, cui semper fortunæ inconstantia (quod sapientis est) ob oculos erat, pronuntiavit, *Neminem ante hanc vitam exactam beatum dici posse.* Quod postea stolidus Rex a Cyro bello victus & captus, usu ipso verum esse comperit.

———*Regem pertransco Ponti, (ait Juvenalis)*

*Et Cræsum, quem vox justî facunda Solonis*

*Respicere extremæ jussit spatia vitæ.*

Neque tamen propterea jure cum fortuna expostulare possumus: quandoquidem, ut proverbium habet, improbe Neptunum accusat, qui bis naufragium facit. Quis nostrum non periculo suo doctus est, quam levis, quam lubrica, & quam denique perfidiosa sit illa à

Quem

Quem non illa bōlo etiam aliquando e faucibus crepto delusit? Et nos ulterius ab eadem quicquam certo exspectabimus? Cæca depingi solet, & ita vulgo apparet, propter iniquissimam munerum ipsius distributionem: Sed certe non illa cæca est, sed nos, qui compertum habentes illius ingenium quicquam illi confidimus: perinde itaque facimus, ac si cæcus in eum qui videt impingens videntem cæcitatis insimulet. Sapienter itaque Senecæ scriptum est, *Ludos facere fortunam, & in hunc mortalium cæcum honores, divitias, gratiamque preiicere: quorum alia inter diripientium manus scissa sunt, alia insida societate divisa, alia magno detrimento accipientibus fuerunt, quibusdam aliud agentibus inciderunt, quedam quia nimis captabantur amissa sunt. Nulli, cui rapina feliciter cessit, gaudium diu duravit. Itaque cum in theatrum ab ea spargi munuscula vides, fuge. Nemo manum conferet cum excedente: nemo feriet exeuntem: circa præmium rixa est, demus raptoribus locum.* Sed adhuc restat hæc omnium potissima doctrinæ hujus ratio. Fac tibi esse Tantali opes, vel Arabum gazas: fac terreni orbis esse imperium: fac virgulam illam esse divinam, omnia pro nutu suppeditantem: non tamen sic cupidinum hiatus, aut egestatis lacunæ compleri poterunt, non desideriorum restingui ardores; quin potius adauxeris: & quantacunque fiet accessio, erit quod dici solet, τὸ ἐλαῖω πῦρ σκερῶν hoc est, ignem oleo extinguere. Vides id quod ait Cicero, *Hominēs his rebus circumfluentes maxime desiderare quæ habent.* Siquidem ut scabiosum membrum semper eget frictu, ita cupiditas nunquam satiatur. Hujusce rei rationem si requiris, illud tecum reputa, animum incorporeum esse, adeoque ex verorum tum entium tum bonorum genere; quapropter hunc non magis externis bonis (quæ supra verarum rerum umbras esse docuimus) expleveris, quam vacuum & esurientem ventriculū eo epulo, aut πανδαρί, ubi omnis generis depicta duntaxat esculenta apponantur. Tantum tibi sit auri atque gemmarum, ut ea pedibus conculces, ab

ea ipsa luxuria majora semper discere concupisces. Et, quemadmodum Narcissus ad sui umbram in fonte visam inbians,

*Spestat inexploto mendacem lumine formam,  
Dumque sitim sedare cupit, sitis altera crescit.*

Ita quicumque spem sine corpore amat, a redivivis cupiditatibus, atque aqua intercute, cujus sitis perenniter renovatur, est detentus. Alexandrum illum, cognomento verius quam re Magnum, illacrymasse fertur, cum audisset Anaxagoram de mundorum multitudine differentem. Fletus causam ab amicis rogatus, *Non videor (inquit) vobis merito flere, qui cum mundi sint pluri mi, nondum unius sim factus dominus?*

*Æquat infelix angusto limite mundi,  
Ut Gyara clausus scopulis, parvaque Seripho.*

Cernere est & ætatis nostræ Monarchas, divina humanaque miscentes regnandi libidine, hoc est, ambitionis explendæ gratia. Non vident majus jam onus humeris suis impositum esse, quam sint ferendo: eoque potius rationes quærere debere, cur alios in oneris partem aliquam admittant, quam tam iniquis & crudelibus modis imperium propagare. Non debent magistratus suis deesse, cum vis externa adhibetur: sed cavendum est, ne sub prætextu juris, cupiditati aut privatis rationibus serviatur. Ergo, quod Seneca præcipit, *oportet spes effrenatas, & animum nunquam presentibus aut suis bonis contentum, sed semper in futura eminentem, velut sub vinculis habere, & id agere, ut divitias, voluptates, & honores, & quæcunque in expetendis haberi solent, a nobis ipsis potius, quam a fortuna petamus.* Sibi confidat animus, seipso gaudeat, sua suspiciat, recedat quantum potest ab alienis, ut se sibi applicet: illud quod est apud Plutarchum persuasissimum habens, non magis animorum molestiam fortuitarum rerum affluentia levare, quam calceo aureo articulare morbum, aut annulo rediviam, aut diade-

diademate capitis dolorem. Sed, cum a natura nobis tributum sit, ut vitam hanc tueamur, atque hæc tutela sine externarum rerum usu consistere non possit; tantum hoc præcipitur, ne immodice & cupidius ad externa efferamur, tanquam illinc saturitas aut requies aliqua animi veniat. Tantum quod æquum est moderate speremus, ad ea etiam quæ iniquissima sunt nos comparantes. Hoc certe magni est animi, magna ista contemnere, & mediocria malle quam nimia. Naturam sequamur ducem, quæ sane paucis & parabilibus contenta est. Fines quosdam frugalitatis ipsi nobis constituamus: aliis suas copias, aut excellentias istas vulgares minime invidentes. Neque enim uni alicui superi omnia concedunt: sed, ut de Achille dictum est Homero,

Τῷ δ' ἑτέρον μὲν ἔδωκε πατήρ, ἕτερον δ' ἀνείλετο.

Quod est,

*Annuat hoc illi divum pater, abnuat illud.*

Nec immerito Platoni placuit illud Hesiodi,

Νήπιος ἔδ' ἴσασιν ὅσω πλέον ἥμισυ ποντὸς  
Οὐδ' ὅσον ἐν μαλάχῃ τε καὶ ἀσσοδέλῳ μέγ' ὄνειαρ.

Hoc est,

*Inspiciens toto quanto plus dimidium sit*

*Nescit, & asphodeli quæ sint vel commoda malvæ.*

— *O vitæ tuta facultas (inquit Lucanus)*

*Pauperes angustique lares: o munera nondum*

*Intellecta Deum* —————

Quod si non gravabimur ab externis, hoc est, illis qui bus vera religio ignota erat, frugalitatis exemplum sumere, audiamus eundem poetam, Catonis magni plan spiritus & ingenii hominis mores nobis describentem.

— *Eli mores, hæc duri immota Catonis*

*Scelta fuit: servare modum, finemque tenere:*

*Naturamque sequi, patriæque impendere vitam.*

*Non sibi, sed toti genti se credere mundo.*

T 2

Hui:

*Huic epulae, vicisse famem: magnique penates,  
 Summovisse hiemem tecto: pretiosaque vestis,  
 Hirtam membra super Romani more Quiritis  
 Induxisse togam: venerisque huic maximus usus,  
 Progenies: urbi pater est, urbique maritus,  
 Justitia cultor, rigidi servator honesti:  
 In commune bonus, nullosque Catonis in aedus  
 Irrepsit, partemque tulit sibi nata voluptas.*

Multum sane apposite Horatius auream dixit Mediocritatem: quæ tamen eadem ita accipienda est, ut ad paupertatem potius, quam ad opes vergat. Et, ut res nostra omnis sit in vado, etiam dum pauca illa & parabilia consecramur, non inutile fuerit, nihil nobis unquam futurum polliceri, nisi illa HomERICA moderatione adjecta:

*Ἄνε θεοίγ' ἐθέλωσι τὸν ἕρπονδ' ἄρ' ἔχοντες.*

*Diis ita visum fuerit quos gestat Olympus.*

Navigantes ita demum se in portum perventuros confidunt, si per ventos liceat: ita & tu omnibus in rebus, si sapias, fortunæ verebere inconstantiam: & quæ tibi læta videntur (ut Nasonis verbis utar) dum loqueris, fieri tristia posse puta. Repentini enim & inopinati casus proverbio huic, Multa inter os & offam, fecerunt locum. Quocirca sapiens (ut ait Seneca) nihil sibi promittit de fortuna: sed dicit, Navigabo, nisi quid inciderit: Prætor siam, aut Consul, nisi quid obliterit. Hoc sapientis est, non casibus, sed erroribus hominum liberari: quod ille multo sit æquiore animo, postquam fuerit defraudatus, qui sibi successum non promissit. Consequens ergo est, ut angustæ spes, quantum attinet ad præsentis vitæ facultates, plurimum præsidii afferant contra timorès, ægritudines, ceterasque id genus animi infractiones. Sunt equi nonnulli usque adeo alacri & vegeta temperatura, ut si iis in itinere faciundo habenas remittas, ipsi se nimia celeritate conficiant: ita &

& nos nihil est quod celerius ad animi molestias pertrahat, quam votorum nimietas : dum nunquam iis quæ adfunt contenti, semper ad nova & maiora cursu infrenato dementer prouimus. Vultis vos nostram adversus Deum iniquitatem, & ingratos animos manu prope ipsa contingere? Qualem vos cum beneficiarium, & quibus tandem dignum esse præmiis statuitis, cui, cum multa & plurima etiam gratis acceperit, injuria loco est plura accipere potuisse : qui semper ad accipienda inhiat, acceptorum oblitus? Tales profecto nos esse diffiteri non possumus, ut quibus perpetuo futura & aliena plus placeant, quam præsentia & nostra. Sed quid ego diutius in hisce sermonibus verbor, cum ea hic, se passim offerat rerum copia, ut usu ipso comperiam, non minoris ingenii atque curæ rem esse, ampla & diffusa concinne contrahere, quam quæ per se sterilia & angusta sunt argumenta copiosa & florente oratione dilatare atque amplificare. Et profecto jam claudenda mihi foret inscriptionis hujusce explicatio, nisi interea dum calamus ipse velocissime properat, nova quædam, nec ea contemnuenda ( ut mihi videtur ) ratio animum subiret, cur nunquam expectando & desiderando animis pendere debeamus.

*FRANC.* Superior quidem disputatio, etsi subtilior paullo visa est; plurimum tamen placuit: hæc vero, quæ in præceptis posita est, quod propius animorum curationem attingat,\*vix credas quantopere nos delectet : quare ne differas novam istam rationem proferre : de te nihil quod non sit utile expectamus.

*FLORE.* Natura duce ad hoc ferimur, ut, si qua in nobis vel animi vel corporis deformitas insit, eam accurate contegamus : ne, si prodita sit, nostri existimatio, aut collecta prius gratia minuatur. Hinc est, quod etsi re ipsa divites non sumus, aniamus tamen eo cultu incedere, qui divitias potius, quam paupertatem indicet. Mulieres informes & decolores, quæ gratiam captant amatorum, se comunt, colunt & fucant studiosius.

osius. Et qui indocti sunt, in hominum coetu & docti haberi petunt, clamorosius disputant. In summa, ostentamus ea unde laus, & celamus libenter unde vituperatio aut nominis obscuritas oriri possit. Attamen nescii & ignari praestantiae animi tueri opinionem, id quod fuit multo amplius & pudendum & celandum, inclusam pectore miseriam, bonorumque omnium inopiam, aperte & impudenter in cupiditates proruentes ad Solem educimus, &, quod sorices solent, nos nostro iudicio quales simus prodimus. Non est insigniter divitis, parvas utilitates & exilia lucra consecrari. Nec is, cui domi in vinaria cella magna lectissimi vini copia est reposita, vappam aliunde quaerit. Qui assidue & cum lubet inter insignes formas versatur, non capitur vulgari aliqua specie. Qui exquisitae musices est peritus, indoctam & numeris vacuum cantionem contemnit. Carolus Caesar (ut auditione & fama accepi) cum nuper Veneti obtulissent, se illum, si vellet, conscripturas inter patritios suos, Satis, inquit, hucusque putavi mihi esse ad generis nobilitatem Austriacam domum: quo sit, ut istam vestram accessionem non magnopere morer. Perspicuum quidem est hoc, & in vulgari prudentia positum, Neminem eas res magnopere aut admirari, aut exambire, quibus iam abundat: sed contra, suspicit quisque & quarit quod deest. Quoties ergo nos vel voluptates, vel opes, vel honores extrinsecus quaerimus, nonne proferimus manifesta avari atque egentis animi signa? Docemus homines, res nostras sine externa ope non consistere: & magnitudinem non recta affectantes, parvitatem nostram ostendimus. Quod potest esse illustrius & certius documentum inopis, mendici, dissipati & disgregati animi, quam furiosis cursitationibus nunc huc nunc illuc deferri, nunc hoc nunc illud forinsecus flagitare, seipsum perpetuo fugere, sui contubernium ferre non posse? Nonne haec satis declarant, nos plurimarum rerum domi laborare inopia, atque intra animi nostri conclave molestari

quendam



quendam fumum pravaram cupiditatum inclusum, qui nos perpetuo extrudat ad externa? Et certe, ut in morbis, cum corpus non admittit quod proprium est, multarum absurdarum rerum gignitur appetentia, sic animus, qui suis bonis non capitur, variis & insanis curis distrahitur. Ergo nos mendicitatis hujus abjectæ pudor quidem generosus habeat, & formarum, honorum, voluptatum, atque opum vulgarium contentu animoso, ostendamus esse nobis domesticam quandam opulentiam, quam certe cum volumus repræsentare possumus. Quid mihi opus est honoribus tuis, fortuna, cum ipsa animi virtus etiam superis me honorabilem efficiat? Quo mihi forma aut voluptas aliqua, tua puella? Nihilne mihi formæ est in sapientiæ splendore, atque affectuum omnium symmetria? Nihilne pulchritudinis est numipi, quod ipsa pulchritudo est, quam animo conclusam circumfero? Nullumne pretium est nativo mentis decori? Nullane voluptas est præter hanc, quæ nobis cum suis & asinis est communis? Illud non est divitiæ seipsum habere? Imo Deum, immensum illud bonorum pelagus? Sed quid facio? Semper quo fixius contemplor excursum animi, hoc invenio majorem in eo inesse vanitatem, Num mendicus a mendico egestatis levationem petam, & demens e pumice aquam postulabo? Egent & illi, unde satietatem peto. Nec Regibus, qui tibi opes largiuntur, desunt lux egestates: nec formis, quæ tibi falso voluptatem promittunt, & quibus potiundis beatum te fore speras, desunt sui dolores: mendicant & illæ, miseræ sunt. Quæcirca frustra extra animum tuum, aut aliunde quam a Deo, qui nunquam non intus, idemque, nisi tu nolis, suavissimus est, quietem requires. Sed, ut est in aureis illis (quæ vulgo Pythagoræ dicuntur) carminibus,

Ταίμινες οὐτ' ἀγαθῶν πελάεῖ ὄψων ἔκ ἐσσομένων.

Hoc est,

*Hæc bona, quæ petimus miseri (nec cernimus) adsunt.*

Bene

Bene profecto dictum est Aristoteli, *Hominem qui solitariam vitam degeret, aut belluam esse, ut qui propter sensus inopiam incommodus & ineptus esset ad convivium; vel Deum, ut qui animi intima quadam magnitudine fretus, turbe non egeret.* Quod idcirco retuli, ut intelligatur, quemque ut præstantissimus est, ita minime de externis esse sollicitum: & contra, perpetuam curarum varietatem ad mentis inopiam pertinere. *Divorum est* (inquit Socrates) *nullius cuiusquam rei indigere; hominum, qui ad eos proxime accedunt, quam paucissimorum.* Idem, cum aliquando in foro magnam venalium rerum & varietatem & copiam conspexisset, comiti, *O Jupiter*, inquit, *quam multis non egeo.* Nimirum erat illi dives animus, & regnum quoddam domesticum, quod omnia suppeditaret, multo splendidius eo, quod in media copia esurit. Diogenes servum, qui aufugerat, neglexit revocare: cumque ab amicis rogaretur, cur id faceret: generose respondit, *Indignum esse illum posse carere Diogene: & contra Diogenem absque illo vivere non posse.* Anaxagoras, quum renuntiatum esset illi de exilio, & quod perpetuo carendum foret Athenis: *& Athenæ* (inquit) *me perpetuo sunt carituræ.* Si nobis quos commemoravi viri humiliores videntur, (quanquam nunquam est humilitas rerum, ubi adest sapientia) quam ut imitari debeamus: (solet enim vulgo irrideri philosophica professio) attamen propter nostrum commodum debemus amplecti libenter eas rationes, quæ nobis animi magnitudinem, eamque & securam & tranquillam largiuntur. Mendicitatem hanc si dedignari atque semel deponere possemus, nullæ existerent inter homines simultates, & turbæ: sed commune quoddam dignitatis tuendæ studium in humanis rebus versaretur. Verum quia hic vivimus ambitiosa paupertate omnes, strepitus vitæ & tumultuum nullus est finis. Tu communiter mecum idem aurum petis. Tu locum aut honorem hunc ambis, & ego itidem. Tu vel solus vel primus vis esse apud eam, cujus specie atque amore caperis: & ego itidem.

itidem. Hic est communis quædam mendicitas, & ut est apud Hesiodum, *πλωχὸς πλωχῶ ὀδύει*, *egeo egenus invidet*. Tu si alii permittis vulgares cupiditates, atque te ad tuas & veras divitias revocaris, vicisti, vere magnus & maximarum rerum potiens es: ille turpiter deceptus, putans se laute accubare, turpiter & misere inter ferculorum & deliciarum umbras positus, perpetua esurie excruciabitur. Hæ sunt rationes quibus tegimus, imò depellimus turpitudines nostras. Hæc est divitiarum soliditas. Hæc sunt certissima, & nullis involuta lenociniis divini animi pignora.

**DE METR.** Recedendum est ergo a turba, neque capeßenda est Respub. neque adjuvandi sunt necessarij aut amici, aut ullum cum hominibus est commercium habendum. Nam domestica ista animorum opulentia sibi sufficere videtur.

**FLOR.** Quoniam non solis nobis nati sumus, illud non solum videndum est, an ipse aliis, sed etiam an alii te atque opera tua egeant. Certe qui ad perfectæ humanitatis laudem aspirat, debet cum Catone ( ut est apud Lucanum )

*Non sibi, sed toti genitum se credere mundo,*

Quapropter nobis integrum non est, ut laborem nostrum hominum periculis sublevandis non impertiamur, nisi ( ut ait Cicero ) *non reformidemus inhumanitatis aut superbiæ culpam suscipere*. Fuga sane laboris inertiam, repudiatio supplicum superbiam, neglectio amicorum improbitatem coarguit. Animi certe stupor est & duritia nihil dare amicitiae. Imo ne vitæ quidem dimicationes pro Republica defugiendas esse, a sapientissimis quibusque definitum est. Quicquid igitur facultatis in auxiliando vel a natura vel a fortuna accepimus, ad communes primum conferamus utilitates: & deinde in quemque separatim, ut maxime opis egebit, atque ut erit conjunctissimus. Grandis sane me iudice dica impingenda est illis, qui ex contemplationis por-

tu non se dant aliquando in negotiorum fluctus. Neque profecto industrii, misericordes aut officiosi esse possumus, si sic nos in literarum studia abdamus, & umbratilem vitæ rationem sectemur, ut flagitantibus patriæ aut amicorum temporibus opem nostram denegemus. Non tamen illi vituperandi sunt, imo singulari laude sunt digni, qui cum ingenio valeant, se a turba removerunt, nec se negotiis admiscunt, quo possint commodius inclusas animis veritatis commentationes, ac ab ipsis inventa subtiliter & sapienter excogitata, in lucem aliquando proferre, & literarum mandare monumentis. Horum enim studia si in rebus utilibus & cognitione dignis versantur, maxime juvant humani generis consociationem. Sed & illud hic videndum est; aliud esse hominem tempore a capeffenda Repub. excludi, aliud voluntate sua feriari. *Oris sanctum* (ut apud Augustinum nremini me aliquando legisse) *querit caritas: negotium justum suscipit caritatis necessitas.* Quam sarcinam si nullus imponit, percipiendæ intuentæque veritati vacandum est; si imponitur, ferenda quidem est alacriter: sic tamen, ut subinde recursus sit ad illam contemplationis suavitatem, ne animus nulla placidæ quietis intermissione recreatus, oneris magnitudini succumbat. Verum si quis posset esse totus abreptus in illam divinæ contemplationis lucem, huic ego tanquam numini cuidam assurgam, & supra humanas res hunc esse fatebor. Nunc si propter naturæ contemplationem non licet deesse publicis commodis, multo minus id est licitum propter privatas aliquas rationes; si tamen is sis, qui vel opera, vel consilio aliis prodesse possis. Sunt qui se abdant in secreta quædam loca, ut liberius & sine interpellatore fruantur voluptatibus. Inutile est hoc, imo & iniquum hominum genus, qui sibi potius quam virtuti vivunt: quanquam non is continuo sibi vivit, qui cœtus hominum vitavit. Obtere solent hi vela quædam, & caussantur pericula eorum, qui versantur in rerum luce, & in turba. Sed

si iidem penitus essent introspecti, esset sæpe videre alias causas: ut, quod non potuerant alios videre florentiores, aut quod ratio vitæ illorum talis est, ut lucem reformidet. Eiusmodi suo seculo fuisse Servilium Vaci-  
am, virum prætorium, scribit Seneca. Is, quamvis vir esset in primis opulentus, nulla re notior fuit, quam villæ otio, quam prope Cumas possidebat. Inde factum est, ut occupati aliquando clamarent, O Vacia, solus scis vivere: cum tamen ille lateret potius, quam viveret. Seneca cum illac iter faceret, dicere solitas erat: *Hic situs est Vacia*: tanquam de aliquo sepulto sermo esset. Neque pervulgatum illud, *ἀδθὲ βίωσας*, hoc est, *sic vive, ut vixisse te nemo sentiat*, torquendum est ad inertiae aut inutilis otii præsidium. Sed hoc tantum admonemur, ne temere, aut ardelionum more vitæ strepitum sectemur. Aliud enim est, civiliter negotiari; aliud, in inanes demergi sollicitudines. Sed faciamus, multum esse laboris in iuvanda Repub. aut amicis, aut quibuscunque, qui opera nostra sublevare poterunt (amplianda enim semper & proferenda sunt humanitatis pomœria) non tamen est illustris animi, defugere laborum difficultates, quæ sint cum officio & honestate conjunctæ. Neque profecto tranquillitas animi magna res esset, si (ut ait Plutarchus) *illam vel desidia alere posset, vel laudata aliqua exercitatio tollere*. Destituit sæpe (fateor) fortuna etiam præclarissimos conatus: verum non propterea desinere oportet ad scopum jaculari, quia hunc non semper attingimus: cum nunquam possit esse luctuosum honestorum consiliorum naufragium. Si præstitimus quod debuimus, quamvis secus atque speraverimus res cedat, plurimum consolationis in ipsa officii conscientia positum est: maxime cum (ut ait Cato apud Lucanum)

*Laudandaque velle*

*Sit satis, & nunquam successu crescat honestum.*

*Virtutis laus omnis* (ut scribit Cicero) *in actione consistit. Quamobrem unusquisque ad hoc vitæ institutum se*

conferre debet, in quo tum sibiipſi tum aliis commo-  
diſſimus eſſe poſſit. Res moleſtæ nuſquam deerunt : ve-  
rum ægritudines propter moleſtias, niſi velis, non ſuſ-  
cipies. Fui hîc fortasſe verbosior : ſed certe (ut vide-  
tur) non ab re : tum quod labor, qui eſt in negotiis,  
cum tranquillitate pugnare videatur : tum quod paſſim  
& in urbibus & in pagis cernere ſit magnificos nidos ex-  
ſtructos ventribus, quos propter pietatis ſpeciem ſudori-  
bus ſuis ſtolidum vulgus ſaginat. Et, ut tota ratio pau-  
cis abſolvatur, nos illud, quod Ciceroni de ſola ætate  
dictum eſt, ad res varias non inepte accommodabimus.  
Dicamurque, non ſolum omnem ætatem, ſed etiam  
omnem locum, omne contubernium, omnem ſolitudi-  
nem, omne otium, omne negotium eſſe moleſtum iis, qui-  
bus nihil eſt in iſſis ad bene beateque vivendum opis.  
Et contra, quibus ea animi virtus eſt, ut a ſeipſis & non  
a fortuna ſtabilitatem & ſalutem rerum ſuarum petant ;  
iis quacunque contingat vitæ conditio tolerabilis eſt ;  
iis tempus omne lætum eſt & floridum. Hoc igitur jam  
pro conſtanti relinquamus : Intrinſecus, non extrinſe-  
cus quærendam requiem ; & animi bona, quæ vera  
ſunt, ſummio ſtudio quærenda : extranea vero vel nihil  
quicquam, vel modice admodum appetenda. Poteram  
huc attuliſſe parem utrobique laboris in quærendo ma-  
gnitudinem, & fortasſe in fallacibus illis majorem :  
quam rem eleganter poëtæ in Tantalò fugientia flumi-  
na fruſtra captante, & Syſipho perpetuo immane ſa-  
xum apud inferos laborioſe volvente, expreſſerunt. Et  
ſane, ut juvenes interdum injuriis aut ſuperbia ada-  
mata mulierculæ paullatim victi elabuntur, alioque  
amorem transferunt : ita & nos hic labor, cujus finis do-  
lor eſt futurus, commoviſſe poterat ad breve illud labo-  
ris genus amplexandum, quod mox ſempiternam adfe-  
rat quietem. Sed malui nos rerum turpitudine & incon-  
ſtantia ab incepto ſtolido, quam difficultate deterreri.

DEMET. Sed nunquid etiam fieri poteſt, ut animi  
quærentibus bona, opera & impenſa pereat ?

FLOR.

**FLOR.** Tantum vero abest, ut studiose animi quærentes bona decipi aut frustrari possimus optato, ut hoc ipsum appetere (quod diligenter intelligi cupio) ingens quoddam bonum sit, eoque studiosa voluntas semper secum affert operæ suæ pretium inæstimabile. Adde quod (ut supra vobis dictum est) huc non intervenit vis externa. Adde item & Deum libenter hoc studium adjuvare. Et contra, cupiditas illa, quæ ad extranea fertur, & facile destituitur, quoque fuerit flagrantior, hoc & turpior est & cruciabilior. Jam absoluta est hujus columnæ præceptionis explicatio: ex qua (ut opinor) liquidissime constat, votorum vulgarium contractionem, & translationem animi ad sua bona necessario requiri ad quietem mentis comparandam. Et nos in tam liquida rerum veritate hasitabimus, vel in tanta rursus necessitate cunctatione utemur, aut ullam causamur difficultatem? Si ab altera parte vel veritas ulla esset, vel spes aliqua quietis, hic tardatio difficultatem aut obscuritatem rerum posset excusare. Quod cum contra sit, insignis stupor est, si amplius cunctamur. Ad quintam deinde columnam ventum est, cui inscriptum erat,

ΟΥ ΔΟΞΑΖΑΣΘΑΙ, Η ΑΠΕΣΚΕΙΝ ΕΑΤΤΩ: ΟΥΔΕ  
ΚΑΤΑΦΡΟΝΕΙΝ ΤΟΥΣ ΑΛΛΟΥΣ.

*Hoc est,*

**NON MAGNIFICE SENTIRE DE SEIP-  
SO; AUT PLACERE SIBI IPSI: NE-  
QUE ALIOS DESPICERE.**

Jam visum est, oportere nobis esse flagrans studium bonorum nostrorum, citra inutilem illam & turpem mendicitatem. Sed cum animi inflatio, ex qua sæpe plurimum turbæ nasci solet, non solum existit ex fortunæ indulgentia, sed etiam interdum ex ingenii dotibus, & doctrinæ atque sensus præstantia, quæ videntur in veris bonis esse, haud ab re adjectum est de moderando sensu & mentis elatione cohibenda præceptum. Tumor item animi prorumpit in gloriosos sermones & con-

contemtionem aliorum, a quibus merito nobis propter immodestiam nostram negotium facessitur. Et quamvis pleræque sint aliæ immoderationes & injuriæ, quæ pacem convictus & societatis humanæ conturbent, & plurima incommoda, quibus alius alium afficimus: nulla tamen tam late serpit, & gravius offendit superbo hoc hominum fastidio & contemptu. Imo inflatio ista animi est, quæ pene nos ad omne injuriæ genus impellit. Quapropter fuit de hac separatim tradendum. Priusquam præcepti ratio plene teneatur, non mediocris in eo difficultas inest. Proditum est, Chilonem quondam interrogatum, *quid in vita esset difficillimum?* respondisse, *Nosse seipsum.* Ex ignorantia autem sui nascitur illa φιλαυτία, hoc est, *immodicus amor sui* animis alte admodum imbibitus. Inde autem fit, ut laudes, utilitatesque, quas cœlestis providentiæ dispensatio communes esse vult, & nullius cujusquam peculiare, in nos solos velimus esse derivatas: nos item unice gloriæ & beneficiis dignos judicemus: non tam ab aliis, quam a nobis ipsis nos adulari libenter patiamur: in quamcunque partem nos demus, volumus principes omnium primarum artium videri, neminemque nobiscum dignitate exæquari: in summa, quicquid vel honoris, vel emolumenti aliis adjicitur, id nobis quodammodo detrahi putamus. Ex eodem est fonte, quod si quid nobis delictum est, statim culpam in alium conferre parati sumus: nobis omnia, aliis pauca vel nulla licere volumus. Quod aliis vitio datur, id nobis (si superis placet) petimus honori esse. Alienas libidines, aut mala facinora quanta cum religione etiam oculis ad sidera sublatis indignantes, atque admirantes tale aliquid accidere potuisse, execramur. Vestigamus sedulo, & audimus libenter quod carpamus in aliis, & quod longe pessimi est ingenii, interdum confingimus ipsi. Hunc ut deformem aut stolidum sannis excipimus. Hunc ut sordidum, mulierosum, aut decoctorem contemnimus. Hunc ut arrogantem odiose insectamur: & quod nihil est



est dementius, etiam in arcanas & tacitas animi cogitationes, tanquam in hominum pectoribus habitemus, interdum invadimus, atque hoc modo traducere solemus. Hic non credit purgatorium: hic esitaret avem etiam solennis jejunii diebus: hic non numerat septem sacramenta: & magnæ est nobis religioni aliena cogitatio: valdeque sollicitos nos ea habet cura, ne Deus aliorum sceleribus irritetur: veremur ne terra dehiscens vivos absorbeat: & nos probe functos nostro munere nobis persuademus, si alienos errores fortiter accusemus. Verum hoc prope ferendum esset, si in aliorum duntaxat vitia debaccharemur: nunc non contenti odiosis illis criminationibus, si aliquis sapientia quadam animi fretus, paullo est turbæ fugientior, nec nobis ad convivia aut lupanaria euntibus se comitem adjungit, superbiam ac dedignationem interpretamur. Si dissimulat, vel contemnit injurias, vel propter Christum condonat, si a fraudibus abhorret, meticulosum, & Christianulum stupidum per contemptum vocamus. Si non utitur venere, temperaturæ frigus, aut sordes atqueavaritiam caussamur. Si liberaliter facit sumtum, unde ad nos nihil veniat, prodigus; sin venit aliquid, liberalis est. Et ne singula persequamur, ex virtutibus ipsis vitia facimus quadam naturæ depravatione: ad nostram protinus excellentiam pertinere persuasi aliorum depressionem quamlibet iniquam. Et contra, quid manticæ a tergo sit nunquam conspiciamus: qui profecto, si conspiceremus, non tam facile in irrisiones & contemptum aliorum prolaberemur. Sed, ut quos rideamus moriones, moriones se esse nesciunt: sic nostra nos stultitia fugit. Quid dixi fugit? imo & vitiis virtutum nomina indimus: & cum oculos ad nostra convertimus, protinus, bone Deus! quam formosi sunt nævi, verrucæ, polypj, imo & clauditates? Arrogantia animi, est magnitudo; sordes, frugalitas; libidines amorum, ingenii suavitas; pertinax divinarum rerum ignorantio, pietas & religio. Et est istuc profecto datum,

ut grata sint nobis omnia quæ facimus ipsi. Cum tamen contra conveniret candide excusare aliena, & nostra extenuare libenter.

*DEMETR.* Hoc non vis, credo, non licere vituperare facinorosos, cum & tute interdum in summos ordines invehere.

*FLOR.* Minime hoc volui : sed magnam dico oportere moderationem adhiberi, maxime cum nominatim aliquem vituperas. Primum cavendum est, ut ne id fiat obtrectandi studio : tum ita observanda sunt tempora, ut utilitas aliqua inde sequi posse videatur : ut cum juvenus audita improborum vituperatione, minus animi induit ad improbitatem. Tum ut nunquam res, quæ occulta est, prodatur : atque ubi prodita est, tum demum est auctor vituperandus, cum quod factum est, tantum habet manifesti sceleris, ut in meliorem partem accipi non possit. Adde item, quod ad candorem pertinet & ingenii humanitatem, quæ ad laudem pertinent, exaggerare, & contra vituperationes imminuere. Non desunt autem imminuendi atque elevandi rationes, nisi desit humanitatis candor. Illud quod me fecisse profers non contrahit : eo quod longe aliud sit nominatim, & libidine adducendi alium in invidiam, aliena errata proferre atque amplificare ; quam generatim tantum, & publicæ salutis studio apertam illorum coarguere negligentiam, per quam stat, quo minus Christo immortalis & vero Deo debitus honos sit incolumis. Sed redeundum est ad illud unde divertimus. Ex illa autem cogitationum inflatione sæpe ad tantam devenitur insaniam, ut non modo non cum aliis, imo ne cum nobis quidem ipsis commode habitare possimus. Strangulat nos invidia inclusa, cælo ipsi tacite, licet frustra, irascimur, si quid aliis magnificum adesse cernimus, quo nos deficiamus ; si alii nobis anteponuntur : nec expendimus incivis esse convivæ esculentissima quæque in convivio apposita ad se proprie vel maxime pertinere arbitrari. Non enim secus facit, qui præterita communis societatis ratione,

ratione, omne id quod illi bonum ac commodum erit accidere cupit, atque sibi passim primas atrogat. Jure igitur Platoni scriptum est, oportere omnem hominem φιλέειν τὸ σφόδρα φιλεῖν αὐτὸν : hoc est, *fugere immodicum illum sui amorem*. Decipit enim nos amor. Quod cum in eo contingat, quem suscipimus adversus alios ; quanto id magis in proclivi est in eo quem erga nos ipsos habemus. Nascitur vero hæc immodestia amoris atque animi elatio ex eo, quod celebratissimum illud præceptum, Γνώθι σε αὐτόν, negligitur: perpetuo enim illud meditari convenit, nos, ut Regum Reges simus, quisquillas esse, & precarii spiritus animi scula: commodatum esse quicquid possidemus: omnia ex Deo perfecta, nihil nos nisi de illius voluntate ac permisso facere: superbos hosce spiritus, dum nos magna facturos minitatur, momento comprimere: spes omnes inopinato intercipi, incepta in diversum cadere, & vitam denique ipsam, ex qua reliqua pendent, in hoc ipso, quo maxime turgescimus, puncto extingui posse. Cui hæc secum attente reputanti non protinus cristæ cadant, animique residat tumor? Hoc vidit ille, qui eo a superbiloquentia temperandum censuit, quod

—οἷδε γὰρ ἑδὲς

Ἀνθρώπων ὅτι νῦν ἔχ' ἡμέτερά ἀνδρὶ τέλει.

Hoc est,

—Nemo cognoscere possit

Quidnam homini nox, vel quid ferat ipsa dies?

Quid habes (inquit magnus ille Christianæ sanctitatis interpretes & magister Paulus) quod non accepisti? Quid ergo gloriaris, quasi non acceperis? Finge cum animo tuo (quod tamen adhuc ægre cuiquam extra Deum est concessum) te omnes alios omnibus in rebus quæ ad laudem pertinent longe antecire: non inveniri, quocumque conferare: atque ut velut Deus aliquis inter mortales videare. Tua hic intererit, non solum munerum tantorum auctorem grato agnoscere: sed etiam quo fueris excelsior, hoc

te gerere submissius: & in hoc raritatem illam splendorem te affecutum existimare, non ut alios fastidiose contempnas, aut superbe conculces: sed ut perferendis atque sublevandis aliorum infirmitatibus illius imitere præstantiam, qui quo est major, hoc est & melior: quique tanta in te ut nullo tuo merito contulit, ita collata, cum volet, auferre potest. Gratissimus est hic moderationis odor, neque quicquam est humanitatis molitudine popularius. Superbia contra & fastidium mirifice & Deum & homines a nobis abalienant. David Hierosolymorum Regum sanctissimus, cum reprehensus esset ab uxore sua Saulis filia, quod saltans vulgo cum turba promiscue conspectus esset ante mysticam illam arcam: castigavit muliebre vanitatem, professus illam regni adjectionem, quam ex Deo agnovit, sibi materiam potius modestiæ quam fastus futuram. *Jam, inquit, postquam præfectus sum dux toti Israeli, solito vilior ero, & mihi semper parvus atque humilis videbor, & cum ancillis istis gloriosior apparebo.* Taxiles, unus ex Indorum Regibus, Alexandro jam victori occurrens, verbis sane non minus sapientibus, quam generosis est illum affatus. *Provoco, inquit, te non ad armorum, sed ad aliud longe gloriosius certamen: Si inferior es, a nobis accipe beneficium; sin superior, nobis benefacito.* Vidit facile excellentis ingenii Princeps, quemque ut maximus est, ita maxime beneficum & popularem esse debere. Nec gravabor commemorare singularem illam Ptolemæi Regis Lagi filii modestiam. Is cum grammaticum quendam incitiæ notare vellet, de illo percontatus est, quis esset Pelei pater. Tum ille impudenter convicium regerens, Dic tu prior, inquit, O Rex, quis Lagi pater fuerit? Regi majorum objecit obscuritatem. Fuerat enim Lagus gregarius sub Alexandro miles. Tantum absuit, ut amicis ad contumeliosæ vocis vindictam cohortantibus morem Rex gesserit, ut seipsum potius quam grammaticum procacitatis damnarit. *Si regium est, inquit, non pati se a quoquam vel dicto attingi: illud certe non minus regium est,*  
*neminem*

*neminem ne dicto quidem laceffere.* Mire ergo ad vitandas offensiones & conciliandam gratiam conducit, vitare ne quenquam contemnamus. Nemo est, qui non quodam naturæ instinctu sentit sibi inesse divinum quiddam, & quod plane sit venerandum. Quocirca quantumcunque sit ille magnus qui despexit; qui despicitur aut contumeliose est dimissus quamlibet sit abjectus, dolet & indigne fert contemptum sui, ut cui imminutio quædam naturalis illius, quam dixi, majestatis appareat. Atque ut nulla re citius quam vituperatione aliquem calefeceris; ita contra laudibus quoscunque, & maxime præstantis ingenii viros facillime lucrifacias. Hinc est, quod Socrates apud Xenophontem, *Laudationes philtri & incantationis vim habere* ait: & *propterea Sirenes huiusmodi uti, cum ad se attrahere vellent Vlysses.* Nam ita sunt apud Homerum exorsa:

Δῖψ' ἄγ' ἰὼν πολὺαὶν' ὀδύνας· ὃ μέγα κῦδ' ἔχει χαλῶν.

*Huc ades, O generis Graii decus inclyte Vlysses.*

Nunquam ergo simus mordaces Momi, aut criminosi: nunquam tetræ invidiæ dentibus alienæ dignitatis flores discerpamus: non solum inveteratæ alienæ laudi sed etiam nascenti favcamus. Si quis nos in laudis cursu prævertit, cursum adjuvemus ipsi. In censendis ingenii vitia virtutibus pensemus. Condonemus multa infirmitati, & in fata aut casum interdum alienos errores conferamus. Cæterum, ubi ventum erit ad res nostras, animi modestiam orationis par demissio comitetur: neque unquam de nobis ipsis asciscendæ laudis causa sublatius dicamus. Odiosa res est jactatio sui, atque alios a nobis multo maxime disjungit. Favetur ab omnibus iis qui se demittunt: ostentantibus invidetur, eo quod communis juris æquabilitatem lædere videtur, qui præstantia dignitatis & fortunæ communes metas audaciter supergredi & transire studet. Hujusce rei Quintilianus, etsi rhetor, rationem tamen affert philosophicam.

Tradit enim (& ita se res habet) mentem nostram habere sublime quiddam & impatiens superioris, coque nos libenter allevare abjectos aut demittentes se, quod id facere videamur tanquam majores: & contra invisos esse, qui se jactant, aut supra modum extollunt: quod ea ratione non tam se majores, quam ceteros minores efficere conantur. Nulla ergo nobis sit jactatio nostri. Nihil de nobis magnum promittamus: imo nihil facere tentemus, unde merito inuri nobis possit fama arrogantis. Salutare est illud præceptum:

Καὶ πεφύλαξιτε ταῦτα ποιῶν ὅποσα φθόνον ἔχει.

Hoc est,

*Invidiosa cave facias quæcunque putantur.*

Neque vero hoc solum hic intelligitur, ut alieni simus ab omni gloriæ studio: sed etiam ut contemni pro nihilo ducamus. Siquidem qui de seipso serio & ex animo modeste sentit, nunquam erit gloriæ studiosus: imo nec magnopere commovebitur, si ab hominibus negligatur. Sed cum propter amorem vehementem nostri maxime τὰ μὴ καλὰ καλὰ πρὸς αὐτὸν, lamiarum similes, quæ ut fabulis proditum est, foris oculatæ sunt, domi oculos deponunt, ipsi nobis perpetuo assentamur, imo & nostrarum laudum molesti & impudentes sumus præcones. Verum qui paullo verecundiore sunt ingenio, etsi se liberales aut officiosos palam non profitentur, iidem tamen interdum sua in amicos beneficia libenter & prolixè commemorabunt, ex quo necessario effluit, etsi occultius, expetita benignitatis aut officii laus. Cui majores sunt illustres, nisi Thraso aliquis sit, idem non aperte jactabit, aut prædicabit se nobilem admodum esse: idem tamen longo sermone, & sæpe non sine fastidio auditorum, majorum suorum seriem exhibebit, res gestas extollet, ex quibus existit illa generis claritas, propter quam vult in pretio haberi. Invenies item & inter illos qui ætatem in doctrinæ studiis contulerunt præstantes alioqui viros, qui etsi se doctissimos esse dicere

dicere erubescunt, proferent tamen multos philosophiæ locos, quos a se primum animadversos & intellectos affirmant. Lapsus alius Platonis, Aristotelis, Plinii, aut alicujus insignis scriptoris proferet, & multus erit in flagellando scriptore, ubi commoda interpretatio citra negotium omnem tragoediam sustulisset. Alius opusculum toto decennio elaboratum sibi neglectum & extempore excidisse potius quam scriptum esse narrabit, atque ita obliqua hac via utetur in ingenii atque eruditionis fama aucupanda. Alios videas adeo gloriosos, ut facilius flammam ore cohibeant, quam ut de se non prædicent. Sed sensus communis inopia est, quæ illos ad debitam præstantibus viris claritatem invadendam impellit. Omnes tamen laudis studio ducimur, & quodam gloriæ velut ardore flagramus. Discrimen pene solum in hoc est, quod hic cautius & occultius, ille apertius & stolidius ad eandem contendit. Neque tamen hæc, quæ dico, sic accipienda sunt, tanquam debeat aliquis abjecte semper de se loqui. Nunquam nimietas vitio vacat. Verum cum medius quidam cursus sit tenendus, in illam potius partem propendere debemus, quæ ad nostri extenuationem, quam amplificationem pertineat. Itaque cum coget nos tempus ad rerum nostrarum venire mentionem, non nos totis expansis velis demus in vastum pelagus, demittenda est antenna, propius legendum litrus, talesque nos semper. cum faciendum est aliquid, præstemus, ut nobis silentibus vitæ & studiorum ratio nos inglorios esse non patiantur. Imo quod fuerit multo commodissimum, ejusmodi sequamur rerum omniura moderationem, ut quo plenius atque penitus fuerimus cogniti atque perspecti, hoc nos alii & admirentur atque ament impensius, dum semper plus in recessu inveniunt, quam præ nobis tulerimus, aut fronte simus polliciti. Et cum multa sit in omni hominum vita vanitas, nulla tamen major ea est, quæ in gloriæ studio versatur. Quid enim refert, si ille me negligit: num ideo illi succensibo, quia illi dotes meæ  
non

non sunt cognitæ, aut tanti æstimantur, quanti ipse æstimari peto? Qua ille lege ad hoc tenetur? Multi majores habentur, quam re ipsa sint: alii minores fiunt, quam mereantur. Delige nunc utro ex numero esse velis. Et fortasse si tanti fieres quanti mereris, & non pluris neque minoris, minus tibi arrideret quam præfens tui existimatio. Nescis enim quanti a singulis fias. Nam ut hic minus tibi tribuat quam dotes tuæ postulent: alius est, qui te, cum vix mediocris sis, præstantem & egregium esse censet. Ergo nisi malis personam quam rem, da operam, ut magnus sis: quantus habere, tibi curæ non sit. Si quis est qui tecum certans acriter dimicat ut superior videatur, permitte illi fallacem illam gloriæ speciem, ad quam furiose defertur. Scômachosa illa pertinacia ex eo est, quod natura superba alium ad se superandum accinctum videt. Tu qui ex opinione (quod viri re ipsa præstantis est) non pendes, *Vincere* (quod & pueri discunt) *cum possis, interdum cede sodali: Obsequio quoniam dulces retinentur amici*. Singularis profecto prudentiæ res est, sinere suum cuiquam, ut habet proverbium, esse pulchrum. Tu tum dicas, tum facias gloria digna, & conscientia rerum contentus, in sinu gaude. Ova inania fluitant, plena fidunt. Ubi plurimum est ventosæ jactantiæ, illic minimum solet esse rerum: sed indignitatis conscientia de velamento sollicita est. Solida virtus secura est, nec talia curat. VINO vendibili (ut dicitur) suspensa hedera opus non est. Quanta tibi laus debeat, tuum non est statuere: permitte hanc curam studiis tuis. Nam ejus ingenii gloria est, ut sequentes se fugiat. Non vult se peti, sed virtutem ex qua nascitur. Hoc autem virtutis est gloriam non consecrari. Sequitur igitur fugientes, & præclaras actiones non aliter comitatur, atque umbra solet corpus soli expositum, ut supra dixisse me memini, ubi obiter quid esset gloria ostendi. Et quidem si fugienti tibi assidue aurum daretur in manum a quopiam, qui te a tergo sequeretur, atque idem negaretur, si retrorsum



sum te ad porrigentem convertētes : non, ut op' nor, vel  
retro aspiceres, quamdiu quicquam virium ad fugam  
atque cursum suppeteret. Quod si quis ad eam falsis ra-  
tionibus aspirat, & amplius se jactat, quam quoad est  
idoneus præstare, & in ea parte venditare se studuerit,  
cujus est imperitus, laterem (quod aiunt) lavat : pro-  
det illius vanitatem invidia, prodet tempus aut occa-  
sio aliqua. Simulata non durant, imo facile redeunt ad  
naturam suam : atque ut fucus, quo mulieres oblinunt fa-  
ciem, levi halitu dissipatur : ita falsis parva rationibus,  
& non virtutum radicibus subnixa, celebritas facile cor-  
ruit. Hoc apposite expressit apologus ille *Æsopicus* de  
graculo, qui alienis contactus plumis, se temere colum-  
barum gregibus inferebat, & deprehensus imposturæ  
dedit poenas. Sed quid ego tam diu versor in hac oppu-  
gnatione studii gloriæ, cum hoc sufficere debeat, quod  
omnis laus atque gloria uni Deo, a quo est omnis laudis  
atque gloriæ ratio, debeat? Sane quodcumque de  
excellentiâ cogitatio instituitur, unus Deus, qui omnis  
excellentiæ auctor est, est ob oculos habendus. Imo sce-  
lus est opinione majus, in præstantia aliqua tua cogi-  
tanda resistere, & non primo quoque momento, dum  
beneficium in animo suaviter versas, illud auctori ac-  
ceptum referre. Istuc si omittis, nec principium cogi-  
tas, & in te tanquam in fine perverse conquiescis, divi-  
nitatis gloriam tibi quodammodo usurpas : quod quan-  
tum sit nefas, non ignoras.

*FRANC.* His ipsis de rebus exauditi mihi sunt ali-  
quando versus aliquot a te compositi, in quibus menti-  
onem facis egregii illius & singularis viri Antonii Bon-  
visii, qui est ex patritiis nostris : pergratum erit per-  
que jucundum, si eosdem ex te denuo audiamus.

*FLORE.* Etsi illi inepti sunt, ut qui ab eo sint con-  
scripti, qui nunquam poeticæ studuerit, aut se multum  
in carmine exercuerit : obsequar tamen studiis vestris.  
Vir ille etsi ob eximias suas virtutes omni laude multo  
fit dignissimus, plurimum tamen abhorret ab ejusmodi  
lauda-

laudationum ventis. Multa enim consuetudine mihi compertum est solidissimum hominis ingenium. Itaque cum Londini agerem, animi cāussa versiculos illos feci, in qua prosopopœia quadam ostendi perpaucos inter mortales inveniri, qui virtutis sint cupidi: omnes tamen certatim laudem, quæ non nisi virtuti debetur, libenter amplecti: quod tamen ipsum frustra fit, cum non sit solida laus ubi virtus deficit. Et præterea sæpe mentis, aciem falso quodam splendore perstringens blanditiâ aliena, nobis damnosam & vanam facit de excellentia nostra persuasionem: quam tamen re ipsa sane, ubi nos ipsos diligenter excusserimus, nullam esse invenimus. Versus, si bene memini, hujusmodi sunt:

*Dum totam erraret forte incommitata per urbem.  
 Virtus, nec laudum præmia juncta forens,  
 Hospitium multos & supplex sæpe rogavit:  
 Qui daret hospitium non tamen ullus erat.  
 Adfuit hæc multo post Laus (res mira) repente  
 Laudis in amplexus urbs furibunda ruit.  
 Non secus illa tamen quam dudum exclusa manebat;  
 Atque iterum in solum est ire coacta nomus.  
 Verum ubi Laus dominam Virtutem sensit abesse,  
 Ad dominam ingrata rursus ab urbe venit.  
 Utraque post rediens Bonvisi tendit ad ædes:  
 Hic Virtus, pulsa Laude, recepta fuit.  
 Nam fraudem ille timens blanda sub fronte, recede  
 Laus. (ait) hinc, studiis insidiosa bonis.  
 Illa refert, frustra me, Antoni, excludere curas,  
 Quandoquidem Virtus hic generosa manet.  
 Consequor invitam dominam quocunque mearit,  
 Nec nisi Virtuti sum bene fida comes.*

Ad sextam mox columnam accessimus, cujus hæc erat inscriptio.

ΕΠΕΙΔΗ ΔΟΥΛΟΣ ΕΙ ΤΗΣ ΠΡΟΝΟΙΑΣ, ΟΥ ΚΤΡΙΟΣ,  
 ΕΜΥΝ' ΚΑΙ ΑΥΚΝΟΣ ΗΕΙΘΟΥ

Qued

*Quod est.*

POSTQUAM PROVIDENTIAE SERVUS ES,  
NON DOMINUS: PARE VOLENS ATQUE  
ALACER.

Gravissima plane est & hujus præceptionis ratio. Habet enim vita hæc multo plus ( ut est in proverbio ) aloes, quam mellis: & in afflictiones calamitatesque varias pene fatali quadam necessitate incidimus. Nunc cum natura ipsa ab asperis, & a quibuscunque rebus, quæ vel dolorem, vel ægritudinem afferunt, summo studio refugiat, conquirenda sunt undique auxilia, adhibendæ præmunitiones, quibus mala illa fatalia, aut casu orta, etsi non cavere, aut prorsus depellere, certe mitigare atque lenire valeamus.

Itaque hoc genus cogitationibus nos armabimus. Primum non oscitanter dispiciendum est, qua conditione nati sumus: quis sit hic locus in quem venimus: quæ item sint vitæ atque loci hujus leges. Deinde illud, quod exploratissimum est, apud nos statuamus, omnem hunc mundum non casu, sed providentiâ, hoc est, summa scientia atque consilio regi. Ex quo manifeste consequitur, boni consulendum esse, & in meliorem partem accipiendum, quicquid acciderit. Postremo nos ex inordinata & confusa hac rerum humanarum varietate non impiorum more colligamus supinitatem, securitatem, aut neglectiorem numinis circa hunc nostrum orbem: sed esse arcanas quasdam & inaccessas divini consilii rationes, & tempus item & locum esse post finitam hanc vitam, ubi quisque pro anteaactæ vitæ ratione tractabitur. Sed ut ad caput tripartitæ hujus rationis redeamus: Illud nos sedulo meditari oportet, vitam hanc omnibus fortunæ telis esse expositam: nulli usque adeo albas decurrere luces, ut nulla interveniat nubecula: multas esse devorandas indignitates: vel morbis afflictabimur, vel paupertate & rei familiaris difficultatibus laborabimus: postulabimur de crimine, cujus

cujus affines non sumus : hominum discerpemur ob-  
trectionibus, ignominiose vapulabimus, abripiemur  
ad carceres, imo & ad capitis supplicium. Hujusmodi  
est confragosum hoc vitæ iter quod insistimus omnes :  
in hoc emetiendo sæpe impingendum est, sæpe item  
cadendum : in eo constituti sumus loco, *ubi tonat* ( ut  
inquit Seneca ) *fulmen, ubi*

*Luctus & ultrices posuere cubilia cura,  
Pallentesque habitant morbi, tristisque senectus.*

Sed quid hic faciet sapiens, & cui tranquillitas mentis  
cordi est? Cogitat conditum fuisse cum nasceremur, in  
quam tumultuosum contubernium nos natura duxisset;  
in eum se venisse locum, ubi his legibus vivitur: habet  
perpetuo in oculis omnem illam fortunæ licentiam:  
aciem in omnes partes intendit: præmittit in omnia ani-  
mum, cogitatque non modo quicquid solet afferre for-  
tuna, sed etiam quicquid potest, & quam potest pluri-  
mum. Non ignorat illud Publii, *Cuius potest accidere,  
quod cuiquam potest.* Itaque dum sic animo excubat,  
nihil illi novum aut inopinatum accidit: seque ita mul-  
to ante componit, ut quemcunque casum fortuna in-  
vexerit, cum apte & quiete ferat, & perfugium atque  
receptum habeat paratum. Turpe enim est aliquem in  
medio rerum turbine stupentem quærere; Huc ego quo-  
modo veni? Si exulat ille, putabit se natum illic, quo  
missus est. Nihil mirabitur, se vinctulis constringi,  
aut custodiis sepi, aut ferro dilacerari: quod sciat  
hanc esse naturam humani corporis, ut & vinciri & dis-  
cerpi possit. In periculis & ærumnis positus, non stu-  
pebit se in aliquid eorum incidisse, quæ circa se semper  
erravisse intelligit. Mortis adventum nihil obstupescit,  
quod sciat extremæ esse stultitiæ admirari aliquem, se  
ad id aliquando pervenisse, ad quod perpetuo currebat.  
Vitam & corpus inter precaria & servitia numerat: vi-  
vitque ut commodatus sibi, & reposcenti sine tristitia  
redditurus: . tuctur ea ut sanctus fidei suæ commissa :  
naturæ

naturæ dicit; Nihil obluſtor, aut tergiverſor; a volente recipe, quod non ſentienti dedifti: & ratione tandem ita ſubducenda, quæ vulgo terribilia ſunt, ad inanitatem quandam, & ſummam facilitatem deducit. Quiſquis ille fuit ( ut eſt apud Plutarchum ) qui ait, *anteverti tibi, fortuna, teque occupavi, atque omnes tuos aditus quamlibet arſtos intercepti*: non peſſulis, non clavibus, ſed decretis philoſophicis animum communierat. Egregium ſane eſt hoc, & ſolum homine dignum adverſus caſum duritiam armaturæ genus, proviſio hæc atque præparatio animi, qui illud ſecum perpetuo de fortuna.

*Bella mihi, video, bella parantur, ait.*

Sic Theſeus apud Euripidem loquitur:

*Nam qui hæc audita a docto meminiffem viro,*

*Futuras mecum commentabar miſerias,*

*Aut mortem acerbam, aut exilii maſſam fugam,*

*Aut ſemper aliquam molem meditabar mali:*

*Vt ſi qua invelta diritas caſu foret,*

*Ne me imparatum cura laceraret repens.*

Ita enim veſtit Euripidis verba Cicero. Eapropter Anaxagoras renunciata cariffimi filii morte nihil quicquam commotus, Ego, inquit, *cum illi expectationi ſuſtuli: ſciebam me genuiſſe mortalem*. Eſt hic nobis in omni calamitatis nuntio atque infortunio omni imitandus: parque, quoad ejus per nos fieri poteſt, æquanimis eſt præſtanda. Patrem tu adhuc annis viridem, aut uxorem cariffimam amittis. Quid tum? Num magnum aliquid, aut inſolens eſt, ſi quod mortale eſt emoritur? Morofa eſt tibi uxor. Num te fugiebat, cum duceres, te vitæ ſociam mulierem habiturum? Spretus ac deluſus es ab amica. Num mirum eſt, ſi impudenter mulier faciat meretrix? Fortunatum feciſti naufragium. Ignorabas illa fortunæ; non tua fuiſſe bona? Improviſus morbus excruciat graviter. Cur tua culpa fuit improviſus? neque clam te eſſe poteſt, quam levi de caeſſa corporuſculi hujus ſymmetria diſturbetur. Fanulus ſu-

pidus est & iners. Esto. Quotusquisque inter homines reperitur, qui animo pariter & corpore valeat? Si existat talis, dominari, non servire volet. Amicus vetus nullo tuo merito factus est alienior. An clam te erat, quando amicitiam cum eo constituebas, cum homine tibi rationem futuram, qui, etiam ut velit, vix possit suis quibusdam affectibus imperare? Necessse est erumpant illi interdum, atque declarent, nos non esse totos rationales. Vivitur enim hic non cum hominibus perfectis, pleneque sapientibus: sed cum iis, quibuscum præclare agitur, si in ipsis levia quædam virtutis vestigia appareant. Humane illud dictum est,

Μὴδ' ἔχθαιρε φίλον σὺν ἀμαρτάνος εἴνεκα μικρῆς.

*Non decet ut linguas propter leve crimen amicum.*

Ad ignominiosam mortem aut crucem insons trahe-  
ris, Quid non exspectandum est sapienti in caliginosa  
hac rerum inconstantia? Quot superiora, quot item no-  
stra secula extulerunt insigniter etiam evariantis fortu-  
næ exempla, ubi sæpe is, qui ut alius, imo ut complu-  
res in crucem agantur, vel nutu efficit, longe dignior  
est ipse qui in crucem agatur? Sed quomodo, inquires,  
perferre potero tantum dedecus? Refer te ad superiora,  
ubi abest turpitudine nullum est dedecus. Si non con-  
meruisti, hoc gloriosior re ipsa & præstantior es, quo  
fortius contemnere potes, quicquid hominum vulgus  
falso gloriosum existimat. Superos habes spectatores.  
Nullum poenæ genus per se dedecorosum est: sed quia  
constitutum est supplicium turpitudinis. Verum nos  
maximo errore implicati turpitudine carere non labo-  
ramus: poenam ejusdem ut summum malum fugimus,  
cum tamen nulla major hic possit esse gloria, quam ig-  
nominiosum supplicium pro virtute toleranter perpes-  
sum. Sed quid ego me do in hoc vastum rerum pela-  
gus? Coerceamus licentiosam excursionem, & in sum-  
ma constituamus, hanc vitam, non secus atque musica  
est ex gravibus, acutis, atque mediis sonis, ex tristibus,  
latis,

lris, & tolerabilibus attemperatam. Sunt enim ( ut Plutarchus ex Menandro depromit) συγγενες τὴν αὐτῇ καὶ βίῃ : hoc est, cognata sunt *mors* & *vita* : &, ut Homerus ingeniose commentus est,

Δοῖσι γὰρ τε πῖθοι καὶ ἀνείη. ἐν Διὶς ἔσθ'.

*Dolia namque Jovis sunt usque in limine bina.*

Horum in uno bona, in altero mala conduntur : ex utroque miscet Jupiter & dispensat, etsi non semper portionibus æquis, inter mortales.

**FRANC.** Commentari secum futuras calamitates, & rerum molestias anticipare, videtur potius ad jactationem vitæ, quam tranquillitatem facere. Nam, ut bona sæpe falso ventura sperantur, itidem & de malis usu venit. Quid ergo attinet animum implicare seipsum persuasionem fallaci mali nunquam fortasse venturi? Sed fac certo venturum. Quid opus est sponte arcessere præmolestiam : imo malum ( quod apparet ) duplicatur ejusmodi præmeditationibus, quæ nos in timores & tristitias ante tempus conjiciunt? Potior est igitur incogitantia atque inconsiderantia, quam provisio quæ terrificas illas cruces assidue in oculos incurrentes habet.

**FLOR.** Sic mihi nota est judicii tui præstantia, ut non dubitem te aliter sentire, ac argumentatio tua ostendit. Sed juvat te (quod excellentis naturæ est argumentum) ejusmodi difficultatum utilis explicatio. Et profecto quod in præsentia proponis, est ad cognoscendum non illiberale. Hunc ipsum ad modum colligere solitus est Epicurus, voluptatum assertor acutissimus : qui hanc, quam statuimus, malorum præmeditationem, ista ipsa de causa, quod moerorem præmaturum afferat, damnavit. Carneades nos naturæ irasci voluit : ac dolendum dicebat, quod in tam crudeles necessitates incidissemus. Sed sane infractio hæc & mollitudo animi philosophos (hoc est, vere homines) non decet. Principio confiteor ignorationem & incogitantiam hoc interdum præstare, ut minus, vel certe non tam cito timeamus

meamus : idcirco & Aristoteles quosdam ad fuscipien-  
 da bella alacres non continuo fortes censet, eo quod vis  
 illa animi non a iudicio & provisione, sed ignoratione  
 magnitudinis periculi quæ est in pugna, proficiscat-  
 tur. Et est sane temeritas florentis & juvenilis ætatis,  
 fortitudo & sapientia virilis & senectutis. Verum hoc,  
 quod est ab ignoratione beneficium, homini multis de  
 causis est repudiandum. Primum, quod nullam merea-  
 tur laudem falsa illa animi excelsitas, quæ ex tam vili  
 origine, hoc est, oblivione aut incogitantia sit profe-  
 cta. Hominis dignitas omnis est (ut sæpe diximus) ex  
 ingenii atque rationis præstantia. Hinc est, quod omnis  
 cognitio laudem habet ; ignoratio contra vituperatio-  
 nem : quæ tum multo gravior est, cum est sponte arces-  
 sita. Quid enim aliud est, hominem se ignoratione tue-  
 ri, quam divinum hoc, & proxime a divinis dignationis  
 animal, ad belluarum devocare atque deturbare condi-  
 tionem : dum vigor animi, qui a ratione petendus fuit,  
 quemque sapientia repræsentare debuit, ab ipsa stupidi-  
 tate atque ignoratione statuitur mendicandus ? Quis  
 eum exercitus vellet ducem, cui periculorum belli nul-  
 la esset provisio ? Qui navigaturi mari se crederent eo  
 navarcho, cui nulla esset ventorum præsentio, nul-  
 la præsentio tempestatum ? Ergo sapientiæ consiliis,  
 non ignorationum tenebris abercendus atque propul-  
 sandus est timor. Deinde illud vobis succurrat, gravio-  
 rem fieri plagam ex non opinato : & mala ipsa, quæ  
 provisæ non fuerunt, cum incumbunt & premunt, du-  
 plici de causa esse multo graviora, quam si multo ante  
 fuissent meditata. Tum quod quicquid corporeum est,  
 ab animo sapienter ponderatum atque æstimatum, mul-  
 tum de pretio amittit. Videbit facile animus, nihili esse  
 res quæcunque corpus vel delectant, vel excruciant : ut  
 cui constet, corpora umbras esse perituras, & suam di-  
 gnitatem perpetuo illabefactibilem consistere. Tum  
 etiam quod futuri incommodi meditatione animus ex-  
 citatur ad comparanda præsidia, & ad armandum se-  
 ipsum :



ipsum : quod quidem non tam commode in ipso periculi puncto, vel dum proxime impendet malum, fieri potest. Nam *galeatum sero duelli paritet* : longeque felicius is sapit, qui ante ictum, quam qui ictus sapit. Horum itaque non ignari callidi imperatores longe pluris faciunt veteranos milites, quos pericula non fugiunt, quam novitios aut tirones rerum imperitos. *Obtundit itaque* ( ut ait Cicero ) *atque elevat aegritudinem meditatio conditionis humanae, lex & commentatio parendi* : quæ quidem non hoc quod Epicurus ait, hoc est, ut semper moereamus ; imo contra, ut nunquam moercamus, affert : dum mala illa, quæ in horas accidere possunt, nihil esse intelligimus : quæ eadem si non accidunt, insperatum quoddam afferunt lucrum. Postremo, nullus esset virtutibus locus, si ad ignorance[m] istam foedam confugiatur. Non enim temperans est is, qui non immodice appetit voluptates sensuum, quia ubi sint, aut unde petendæ sint, ignorat : neque fortis continuo est, qui periculorum est inscius, eoque ferox. Sed cum utrobique animi consiliis huic agnita pericula contemnuntur, illi rejiciuntur voluptates, quæ sunt in promptu, ut officii constet integritas. Non negarem Epicuro licere animo cum præsens dolorum acerbitas fodicat, ut se aliorum a cogitandis doloribus avocet : non quod hoc virtus præcipiat, aut quod terga dare atque se abdere velit ipsa : sed quia rara est ejusmodi virtutis perfectio, quæ fodicantibus acriter malis possit ad contemtionem atque despicientiam dolorum ascendere. Sed de hoc post dicendi erit locus. Verum cum legum vitæ ratio nobis sæpe iniqua videri possit, adhibenda est & illa coelestis providentiæ consideratio, ad quam quidem omnia quæ nobis casu & fortuito ( hoc est, improvisa ) accidunt, relata, stabilis cujusdam consilii rationem accipiunt. Neque tamen hoc solum in providentiæ confessione concluditur, ut Deo generalem rerum procuracionem tribuas : imo tibi persuadeas oporteat, illum ubique intimum atque presentissimum adesse :

esse : omnia tum audire, tum videre omnia etiam occultissima : tum & ne geri quidem quicquam, quod turpe non sit ( nam hoc non vult, sed permittit ) nisi de illius voluntate. Plebei aliquot philosophi, qui ex ingenii sui angustiis divini intellectus magnitudinem aestimare ausi sunt, Dei provisionem ad hæc singula particulatim se proferre negabant. Sed qui subtilius in ea re versati sunt, cum vidissent hanc intellectus nostri angustam infirmitatem omnem orbem cogitatione sepi-  
re, & ab eodem plurimarum rerum temporis momento fieri percursionem, facile consentaneum esse viderunt, ut illa infinita divinæ mentis potestas omnia etiam minutissima una intelligentia complectatur. Quid quod ? Deus præstantissima res est, & totus hic orbis ejusdem est opificium. Præstantiora autem sunt, quæ rationem habent, iis quæ rationis sunt expertia : neque quicquam ridiculum magis dici potest, quam tam præstantis atque ordinatæ machinæ artificem sui operis rationem exactam non tenere ; aut ea, quorum nos partem exiguam vix summa ratione comprehendimus, sine ratione regi. Omnino ergo persuasum nobis sit, dominum ac moderatorem omnium rerum esse Deum : quicquid geritur, ejus ditione ac numine geri : eum denique optime de hominum genere mereri : & qualis quisque sit, quid agat, quid in se admittat, qua mente, qua pietate colat religionem, intueri : piorumque & impiorum habere rationem. *His enim rebus* ( ut ait Cicero ) *imbutæ mentes, haud sane abhorrebunt ab utili & vera sententia.* Sed nos accuratiore harum rerum emendatione omissa, ad id quod instituimus redeamus. Tanta itaque cum sit divini contuitus atque administrationis facultas, summo nobis studio cavendum est, nequando quicquam in nos, quod illius oculos offendant, admittamus. Et quando adversum nihil non illius ordinatione contingit, afflictiones & angustias placide, & citra querelam, aut ullam offensi animi significationem toleremus. Quoties flagitiosa aliqua res ad se pellicit

( ut

(ut honestissime præceptum est) πάντων δὲ μάλιστα αἰχμῶν  
 σ' αὐτὸν hoc est, omnium maxime teipsum reverere. Singu-  
 laris enim laudis res est, aliquem non sustinere ut tibi-  
 ipsi turpitudinis alicujus ( ut cæteros fugiat ) sit consci-  
 us : ut quicquid vel se solo teste facit, id populo spe-  
 ctante fieri credat. Verum sanctior est illa religio &  
 reverentia adversus Deum immortalem, qui cunctos  
 gressus tuos, quocunque eas, dinumerat : qui etiam  
 molitionum occultarum animi idem est & inspector &  
 censor. Ab improbitate si abstines, non poenæ metu,  
 sed nequando illius laceffas bonitatem, ad virtutis o-  
 mnis atque præstantiæ culmen pervenisti. Si propter  
 eundem (non ignarus hunc esse parentem ut optimum,  
 ita & sapientissimum, adeoque & cruciatibus ipsis con-  
 sulere rationibus tuis ) ærumnas generose perfers, virtu-  
 te tua inter heroas tibi locum parasti. Quod si non  
 callidus uti rebus obmurmuras & indignaris, duplici-  
 ter miser sis : & corpore, quod nihilominus excruci-  
 atur ; & animo, quod impotenter & cum indignati-  
 one doloribus divinitus immixtis succumbas. Adeste  
 uterque animis, & me de re in primis salutari dicentem  
 diligenter attendite. *Fabula* (ut tradit Epictetus) hæc  
 vita est : hujus auctor est Deus, nos actores. Ab illo cui-  
 que sui quædam persona est imposita : huic domini, huic ser-  
 vi ; huic pauperi, huic diviti ; huic illustri, huic inglorii ;  
 huic informi, huic formosi ; huic florenti, huic ærumnosi.  
 Ergo apud nos ( cum non nostro, sed alieno arbitratu  
 hic vivatur ) omnino constituamus personam imposi-  
 tam gnaviter agere : illud nihil addubitantes, non mi-  
 noris esse ingenii aut laudis rem in Iri, quam Cræsi  
 persona gerenda, præclare se dare. Neque unquam  
 caussanda est difficultas. Vetus præceptum est, Deum  
 sequere. Non obluctantes, aut gementes, sed impi-  
 gri & alacres cum Cleanthe sequamur summum illum  
 patrem, & celsum dominatorem poli, quocunque ille  
 duxerit. *Ducunt enim volentem fata, nolentem tra-*  
*bant*, ut ait Tragicus, Si inviti paremus, servi sumus ;

si volentes, ministri. Non tam stolidum, quam damnosum est, *πρὸς κέντρα λακτίζεν*: hoc est, *contra stimum calcitrare*. Omnia quæ gemimus, aut expavescimus, tributa sunt naturæ, quorum immunitas frustra vel petitur, vel speratur. Impedita est vitæ via, plurimum est pulveris & luti, ex quo non absque labore eluctabimur. Hoc habitationis hujus vel diversorii est ingenium, toleranda sunt plurima mala: quod si tibi non placet, id tibi dicet natura, quod Germani hospites viatoribus hospitio acceptis interdum solent. Nam cum hypocaustum illud, in quod omnis generis turba se confert, fueris ingressus, si offensus cubiculum tibi seorsum petas, etiam ut vulgaris fortunæ speciem superes, aut si coenam ante multam noctem, cum nemo amplius expectatur hospes, flagites, Quære aliud (aiet horridiusculus ille hospes) diversorium, si tibi hoc non placet. Hic his vivitur legibus, dicet, quarum tibi gratiam nequaquam est factururus. Itaque cum ex vita exire nobis non libeat, redeamus in gratiam cum hospite natura, accomodemus nos illius ingenio: & dum non potest fieri id quod volumus, id velimus quod possumus: nisi malimus trahi, quam duci. Præter autem hanc necessitatis considerationem, quæ nos ad generosas perfectiones plurimum animare debet, est tum necessitatis hujus conditio communis: eadem omnes & morborum, & casuum, & mortis denique alligat necessitas: nihil est in te præprie constitutum. Quod si durius & asperius multo, quam cæteri soleant, tractari videris: illud tibi succurrat, Robustiores esse arbores qua parte Aquilones excipiunt, quam qua Zephyros vel Austros: Dura animi vires firmare, delicias frangere solere. Tum & illud meditandum est, in castris periculosa fortissimis imperari: Ducem lectissimos mittere, qui nocturnis hostes aggrediantur insidiis, aut explorent iter, aut præsidium loco deiciant. Quod dum fit, nemo ex iis qui missi sunt, imperatorem male de se meritum, sed bene judicasse existimabit. Hoc modo nos cum dura illa, &  
timidis

timidis ignavisque flebilis patimur, dignos nos esse Deo visos arbitremur, quibus non vulgares difficultates superandæ sint propositæ. Sed nos omnium horum oblitus, si quid sit quod mollitudini nostræ officiat, aut voluptatum fructum perturbet; aut nos muliebribus statim dedimus lamentis, aut excandescimus tanquam fidem suam chirographo astrinxisset natura, omnia nobis casura pro voto, inoffensum prosperitatis cursum futurum, fortunam nos solos in deliciis habituram, ac tantum non in ulnis gesturam: ut cum ita turpiter nos damus, exprobratio illa apud Juvenalem in nos verissime competat:

*Te nunc delicias extra communia censes  
Penendum, quia tu gallinæ filius alba.*

Epictetus vult, ut semper velimus fieri quæ sunt: ubi tamen adjiciendum est, dummodo nihil turpe sit adjunctum. Scelus quidem esset optare parentis, aut amici, vel cujusquam funus: verum, postquam tale aliquid accidit, intoleranter dolere contra officium est. Paulus noster noluit nos in ejusmodi casibus contristari, more eorum quibus nihil spei reliquum est. Jam enim opere ipso nobis numinis voluntas est declarata. Omitto quod immodicæ dolorum significationes arguunt animum præsentis lucis nimium amantem. Ex Stoicis nonnulli in hoc genus casibus nobis mœroris simulationem non mœrorem concedunt. Seneca quodam in loco leves quosdam humanitatis morsus admittit: & immane esse, ait, eodem vultu carorum funera, quo ipsos aspiceret, & non ad primam necessariorum divisionem commoveri. Subtiliter quidem ab eruditis disputatur, quomodo nos, non tam in nostris, quam amicorum duris extremisque temporibus, ad Dei voluntatem conformare debeamus, & quatenus ab eadem discrepare liceat. Verum tota rerum conclusio huc tendit, ut in omni affectu, undecunque is natus sit, semper intelligatur salva & incolumis ratio honoris, quæ divinæ voluntati debetur.

**DEMETR.** Quomodo suscipiendi sunt isti humanitatis morsus in alienis casibus, cum nobis præceptum sit, ut in nostris ipsorum ærumnis simus alacres? Aut quomodo me habere debeat procuratio quietis alienæ, si mihi ipsi vitio vertitur subterfugere labores? Si in bonis sunt vacare doloribus, & requiescere: cur non mihi ipsi potius ista paro, quam alteri? Num aliis bona sunt, mihi non item? Vel hoc ratio aliqua postulat, ut alius mihi meipso carior sit? Adde quod potius animandi videntur ad tolerantiam alii, quam sublevandi, cum ea in re virtutis fructus eluceat. Sin mala sunt quies & indolentia, neque mihi ipsi, neque aliis sunt conquirenda.

**FLOR.** Evagatur nonnihil ista tua disputatio: sed quia in explicatione frugis aliquid inest, sic habeto: licere nobis etiam mala ista, quæ pœnæ vocantur, tam a nobis ipsis quam ab aliis hominibus honestis rationibus propulsare. Neque hoc est providentiæ ordinationem aut auctoritatem defugere: quandoquidem hoc a natura tributum est omnibus, ut se, vitam, corpusque tûcantur, declinentque ea quæ eis videantur nocitura. Hoc tantum virtus exigit, ut dum nobis incumbunt, animis non cadamus, non existimemus nos esse in magnis malis, superos non incusemus, imo ut fateamur nos majora commeruisse, eoque animi ubique præstanda est æquabilitas. Verum hic hoc observatu dignum est, proprium esse excellentis animi, indolentias, utilitates & suavitates istas vulgares aliis facile & libenter permittere: & contra, honestum atque decus sibi ipsi reservare. Ad laudem ergo pertinet, dolentius ferre alienos casus, quam suos; & alienis doloribus sollicitius succurrere: maxime si in eo, qui hoc officii meretur, infirmitas aliqua, quæ alioqui succubitura sit, appareat. Neque hoc est minus, sed plus seipsum amare: eo quod illud quod amovere studes, non est in veris malis, & quod affers item, non est in magnis bonis. Ea gratia singulariter delector Patavinæ illius mulieris virtute,

te, quæ, damnato Poeto marito, prior seipsam gladio confodit, virili plane & oratione & facto masculinum animum testata. Non quod probem factum, sed quod radius quidam excelsitatis nescio quomodo mihi mentis lumina perstringat. Sed audiamus Martialem :

*Casto suo gladium cum traderet Aria Poeto,*

*Quem de visceribus traxerat illa suis.*

*Si qua fides, vulnus quod feci non dolet, inquit :*

*Sed quod tu facies hoc mihi Poete dolet.*

Præstantissimi item duces post victorias spolia plerumque concedebant militibus, gloriam suam esse voluerunt. Agesilai, Catones & Marii semper indignum duxere, in castris seipsos lautius tractare quam milites: monstrabant potius tolerare labores, quam jubebant. M. Curius & T. Coruncanus (quod est apud Ciceronem) optabant, ut Samnitibus Pyrrhoque persuasum esset, id quod de voluptate maxime expetenda a quodam qui Athenis se sapientem profitebatur (ut fama acceperant) erat definitum. Nam ea ratione minus laboriosam fore victoriam sperabant, ubi hostes sese dedidissent libidinibus. Utinam apud nos, qui præcipue Christi imitationem profitentur antistites, quique ejus nomine plurimum & ditionis & opum possident, in nobili hac sententia essent, ut se omnium, quod ad labores attinet, Christi instar maxime ærumnolos esse velint, luxus atque opum contemptum vita ipsa nos docerent, vulgo corporis commoditates, hoc est, bonorum faeces relinquentes. Sed homines in hoc laudis genere modesti, & minime ambitiosi, illustre illud laboris decus, quod in docendo Evangelio, & reprimendis libidinibus inest, Christo permittunt: ipsi sordes, dissolutum vitæ genus plerumque amplectuntur, contenti externo quodam cultu locum, quem tenent, & munus explere, & cærimonijs vulgo satisficere. Sed quomodo quis illud amplectatur, quod ne per somnium quidem vidit unquam, neque videre quovis modo studuit?

**DEMETR.** Istuc rursus apparet seipsum amare, & non alios: sibi ipsi vera bona cupere, & quas vocas bonorum faeces sinere vulgo.

**FLOR.** Vtinam hoc amoris genus nos omnes haberet, & tanta esset singulis contentio in hoc de veris bonis certamine vincendi, quanta esse solet iis, qui de falsis perpetuo dimicant. Quam speciosa, & quam generosa esset illa pugna, ubi unusquisque alio studeret tum modestior, tum fidelior, tum tolerantior, tum vitæ hujus despicientior, tum sapientior esse! Quanta ex hoc bello rerum pax, & quam florens existeret! Siquidem natura hæc est bonorum verorum, & animi, ut ipsa propagatione & communicatione (contra ac est in falsis) crescant. Sunt enim participia illius immensi & infiniti boni, & ad divinitatem proxime accedunt. Quicquid vero ad corpus pertinet, hoc ipso quod corporis est, contractum est & angustum: ideo late spargi ac diffundi in singulos non potest. Sed me callem deferere cogis Demetri.

**DEMETR.** Nunc nunc istuc quo vis, me referam. Res adversas, quas casus aliquis, aut naturalis necessitas affert, perfortiter ferendas facile tibi concesserim: sed non perinde accipienda videtur ista hominum improbitas, quæ sæpe longe diversum meritis pericula creat capitalia. Hominem omnino ratione uti decuit, & non inconsiderate ad faceiendum alteri negotium procurrere.

**FLOR.** Aliter se res habet, atque tu accipis: & fortasse si rem penitus excutiamus, inveniemus injurias, quæ ab hominibus fiunt, æquiore tolerandas animo, quam quæ aliunde accidunt. Mors a natura est, corporis morbi per sæpe ab aere: nunc ut naturales res expertes sint indigenæ (ut ita loquar) sensus & cognitionis, diriguntur tamen a Deo, sine cujus nutu nihil neque supra, neque subter fit: eoque quæ & casu contingunt proficiscuntur a divino sensu, in quem non potest cadere perturbatio aliqua, aut ignoratio, aut infirmitas. Contra est in hominibus,



minibus, qui plurimum non nisi aliquo modo perturbati nocent: conveniet ergo misereri infirmitatis humanæ, & existimare homines non minus venia dignos, quam naturam ipsam, aut casum. Si per urbem incendens puellus aliquis quadrimus in te lutum conijciat, aut virga, quam tenet, faciem (quod fit interdum) cædat; nihil prorsus, nisi bellua sis, succenses: tantundem ab adulto si fiat, irasceris, quod huic sit major sensus copia. Hujus haud dubie sententiæ fuit Socrates, cum a comite extimulatus aliquando esset ad ulciscendum illum, a quo præteriens fuerat injuria percussus. *Quid,* inquit, *si in me impegisset asinus? Esetne ille mihi continuo furiose vindicandus?* Nimirum illi asini loco erat homo temerarius & inconsideratus.

DEMETR. Verum, ut credibile est, natura, vel coeli providentia nos non afficit ejusmodi incommodis animo nocendi, aut aliquo studio malevolentiae, ut faciunt homines. Homo item in inferendis ejusmodi injuriis facit contra officium, & in se dedecus atque culpam admittit, quæ quidem in naturam, aut numinis provisionem non cadunt.

FLOR. Quid tua illud interest, si ille nocendo culpam in se admittit? Tu non illi infensus es, quia peccavit in leges æquitatis: sed quia accepisti tu damnum vel plagam, unde est dolor, adeoque ille animus nocendi illi ipsi cujus est, non tibi nocet. Et quis est hic animus nocendi? Vult tibi luxata membra, aut ademptam vitam. Non eadem, aut paria vult natura? Adde quod quæ ab illo designata sunt, aut patrata, sæpe ex metu existunt: quod veritus sit, ut te salvo res suæ possent consistere. At natura sibi a te nihil metuit. Sed fac animum nocendi hic reddere hominis quam naturæ causam deteriore: tamen cum nemo nisi a seipso, dum volens turpitudinem suscipit, lædatur: tuæ dexteritatis erit hic, præterita illa cogitatione nocendi, quæ nihil facit ad rem tuam, parem hinc inde tolerantiae laudem atque fructum colligere. Hæc si non sufficiunt, illud  
abunde

abunde te ad amini æquabilitatem excitare debet, quod nihil in te, etiam ab homine profectum, hærrere potest, quod non divinitus sit immissum. Possem hujus rei testes exteros & profanos citare, sed nullum invenio luculentius hujus veritatis documentum eo, quod de Davide præstantissimo Hierosolymorum Rege in sacris est proditum. Huic aliquando, stipatum etiam lectissima militum manu, nefarius quidam vir non solum conviciis multis, sed etiam jaculandis saxis petebat, Regem virum sceleratam & sanguinariam palam vociferans: rei indignitate motus Abisaius ducum maxime inclytus, nebulonem protinus de medio tollere parabat. Cæterum Rex impetum ducis cohibuit, orationem hanc non minus prudentiæ quam sanctitatis plenam usurpans: *Filius, inquit, meus Absalomus insidiatur vitæ meæ: quo minus mirum videri debet, si hic Semeius, regnum familie illi cujus est affinis nectum dolens, mihi maledicat. Sinite ut quod cepit facere pergat. Ita enim ut faciat est illi a Deo ipso, cujus voluntatis ratio querenda non est, imperatum. Est quis neget, hoc fortasse esse consilii Deo, ut inspecta hac mea tolerantia mihi malis erepto pristinam rerum omnium dignitatem & gloriam restituat?*

**DEMETR.** Cum vexationes & injuriæ forinsecus advenientes, siue ex ab homine, siue a casu veniant, sint quæ nos in iras, metus, ægritudines & dolores conjiciant, quamvis jam subtiliter & generose de perferendis adversis dixeris in superioribus: per tamen gratum nobis facies, si ad istam rerum subtilitatem atque sublimitatem amplificationis aliquid adjunxeris, atque orationem parumper dilataveris.

**FLOR.** Tu fortasse Demetri, dummodo auribus tuis sit satisfactum, non laboras, an ipse confusa & inordinata rerum tractatione insipientiæ atque ruditatis notam subeam.

**DEMETR.** Is mihi sane videtur rerum nexus in argumento tam uberi tamque late patenti, ut necesse sit eisdem aut similes locos sæpe occurrere. Seneca & Plutarchus

tarchus gravissimis in isto argumento tractando utuntur sententiis : sed fortasse minus distincte atque distribute collocatis. Cicero, qui sibi laudem apte, distincte, ornatè dicendi suo jure, nec sane immerito, vindicat, etsi distributius iis quos commemoravi in Tusculanis quæstionibus disputat; cogitur tamen interdum in eosdem denuo locos incidere, quos ( verbo absit invidia ) ornatius sæpe quam acutius tractat. Tu sane, si quid eadem de re rursus dicendum est, nec prius dicta repetis, & quæ nova assers ita accommodas ad præsens propositum, ut ea propria ejus loci ac temporis videantur.

*F L O R.* Vis tu quidem, ut video, Demetri, præ abundantia quadam amoris ex culice facere elephantum. Sed ne nos frustra ( etsi præter meritum ) laudaveris, tibi in præsentia mos geretur. Itaque præter superiores rationes leniendi doloris, aut ægritudinis cujuslibet, restant aliæ; uberrimæ quidem hæc, ut quæ in multas rursus partes divisionem admittant. Vocemus harum primam, si placet, interpretationis candorem. Ea enim si adsit, opinione majores etiam ex ipsis doloribus & offensionibus voluptates capiemus. Et istud sane res erit singularis & ingenii & industriæ, efficere ut in diversum cedant quæcunque injuriæ : & ut fortuna victa cogatur de nobis dicere, quod apud Senecam in Tragœdiis de Hercule Juno queritur :

— *Quicquid horridum tellus creant  
Inimica, quicquid pentus aut æer tulit  
Terribile, dirum, pestilens, atrox, ferum,  
Fractum atque domitum est : superat, & crescit malis :  
Itaque nostra fruitur in laudes suas :  
Mea vertit cæcia, dum nimis sæva impero.  
Indomita virtus colitur, & toto Deus  
Narratur orbe : monstra jam desunt mihi :  
Minerque labor est Herculi jussa exequi.  
Quam mihi jubere : latus imperia excipit.*

A 2

Etenim

Etenim, ut ferarum domitores, etiam leones & tygrès mansuefaciunt: sic sapiens dolorem, egestatem, aut ignominiam, cum ad eum pervenerunt, cicurat, & ad tolerabilem atque domesticam quandam mansuetudinem perducit. *Tam imbecillum est* (inquit Seneca) *quod nocet, quam is cui nocetur.* Quod equidem sic intelligo, ex animi videlicet nostri vigore, aut supinitate, molestiis pondus addi, vel detrahi. Si ergo nostræ mentis infractionis est, quæ intolerantiam efficit, non res, sed inertia nostra culpanda est, non secus ac si onus aliquod esset, quod pro ferentis alacritate gravius aut levius redderetur: tum certe nemo merito posset ponderis causari iniquitatem. Hoc quomodo fiat, dicamus. Animus noster in hoc corpus demersus, & dum per scopulosum hoc mare navigat, Sirenum cantu facile decipitur: hoc est, mire pronus est ad ea persequenda, quæ ad præsentis vitæ suavitatem faciunt: unde fit, ut statim profunda patriæ oblivione capiatur: neque unquam de reditu sit sollicitus, nunquam natalium recordatur, sed hic perpetuo sepeliri cupiat, non secus atque sus in volutabro cœni. Videtis ut ad mortis levissimam mentionem exhorreant ii, qui se totos vitæ hujus deliciis dediderunt: imo ut ne Dei quidem, qui omnia largitur, illis unquam veniat in mentem. Ergo parens noster, ne prorsus sui obliviscamur, ne prorsus degeneremus, immittendis difficultatibus hæc mala & falsa noctis hujus gaudia conturbat, dolorum stimulis veterum discutit, & docet usu ipso sub rosis istis plurimum esse graviter pungentium spinarum; mel in superficie natæ, fundum versus fel & amarorem contineri. Nonne & nutrices, cum a lacte ad cibum solidiorem traducere volunt pueros, papillas sinapi aut amaritiæ aliqua obducunt? Et mehercle mihi quidem plane exultandum videtur, cum in res adversas incidimus. Quis nostrum, si in ea navi dormiret, quæ demergi inciperet, non illi ex animo haberet gratiam, a quo esset excitatus: cum cuncti præter ipsum in scapham deli-

lissent,

liissent, ut posset una cum aliis salvus ad littus deferri? Et profecto nisi prorsus dementes & impii sumus, longe agrius ferre debemus, divinam nostram partem perpetuo inter sordes consopiri, demergi & sepeliri, quam corpusculum hoc, quod necesse est aliquando terra obruatur, in undas semel abjici. Sed tantum potest (Superi vestram fidem!) apud nos ille Sirenum cantus, ut non secus irascamur rebus eis, quæ nobis exitiosum hunc stuporem excutiunt, quam Micyllus ille cerdo apud Lucianum gallo suo, quem se extincturum minabatur, quod nocturnis clamoribus somnium illud suave, quo sibi opibus & deliciis omnibus affluere videbatur, impediret, & ad vigiliam etiam lucrosam ex speciosis illis visis abduceret. Sed est haud dubie hoc argumentum animi nimium degeneris. Et ut quemque maxime abhorrentem a discessione ex hac vita, atque a dissociatione corporis videmus: ita minimi nobis, quamlibet alioqui aut dives, aut formosus, aut potens sit, est faciundus. Dat enim manifesta signa ignobilis animi. Animus vero ubi ignobilis fuerit, quid nobile, aut quid alicujus omnino momenti homini esse potest? Sunt ergo nobis ærumnæ pharmaca, aut antidota contra volutatum toxica. Deinde præstant hoc, ut ipsi nobis explorati simus, et quantum in nobis animi atque fortitudinis insit, aperte cognoscamus. Quis enim scire possit, ut instructus sit adversus paupertatem, qui perpetuo divitiis affluit; adversus ignominiam, qui inter plausus senescit; adversus dolores, qui voluptatibus deliquescit? Quod specimen ingentis animi ille dare potest, cui inoffensus sit felicitatis hujus tenor: cui currunt albi dies, horæque serenæ: quem indignum duxit fortuna, quocum luctaretur: cui denique nulla unquam insignis difficultas sit objecta? Tradit Seneca, omnino fortis esse animi, cupere sibi proponi arduum atque laboriosum aliquid, in quo animose perferendo, aut superando, vim suam expromat & declaret: quemadmodum ille generosæ indolis puer Ascanius apud Virgilium,

*Spumant*

*Spumantemque dari pecora inter inertia votis  
Optat aprum, aut fulvum descendere monte leonem.*

Talis animi vigor, me iudice, etsi plane laudandus est, attamen non est omnino necessarius: eo quod nemini desint suæ quædam intimæ perturbationum difficultates, etiam ut nihil ex fortuna extrinsecus accedat, quibus profligandis abunde nobis laudem paraverimus. Verum cum sapienti nihil inexpectatum esse debeat, præludiis & tirociniis quibusdam condiscenda est admirabilis illa patiendi scientia. Nam quæ agenda sunt in acie, exercitatione ludicra prædiscere, ac meditari convenit. Nemo discit, ut, si necesse fuerit, in rosa jaceat: sed in hoc duratur, ut tormentis non submittat fidem, ne libidine vel dolore victus, nativæ dignitatis atque decoris propugnationem deferat. Quocirca quamvis nobis nondum terrificæ illæ rerum facies sint objectæ, nec vincula ostendantur, nec licetor instet: interim tamen in minutis offensiunculis discamus gradum facere ad majora, & consueamus facile carere vulgaribus hisce voluptatibus, perferre paupertatem, convicia, frigus, æstum, sitim, & levia id genus incommoda. Qui lucernæ lumine offenditur, quomodo poterit radios Solis contueri fulgores? Qui absque molli pulvino quiescere nequit, quid faciet, cum cubandum est humi, aut in carcere caput est inclinandum ad saxum? Qui levibus punctiunculis depellendis medicos arcessit, qui studiose pharmaca adhibeant, quid sibi reliquum fecit ad levamen cum magni incumbunt dolores? Quo vultu crucem, securim, aut flammæ sibi paratas aspiciat, cui cum Venere & inter plumas vita omnis est exacta? Laconum pueros proditum est solitos se sponte flagris offerre, in quibus omnium generosissimus & princeps is est habitus, qui omnium ultimus cadenti cessisset. Solida animi virtus, quæ adversis non succumbat, nec prosperis infringatur, non paratur, nisi crebra virium periclitatione, & perpeffionibus acerbis  
rum

rum rerum. Verum nos, omnino contra quam factum oportuit, ad debilitationem eam & infractionem animi, quam a natura accepimus, industriam addimus nostram, nullum vitæ momentum vacuum præterire patientes voluptatis alicujus abjectæ fructu. Non satis habemus vacare doloribus, nisi omnia adsint quæ ad delicias faciunt. Sed neque iis mediocribus contenti sumus: imò novæ semper & majores voluptates quærentur: nec deesse patimur, nisi sumtum magnitudo prohibeat. Vidi ipse ex Antistitum ordine, qui ne interea quidem dum sacrum fieret, atque animus totus fuit ad divina subvehendus, in ipsis sacellis carere voluerit cantionum deliciis, quas organa illa præstant, quas vulgus populariter Violas vocat. Hocine est comparare se ad dimicandum cum fortuna, & ad firmitatem animi, laudem in primis necessariam, contendere: & non potius dum orientem Solem versus eundem fuit, ad Gades & Herculis columnas plena velificatione properare? Ut ea sit nostra fortuna (quanquam nullius cujusquam talis sit) ut neque a morbis nobis, neque a doloribus, aut hominum injuriis timeamus, certe summum illum diem vitare non possumus. Ad eum cum Seneca non timide nos componere debemus. Magna res est, & diu discenda, cum adventat hora illa inevitabilis, æquo animo abire. Ea de nobis remotis strophis ac fucis pronuntiatura est, utrum loquamur duntaxat, an & sentiamus fortia: & an simulatio fuerit & mimus, quicquid contra fortunam jactavimus verborum contumacium. Postremo compensatio quædam est facienda, nec tam in mala quæ adsunt, quam in ipsa bona intueri debes. Si natura tibi negavit formam: hoc damnum forsan rependis ingenio. Non sunt tibi opes: es forsan extra æs alienum. In ære es alieno: sed corpore vales. Humilis est tua conditio: pauciores invident. Carcer te sepit: mentis usus est liber, nec morbo gravaris. Morbus te affligit: verum animo (nisi nolis) & viges & flores. Ademptæ sunt opes: adsunt pleraque alia bona, vita, vires,

vires, sensus. Quod si præsentia leviora tibi videntur, quam ut res ad æquilibrium revocare possint: annecte & præterita beneficia, quantum tibi vitæ exactum est in libertate, in honoribus, & in deliciis. Nam præteriti beneficii gratiam non præteritam, sed præsentem, imo sempiternam esse oportet. Et sane, ut mihi quidem videtur, etiam ut tibi insensus & inimicus esse cœperit, etiam præter tuum meritum, qui olim aliquid in te officii contulit: conveniet in omne ævum superioris benevolentiae habere rationem. Sordidum nimis est, aliquem totum ex futurarum utilitatum spe pendere. Quod si nec horum accessione malorum lanx se tollit, etiam futuras commoditates appone, *Ledere qui potuit* (ut cuidam scriptum est) *prodesse aliquando valebit*. Erit tempus, cum malis carebimus. Jupiter si hodie ex amaro dolio potandum nobis dedit, cras ex dulci est daturus: atque hoc ocius, quo æquiore animo amaritiam devoravimus. Siquidem ut nemo nimium secundis rebus confidere debet: ita nec desperandum est cuiquam, quamlibet luxata rerum suarum summa videatur.

Χ' ὦ ζεύς (ut ait Theocritus) ἄλλοτα μὲν πέλας αἶθρις ἔστι,  
ἄλλοτα δ' ὕει.

Quod est,

*Nunc pluit, & nunc est tibi Iuppiter ipse serenus.*

Aristippus, cum illi ex tribus unum esset ademtum prædium, cuidam qui se illius lamentari infortunium dicebat, *Tuum ipsius* (inquit) *potius desle, cum tibi unum duntaxat sit prædium, mihi vero adhuc duo supersint*. Antonius, cum jam victus animam efflaret, lacrymantem Cleopatram consolatus est: admonens, ut non se tam propter extremas illas calamitates miserum, quam superiorum ob temporum gloriam felicem existimaret: ut qui fuisset inter homines longe illustrissimus: neque admodum indecorum esset habendum, si Romanus dux a Romano duce esset superatus. Et adversus homines item, cum in nos injuriosi sunt, utendum est hoc candore. Excusemus animi flammam huma-



humanitus & subito (ut fit) coortas, & alienam imbecillitatem non iracundia, sed misericordia nostra excipiat. Nemo mortalium *ſapit omnibus horis*. Aut nobis cum ſtultis eſt vivendum, aut abeundum eſt in ſolitudinem: imo ipſi nobis deferendi ſumus, ſi ſtultitiam con-  
tubernalẽ nolumus.

*At pater ut nati, ſic nos debemus amici*

*Si quod ſit vitium non ſædare.*—————

ait Horatius. Optat idem, ut quemadmodum *Balbinum polypus Agnæ delectavit*, ita & nos aliena errata humaniter accepta decipiant. Quid nobis Chriſtianis, hoc eſt, ſanctis & divinis hominibus, unamque prope caritatem ac benevolentiam mutuam profeſſis, hic faciendum eſt, ſi ab hominibus profanis iſtiusmodi officiorum humanitas exigitur? Adde quod hoc non jam plebis, ſed naturæ ſcitum eſt, ut qui gratiam expectat ab alio, etiam gratia adverſus alium, & humanitate utatur. Voluimus multa condonari infirmitati noſtræ, condonemus ergo & nos multa alienæ.

*Qui, ne tuberibus propriis (ait Horat.) offendat amicum  
Poſtulat, igneſcat verrucis illius. Equum eſt,  
Peccatis veniam poſcentem, reddere ruru.*

Putemus ſemper alios etiam inter offendendum nos velut conceptis verbis obſecrare, ut quanto animus noſter eſt natu gravior, ignoſcentior illorum ſtultitiæ juſtitia noſtra ſit aliſiquid præſidii. Hoc ſi præſtiterimus, ubi qui la ſit ad ſe redierit, niſi proruſ bellua eſt, gratiam non mediocrem nobis eſt habiturus: ipſe ſe damnabit iniquitatis, noſtramque & admirabitur & exoſculabitur virtutem: ut qui maleſicia illius non talione, ſed noſtris beneficiis extinxerimus. Et non multum diſſimile huic eſſe opinor, quod Paulo noſtro dictum eſt, de *congerendis in caput ejus, a quo ſis laſus, carbonibus*: ut quo illius inmodestia in inferenda injuria major fuerit, hoc plus eluceat bonitatis noſtræ ignis, dum nos non piger

de diversum meritis, atque hostibus ipsis bene mereri. Et istuc sane paternum dederimus, quando in hoc maxime conspicua est Dei immortalis & parentis nostri bonitas, quod Solis sui lucem, & plurima alia beneficia, communia esse vult etiam impiis. Sed neque quicquam gloriosius esse potest, quam in ejusmodi officiis præstandis etiam alium prævertere. Præclarum est illud, quod de Aristippo philosopho proditum est. Hic, cum jam longa inter illum & Æschinem similtas intercessisset, naturæ suæ bonitate tandem victus, Æschinem adiit, professus se velle cum illo in gratiam redire, & similtates desinere. Cui cum respondisset Æschines, illud sibi in primis gratum esse: *Memento igitur* (inquit ille) *quod cum essem natu major, prior ad te venerim.* Tum Æschines: *Næ tu profecto me longe prior, hoc est, melior es: quandoquidem a me similtatis, & a te sarciente gratie fuit initium.* Sæpe item iracundia nostra efficit, ut injuriæ majores videantur, quam re ipsa sint: quemadmodum solet fieri, dum aliquid per intermediam nebulam videtur. Existit iracundia ex irritatione: & est rursus in proclivi irritari, maxime cum nos contemni arbitramur: sumus enim gloriæ & laudum omnes appetentissimi, & cæterarum item utilitatum: quapropter protinus e medio tolli postulamus eos, qui se studiis & votis nostris opponunt. Sed temere oritur plerumque hæc irritatio: nunc ab hebetatione judicii, non videntis alienum consilium; nunc a conscientia infirmitatis, vel turpitudinis alicujus nostræ, quam tectant cupimus. Apud Terentium est:

*Omnes, quibus res sunt minus secunde,  
Magis sunt, nescio quomodo, suspiciosi:  
Ad contumeliam omnia dicta accipiunt  
Magis, propter suam impotentiam se  
Semper credunt negligi.*

Et ut equus, cui tergum est exulceratum, metuit ap-  
propinquantes, ne ulcus contingant, & subinde calci-  
trat:

trat : ita nobis & metus & iras turpitudinum conscientia procreat. Contra, animus qui vel callens est in rebus æstimandis, vel bene conscius, vel vere denique magnus, semper accipit in meliorem partem etiam offensiones, ubi aliquid ostenditur, quod prætexi atque obtendi possit. Admonitus est a matre per epistolam Alexander cognomento Magnus, ut a veneno Philippi medici sui caveret. Ille nihilominus intrepide potionem a medico præscriptam eo conspiciente exhaustit ; mox eidem epistolam matris legendam dedit : magna sane generosi & non temere suspicantis animi argumento. Verum ut serio contemnamur, satis intelligi potest ex superioribus, nihil esse laudabilius, quam contemnere ejusmodi contemptus, & cum Diogene dicere, *Derident me quidem ; at ego non derideor.* Si culpa aliqua in nobis hæret, non contra eos qui nobis culpam obji-ciunt, sed contra nosipsos insurgamus, qui longe pejus de nobis ipsis merentes patimur diutius labem nobis inhærescere. Non enim admoniti a quopiam vestem luto esse conspersam, protinus illum luto conspurcare, vel conviciis petere solemus, id enim extremæ dementiæ esset, sed lutum detergimus. Ita conviciantes admonitorum nobis loco esse debent. Quod si culpa caremus, non accipiamus tanquam in nos dictum sit convicium, sed in illum, cujusmodi nos esse ille qui dixit falso existimavit. Neque enim irascimur ca-cutienti, si nos de macula quæ non insit commonefaciat. Omnibus ergo tam maledictis quam maleficiis adhibendæ sunt excusationes : & ingrata res ingenii dexteritate sunt ad suavitatem quandam atque utilitatem revocandæ. Vix invenietur apud vetustatem ingeniosius responsum, quam fuit illud nobilis in primis & sapientis viri Alexandri Crechthoni, dignum quidem sane quod inter apophthegmata referatur. Is cum nuper esset in legatione quadam, missa a Jacobo Scottorum Rege ad potentissimum Galliarum Monarcham Franciscum, & satis magnam pecuniæ vim in Gallia

profudisset, ubi domum redierat, clam ab invidis & obtrectatoribus apud Regem delatus fuit, quod bonam prædiorum Bromistonæ ditionis suæ partem tanquam decoctor oppignerasset, essetque in magno arte alieno. Rex Alexandro, quem ob ingenii suavitatem & prudentiam supra juvenilis ætatis captum admodum amabat, delationem exposuit. Tum ille, O Rex, inquit, cave tibi ab iis, qui istac tibi narrarunt. Quid ita? ait Rex. Non sunt isti ii, quos tu arbitraris, inquit ille: hoc est, obtrectatores & invidi mei: imo mihi sunt amicissimi; sed tibi volunt imponere. Sciunt me tua etiam caussa magnos fecisse sumtus, & non habentes in promptu commodiorẽ rationem, qua a te aliquid mihi petant, veri criminis objectu simulant quoddam odium mei. Tum Rex admiratus generosam & expeditam illam inversionem, quam (ut audio) erat ad rem attentior, impulsus tamen fuit ea oratione ad benignitatem: accepitq; paulo post Alexander nescio quid præmii a Rege. Verum nos, ut ad institutum revertamur, biliosi in modum, cui aliunde adhibitum nutrimentum statim in bilem vertitur, quicquid accidit, nostra culpa corrumpimus. Cum tamen hic apum foret imitanda industria, quæ etiam ex amaris succis mel conficiunt. Ita vita est hominum (quod est apud Terentium) quasi cum ludæ tesseris. Si illud quod est maxime opus jactu non cadit, illud quod cecidit forte, id arte ut corrigas. Epicteto res molesta omnis duas habet ansas: alteram qua ferri queat, alteram qua nequeat. Sed nos plerumque eam corripimus, qua teneri nequit; in id solum quod malum est aciem dirigentes: cum tamen ex singulis rebus id, quod utile est, sit excerpendum. Nihil autem mali in natura esse, cui non sit bonum aliquod adjunctum, commoustrat aconitum ipsum, perniciosum in primis venenum: in quo tamen insunt remedia aliquot, cum ad alia, tum (ut tradit Plinius) ad oculorum vitia. Aqua item maris inutilis potui est, alit tamen pisces, & vehit rætes. Egregius artifex non in una duntaxat materia industria

dultriæ suæ vim declarat : sic sapiens quacunque fortuna uti novit, stultus nulla. Qui morbo laborant, etiam delicias fastidiunt : iidem fani pane, caseo & cepa vescuntur. Quid ? quod & iis, quos vehemens habet corrigendæ vitæ cura, etiam priores lapsus bono cedunt, dum inspicendis superioris vitæ indignitatibus, majorem concipiunt alacritatem, ad persequendam in posterum diversam & meliorem vitæ rationem. Inveniendâ igitur nobis semper erit ratio, cur quodque toleranter ferri debeat : & ut pictores fuscis coloribus jucundos superinducunt, ita nobis tristium rerum facies est lætarum hilaritate tegenda, nec muscarum nobis mos est imitandus, quæ ex speculo terso ( quam similitudinem Plutarchus affert ) decidunt, scabritiem aut eminentias nactæ adhærescunt. Neque item puerorum similes simus, qui cum ludunt, si unum aliquod ex ludicris auferatur, ejulant, & reliqua omnia indignabunde disturbant atque abjiciunt. Hoc siquidem & canum est, qui quicquid ore accipiunt integrum devorant, semper ad futuri spem hiantes. At sapientis animus de præsentibus lætus esse debet, citra molestas illas curas, quas absentium cupiditas affert : cuiusmodi hoc est potissimum malum quod ingrata est, ut cui non tam jucundum est, multos post se, quam molestum, ante se vel paucos aspicere : incipit ea semper a fine, præteritorum oblita. Hinc est quod nos plurimum angit stolidâ illa æmulatio, dum semper oculos intendimus, non in eos, qui nos a tergo sequuntur, sed qui nos fortunæ splendore antecedunt. Vinciti solutos felices judicamus : soluti, si paulum ægrotemus, continuo sanorum prædicamus felicitatem : sanitas restituta nobis nihil est, nisi adsint divitiæ : opibus aucti, ad principales honores, ad ambitionem convertimur : principatum ubi nacti fuerimus, adhuc supersunt Reges & Monarchæ, quibus invidemus illud humanarum rerum fastigium. Et tandem ut locus ille contingat, nobis non erit factum satis, eo quod desideretur,

totius machinæ ditio, & illa divorum immortalitas, quæ molestæ cujusdam æmulationis materiam perennem suppeditet. Damus ergo merito pœnas inscitæ nostræ, dum semper excruciamur molesta absentium aut alienorum aviditate, nunquam gnari præsentibus vel uti, vel contenti esse: *Et læticam videntes, (ut ait Seneca) vectum, Et non vectores cogitamus.* Et fortasse si ex acervo calamitatum a quæ portiones distribuuntur, mallemus nostras, quam illas æquabiliter depromtas. Sed de candore interpretationis hucusque dixisse satis sit. Nunc aggrediamur ad eas rationes, quæ pene proprie ad doloris depulsionem pertinent. Is enim, ut diximus, non usque adeo pendet ab opinione: ideo cum quodammodo egredietur fines ditionis humanæ, ejusdem cura tractanda est scrupulosius. Neque tamen mihi hic disputatio instituitur de iis auxiliis, quæ medicina suppeditat. Sunt enim ea extra hæc morali disciplinæ septa, quibus nos in præsentia concludimur. Omnis ergo nostra ratio versatur in dirigendis ingenii studiis, & cogitationibus eam ad rem conducentibus. Ad depulsionem itaque ægritudinis, quæ existit peculiariter ex dolore, duæ sunt adhibendæ rationes. Tertia propius dolorem ipsum attinget. Prima ergo sit hæc, Dolorem omnem vel longum esse, & tunc vel mitis est, vel intervalla dare solet ad quietem, quæ quidem multo jucundior est statim ab ipso doloris sensu, quam sit ea, quæ longo aliquo tempore inoffensum suavitatis cursum obtinuit. Si brevis est, & citra vehementiam; puerile aut muliebre est impatienter, quod admodum patibile est, perferre: si vehemens erit, continuo vel extinguit, vel extinguitur. Sensim enim & pedetentim progrediens extenuatur, atque ubi quo crescat non habet, necessario aut deficit, aut remittit. Deinde quod in doloribus animi sollicitudinem auget, est, quod soleant illi extinctionem nostri, hoc est, mortem afferre. Quamobrem omnino profuerit eam ne tantillum quidem exiguere. *Contemne (inquit Seneca) mortem, continuo quæcunque*

*quæcunque ad eam ducunt superasti.* Est autem ea minime metuenda: primum, quod malum non sit; quandoquidem aliud nihil est, nisi animi (hoc est, divinæ hujus partis) ex corpore (quod quam indigna res sit, ubi anima destitutum fuerit, satis videtis) discessio. Necesse est, ut tum animus, nisi indigna nimium antea actæ vitæ ratio vetet, redeat ad originem suam, & ad divorum immortalium consortionem deferatur. Sed quemadmodum pueri, postquam diutius & licentius luserint, supplicii metu etiam ad patrem redire reformidant: ita nos ad Deum coacti quodammodo trahimur: quod profecto non fieret, si nobis id, quod longe verissimum est, persuasum esset, illum videlicet esse nobis non solum patrem, sed ipsam bonitatem, atque adeo indulgentiam, modo ita esse animum credere inducamus. Est item & hic metus inutilis: nam ubi a morbo convalesceris, mortem non effugies, sed in horas aliquot distuleris: quod quidem ut fiat vehementer optare, animi sane degeneris est & abjecti. Finge decem esse quos licitor ad capitis supplicium ducat: nonne tu hunc ut ignobilem & timidum averfabere, qui hoc sibi gratiæ fieri postularet, ut ultimus securi percuteretur, & lucis hujus proferatur horula? Ejusmodi plane nos sumus, cum comperendinationes quærimus, & vitam hanc quam fieri possit longissime prorogari. Sed delicata hæc, & umbratilis vitæ nostræ ratio, in qua omne ævum consumimus, quæ nullum unquam insigne vulnus a fortuna accepit, quæ depravata consuetudine ex supervacuis istis fecit necessaria, sic omnes virtutis nervos elisit, sic omnem animi vigorem labefactavit, ut ad discessus hujus tam necessarij vel minimam mentionem consternemur. Certe si sese ratio in vestiganda natura, & dignitate sua (ut debuit) exercuisset, vidisset facile inanitatem rerum vulgo formidabilium, ipseque sibi id præstitisset officij, quod nos pueris, cum personis terrentur, præstamus. Quid facimus? Detegimus facies nostras, & vacuas personas ostendimus.

stendimus, ut discant non formidare. Et sane persona est quicquid formidamus, & inanis quædam mali species: malum vero nullum est, nisi cum rerum vilium amore degeneri animi majestas imminuitur, & ille infringitur ordo in studiis nostris, quem inviolatum esse vult is, qui ordinis omnis est auctor. Sed nos, non secus ac pueros, personæ, non res terrent. Et quando de pueris mentio est, pueris, imo & mente captis inferiores comperiemur: neutri enim timent mortem. Sed dices id fieri propter ignorantiam. Non te pudet eam tibi securitatem a ratione & sapientia non præstari atque representari, ad quam stultitia perducit? Postea & illud nos nonnihil animare debet, quod nunquam possit esse vita jucunda, ubi ingens est mortis vel timor, vel odium: etenim nullum bonum magnopere juvat habentem, si ad amissionem animus non est paratus. Nihil nobis certius aut manifestius est, quam nos brevi hinc migraturos. Quod si ea ratione nos magnis bonis spoliatum iri nobis certe persuasimus, non potest non inde animus esse in luctu. Et sane si tenuius atque acutius res inspexerimus, cum sumus in morbis aut doloribus positi, exitus potius, quam diuturnior commoratio optabilis videbitur. Nam ubi semel abitum est, jacta est alea: unius mortis perpeffione definimus multis modis mori posse; neque ne amplius moriamur est extimescendum. Sin vita prorogatur, vivemus quidem diutius: attamen in perpetuo tot mortium timore, quot casus, qui sunt varii & multiplicis generis, affere possunt: tandemque post tantos & tot timores vitæ propagatione frustra susceptos miseris erit omnino moriendum. Ideo acute dictum est Augustino, *incertius eligi diu vivere sub metu tot mortium, quam semel moriendo nullam deinceps formidare.* Sed dices, Vita hæc suavis est, molestum est relinquere caros, & omnem hanc speciosam rerum suppellectilem. Inepte, tunc apud te statuis, illum qui tibi hanc lucem non sentienti largitus est, qui tot opes, tot dotes nihil merenti contulit, non posse alia multo præ-



præstantiora donare? Si egregie esuriens a quopiam in ædium aulam introducereris, ubi cibarius panis cum paullo casei aut lardi apponeretur, aqua esset aut vappa potui, bene tecum actum putares, si lautioris vitæ prorsus esses ignarus, aut filigine aut herbis victitare solitus esses inter sentes. Post tempus aliquod, ubi jam adsuetus esses ejusmodi mensæ, neque quicquam præterea in ædibus nosset, si idem te ex eo loco isti conclave introducere vellet, ubi exquisitissimi apparatus esset convivium: non ridiculus esses, si oblectarere & negares te iturum, illi diffusus, a quo jam antea commode, ut tibi apparuit, tractatus esses? Bene ergo Socrates timiditatem hanc abjectam ab arrogantia & falsa quadam scientiæ persuasione profectam tradit. Cur enim trepidas exire, nisi quia magna te relicturum arbitraris: & illic, quo proficisceris, aut mala, aut nulla reperturum? Quasi non illic res essent veræ, hic umbræ & somnia. Nec est quod caros desideres, antegressi sunt plerique cari, sequentur qui supersunt. Sed sunt illic, quæ multo tibi cariora futura sunt, ubi semel fuerint aspecta. Hoc si non credis, crede nihil esse animum, imo nihil esse Deum, qui tamen & solus est, & omnia est. Quanto generosior est illa apud Ciceronem exclamatio, *O felicem eum diem, cum ad illud animorum concilium cœtumque proficiscar, & ex hac turba & colluvione discedam!* Vita hæc etiam profanis hominibus mors dicta est, & corpus Lethæus fluvius: hoc est, altus quidam oblivionis sopor. Et certe non aliud illustrius est præstantis animi argumentum, quam si hæc omnia, quæ circa se aspicit, imo & sidera ipsa, si mente vacent, res esse humiles, & se indignas judicet: seipsum tanquam carbunculum aut smaragdum aliquem longe pretiosissimum in annulo, quod ex luto, aut argilla sit collocatum. Neque profecto secus se res habet. Sed est argilla hæc interdum huic quam illi aptius composita, aut colorata venustius: passim tamen ejus ingenii, ut nisi summa cura adhibeatur, maculas quasdam foedissimas impi-

imprimat in impositam gemmam. Si per religionem liceret, equidem facile assentirer illis philosophis, qui animos in corpora, tanquam in carceres & custodias detrusos affirmant. Et fortasse tunc male habuit animos illa detrusio, cum a vetis rebus ad umbras depellerentur, et si ex corpore superioris vitæ extiterit oblivio. Hoc utrumquæ habeat, mihi certe hinc in hanc vitæ conditionem, hinc in mentis dignitatem intuenti, ejusmodi apparet hoc corporis domicilium, vel si mavis hospitium, ut licet multis modis sit commodum, & suppellectile varia instructum: quia tamen idem & extrinsecus pluvias excipit & ventos, intrinsecus male sit materiatur, corruptum & pestilens; mens ipsa, si de principio res omnis fuisset explorata, omnino, si integrum fuisset, recusatura fuerit subire. Sed cum providentiæ parendum sit, subit quidem in male gratum domicilium, sed perpetuo, si conservat aliquam pristinae dignitatis memoriam, providentiæ rerum rectori penè subirata usurpat illos Virgilii versus, quibus idem Æneam usum scribit apud inferos, cum dilectæ quondam Didus manes occurrerent.

*Invitus regina tuo de litore cessi.*

*Sed me jussa deum, quæ nunc has ire per umbras,  
Per loca fœta situ cogunt, noctemque profundam,  
Imperin egere suis.*

Et nos inter has umbras & misérias positi, ulterius dubitamus, aut cunctabimur, quando vocamur, ad res, ad lucem & felicitatem commigrare? Transilienda est alacriter fossa illa, ut in urbem illam opulentam admittamur. Nemo excluditur, nisi qui non libenter eo vadit: & ut quisque maxime volens propestat, & perenni studio, etiam in obscuro hoc carcere positus, illo versus eminet, ipseque se quodammodo solvit atque disjungit a corpore, ut videatur quodammodo tenuis filinexu eidem adhærere, ita gratissimus est hospes, & summo cum plausu, cum illo ventum erit, excipitur.

*Neque*

Neque vero solum mortes pro patria, aut pietate, aut penatibus appetitæ, sed etiam quæcunque, imo & latro-  
num prope dixerim, cum in furcas tolluntur, laudis  
aliquid habent, si sint alacres, intrepidæ, certoque quo-  
dam directæ judicio. Una illa horula, si exhibes ani-  
mum mortis contemptorem, omnem superiorem vitam,  
quamlibet alioqui obscuram, illustrat. Vulgus cum te  
morientem in cubiculo tuo, vel palam tyranni injuria,  
viderit, quia ex imbecillitate sua alios metitur, te quo-  
dammodo miserum judicabit. Sed tu unus, si tibi con-  
stas, & illorum fortiter contemnis errores, omnibus il-  
lis una junctis præstantior es. Nam, cum singuli meticu-  
losi homuli & decepti in rebus maximis sint, colluvies  
ipsa coacta deterior est: nisi dicere velis, ubi plura sunt  
mala, illic mali esse minus. Ergo, ut vulgus te non vide-  
at, aut non admiretur, vel potius misereatur, non pos-  
sunt superi non laudare voluntariam illam generosi spi-  
ritus exclusionem, ubi omne hominum vulgus tantope-  
re contremiscit. Sed cur, aies, non nobis animum hunc  
adversus mortem natura dedit? Non esset præclara res,  
nec nobis laudi danda vitæ contemptio, & moriendi ala-  
critas, si protinus a natura esset. Cui honori fuit, ama-  
re vitam, sectari convivia, diffluere luxu, indulgere  
lulibus, aut dedere se voluptatibus, cubare in pluma,  
aut rosa? Atqui sunt hæc a præclara ista natura. Sed  
cum contra adjunctæ naturæ, hoc est corporis, sensum  
atque ingenium animus ipse sapientiæ studio & invicta  
cogitandi cura se a corpore quam longissime abstraxit,  
& sua industria se in eam rerum excellentiam atque li-  
bertatem vindicavit, ut non modo pro nihilo habeat,  
sed etiam beneficii loco ducat, cum res postulat, com-  
modatum a natura diversorium, mortalium societatem,  
atque hanc rerum faciem, cui jam diu assuevit, deferere,  
divina quædam rerum dignitas atque incomparabilis ho-  
nos elucescit. Qui ejusmodi est animus, ut in corpore ha-  
bitet, scias tamen liberum esse & solutum, imo corpo-  
ris dominum. Quoties vero vides aliquem magni faci-

entem res hujus vitæ, aut invite de habitu exaudire; scias degenerem esse, servum, vinctum, alteque in corpus demersum. Gravissima & durissima catena vitæ hujus amor est: quem qui depulit, liberum se fecit magis, quam sint vel Regum Reges. Et certe dedit nobis natura quædam hujus vigoris principia: alte tamen abstrusa sunt, nec nos magnopere etiam animis conditam veritatis notionem eruere studemus.

*D E M E T* Cur ergo, cum semel a corpore est segregatus animus, iterum aliquando in idem est detrudendus, si tantum illi est a corpore incommodi? In sacris enim nostris est, fore ut resurgant corpora, atque reviviscant pristinis imbuta mentibus.

*F L O R.* Hæc nostra corpora, in quæ prius animi detruduntur, vel quibus illigantur, plurimum habent impuritatis, adeoque animum ipsum quodammodo inficiunt. Eadem olim cum reviviscant, purgabuntur, & alterius erunt dignitatis, & receptacula animis etiam beatis digna. Hisce de rebus Paulus, ad Corinthios scribens, divinitus atque liquide differit, non sine magna eorum omnium, qui in Christo Dei immortalis filio spes suas fixerunt, consolatione. Proinde hæc diffusius tractare, esset philosophiæ metas supergredi: quapropter ad illa humaniora atque humiliora redeamus. Est quædam vulgaris ratio contemnendæ vitæ hujus, quod illa extrahenda multum perferamus calamitatum: sed ipse semper libens refugio ab eis rationibus, quæ molitudinem præferunt: neque in magnis viris habendum censeo, qui mortem appetat fastidio difficultatum vitæ: quod, ut ille ait,

*Rebus in adversis facile est contemnere mortem.*

*Fortiter ille facit, qui miser esse potest.*

Sed cui perinde est vel vivere, vel mori, qui ad utrumvis juxta est paratus, qui *summum nec metuat diem, nec fortasse optet.* Illud tamen verissimum est, morte, hoc est, vitæ commutatione, nos duo vera & magna mala deponere. Nam credibile, posito hoc corpore  
non

non futurum, ut amplius turpes simus, peccemus in-  
 leges honestatis, & parentem nostrum malis facinoribus  
 iritemus. Neque levis est hæc ponendæ vitæ hujus  
 ratio, sed necessaria properatio explicandi locum non  
 concedit. Alterum, quod ponitur morte, malum est,  
 densissimæ istæ ignorationis caligines, & inscitia rerum  
 futuræ vitæ. Insigne est illud, & quamdiu hic rerum  
 stabit orbis memorandum, quod de Canio Julio, viro  
 longe illustrissimo, literarum monumentis a Seneca est  
 mandatum. Is Caii jussu jam capite damnatus, interea  
 dum mortem expectat, cum amico quopiam certabat  
 latrunculis. Supervenit centurio, qui periturum agmen  
 ducebat, & Canium una cum aliis ad supplicium vocat.  
 Vocatus numeravit calculos, & sodali suo, *Vide, inquit,*  
*ne post mortem meam mentiaris te vicisse.* Tum annuens  
 centurioni, *Testis, inquit, eris & tu, me uno antecedere.*  
 Mox ad amicos mæstos, quod tantum virum amissuri  
 essent, conversus: *Quid mæsti, inquit, estis?* *Quæritis*  
*inter vos an immortales sint animæ.* *Ego jam sciam,* Et  
 cum jam non procul esset a tumulto, in quo Cæsari ta-  
 lia quotidie fiebant sacrificia, interrogatus a philosopho  
 suo qui illum prosequabatur, quid cogitaret? *Obser-*  
*ware, inquit, propius illo velocissimo momento, an animus*  
*sit sensurus se exire.* Nonne hic humanas formidines  
 omnes inter lymphaticos metus numeravit? Non tan-  
 tum non expavisse, sed & irrisisse Tyrannum visus est.  
 Quem non in admirationem adducat tanta animi se-  
 curitas, rerumque mortalium contemptio? Hujus & si-  
 milium exemplo præbeamus nos saltem forticulos, &  
 conatus aliquis virtutis adsit, interea dum ad ipsam ve-  
 niatur. Sunt ex infirmis nonnulli, quos ad esum non  
 flectas, imo qui omnia exspuant, nisi alios prius com-  
 edentes aspiciant. Ex iis igitur, quæ terribilia sunt,  
 nihil est quod non sit sæpius ab hominibus superatum.  
 Phocioni, Anaxagoræ, Paulo Æmylio, Fabricio & Tu-  
 beroni divitiæ sunt spretæ: Marius sectionum dolores  
 citra alligaturam est passus: ignem vicit Mutius, cru-  
 cem

cem Regulus, mortem ferro adaectam Cato, Socrati, dum capitis caussam diceret, tantum dedit fiducia ac spiritus mens recti conscia, & immortalitatis spes, ut iudices non tanquam reus, sed velut dominus ac magister sit allocutus, & venenum eodem vultu, quo vinum, hauserit. Apud Indos in mariti funere olim (ut proditum est memoriae) certamen fuit inter uxores, quæ fuisset officiosissima: victrix hoc retulit palmæ, ut liceret illi consensu rogo seipsam inferias dare marito. Non dispar fuit Thracibus mos. Apud Gallos, paullo ante Cæsaris memoriam, clientes & servi dilecti, iustis funeribus confectis, una cum dominis cremabantur: ne quis tanti esse putet interitum, qui hisce omnibus fuit voluntarius. Celeberrimæ sunt Spartiatarum perpeffiones. Bracmanes Indorum philosophi etiam bene habentes sponte fati diem occupare soliti sunt. Sed quid opus est externis commemorandis tempus extrahere, cum domesticis exemplis longe & plurimis & illustrioribus abundemus? Tantus fuit olim Christianæ pietatis ardor, ut nihil potuerit humani ingenii sævitia excogitare, quod non etiam tenerrimarum virginum patientiæ cesserit. Quot Socratum, quot Mutiorum myriadas in nostræ religionis annalibus invenies? Quid tibi Laurentios proferam, aut Vincentios? Tecla virgo exposita bestiis, injecta flammis; distracta tauris, a tortoribus ipsis, propter tolerantiam admirabilis stuporem, est dimissa. Sed missam faciamus hanc tam late fusam fortitudinis silvam. Exitus non invenietur, si in eam penitus ingredi velinus. Hoc satis sit, ex tot illustrium hominum patientia constare, & labores & dolores omnes, omniaque mortium genera, citra ægritudinem & offensionem animi patibilia. Ratio quæ omnium potissime nos ad ærumnas generose tolerandas commovere debet, est; quod ea ratione similitudinem quandam accipimus CHRISTI Servatoris nostri. Postquam enim commune, & cum illo, & ab illo, expectamus laborum præmium, erubescere debemus vitæ rationem in totum discre-

pantera

panthem confectari, cujuscunque tandem vel fortunæ, vel ordinis sumus. Sed, quia hoc esset a philosophia humana longius recedere, rem suo loco reservabimus.

*FRANC.* Magnitudinem illam atque alacritatem animi in tolerandis adversis, quæ fuit in heroibus nostris, nihil quicquam dubium est, fuisse quandam divini spiritus vim, quæ illorum animos semper complere solet, qui legitime, & ut oportet, *CHRISTO* fidunt, & ex *CHRISTO* pendent. Quocirca cum ea jamdudum exoleverit, valde vereor, ne spurii, supposititii, & non legitimi Christiani simus nos. Verum hæc quaestione præterita, illud explicandum videtur: Unde fuerit profanis illis hominibus excelsus illè animi vigor in terrificis rebus? Nam licet cum nostris neque in causa, neque in numero, neque in alacritate sint conferendi: non vulgaris tamen illius fortitudinis non vulgarem esse causam oportet.

*FLOR.* Quæstio ista, etsi non est intempestiva, postulat tamen abundantius declarari, quam institutum a nobis compendium patiatur: quare veniam mihi dabit, si non erit pro merito tractata. Tantum pauca attingam, quæ neque inutilia, neque injucunda vobis fore spero, quandoquidem etiam tractatio hæc necessarie secum affert tertiam illam leniendi doloris rationem, quam supra dixi proprie ad ipsum dolorem pertinere. Ejusmodi sane præstantium virorum virtus, quæ Heroica dici solet, clarissime commonstrat, hominem animal esse admirabilis generis, biforme, & ex rebus dissidentissimis compositum, & in eodem inesse quiddam divinum, omnique mortalitate altius. Cernere est in singulis animalium speciebus extra hominem, eosdem affectus, eadem studia, & rationes, si sibi permittantur, omnibus in rebus nihil prorsus evariantes. At in humana gente, bone Deus! quanta est non jam varietas opinionum, atque studiorum, sed etiam pugnantia usque adeo manifesta, ut huic cum illo nihil dicas esse commune, præter externam figuram, id quod vere hominem efficit longe

longe dissimillimum credas. Vulgus totum rapitur ad præsentia, nummos, venerem, plumas, cultum corporis, & ædium speciem, quibus oculi capiantur, & plausus item inanes captat, & perpetuo libenter inter hæc humilla conquiescit. Alius ille, ob cuius oculos radiat rationis præstantia, & decus quod in eis rebus positum est, quæ sensus fugiunt, calcitrantes opes, deridet honores, contemnit dolores, & vitam denique ipsam gravatur atque fastidit. Neque tamen mentis insanitatem ullam hic caussari poteris, siquidem si cum ipsum vel de humanarum rerum rectione, vel de naturæ viribus, vel de siderum discursu rogaveris, appositissime ad singula respondebit. Quod si de altiore illo vitæ suæ instituto rogatio tua fuerit, ea ex illo audies, quæ manifestum afferent divinitatis cuiusdam indicium : adeo ut ipse tibi rem esse cum Deo quodam potius quam homine sis sensurus. Sed quorsum hæc, aies ? Vt intelligatur, nihil mirum esse, si illa superior monstruosæ hujus compaginis pars, etsi plurimum delitescat, det interdum aliquod specimen sui, atque opere nos doceat, aliam sibi esse natalium claritatem, aliam originem, & longe aliud ingenium, quam sit corpori, vel animali huic parti. Sed cur ea non æque pollet in omnibus ? Duplex hujus rei solet esse causa. Altera est peculiaris ille divini spiritus instinctus, qui animum totum flagrare cœlesti quodam amore efficit, atque admotas dolorum faces vix, ut equidem suspicor, persentiscere : cujus tu quidem proxime mentionem fecisti, & vere ex fidendi ardore natum dixisti.

**FRANC.** Videris ergo mihi stuporem quendam e ratione sensibus induci statuere, qui tollat cruciatuum sensationem : quod si admittitur, non apparet illustris illa tolerantiae laus, ubi dolorum sensus est ademptus.

**FLOR.** Nequeo tibi liquide rationem, & modum, quo id fiat, explicare : arbitror tamen sensationem dolorum valde imminui, eo quod animus totus ad Deum conversus est : qui, dum illo potiore igne flagrat, minus percipit ignis aut dolores extrinsecus adhibitos. Quæ

enim



enim possent exultare, & illa lætitiæ dare signa, atque, dum craticulis a foco candentibus alligantur, sibi videri inter plumas & rosas volutari, si corporis sensus integer esset? Mihi sane verisimile non fit, mentis otium non valde conturbari a secretionem illa violenta, & crudeli partium corporis diremtu atque exustione, si sentiendi vis nihil quicquam sit impedita. Neque tamen propterea tollitur fortitudinis laus: eo quod hoc summæ laudis est, ita flagrare illo caritatis igne, ut teipsum spoliis externarum rerumensione, vel certe eandem mirifice extenuet. Jam & in illis quoque profanis, quibus celebre est ex dolorum perpeffione nomen, inerat quædam animi, etsi inferioris, & ab illa nunc commemorata generis alterius, peregrinatio: quæ cuiusmodi esse potuerit, paucis (ut ego quidem sentio, modo quædam, quæ omnino danda sunt, dederitis) declarabo. Primum, sensio omnis est ab animo præcipue. Animo, inquit Plinius, videmus: oculi ceu vasa quædam visibilem ejus partem accipiunt atque transmittunt: sic magna cogitatio obcæcat, obducto intus visu: sic in morbo comitiali oculi nihil cernunt animo caligante. Deinde & illud non minus evidens est, sensionem fieri hebetiorem, cum virtus ipsius animi est dispersa in varias functiones: & contra acriorem, cum se totam ad unum sensum confert: & hoc conducit etiam ut noctu quam interdiu commodius audiamus, cum mens impedita curis, & suppeditans vim oculis aliisque sensibus, debiliior est in auribus. Vnde dictum est, ut ait Aristoteles in Problematis, *ψῆς ὁρᾷ, καὶ ψῆς ἀκούει*, quod est, *Mens videt, mens audit*. Tertio, & illud recipiendum est, quod, quemadmodum visio & auditio debilitantur peregrinatione: ita contingit fieri in tactione. Quod ut plenius sit perspectum, animadvertendum est, quod Peripateticorum acutissimis placere video, cum manus ab igne calefcit, tres esse affectiones: quarum prima est, dum calor in corpus, quod calefcit, diffunditur. Altera est, dum caloris ejusdem species

&

& velut prætenuis imago intra tactionis organum recipitur. Nam omnis nostra tum sensio, tum cogitatio, fit per rerum species a rebus ad sensus & mentem derivatas. Duæ hæ actiones diffociabiles sunt necne, non admodum refert. Apparet tamen priorem sine posteriore constare posse, eo quod superfluum apparet, in rem sensus expertem, dum calefit, species illas derivari. Tertia affectio est ipsa sensio atque perceptio rei admotæ. Hanc postremam a duabus prioribus, aut saltem a secunda (nam sunt sensus qui non accipiant intra se rem objectam, sed ejusdem duntaxat speciem, ut est visus, atque auditus) separari usus docet, dum sæpe rem ob oculos positam quærimus, & salutantes etiam satis vocaliter non exaudimus: quod eo fit, quod animus sit in aliam quandam curam atque cogitationem distractus. Quocirca bene Latino sermone *animum advertere* & Græco item προσέχειν τὸν νῦν jubemur. Neque tamen officeret sententiæ nostræ in præsentia, quamvis sensio tactus fieret circa speciem, hoc satis est functionem non sequi, ut objectæ res sit intima sensui, dum peregre abest animus aliorsum conversus. Nunc hæc est excerptenda rerum conclusio, quod si levis animi secessio præstat, ut motus leviores extrinsecus pulsantes non sentiamus: consequens est, ut cum animus est vehementer peregrinabundus, etiam acrius laceffentia non percipiamus. Verum in tactu opus est profundiore cogitatione, & peregrinatione longiuscula, quod, quæ illum irritant, res maxime acres sint. Calor, inquam, & frigus potissimum, quæ non tam (ut jam dixi) tenues illas specierum exuvias, quam seipsa in tactionis organa seu sensoria atque receptacula transfundant. Ergo adsuefaciendus est animus, ut sese, cum volet, abducatur ad cogitationem alicujus rei acrem & vehementem: quod multo fit facilius, si rem talem cogitandam deligas, quæ vehementer sit speciosa & amabilis. Tum enim quo altius animus se infert in contemplationem, hoc invenit, quo se pascat uberius, & quo suavius delectetur. Unde  
in

in periculis adeundis quidam amores suos ob oculos habent, alii celebritatem nominis, alii aliud; sed omnes carum quiddam. Proinde, cum nulla res sit quæ conſpecta perpetuo & infinite admirabilior exſurgat, præter Deum, qui ipſa eſt & pulchritudo & bonitas: hujus certe vel unius vel potiſſimum meditatione teipſum oblectabis. Et quamvis divinitatis ſpeciem aliquam, quæ ipſam probe referat, conſingere nequeas (nam hoc illi cum omnibus rebus quæ corporaturæ ſunt expertes eſt commune) opificii tamen hujus formoſi imagines non deſunt, a quibus nunc per affirmationis viam, & eam collectionis formam, quæ a *minori* dicitur, ad Deum aſcenditur: ut ſi ex his rerum umbris inſpiciendis nobis gaudium creatur, quod uſu venire arbitrandum eſt, quum ad verarum rerum devenietur ſplendorem. Nunc vero amotione utimur, ut ſi hoc moleſtum eſt, quod deliciæ præſentis vitæ perituræ ſint, quanta eſt illic gaudii ſoliditas, ubi deliciarum excellentiam æternitatis viror comitatur? Tum ſunt beneficia item immortalis Dei, quibus nos & afficit aſſidue, & perpetuo affecturus eſt, non incurioſe ponderanda. Sed ipſe in præſentia contemplationis formam inſtituendam non ſuſcepi. Tantum generatim volui vos admonitos, plurimum ad lenitionem dolorum prodeſſe, altiſſime ſe abdere in intentam rei alicujus ſuaviſſimæ cogitationem. Ad cogitationis autem hujuscemodi firmitatem atque conſtantiam, plurimum facit atra bilis: non illa quidem diluta phlegmate, aut nimium aduſta, ſed mediocriter ſpiſſa: quæ cum ſubſidat in ſanguine temperato, efficit ut ſpiritus, quos ſanguis temperate ſpiſſus ad cerebrum exhalat, qui ſunt instrumenta functionis rationalis, ſint copioſi & durabiles: quemadmodum ignis ligneam naſtus materiam, & urit acrius, & durat longius, quam in ſtupa aut palea. Hinc eſt, quod Ariſtoteles viros excellentes, aut in rerum publicarum rectione, aut philoſophia, aut poetica, aut artiſticiis, pleroſque omnes melancholicos fuiſſe tradit. Ejuſmodi ſunt illi,

D d

qui

qui nunquam sunt minus soli, quam cum soli sunt. Eiusmodi fuit Socrates, qui a lucis ortu ad alterum solem orientem perdius atque pernox immotis luminibus cogitando consistere solitus erat. Talis item Archimedes, qui geometricis studiis intentus, Syracusas patriam capi atque diripi non sensit. Talis & Nicias pictor insignis, cui pingendi voluptas sæpissime cibi fecit oblivionem. Avicenna Arabs, & philosophus, & medicus non incelebris, memoriæ prodit de quodam, cui in promptu fuit, cum vellet, corpus suum stupore afficere: & de alio itidem adeo a rerum sensu meditationis altitudine interdum abducto, ut etiam ignem admotum non sentiret, nisi quis postea dolor ex vulnere reliquus esset. Se vero dicebat, dum ureretur ab igne, assistentium voces, tanquam ex longinquo venissent, audisse. Si quis deficitur hac formabilis, poterit defectum ejusmodi assuetudine acriter animum a corporibus abducendi aliqua ex parte sarcire. Interventit ergo plurimum secessio quædam animi, dum cruciatus alacriter perferuntur. Neque vero cuiquam videri debet incredibile hoc cogitationis beneficium, cum & ex sacris, & ex philosophorum scriptis discere sit, contentæ imaginationis vim etiam in immutandis corporibus esse mirificam. Nunc si his omnibus rationibus unâ collectis adhuc impares videbimur, nec satis comparati ad perferendos dolorum aculeos, hoc saltem a nobis impetrent eadem, ut indolentia simus contenti, nec voluptates magnopere requiramus.

DEMET. Virilis & generosa fuit oratio tua de dolorum tolerantia: expectamus ut aliquid dicas de contemptu voluptatum. Est enim hæc dolori contraria, & immentam hominum vim præcipitare solet.

FLOR. Non hercle magis Apollinis oraculum verum est, quam id quod de voluptatis noxa dixisti. Echinus, ut Ambrosio nostro proditum est, pisciculus est tanta (quis credat?) vi, ut etiam magnas naves plenius currentes velis in mediis fluctibus sistat: sic sæpe putidulum scortum, aut gula, præstantissima alioqui ingenia

genia remoratur, atque a præclaris inceptis retardat. Verum, cum de ista ipsa nobis supra nonnihil dictum sit, & simul consentaneum non sit, neque verisimile, eum a voluptate superatum iri, qui dolorum acrimoniam vicerit : non erit operæ pretium ejus rei vituperationes prolixius commemorare, quarum pene omnes sapientum omnium libri sunt repleti. Sed tu, ut video, conquieturus non es, Demetri, nisi auctarium aliquod senseris : idcirco erunt nonnulla obiter attingenda. Ac illud principio est considerandum, cum voluptatem vituperamus, non esse nobis sermonem de veris illis & salutaribus animi gaudiis, quas præstantium rerum commentatio, aut officii conscientia parit ( sunt enim illa fructus quidem virtutis ) sed de crassorum sensuum, & potissimum de gustus atque tactus suavitatibus, atque his ipsis effrenatis & immodicis. Epicurei propterea voluptatem summum esse bonum statuerunt ( voluptatis tamen interim vocem etiam ad honestas animi exhilarationes proferentes ) quod ad eam omnia incredibili contentione ferri videantur. Sed hic error ex ignorantia distinguendi oritur. Est enim unaquæque res a natura constructa ad suam quandam functionem atque operationem : oculus quidem ut videat, auris ut audiat, mens ut intelligat ; & nullum ex iis, aut ex similibus facultatibus ut delectetur : delectatio enim functio aut actio non est, sed potius in quodam patientiæ genere posita est, velut suavis quædam affectio : neque hæc propositio obscura esse potest iis, qui naturæ cognitionem vel modice gustarunt. Illud jam huc assumendum est, voluntatem nunquam debere discrepare ab ordinatione naturæ : unde continuo constat, ne honestarum quidem actionum voluptates in primis, sed actiones ipsas, aut res, circa quas illæ versantur, persequendas. Sed cum ita natura comparatum sit, ut quoties facultas, vel res aliqua sentiens, adepta est id quod sibi convenit, jucunde & suaviter afficiatur, apparet res ferri in suavitatem, cum tamen potius ferantur in rem quæ suavis est, quam

suavitatem ipsam. Quæstio sane est plena reconditæ subtilitatis, an possit appetitus aliquis non depravatus ferri in ipsam suavitatem, tanquam rem disjunctam a re unde suavitas procreatur. In belluis quidem hoc usu venire videtur: non tamen ita se res habet, cum illæ crassissima duntaxat agnitione, ut quæ neque convenientiam neque suavitatem in rebus positam secretionem aliquam colligat; fretæ, ad res sibi convenientes rapiantur. Est ergo suavitas non finis, sed qualitas ipsius, & velut nativum atque non separabile condimentum: ex cujus sensu colligitur id, quod admotum est, ex eorum esse numero quæ conveniunt, & dignum quod a facultate quæratetur atque tractetur, atque ejus ipsius rei adeptione sensum perfici. Sic oculorum finis est visio, atque aurium auditio; non suavitas illa, etsi necessarie consequatur, quam luce aut floribus inspicendis, aut cantibus exaudiendis percipimus. Quod si Epicurus summum bonum vocasset adeptionem rei maxime suavis, nullo reclamante obtinuisset litem. Ergo, cum delicatior molliorque sit Epicureorum oratio, quam virtutis vis gravitaque postulat: neque illi ne manum quidem nisi voluptatis causa fuerint versuri, jure sunt a Stoicis atque Peripateticis explosi. Hieronymus verecundius in indolentia conquievit: sed magis probandus, si, ut Diodorus, ad honestatem adjunxisset vacuitatem doloris. Et certe hic moderatius quam Stoici ipsi mihi locutus videtur. Quamvis enim dolor non sit in præcipuis malis, is tamen neque cum præsentis, neque cum futuræ vitæ felicitate una stare potest: impedit enim plurimum contemplationem & sapientiæ studia, in quibus felicitas posita est; ex eo, quod sensus nequeunt diu & commode inservire ingenio, & rerum imagines ad mentem perferre, ubi fuerint a doloribus dilacerati, aut oppressi.

*DE MET.* Vinde est, quod gravius & frequentius peccetur ab hominibus in tactu & gustatu, quam in odoratione, visione, aut auditu?

*F L O R.* Multis id fit de caussis, sed præcipuam eff<sup>c</sup> arbitror, quod delectationes, quæ in iis sensibus insunt, sint majores: quod quidem summo naturæ ingenio factum est: eo quod eorum sensuum functiones sint maxime communes, maximeque pertineant ad tuitionem generis, de quo natura potissimum sollicita esse solet. Nullus enim animans invenitur, qui tactu careat: in toto autem animantium genere homo præstantissimi tactus est: atque inter ipsos rursus homines ingenii atque comprehensionis præstantiam ex tactus bonitate colligimus. Est enim argumento sanguinis probe attemperati, ex quo spiritus illi, qui imaginum in cerebro sunt vehicula, meliores existunt: qua sane re non mediocriter crescit ingenii usus. Nihil itaque mirum esse debet, si in homine maxime acres sint qui ad venerem impellunt stimuli. Verum ut præstantia temperaturæ augeret propensionem in abjectas illas functiones: ita eadem contra illas ipsas adjumento est, dum juvat ingenii commentationes, & illos mentis discursus, quibus rerum veritas elicitur. Ut enim quisque sensu est minime obtuso, ita facillime videt voluptates has vulgares ad crassissimos pertinere sensus, esse nobis cum belluis communes, exiles, breves, frangere altas cogitationes, nos ad magnas adigere indignitates: & ex hisdem denique laboriose quasitis, ubi abierint, nihil prorsus reliquum esse, præter dedecus & infelices pœnitentiarum aculeos. Quapropter iidem gravitate atque pudore se sepiunt: probrosas illas delicias severissime excludunt: earundem appetitum, si quando existat, accurate dissimulant: non levi sane indicio diviniore cujusdam in nobis naturæ, quæ neque corporea aliqua propagatione exoriatur, neque dissolutione intereat. Porro illud hic non est prætereundum, venereas appetitiones in homine non solum incitari solere excrementi copia, vel voluptatis studio, vel generis perpetuandi amore: sed etiam ipsa formarum venustate, quæ ex lineamentorum mole, & figura, & coloribus probe mistis exsur-

git.

git. Unus enim homo ex omni animantium genere quid sit ordo, atque adeo quid sit pulchritudo intelligit. Unus ad hanc, ubicunque illa habitaverit, arcana quadam vi rapitur: idque tum maxime usu venit, cum corporis speciem, ingenii acumen, & morum suavitas, atque sermonis lepos comitantur. Huc pertinent & lætæ illæ oculorum ejaculationes amici pectoris nuntiæ, & quæ spem aliquam faciant potiundi. Ex iis rebus conficitur id, quod *χάρις* dicitur: unde significatio fit minime obscura, & mentis formam in suo genere perfectam esse, corporisque pulchritudini respondere. Apud Virgilium est de Ænea, ut fuerit

*Os humerosque deo similis. Namque ipsa decoram  
Cæsariem nato genitrix, lumenque iuventæ  
Purpureum, & letos oculis afflarat honores.*

Tum autem quid contingit? Mox hoc animal formivorum (utinam hanc vocem Romanus sermo admitteret, non invenio quomodo quod sentio exprimam) mox hic pulchritudinis belluo homo ad speciem visam exardescit, ad fructum properat, abradere eam, atque in se transferre studet. Multa enim ordinate composita, præcipue cum ingenii sunt participia, prope referunt summum illud bonum, quod omne bonum hic dispersum concludit, ad cuius fructum homo constructus est. Sed quid ad extremum quamlibet alto atque prolixo ejusmodi formarum fructu assequamur, apposite explicat Lucretius hisce versibus:

*Ut bibere in somnis sitiens qui quærit, & humor  
Non datur ardorem qui membris stingere possit,  
Sed laticum simulacra petit, frustra que laborat,  
In medioque sitit torrenti flumine potans:  
Sic in amore Venus simulacrum ludit amantes  
Nec quicquam, quoniam nil inde abradere possunt.*

Omnem linguæ facultatem superat, explicare, ad quantum cæcitatem, atque insaniam, ad quot mala divinum hoc animal homo a voluptate ista degeneri deducatur.

Hæc



Hæc haud dubie est illa Hesiodi *τὰνδῶρα*, quæ has celestis lucis flammæ e cœlo deprecantur, hoc est, ingenii atque rationis splendorem acceptum ulciscitur: per eam fere stat, quo minus simus toti rationales, neque unquam indecore appetamus. Jure igitur hæc est illud *μεγα πῆμα*, de quo Jovi apud eum ipsum poetam dictum est,

*Τοῖς δ' ἄγ' ἀντὶ πυρὸς δώσω κακὸν ὅσον ἅπαρτες  
Τέτρωνται, καὶ θυμὸν ἰὸν κακὸν ἀμφαγατῶντες.*

*Hic ego pro igne malum cunctis quod dulce futurum  
Sit, dabo, dum miseri cupide sua damna vorabunt.*

Innumerabilia (ne difficultatem hic causeremur) sunt contemptæ voluptatis exempla, in quibus illud Nicetæ Martyris mihi longe visum est clarissimum. Huic Maximi Tyranni jussu inter odores & florum amœnitates sericis funibus revincto, & in molli lecto resupinato, speciosa meretrix, quæ blanditiis omnis generis, & obscœna contræctatione libidinem incitat, incumbibat. Divinus juvenis, dum quod faceret aliud non occurreret, linguam suam totam morsibus concisam in incumbētis os exspuit: atque ita hoc stratagemate & seipsum dolore excrucians, & mulieris vultum illecebrosum fœdans, sibi viam ad clarissimam victoriam patefecit. *Quis non malarum, quas amor curas habet, hæc inter obliviscitur?* Et quoniam nobis semper sunt opus puræ vitæ præsentia exempla, alendæ sunt hæc cœlibum, hoc est, hominum ab omni libidinis contagio alienorum, & in sacrarum literarum studiis ætatem degentium, sodalitates. His enim, qui sibi sponte voluptatum usu interdiciunt, inspiciendis, discet hominum vulgus & ab illicitis in totum temperare, & concessis moderatius uti voluptatibus. Cæterum, an hic conducat vota suscipere, & ad austeriorem illam vitæ rationem legum sempiternis sanctionibus astringi, non est præsentis instituti disquirere. His qui vel modice aliquando philosophati sunt, hoc est, nature

turæ suæ dignitatem ponderarunt, non potest vel hoc nomine non esse cariissima, & videri dignissima religio Christiana, quæ nos semper ad animorum excellentiam erigat, semper illud auribus inculcet, ut *quaeramus ea quæ supra sunt, non quæ subter, & in terra: ut qui habent uxores, sint tanquam non habentes, eo quod prætereant mundi hujus species, & illa quæ in cælo sunt, sint sempiterna.* Libidinum exclusio divis & separatis illis mentibus est naturalis: quamobrem si animus in corpore etiamdum habitans sibi sua sponte similes puritatis leges, quarum usque tenax sit, indicat, jam superum quodammodo exæquavit dignitatem. Unusquisque ergo nostrum se ad cœlites subvehere studeat, divos imitari conetur, & illis Virgilii verbis seipsum subinde admoneat,

— *Tentanda via est qua me quoque possim  
Tollere humo, victorque virum volitare per ora.*

**DEMETR.** Certe & voluptates spernere, & adversos casus quoscunque boni consulere, mirifice appareret consentaneum, si illud liquido constaret, & in hac, & in futura etiam vita Deo res nostras esse curæ. Verum, ut accepi, Epicurei isti voluptatum assertores plerique omnes una cum Diagora, & plerisque aliis, aut prorsus impii sunt, aut Deo mortalium rerum procurationem adimunt: neque aliud in rebus hisce, quam temeritatem, aut fatum inesse contendunt. Quid quod? iisdem nulla futura vita creditur, quando una cum corpore animus iisdem videtur extinguui. Illos etsi turpissime falli non dubitem, plenius quiddam his ipsis de rebus de te expecto.

**FLOR.** Facerem equidem libenter, Demetri, in sceleratam istam factionem impetum, etiam in præsentia, nisi tam uberis argumenti tractatio brevis aut jejuna non sufficeret: & proluxa contra hujus loci non esse videatur. Verum si probe tenuisti, & ad unguem tibi intellecta sunt superius disputata, invenies, ut utrumque detur, hoc est, neque animos a rogo permanere, neque Deum res hominum

num curare, generose tamen toleranda esse adversa.  
*FRANCO.* Quod petit Demetrius, salvo officio negare non potes: agitur enim fides tua, Florenti; eo quod supra, cum honorum animæ præstantiam propter immortalitatem exaggerares, ista ipsa de re te post dicturum receperis. Insurge ergo, & philosophastros istos obvios, qui se contra veritatem opponunt, cursus tui impetu; quod soles, prævalido, de celeritate nihil remittens, prosterne atque concutita. Non enim possunt non esse fragiles illorum collectiones in tam manifesta rerum luce.

*FLOR.* Tibi gratiam habeo, Francisce, qui me, quem longior orationis fluxus promissi fecit inhiemorem, de liberanda fide commovefeceris. Faciam itaque quod petit ille, & utranque rem obiter, quando aliter, propter properationis celeritatem non licet, attingam. Plurima sunt in hominum vita perturbata. Florent improbi, impune violantur fontes;

*Dat veniam corvis, vexat censura columbas.*

ut poeta ait. Rerum omnium summa plurimum est penes impios, stolidos, & crudeles: imo & religionum sacerorumque principatus iis conceditur, qui vix digni sunt, quibus causæ custodiendæ tradantur. Apud Martialem est illud de Sello quodam:

*Nullos esse deos, inane calum,  
 Affirmat Seliur: probatque quod se  
 Factum, dum negat hæc, videt beatum.*

Sunt item in natura & insectorum, & animantium etiam aliarum, & in rebus quoque inanimis genera, quæ vel noxia, vel in nullum usum comparata videantur. His & similibus adducti conjecturis, Deum plerique aut non videre, aut, si videat, negligere orbem hunc inferiorem statuerunt. Illudque multum omnino momenti habere videtur, quod nemo vel mediocriter prudens naryarchum crearet, vel clavum navis in undoso mari ei regendum traderet, qui nullo sit rei nauticæ usu: vel

ducem bello daret, cui nihil sit scientiæ militaris: imo vel aurigam denique vellet, qui aurigandi prorsus esset imperitus. At nos dirigendis hominibus, quæ ars est omnium & difficillima & clarissima, quas passim belluæ præpositas videmus? Quis item Princeps, cui æquitas cara sit, ea assidue se vidente impune designari pateretur, quæ severiter, & gravissimis sint vindicanda suppliciis? Quam gravia autem & nefaria indices designentur, quis non videt? Sed illorum lapsus in impietatem origo inde fuit, quod non satis meminerunt se esse homines, & divinorum operum rationes altiores esse, quam ut humana aliqua conjectura pervestigari possint. De re quæ multiplicem claudit temporum rationem, nunquam faciundum est iudicium, nisi omnibus iis prius diligenter ponderatis, quæ causæ meritum vel deprimere vel elevare possunt. Nam facillima est erratio, si in partem duntaxat causæ & pauca quædam oculos intendas. Fingamus animo rusticum aliquem, eumque lusciosum & cæcipientem, qui præter casae & rusticana turguria nullum unquam vidisset ædificium: veniat is in urbem, subeat, ædes Principis, aut alicujus civis magnificenter atque artificiose extractas, in quibus multæ sint ambages, aditus varii atque perplexi. Hic dum aspiciat columnas, porticus, atria, cameras, conclavia, fenestras, laquearia, cæteraque ex quibus machina constat, si indocta quadam superbia fretus quædam perperam, & contra architecturæ rationem vel temere atque ab re ex ædificata statuatur, ut intercolumnia angustiora, aut fenestram paullo elatorem, aut ostium incommode collocarum: nonne tibi plane ridiculus videtur? Sed faciamus subire alium, qui sanis sit luminibus, qui in urbe sit versatus, qui tamen sit architectopites expertus: num vel hic jure poterit reprehendere ædium rationem? Fac item architectonice eundem degustasse, sed non calle-  
re ad unguem, neque architecti tenere consilia: Nonne & huic temeritas est a lapsu continenda? Conveniendus est prius architectus ipse, qui totam operis ratio-

nem

nem animo comprehensam habebat, priusquam fundamenta ulla essent iacta, quique omnes artis partes in numero habet. Hic si auditus esset rationem reddere operis sui, facile se purgaret, & ostenderet, quam stolidum sit aliquem curiosum esse alieni, cujus expertus sit, artificii æstimatorem. Proverbio tritum est illud. Sutor non ultra crepidam. Hic sane non absimilis est hominum cæcitas, atque arrogantia. Deus & architectus & dominus, & moderator est immensæ huius molis, cujus hic orbis omnis minutissima & infima quædam est particula. Et quemadmodum in opificiis nostris necesse est ut inter ima & summa, imo ut inter singula sit concentus quidam: sic nihil est in hoc orbe, quod non respiciat quiddam aliud in ignota mundi parte positum, propter quod necesse est, ut aliter sit dispositum, atque nobis fieri debere videtur. In Musica persæpe invenias duas voces, quarum concentus absurditatis aliquid habeat: tertiam adjunges, canor est absolutus. Concentum itaque hunc absolutum omnis huius orbis, qui ex omnibus numeris constat, solus auctor intelligit. Solus ille intelligit cur quæque res sit facta, & quem habeat usum, & cur hoc modo, & non aliter fieri oporteat. *Homines vero etiam sapientissimi* ( ut Socrates ex Heracliti sententia, quemadmodum est apud Platonem in Hippia maiore, statuit ) *cum Deo comparati, similes sunt*: imo, ut equidem arbitror, verius asini vel stipites. Et nos asini atque stipites, quorum omnis mentis lux cum divini illius ingenii immensis fulgoribus composita tenebrarum verius, quam sublustis lychni rationem habet, illius improbabimus administrationem: aut illum ignorationis, aut oscitantæ ora impia atque impudentia insimulabimus, & non potius de rerum illius inexplicabili magnitudine summo semper cum tremore cogitabimus? Non deest ad singula responsio copiosissima: sed finis non erit, si singula persequamur. Laudassem eorum acumen, si tota semel argumentatione hoc tandem fuissent complexi, consentaneum esse ut sit alius aliquis locus, ubi divinum

hoc animal homo, quod sane non postremas in hoc tanto opere tenet, sit absolvendum, postquam hic nunquam debitam naturæ suæ dignitatem assequitur, sed novercali quodam odio a natura videatur abjectum. Alter ille de animorum interitu error, in quem non solum Epicuri gregales, sed & Plinius quoque, naturalis historiæ nobilissimus auctor, est prolapsus, hinc (ut opinor) est, quod in belluarum nonnullis, cujuscumque sunt grues, apes, elephanti, simiæ, canes, formicæ, delphini, polypi, crocodili, appareant industria, & astutiæ quædam singulares, ac velut documenta quædam rationalis ingenii, quibus tamen propterea immortalitatis vigor non conceditur. Harum instar hominem esse arbitrati sunt plerique, plusculum duntaxat illi mentis concedentes, non animum durabiliorē, aut æternum aliquod vitæ spatium. Sed in re toties controversa, & in eandem semper rationem judicata, & tot seculorum præjudiciis, totque doctissimorum hominum testimoniis corroborata, denuo comprobanda laborare, esset actum (quod aiunt) agere. Ex præstantissimis philosophis unus Aristoteles hic apparet anceps, & sibi parum constare: intellectus tamen dignitatis assertor est perpetuus, cui altius quiddam omni tempore facile inesse vidit. Ne aperte animum immortalem esse ubique definiret, duo mihi obstitisse videntur: tum quod non vidit quomodo mens citra sensuum & imaginationis ministerium queat suo munere fungi: tum quod, cum mundum æternum esse opinaretur, si animos immortales constituisset, visus esset infinitatem quandam multitudinis rerum, a qua natura abhorret, eadem opera posuisse. Sed, cum mundus esse cœperit (quanquam id philosophis est obscurius, tamen ratio etiam non deest) & falsus esset, qui clausus in insula putaret locum inaccessum, quod neque pedibus neque equo locus adiri posset (est enim & navigii usus, quamvis insulari illi ignotus) non debuit tam pertinaciter abstinuisse assensionem in statuenda animorum immortalitate Aristoteles, quandoquidem  
etiam

etiam ex ipsius philosophia, imo a ratione ipsa, ad hanc rem argumenta in primis efficacia suppeditantur. Nulla plane res est quæ vehementer illud amet aut appetat, quod sibi non congruit. Siquidem ex convenientia, etiam ut singula percurras, existit tum futuri appetitio, tum quies & suavitas, cum res præsens adest: animum autem & nosse & amare æternitatem, & nihil æque atque interitus vel recordationem exhorreere atque odisse, ex se quisque satis intelligere potest. Unde nexu quodam manifesto, cum hæc a natura insita appetitio & perennium seculorum augurium quoddam ingenitum non possit esse supervacuum aut otiosum, conficitur, animos res esse sempiternæ durationis. Quorsum enim attinuerat, Deum nobis tum sui, tum immortalitatis notionem impertivisse, unde necessario flueret flagrantissimum desiderium, & velut lautissimum famelicis ostendisse convivium, si tantum spectandum, & non pariter fruendum epulum concederet, maxime cum illi ea ratione decedere nihil possit, sed potius ad laudis ipsius cumulum id pertineat? Adde, animum esse prorsus omnis corporaturæ expertem, quemadmodum & oculi pupilla omnis coloris. (Hoc enim in natura cognitionis positum est, ut id quod perfecte cogniturum sit aliquid, prorsus expers sit cognoscendæ naturæ, si ea corporea est.) Quod autem ad *serias* genus pertinet, & accretionem nullam habet corpoream, necesse est sit immortale, cum dissolutio omnis atque interitus, sit ex pugnancia qualitatum, quæ in corporibus insunt: & ex eo, quod materia hæc crassa corporum, aliarum, quam quas habet, formarum est capax. Beluis ut demus formam aliquam ratiocinandi, certe nulla prorsus sunt iisdem signa vel notionis vel appetitionis rerum immortalium. Quod quidem efficit, ut non mediocre, sed immensum sit intervallum inter eam, quæ in hominibus est, & quæ in brutis apparet, rationem. Unde nihil dubitandum fuit, his adimere, atque homini tribuere immortalitatis honorem. Crassa igitur fuit illo-

illorum philosophia, & in summo duntaxat sensu atque superficie consistens, intimas rerum rationes non perspexit. In proclivi autem fuit iisdem hic aberrare, eo quod res omnis in ditorum, valde disparitum generum confinio posita, atque utriusque insigniter particeps, semper nata est afferre ancipites cogitationes, ut utrius generis sit, non sit in promptu statuere. Ejusmodi res homo est, si quid aliud, tanquam communis quidam mortalium atque immortalium nexus atque lianes. Progreditur quidem natura gradatim ab imis ad summa, & contra a summis ad ima. Summa & purissima res **DEUS** est, vita ipsa & sapientia, compositionis omnis exfors: si tamen fas est, rerum principem & dominum incomparabilem in eum venire catalogum, ubi præterea nihil est, nisi servi. Secundum hunc proximus honor est mentium illarum, corporaturæ expertium, quæ tamen ipsæ compositionis aliquid habent: propterea quod non quicquid in eorum natura inest, protinus est ipsa eorum essentia. Hoc enim Deo proprium est, ut quæ apud nos qualitates sunt, & ex accidentium genere, cujusmodi sunt sapientia, bonitas, virtus, in eo sint *igra*. Sunt tamen eæ mentes prorsus immortales. Ab altera parte materiæ & corporum inanimatorum pretium vincunt ea, quæ vivunt. Horum rursus infimis, hoc est, stirpibus, adest vita quidem, citra tamen sensum: quamvis ex philosophis nonnulli dubitarunt, an plantæ sentirent. Aristoteles tamen tradit, non esse iisdem illud organi temperamentum, quod rerum species, necessarium omnis sensationis ac agnitionis apud nos principium, ut illi subtiliter disputatum est, reciperet. Secundum stirpes sunt belluæ, quibus sensus est aliquid: quamvis & hic rursus Aristoteli dubitatum sit, utro in genere spongiæ, & quæ Græci *ζώνουρα* vocant, hoc est, inter plantasne, an inter animalia sint reponenda. A bellis statim ascenderetur ad hominem, nisi Pygmæi, quibus a brevitate nomen est, (est enim Græcis *πυγῶν* cubitus) remoræ aliquid exhiberent.



hiberent. Tam manifestum illi dant rationis specimen, ut Aristoteles ex historiarum fide ad humanum genus pertinere credat. Placuit tamen doctissimis quibusdam eos in simiis numerare. In animantibus demum summum obtinet homo locum, qui superiora cum inferioribus conjungens, Sensus cum belluis communes habet, & cum superis Rationem item. Hæc immortalis est, reliqua interitui sunt obnoxia. Qui negat immortalem animum habitare posse in corpore mortali, quomodo se potest a doctissimorum hominum disputationibus, quibus liquido probatur, ipsam etiam divinitatis ~~etiam~~ ubique adesse, tueri? Verum in tanta rerum difficultate ignoscere non nihil potest iis, ad quos veræ pietatis agnitio non pervenit. Nullo tamen pacto ferenda est nebulosum quorundam indocta plane arrogantia, qui Deum, & religionis auctoritatem nihil reveriti, tam impias voces, & tam tetros de animorum duratione sermones, ut eos fugiat ac reformidet oratio, eructare audent. Quasi non jamdudum satis fenestrarum sit apertum nequitiae, nisi & pestifera hæc atque vanitima persuasio, quæ statuit spes nostras omnes cum hac vita terminari, tanquam auctarium quoddam accedat. Nulla nobis esse debet cum hujusmodi hominibus ratio, imo ex sacra hominum communitate, tanquam publicæ pestes, sunt exterminandi. Semper est in illis pro singulis judicii aut eruditionis uncis, non sescunciam, sed libram fastus observare. Ac vide hominum dementiam. Si mortalis est animus, ( ut esse non potest ) quid mihi periculi est a funere ab ea persuasione, si, dum vivo, immortalem credo? Tenebar ea opinione, quæ tum ad tuendam hominis dignitatem, tum ad colendum officium non parum abferret adiumenti. Nec est periculum, ne quis alius me tum propterea irrideat, cum omnes æquabiliter erimus extincti. Sin viget animus a funere, atque in rerum cognitione efflorescit illustrius, in quantum veniunt illi discrimen, qui dum hic viverent, falsa freti sententia, nullum sibi scelus defugiendum putaverant, modo clam hominibus esse

esse potuisset? A natura sensili, & hoc temporum cursu aliquid est præsidii huic errori: sed ille, cuius nos fidem sequimur, naturæ auctor est, & non solum temporis, sed etiam æternitatis conditor. Qui semel omnia, cum nihil adhuc essent, ut essent effecit: omnibus prorsus extinctis, & in nihilum reductis, ut rursus sint, cur non idem dare queat? Itaque quamvis omnes philosophorum factiones contrarium docerent, nobis Christi doctrina est profitenda, & in æternas illas spes est respiciendum. Si Cicero mavult cum Platone errare, quam cum cæteris recte sentire: si Pythagoricis satis fuit illud *αὐτὸς τὸν*, quanti nobis tandem videri debet ista philosophorum inconstantia, imo ignoratio arrogantiae plena, cum Dei immortalis testimonio causa nostra nititur. Non vitupero hic philosophiam: tantum dico, debere illam ut ancillam, aut pedissequam, religioni assurgere atque obsequi. Nam *hujus arma carnea non sunt, sed divina quædam virtute valida*. Hæc nos corripimus, his instructi incedamus, *λογισμὸς* (ut Paulus vult) *καθαρεύσας, καὶ πᾶν ὁφθαλμὸν ἐπαμβλύνον χεῖρ τῆς γνώσεως τοῦ θεοῦ, καὶ ἀρχαῖα ὀφθαλμοῦ παρρησιασθεὶς τὴν ὑπακοὴν τῷ χεῖρι*: quod est, destruens ratiocinationes, & omnem altitudinem efferentem se adversus scientiam Dei, & captivum ducens omnem intellectum ad obsequium Christi. Videbor hic fortasse longius, quam decuit, productus: sed certe si rerum ubertas & meritum ponderentur, meipsum ex immenso campo in exiguum gyrum compulisse, nimiumque celeriter ac peranguste dixisse comperiâr. Perstrinxi promiscue itaque atque attingi potius, quam tractavi res, prolixis acutissimorum hominum disputationibus contritas: quas, si per tempus licuisset, momento quodam dispensassem, & ad popularem quandam facilitatem deduxissem. Quocirca nolim vos mihi vicio vertere, si ad hanc quam videtis molem columnæ hujus excrevit tractatio, quæ quidem & ipsa rerum difficultatem (ut opinor) notabiliter imminuit. Deinde ad septimam adimus columnam, cui inscriptum erat.

ΠΡΟΑΙΡΕΙΣΘΑΙ ΦΙΝΑΙ Ο' ΕΙΣ, Η ΟΤΙ ΟΥΝ ΑΛΛΟ  
ΚΑΙ ΤΑΤΗ ΣΕ ΕΤΔΑΙΜΟΝΕΙΝ ΝΟΜΙΖΕΣΘΑΙ.

*Hoc est,*

MALLE ID ESSE, QUOD ES, QUAM  
QUID VIS ALIUD ATQUE HAC  
RATIONE TE BEATUM EXISTI-  
MARE.

Hucusque ostensum est, quærenti serio tranquillitatem, vera & propria bona; non falsa & aliena persequenda: idque citra omnem vel orationis, vel mentis elationem, vel obluetationem, cum faciunda sunt providentiæ imperata. Nunc hujus columnæ doctrina vult, nos tantum in hac studiorum ratione retinenda ponere fiduciæ, tantum spei collocare, ut nos tales tantum; non prorsus & ab omni parte beatissimos existimemus. Et contra, eos qui has umbras captant, & cæcis raptantur furoribus, etiam ut ter maximi & felicissimi videantur, esse miseros. Hoc certe primo occurſu videtur, & incredibile. Verum ubi res fuerit penitus excussa, intelligemus licere non solum

—sub paupere festo (quod ait Horatius)

*Reges & Regum vita præcurrere amicos:*

sed etiam dum in custodia & vinculis sumus, per nos stare solos, quo minus maximorum Regum felicitatem superemus; & beati, quoad ejus in hac vita fieri potest, sine dubio simus. Sed non satis est ista scsquipedalibus jactare verbis: fulcienda sunt omnia valentibus & manifestis rationibus. Ad felicitatem eam hominis absolutam, quam Peripatetici definiunt, quamvis bona externa requirantur, minimum tamen est illud, quo natura est contenta, & quod ratio postulat: cupiditas in immensum evagatur. Horatius non possidentem multa beatum vocat, sed

—qui deorum

*Muneribus sapienter uti,*

F f

*Duram*

*Duramque callet pauperiem pati,  
Pejusque leto flagitium timet :*

qui *fortunam laudat manentem : si celeres quatit pennas,  
resignat que dedit, & sua virtute se involvit.* Non sine voluptate mihi lecti sunt illi Virgilii versus de Corycio se-  
ne,

— cui pauca reliſti

*Fugera rursus erant, nec fertilis illa iuvençis,  
Nec pecori opportuna seges, nec commoda Baccho.  
Hic rarum tamen in dumis olus albaque circum  
Litia verbenasque premens, vescuque papaver,  
Regum aequabat opes animis : seraque revertens  
Nocte domum, dapibus mensas onerabat inemptis.*

Quid ? quod & Epicurum ipsum, voluptariæ factionis  
ducem, proditum est fuisse

— Exigui latum plantaribus horti.

Gygi Regum ætatis suæ longe ditissimo (quod est apud Plinium) Delphicum oraculum consulenti, quis esset mortalium felicissimus : secus, ac ille exspectabat, responsum est : Aglaum esse quendam Psophidium senem, qui in angusto Arcadiæ angulo parvum, sed annuis victibus large sufficiens, prædium colebat, nunquam ex eo egressus. Fuit ille haud dubie sorte sua, ut ex vita genere manifestum est, contentus : eoque hoc a minima cupidine accepit beneficii, ut mali minimum in vita experiretur. Et quoniam veritatis professio libera esse debet, dicere aulam, illum & vere, & solum beatum esse, qui his fretus sententiis, se beatum esse iudicat, qui nullius fortunam suam anteponit : imo rite cum Regum quidem aut Monarcharum quovis conditionem suam commutare velit. Hoc autem totum inde est, quod hominem ea sola parte æstimat, qua homo est. At hic mihi dicat aliquis, Si tu in hoc vitæ statu, qui rebus pene omnibus deficitur, mal's is esse qui sis, quam quivis alius, & tuam fortunam sceptris anteponas, ipseque tibi istum ad modum blandiare, delirus videber-

re,

re, & commentitiam quandam beatitudinem ipse tibi solo opinionis errore vindicare. Nam præter te nemo erit in ista sententia: nemo te, præter teipsum, magnificiet: nemo erit, qui non malit se Persarum, Byzantiorum, Gallorum, aut Britannorum Regem esse, quibus quicquid est deliciarum, aut splendoris, superat: quam, cujusmodi tu es, homuncionem, sentum, infirmum, squallidum, indoctum, inglorium, ærumnosum, pannis annisque oblitum. Addatur & illud, non propterea aliquem copiis & opibus affluentem beatum fore, si ipse sibi (ut Croesus fecit) placeat, atque beatus videatur.

DEMETR. Volui profecto ipse istæ tibi objicere, & jam oratio ab animo ad linguam venerat; sed tu has præoccupasti partes.

FLOR. Nihil hinc incommodi accipitur: perinde ac tute proposuisses, respondebo. Hic Seneca responsum suppeditat, *hanc videlicet felicitatis persuasionem nemini esse propriam, aut perpetuam: neminem se assidue felicem existimare, qui non idem sit: & tam denique nobilem possessionem ad indignum dominum devenire non posse.* Nemini perpetuo sua placent (sine quo beatitudo non constat) nisi sapienti. Omnis stultitia laborat fastidio sui, incidit subinde in consiliorum naufragium, & pœnitentias. Et ut stomachus bile redundans facile revo- mit, quod ingestum est: sic stolidis mox tadio esse incipiunt, quæ paullo ante placuerunt. Unde fit, ut tota eorum vita ex alternante satietatum & fastidiorum serie sit confecta. Tuæ rationes hic sunt diversæ. Nam quæ tibi persequenda proposuisti, hoc est, moderatio animi, imperium in affectus, observatio numinis, studium dignitatis & libertatis tuæ, divorum consortio brevi ventura, ejusmodi sunt, ut satietatem aut fastidium sui as- ferre non possunt. Nam corporeæ duntaxat res sunt, quæ superficie dulces quiddam pollicentes falsum animum ad se trahunt: sed mox fraudem mens subodora- tur. Sed nec hic quicquam de vulgi opinione laboran-

dam est: plena sunt omnia errorum, plena cæcitatibus, plena turpitudinum. Nullum contra apertam veritatem valere debet suffragium, nec omnes illi juncti magni sunt æstimandi, quorum singulos stolidos & insanos esse cognoscis. Qui ex errore imperitæ & abjectæ multitudinis pendet, (quotusquisque compertum habet quod sit verum decus?) certe in magnis viris nunquam est habendus. Tu non ad vulgi opinionem, sed ad sapientiæ normas vitam tuam institues, si ad rarum hoc tranquillitatis bonum serio contendis. Non inficiabere, nisi demens sis, infinitis partibus præstare feliciem esse, quam haberi. Jam ut sis, in te situm est: ut habearis, non item. De divite porro isto, & iis, qui vulgo abjectæ felicitatis bractea imponunt, non solum videndum est, quid super mensam, aut in conviviiis inter adulantium turbas & gulæ irritamenta positi, & ad temporis punctum de se, & suarum rerum statu, sed quid perpetuo sentiant. Nam illa cogitationum inter epulas suavitas, quam admiratrix & circumfusa, turba falso capta splendore efficit, brevis quædam est respiratio ab intestinis illis animi curis. Atque ut is sanus non dicitur, cui intermissiones quædam in febribus conceduntur (solent enim morbi intervalla dare) sic nec is felix est, cui pausæ sunt duntaxat aliquot breves agnitionum, quas oblivio, non stabilis animi judicatus attulit. Multi in foro sunt conspicui, quorum vitam tristem demi facit morosa uxor: sic & regno & opibus multa adsunt occulta mala, eaque ingentia, hoc est, sollicitudinum cupiditatumque plurimarum turpissimi & flagrantissimi æstus, quos nulla queat aqua, præter eam, quæ ex sapientiæ fontibus hausta est, extinguere. Et ut res sit apertior, constituamus. Quisnam sit dicendus beatus, quoad in hac vita beatitas homini contingere potest. Is sane est, ut opinor, qui habet (ut brevissime definiamus) *quicquid vult*. Addidit (si probe memini) Augustinus, *et nihil mali vult*. Sed ea accessio profecto non est necessaria. Siquidem qui mala aliqua cupidita-

te illigatur, nunquam fit compos omnium quæ cupit: cum ea sit natura fallacium bonorum, ut sitim animi cruciabiliter exaugeat, non suaviter extinguat. Quid? quod quicumque in parte quavis turpis est, huic nihil veri boni esse potest. Est enim, ut philosophi docte & sapienter definiunt, virtutum nexus adeo necessarius, ut qui una aliqua deficitur, deficiatur & omnibus. Et quamvis satis ex quarta columna liqueat, frustra expletionem animi peti ab externis, eoque neminem illis beatum fieri: quia tamen tu, Demetri, comparisonem quandam attulisti, vulgi opinione nitentem, videamus quæ sit ista beatitudo Byzantii tyranni: hoc est, an sit is contentus sorte sua. Obtinet hodie Ægyptum, Arabiam, Syriam, minorem Asiam, Græciam, Thraciam, Moesiam, Daciam, Illyricum, Dalmatiam, opulentissima regna: unde assidue magnos alit exercitus, & pellicum vim non mediocrem. Nihil oriens, nihil occidens Sol videt, quod ad delicias pertinet, quo careat ille. Verum egeni animi manifesta quotidie dat signa, dum toties Pannonias populabundus ingreditur, quicquid obstat barbarica immanitate ferro ignique, quoad per eum fieri potest, absumens. Nec Pannonius contentus erit, volet sub iugum mittere omnes has Christianas provincias: neque aliam ob causam usque adeo illi arridet hæc nostrorum Regum discordia, quam quod ea potissimum ratione hucusque imperium suum longe lateque propagaverit. Quod si illum tanta gerere dicas metu adactum, ne nostris rebus crescentibus illius opes debilitentur, plane id quod volo confiteris, timoribus & sollicitudinibus perpetuis ferum tyranni pectus exagitari.

DEMET. Carminē nuper laudes Britanniae vestrae descripsisti, in quibus egressu quodam attingis calamitates istas, quæ a Turcis impendent. Fac, quæso, ut & Franciscus audiat quid scripseris. Nemini enim displiciturum id arbitror, nisi cui & Christus ipse non multum placet.

FLOR. Cogis me, Demetri, sæpius aberrare; sed quia res pertinet ad religionem, cuius studium nunquam potest

potest esse immodicum, mos tibi geretur. Certe si Principes nostri probe tenerent ipsi, quid sit, & quam magnum bonum sit Christus, facilius quæ jam tenent regna relinquerent, quam sustinerent, ut sua discordia Christiani ex professio hostis potentia invalesceret. Nostra discordia est, quæ illum vocat: nostra discordia est, quæ illi audaciam facit, quæ illi & vires & arma suppeditat. Ipse pro meo qualicunque in Christianismum studio, dum lanam, quam optimam & plurimam australis Britannix pars, quam Angliam vocant, suppeditat, inter cætera insulæ commoda prædico, & ad quas exportetur gentes ostendo, hujusmodi usus sum excursu:

*Regna foret nimium longum memorare propinqua :  
 Hac se vestit Arabs, & cui rigat arva quotannis  
 Nilus, ab excelso delapsus vertice montis :  
 Qui Libyam longo tractu diffundit adestam.  
 Utitur hac pariter veteris gens culta Damasci,  
 Et Cilicum pubes, Cydno perfusa nitenti :  
 Se tegit hac Thracum genus, & quicumque tyrannum  
 Agnoscunt Scythica facis, cui dudum orientis  
 Imperium nostri discordia contulit orbis.  
 Nunc ne sit simplex dementia, rursus eundem,  
 Qui genus excindat nostrum, nostrosque penates,  
 Viribus armamus nostris, ultroque vocamus.  
 Haud secus ac si enses strictum quis porrigat hosti:  
 Protinus hoc, dicens, ferrum in mea viscera conde,  
 Securi interea nos inter stringimus enses,  
 Et placet ut bellum plus quam civile geratur.  
 Nec nos sacra movent communia, nec pudor ullus,  
 Non socia dura clades, & funera gentis,  
 Non temerata Dei templa immortalis, & omnis  
 Christi extinctus honos: quodque est vel dicere tantum  
 Grande nefas, pietas misere pessundata sensim,  
 Ingenuæque artes expulse, & præmia laudis,  
 Ille ubicunque fuit victor, rerumque potitur.  
 Nec lacryma quondam, quas jam devicta datura est*



Posteritas, frustra queritans pertasa tyranni  
 Crudele imperium, nec non passura libido  
 Barbara quicquid erit savi quodjusserit hostis.  
 Heu! quoties cupient, ut belli auctoribus hujus  
 Sit male, per quos non venienti occurrere damno  
 Est licitum, & primi cursus frenare furoris.  
 Impia tunc dicent hæc arma fuisse, virosque,  
 Nosque sibi nimium male prospexisse nepotes.

Sed quid externos Principes commemorem? Eadem fere sunt & nostrorum studia, qui toti vel diffuentes deliciis, vel inanis gloriæ studio flagrant, usque deque ferunt, quam ærumnosi sint alii, modo illorum cupiditatibus serviatur. Multa hominum millia interdum in unius jactationem impendi oportet; & sæpe falsarum laudum præmium tot orphanorum esuritione, & tot viduarum lacrymis, imo & infantium funeribus est redimendum. Jam hoc videatur, uter sit præstabiliior: illene, qui dummodo cupiditatibus potiatur, pro nihilo habet turpitudinem suscipere, cælum terræ miscere, & magnum humani generis vim perdere: an is, qui vitam ipsam potius ponere velit, quam indecore quicquam facere, & in officii peccare leges. Certe idem qui præstabiliior, est & felicior, quandoquidem felicitas ipsa rerum est præstantissima. Agis Laconicorum Regum ultimus, præter æquum ab Ephoris condemnatus, lictori, ob rei indignitatem, cujus cogebatur esse minister, fletu: *desine ( inquit ) homo meam vicem flere: nam sic præter meritum & jus moriens, melior & felicior sum his qui me occidunt.* Hæc locutus, ipse sibi collum laqueo induit. Quod spectaculum vulgo habetur foedius, quam hominem sic ex vita & communione hominum exterminari? Quod tamen sane pudendum nihil habet, nisi causa aliqua turpis præcedat. Alioquin nihil est haud dubie, nisi vulgaris, idemque turpis error; ad quem si studeamus vitam & mores instituere, non est quod unquam solidam animi requiem exspectemus. Vulgus hic non intelligo pau-

per-

perculam turbam, sed quoscunque, qui illiberaliter sentiunt de virtute, qui magnificiunt ea quæ ad corpus pertinent, & ad vitæ hujus jucunditates. Quocirca quoties tibi oculos perstringet aularum ille fulgor, quoties vides viros principes tam numerosa nobilitatis turba, tam varie tamque nitide vestita, stipatos: ne inanis species te decipiat, scis quid tibi sit faciendum? Expediam: Imminebat quondam Græciæ cum numerofo exercitu (ut Romanarum rerum scriptores produnt) Antiochus. Apparatus varii & copiofi fama jam cunctos attonitos reddiderat: equitum peditumque nubes jactabantur, mare classibus abscondendum, varia item armorum, & inaudita gentium nomina: Medi, Cadusii, Ælimæi, hastati, cataphracti, amphippotoxotæ. Quod conspicatus T. Quintius Romanorum imperator, faceta & perquam familiari similitudine vanos timores discussit: narrans de quodam hospite suo Chalcidensi, convivatore scito admodum & lauto, qui, cum conquistissimis cibus mensæ exstructæ apparerent, interrogatus, unde esset tam multa, & tam varia venatio solstitiali anni tempore. Respondit, omnia mansuctæ suis esse carnem, sed arte & condimentis accepisse ferina speciem tam diversam. Ita, inquit Quintius, in præsentia se habent Antiochi copiae: omnes illa gentes, quarum vos nova nomina terrent, Syri sunt: hoc est, imbellæ & servile hominum genus. Hunc ad modum cogita tu, Principes una cum comitibus, asseclis, & satellitibus, quantumlibet auro radient, aut ferro sint terribiles, quantumlibet fortunæ sint ornamentis conspicui, nisi illa ipsa quæ habent, propter quæ vulgo magni videntur, nihili faciant, omnes Syros, hoc est, nihili esse homines, & nequaquam inter illustres viros referendos. Semper hæc duo in promptu tibi sint, omnem (ut est) hominis præstantiam esse ex animo, & non pendendum esse ex vulgi opinione: quod nisi facias, ad minimam quamque occasionem labasces. Illorum, quos vulgus suspicit ut felices, nemo non intestinis duris laniatur. Species quædam externa lætitiæ in illorum

rum rationibus versatur: sed quia domi non illis nascitur lætitia; hoc est, quia a sapientia & constante ratione non proficiscitur, solida & perpetua esse non potest. Neque enim omnis qui ridet, continuo gaudet. *Levium metallorum* ( ut inquit Seneca ) *fructus in summo est: illa opulentissima sunt, quorum in alto latet vena, assidue plenius responsura fodienti.* Perfunctoriam ergo duntaxat voluptatem præstat hic rerum fulgor exoticus: veram altæ & sapientes illæ animi commentationes. Vis amplius videre, quanto tu personatos istos felices antecedas, si quam descripsimus studiorum rationem fueris secutus? Tu animi sapientia repræsentas, imo & frueris eo, quod illi frustra & laboriosè per omnem vitam quærunt. Te tua delectant, nihil magnopere ambis alienum, conquiescis in illa tenuitate externorum, nulli suas opes invides, neminem propter externa tibi præfers: quod certe non fit sine intestina, eaque & egregia, animi magnitudine. Illorum alius sollicitus est de muliercula, qua cum potitus fuerit, tranquillum se fore sperat. Alius tum clarum se & beatum fore putabit, cum censum suum ad centies sestertium auxerit. Alius nihil sibi amplius fore negotiū credit, ubi sacerdotium fuerit adeptus, supererit enim ( ut videtur ) illud duntaxat, post aliquot horas in templo consumtas, domi dare operam deliciis. Alius ubi ditionem dilataverit, diis proximum se futurum sperat. Et cur hæc omnia moliuntur, nisi ut placide & quiete vitam agant? Illo jam tu frueris, quod illi tot sudoribus quærunt. Illi semper animi pendent, & de crastino sunt solliciti: tu securus omnium, habes in animo opum & suavitatis scaturiginem perennem. Hodie vivis, hodie felix es, & jam temporis transgressus metas, tempus ad te pertinere non arbitraris. Non exspectas, ut fias magistratus, non ut crescat census, non rapit te cæcus aliquis formæ furor. In summa, non exspectas ut sis felix, cum scias non eis rebus, quas illi petunt, sed iis quas jam domi tuæ possides, felicitatem parari. Quanto ergo tu, qui jam portum tenes, & complicatis velis in

optatis sedibus conquiescis, potior illis es, qui undoso etiamdum jactati salo portum nunquam sint inventuri? *Vis scire* (ait Seneca) *quid nos faciat avidos futuri? quia nemo sibi contigit.* Ego tibi omnium opto contemptum, quorum parentes copiam optavere.

*Sensit Alexander, testa cum vidit in illa.*

*Magnum habitatorem, quanto præstantior hic, qui*

*Nil cuperet, quam qui totum sibi posceret orbem,*

*Passurus gestis æquanda pericula rebus.*

Non desunt ex personis illis, qui & agnoscant, & clam etiam fateantur suas misérias, ipsa rationis vi coacti, sed partim superbia naturæ, quæ refugit videri errasse, partim impotentia affectuum, atque consuetudinis vinculis constricti, malunt cum multis turpiter errare, quam cum paucis sapientissime atque felicissime sapere. Nimirum videri, quam esse magni malunt, & intestinorum cruciatuum dant poenas, quia externa hæc immodice adamarere pergunt. Tu interim singillatim expende, quanti tibi sint felicitatis cumuli. Expers es formidinum; expers item conscientiarum. Liber; nemini servis, nisi illi cui omnia serviunt. Conscius es præclarissimi dominatus, dum nihil quicquam ex fortuna pendes, & affectus tuos pro arbitrio dirigis. Timent illi, ne amittant: tu omnia tua tecum, hoc est, in animo circumfers. Bias idem interrogatus, *quid esset omnium in vita maxime ἀφοβόν*, hoc est, intrepidum: *ὁ ἐν ὁμαλῇ νοῦς*, inquit: hoc est, *Mens bene conscia.* Assidue & domesticæ furæ sunt improbis carnifices illæ conscientiæ, quas, ut velint, prorsus deponere non possunt. Et tu, qui vides te nihil turpiter in animo instituere, non tam excellentis rei conscientia exultabis? Exercitus toti olim percelli sunt rerum omnium inopiam, vixerunt herbarum, radicibus, & dictu foedam tulerunt famem pro regno falso & alieno: & id nos non faciemus pro vero & nostro?

*Serviet æternum, qui parvo nesciet uti.*

Quam

Quam abjecta sæpe sunt mancipia, quantum devorant indignitatis, qui istas fortunæ accessiones expectant? Cur sitandum pro alieno arbitrio, vigilandum, adulandum est, & indigna sæpe obeunda ministeria, ut levem aliquam gratiam a fastidioso patrono in eas. Fuit, & mihi aliquando in aula Antistes longe illustrissimus, in cuius fidem ac clientelam juvenis admodum falso splendore captus me contuleram: sed cum vidissem crebro supplicandum esse, & perferenda multa tædia ob nescio quod fortunæ præmium, barbara quadam fortasse superbia ductus, contemsi diutius perferre turpes illas & libero homine indignas molestias, protinusque miseriarum contemnere atque calcare mercedem cœpi. Magno emittitur quod precibus, turpissime quod adulationibus. Cicero *Et gloriæ cupiditatem vitandam dicebat, quod eripiat animi libertatem, pro qua magnanimus omnis debet esse contentio.* Cogit nos illa vivere sub persona, & ut supplices simus, & ut alienos sumamus vultus, dum timemus deprehendi tales quales sumus. Multa tamen interea incidunt, quæ nos denudent, & ut bene cedat tantæ sui diligentia ne deprehendatur, certe, ut ait Seneca, *neque juvenunda, neque secuta est vita sub persona viventium, Et ad alienos se nutus accommodantium.* Neque hic libet commemorare, quam indignæ sint illæ servitutes amorum, & quam abjecta atque damnosa res sit *tristes Amyllidis iras, atque superba pati fastidia.* Breviter omnis sordidus affectus nos ad turpem & eandem miseram adigit servitutem: commentatio sapientiæ, & fortunarum, atque adeo corporis contemptus, nos rerum efficit dominos. Proinde ne verbis quidem consequar, quantum insit voluptatis, cum quis sibi videt adesse eam animi vim, & ut non modo hujus vitæ luxum ac fastum, atque omnia quæ vulgus admiratur, contemnat: sed etiam nihil quicquam animo concidat, imo exsurgat potius, si sibi vel in præsentia moriendum intelligat. Sed nescio quomodo nunquam sumus contenti domestico animi testimonio; sed semper quarimus externas laudes. Si res ipsa

*Duramque callet pauperiem pati,  
Pejusque leto flagitium timet :*

qui fortunam laudat manentem : si celeres quatit pennas,  
resignat quæ dedit, & sua virtute se involvit. Non sine vo-  
luptate mihi lecti sunt illi Virgilii versus de Corycio fe-  
ne,

— cui pauca relicti

*Jugera ruris erant, nec fertilis illa juvençii,  
Nec pecori opportuna seges, nec commoda Baccho.  
Hic rarum tamen in dumis olus albaque circum  
Litia verbenasque premens, vescumque papaver,  
Regum æquabat opes animis : seraque revertens  
Nocte domum, dapibus mensas onerabat inemptis.*

Quid ? quod & Epicurum ipsum, voluptariæ factionis  
ducem, proditum est fuisse

— Exigui latum plantaribus horti.

Gygi Regum ætatis suæ longe ditissimo (quod est apud  
Plinium) Delphicum oraculum consulenti, quis esset mor-  
taliū felicissimū : secus, ac ille exspectabat, responsum  
est : Aglaum esse quendam Psophidium senem, qui in angusto  
Arcadiæ angulo parvum, sed annuis victibus large sufficiens,  
prædium colebat, nunquam ex eo egressus. Fuit ille haud  
dubie sorte suæ, ut ex vitæ genere manifestum est, conten-  
tus : eoque hoc a minima cupidine accepit beneficii, ut  
mali minimum in vitâ experiretur. Et quoniam veritatis  
professio libera esse debet, dicere aulam, illum & vere,  
& solum beatum esse, qui his fretus sententiis, se beatum  
esse judicat, qui nullius fortunam suam anteponit : imo  
ne cum Regum quidem aut Monarcharum quovis con-  
ditionem suam commutare velit. Hoc autem totum in-  
de est, quod hominem ea sola parte æstimat, qua homo  
est. At hic mihi dicat aliquis, Si tu in hoc vitæ statu,  
qui rebus pene omnibus deficitur, malus is esse qui sis,  
quam quivis alius, & tuam fortunam sceptris anteponas,  
ipseque tibi istum ad modum blandiare, delirus videbe-

re,

re, & commentitiam quandam beatitudinem ipse tibi solo opinionis errore vindicare. Nam præter te nemo erit in ista sententia: nemo te, præter teipsum, magnificiet: nemo erit, qui non malit se Persarum, Byzantiorum, Gallorum, aut Britannorum Regem esse, quibus quicquid est deliciarum, aut splendoris, superat: quam, cujusmodi tu es, homuncionem, sentum, infirmum, squallidum, indoctum, inglorium, ærumnosum, pannis annisque oblitum. Addatur & illud, non propterea aliquem copiis & opibus affluentem beatum fore, si ipse sibi (ut Croesus fecit) placeat, atque beatus videatur.

DEMETR. Volui profecto ipse istæ tibi objicere, & jam oratio ab animo ad linguam venerat; sed tu has præoccupasti partes.

FLOR. Nihil hinc incommodi accipitur: perinde ac tute proposuisses, respondebo. Hic Seneca responsum suppeditat, *hanc videlicet felicitatis persuasionem nemini esse propriam, aut perpetuam: neminem se assidue felicem existimare, qui non idem sit: & tam denique nobilem possessionem ad indignum dominum devenire non posse.* Nemini perpetuo sua placent (sine quo beatitudo non constat) nisi sapienti. Omnis stultitia laborat fastidio sui, incidit subinde in consiliorum naufragium, & poenitentias. Et ut stomachus bile redundans facile revomit, quod ingestum est: sic stolidis mox tædio esse incipiunt, quæ paullo ante placuerunt. Unde fit, ut tota eorum vita ex alternante satietatum & fastidiorum serie sit confecta. Tuæ rationes hic sunt diversæ. Nam quæ tibi persequenda proposuisti, hoc est, moderatio animi, imperium in affectus, observatio numinis, studium dignitatis & libertatis tuæ, divorum consortio brevi ventura, ejusmodi sunt, ut satietatem aut fastidium sui afferre non possunt. Nam corporeæ duntaxat res sunt, quæ superficie dulces quiddam pollicentes falsum animum ad se trahunt: sed mox fraudem mens subodoratur. Sed nec hic quicquam de vulgi opinione laboran-

dum est: plena sunt omnia errorum, plena cæcitatibus, plena turpitudinum. Nullum contra apertam veritatem valere debet suffragium, nec omnes illi juncti magni sunt æstimandi, quorum singulos stolidos & insanos esse cognoscis. Qui ex errore imperitæ & abjectæ multitudinis pendet, ( quotusquisque compertum habet quod sit verum decus? ) certe in magnis viris nunquam est habendus. Tu non ad vulgi opinionem, sed ad sapientiæ normas vitam tuam institues, si ad rarum hoc tranquillitatis bonum serio contendis. Non inficiabere, nisi demens sis, infinitis partibus præstare feliciem esse, quam haberi. Jam ut sis, in te situm est: ut habearis, non item. De divite porro isto, & iis, qui vulgo abjectæ felicitatis bractea imponunt, non solum videndum est, quid super mensam, aut in conviviiis inter adulantium turbas & gulæ irritamenta positi, & ad temporis punctum de se, & suarum rerum statu, sed quid perpetuo sentiant. Nam illa cogitationum inter epulas suavitas, quam admiratrix & circumfusa turba falso capta splendore efficit, brevis quædam est respiratio ab intestinis illis animi curis. Atque ut is sanus non dicitur, cui intermissiones quædam in febribus conceduntur ( solent enim morbi intervalla dare ) sic nec is felix est, cui pauzæ sunt duntaxat aliquot breves agnitudinum, quas oblivio, non stabilis animi judicatus attulit. Multi in foro sunt conspicui, quorum vitam tristem demi facit morosa uxor: sic & regno & opibus multa adsunt occulta mala, eaque ingentia, hoc est, sollicitudinum cupiditatumque plurimarum turpissimi & flagrantissimi æstus, quos nulla queat aqua, præter eam, quæ ex sapientiæ fontibus haurita est, extinguere. Et ut res sit apertior, constituamus, Quisnam sit dicendus beatus, quoad in hac vita beatitas homini contingere potest. Is sane est, ut opinor, *qui habet* ( ut brevissime definiamus ) *quicquid vult*. Addidit ( si probe memini ) Augustinus, *et nihil mali vult*. Sed ea accessio profecto non est necessaria. Siquidem qui mala aliqua cupiditate



te illigatur, nunquam fit compos omnium quæ cupit: cum ea sit natura fallacium bonorum, ut sitim animi cruciabiliter exaugear, non suaviter extinguat. Quid? quod quicumque in parte quavis turpis est, huic nihil veri boni esse potest. Est enim, ut philosophi docte & sapienter definiunt, virtutum nexus adeo necessarius, ut qui una aliqua deficitur, deficiatur & omnibus. Et quamvis satis ex quarta columna liqueat, frustra expletionem animi peti ab externis, eoque neminem illis beatum fieri: quia tamen tu, Demetri, comparisonem quandam attulisti, vulgi opinione nitentem, videamus quæ sit ista beatitudo Byzantii tyranni: hoc est, an sit is contentus sorte sua. Obtinet hodie Ægyptum, Arabiam, Syriam, minorem Asiam, Græciam, Thraciam, Moesiam, Daciam, Illyricum, Dalmatiam, opulentissima regna: unde assidue magnos alit exercitus, & pellicum vim non mediocrem. Nihil oriens, nihil occidens Sol videt, quod ad delicias pertinet, quo careat ille. Verum egeni animi manifesta quotidie dat signa, dum toties Pannonias populabundus ingreditur, quicquid obstat barbarica immanitate ferro ignique, quoad per eum fieri potest, absumens. Nec Pannoniis contentus erit, volet sub iugum mittere omnes has Christianas provincias: neque aliam ob causam usque adeo illi arridet hæc nostrorum Regum discordia, quam quod ea potissimum ratione hucusque imperium suum longe lateque propagaverit. Quod si illum tanta gerere dicas metu adactum, ne nostris rebus crescentibus illius opes debilitentur, plane id quod volo confiteris, timoribus & sollicitudinibus perpetuis ferum tyranni pectus exagitari.

DEMET. Carminē nuper laudes Britanniaē vestrae descripsisti, in quibus egressu quodam attingis calamitates istas, quæ a Turcis impendent. Fac, quæso, ut & Franciscus audiat quid scripseris. Nemini enim displiciturum id arbitror, nisi cui & Christus ipse non multum placet.

FLORE. Cogis me, Demetri, sæpius aberrare; sed quia res pertinet ad religionem, cujus studium nunquam  
potest

potest esse immodicum, mos tibi geretur. Certe si Principes nostri probe tenerent ipsi, quid sit, & quam magnum bonum sit Christus, facilius quæ jam tenent regna relinquerent, quam sustinerent, ut sua discordia Christiani ex professo hostis potentia invalesceret. Nostra discordia est, quæ illum vocat: nostra discordia est, quæ illi audaciam facit, quæ illi & vires & arma suppeditat. Ipse pro meo qualicunque in Christianismum studio, dum lanam, quam optimam & plurimam australis Britannix pars, quam Angliam vocant, suppeditat, inter cætera insulæ commoda prædico, & ad quas exportetur gentes ostendo, hujusmodi usus sum excursu:

*Regna foret nimium longum memorare propinqua :  
 Hac se vestit Arabs, & cui rigat arva quotannis  
 Nilus, ab excelso delapsus vertice montis :  
 Qui Libyam longo tractu diffindit adustam.  
 Utitur hac pariter veteris gens culta Damasci,  
 Et Cilicum pubes, Cydno perfusa nitenti :  
 Se tegit hac Thracum genus, & quicumque tyrannum  
 Agnoscunt Scythica facies, cui dudum orientis  
 Imperium nostri discordia contulit orbis.  
 Nunc ne sit simplex dementia, rursus eundem,  
 Qui genus exscindat nostrum, nostrosque penates,  
 Viribus armamus nostris, ultroque vocamus.  
 Haud secus ac si enses strictum quis porrigat hosti:  
 Protinus hoc, dicens, ferrum in mea viscera conde,  
 Securi interea nos inter stringimus enses,  
 Et placet ut bellum plus quam civile geratur.  
 Nec nos sacra movent communia, nec pudor ullus,  
 Non sociæ dura clades, & funera gentis,  
 Non temerata Dei templa immortalis, & omnis  
 Christi extinctus honos: quodque est vel dicere tantum  
 Grande nefas, pietas misere pessundata sensim,  
 Ingenuæque artes expulse, & præmia laudis.  
 Ille ubicunque fuit victor, rerumque potitur.  
 Nec lacrymæ quondam, quas jam devicta datura est*

Posteritas, frustra queritans pertasa tyranni  
 Crudele imperium, nec non passura libido  
 Barbara quicquid erit savi quodjusserit hostis.  
 Heu! quoties cupient, ut belli auctoribus hujus  
 Sit male, per quos non venienti occurrere damno  
 Est licitum, & primi cursus frenare furoris.  
 Impia tunc dicent hæc arma fuisse, virosque,  
 Nosque sibi nimium male prospexisse nepotes.

Sed quid externos Principes commemorem? Eadem fere sunt & nostrorum studia, qui toti vel diffuentes deliciis, vel inanis gloriæ studio flagrant, usque deque ferunt, quam ærumnosi sint alii, modo illorum cupiditatibus serviatur. Multa hominum millia interdum in unius jactationem impendi oportet; & sæpe falsarum laudum præmium tot orphanorum esuritione, & tot viduarum lacrymis, imo & infantium funeribus est redimendum. Jam hoc videatur, uter sit præstabiliior; illene, qui dummodo cupiditatibus potiatur, pro nihilo habet turpitudinem suscipere, coelum terræ miscere, & magnum humani generis vim perdere: an is, qui vitam ipsam potius ponere velit, quam indecore quicquam facere, & in officii peccare leges. Certe idem qui præstabiliior, est & feliciior, quandoquidem felicitas ipsa rerum est præstantissima. Agis Laconicorum Regum ultimus, præter æquum ab Ephoris condemnatus, lictori, ob rei indignitatem, cujus cogebar esse minister, flenti; desine ( inquit ) homo meam vicem flere: nam sic præter meritum & jus moriens, melior & feliciior sum his qui me occidunt. Hæc locutus, ipse sibi collum laqueo induit. Quod spectaculum vulgo habetur foedius, quam hominem sic ex vita & communione hominum exterminari? Quod tamen sane pudendum nihil habet, nisi causa aliqua turpis præcedat. Alioqui nihil est haud dubie, nisi vulgaris, idemque turpis error; ad quem si studeamus vitam & mores instituire, non est quod unquam solidam animi requiem exspectemus. Vulgus hic non intelligo pauper-

perculam turbam, sed quosunque, qui illiberaliter sentiunt de virtute, qui magnificiunt ea quæ ad corpus pertinent, & ad vitæ hujus jucunditates. Quocirca quoties tibi oculos perstringet aularum ille fulgor, quoties vides viros principes tam numerosa nobilitatis turba, tam varie tamque nitide vestita, stipatos: ne inanis species te decipiat, scis quid tibi sit faciendum? Expediam: Imminebat quondam Græciæ cum numeroso exercitu (ut Romanarum rerum scriptores produnt) Antiochus. Apparatus varii & copiosi fama jam cunctos attonitos reddiderat: equitum peditumque nubes jactabantur, mare classibus abscondendum, varia item armorum, & inaudita gentium nomina: Medi, Cadusii, Ælimæi, hastati, cataphracti, amphippotoxotæ. Quod conspicatus T. Quintius Romanorum imperator, faceta & perquam familiari similitudine vanos timores discussit: narrans de quodam hospite suo Chalcidensi, convivatore scito admodum & lauto, qui, cum conquistissimis cibus mensæ exstructæ apparerent, interrogatus, unde esset tam multa, & tam varia venatio solstitiali anni tempore. Respondit, omnia mansuctæ suis esse carnem, sed arte & condimentis accepisse ferinæ speciem tam diversam. Ita, inquit Quintius, in præsentia se habent Antiochi copiae: omnes illa gentes, quarum vos nova nomina terrent, Syri sunt: hoc est, imbelles & servile hominum genus. Hunc ad modum cogita tu, Principes una cum comitibus, asseclis, & satellitibus, quantumlibet auro radient, aut ferro sint terribiles, quantumlibet fortunæ sint ornamentis conspicui, nisi illa ipsa quæ habent, propter quæ vulgo magni videntur, nihili faciant, omnes Syros, hoc est, nihili esse homines, & nequaquam inter illustres viros referendos. Semper hæc duo in promptu tibi sint, omnem (ut est) hominis præstantiam esse ex animo, & non pendendum esse ex vulgi opinione: quod nisi facias, ad minimam quamque occasionem labasces. Illorum, quos vulgus suspicit ut felices, nemo non intestinis duris laniatur. Species quædam externa lætitiæ in illorum

rum

rum rationibus versatur: sed quia domi non illis nascitur lætitia; hoc est, quia a sapientia & constante ratione non proficiscitur, solida & perpetua esse non potest. Neque enim omnis qui ridet, continuo gaudet. *Leuium metallorum* ( ut inquit Seneca ) *fructus in summo est: illa opulentissima sunt, quorum in alto latet vena, assidue plenius responsura fodienti.* Perfuntoriam ergo duntaxat voluptatem præstat hic rerum fulgor exoticus: veram altæ & sapientes illæ animi commentationes. Vis amplius videre, quanto tu personatos istos felices antecedas, si quam descripsimus studiorum rationem fueris secutus? Tu animi sapientia repræsentas, imo & frueris eo, quod illi frustra & laboriose per omnem vitam quærunt. Te tua delectant, nihil magnopere ambis alienum, conquiescis in illa tenuitate externorum, nulli suas opes inuides, neminem propter externa tibi præfers: quod certe non fit sine intestina, eaque & egregia, animi magnitudine. Illorum alius sollicitus est de muliercula, qua cum potitus fuerit, tranquillum se fore sperat. Alius tum clarum se & beatum fore putabit, cum censum suum ad centies sestertium auxerit. Alius nihil sibi amplius fore negotii credit, ubi sacerdotium fuerit adeptus, supererit enim ( ut videtur ) illud duntaxat, post aliquot horas in templo consumtas, domi dare operam deliciis. Alius ubi ditionem dilataverit, diis proximum se futurum sperat. Et cur hæc omnia moluntur, nisi ut placide & quiete vitam agant? Illo jam tu frueris, quod illi tot sudoribus quærunt. Illi semper animi pendent, & de crastino sunt solliciti: tu securus omnium, habes in animo opum & suauitatis scaturiginem perennem. Hodie vivis, hodie felix es, & jam temporis transgressus metas, tempus ad te pertinere non arbitraris. Non expectas, ut fias magistratus, non ut crescat census, non rapit te cæcus aliquis formæ furor. In summa, non expectas ut sis felix, cum scias non eis rebus, quas illi petunt, sed iis quas jam domi tuæ possides, felicitatem parari. Quanto ergo tu, qui jam portum tenes, & complicatis velis in

opratīs sedibus conquiescis, potior illis es, qui undosō etiamdum jactati salo portum nunquam sint inventuri? *Vis scire* (ait Seneca) *quid nos faciat avidos futuri? quia nemo sibi contigit.* Ego tibi omnium opto contemptum, quorum parentes cōpiam optavere.

*Sensit Alexander, testa cum vidit in illa.*  
*Magnum habitatorem, quanto praestantior hic, qui*  
*Nil cuperet, quam qui totum sibi posceret orbem,*  
*Passurus gestis aquanda pericula rebus.*

Non desunt ex personis illis, qui & agnoscant, & clam etiam fateantur suas miseras, ipsa rationis vi coacti, sed partim superbia naturæ, quæ refugit videri errasse, partim impotentia affectuum, atque consuetudinis vinculis constricti, malunt cum multis turpiter errare, quam cum paucis sapientissime atque felicissime sapere. Nimirum videri, quam esse magni malunt, & intestinorum cruciatuum dant poenas, quia externa hæc immodice adamarē pergunt. Tu interim singillatim expende, quanti tibi sint felicitatis cumuli. Expers es formidinum; expers item conscientiarum. Liber; nemini servis, nisi illi cui omnia serviunt. Conscius es præclarissimi dominatus, dum nihil quicquam ex fortuna pendes, & affectus tuos pro arbitrio dirigis. Timent illi, ne amittant: tu omnia tua tecum, hoc est, in animo circumfers. Bras idem interrogatus, *quid esset omnium in vita maxime ἀποβον*, hoc est, intrepidum: ἐπὶ δὲ σωτὴς τοῖς, inquit: hoc est, *Mens bene conscia.* Assidue & domesticæ furæ sunt improbis carnifices illæ conscientiæ, quas, ut velint, prorsus deponere non possunt. Et tu, qui vides te nihil turpiter in animo instituere, non tam excellentis rei conscientia exultabis? Exercitus toti olim perpressi sunt rerum omnium inopiam, vixerunt herbarum radicibus, & dictu fœdam tulerunt famem pro regno falso & alieno: & id nos non faciemus pro vero & nostro?

*Serviet æternum, qui parvo nesciet uti.*

Quam

Quam abjecta sæpe fiunt mancipia, quantum devorant indignitatis, qui istas fortunæ accessiones expectant? Cur sitandum pro alieno arbitrio, vigilandum, adulandum est, & indigna sæpe obeunda ministeria, ut levem aliquam gratiam a fastidioso patrono ineas. Fuit, & mihi aliquando in aula Antistes longe illustrissimus, cujus fidem ac clientelam juvenis admodum falso splendore captus me contuleram: sed cum vidissem crebro supplicandum esse, & perferenda multa tædia ob nescio quod fortunæ præmium, barbara quadam fortasse superbia ductus, contemsi diutius perferre turpes illas & libero homine indignas molestias, protinusque miseriarum contemnere atque calcare mercedem coepi. Magno emittitur quod precibus, turpissime quod adulationibus. Cicero & gloria cupiditatem vitandam dicebat, quod eripiat animi libertatem, pro qua magnanimis omnis debet esse contentio. Cogit nos illa vivere sub persona, & ut supplices simus, & ut alienos sumamus vulnus, dum timemus deprehendi tales quales sumus. Multa tamen interea incidunt, quæ nos denudent, & ut bene cedat tanta sui diligentia ne deprehendatur, certe, ut ait Seneca, neque jucunda, neque secuta est vita sub persona viventium, & ad alienos se nutus accommodantium. Neque hic libet commemorare, quam indignæ sint illæ servitutes amorum, & quam abjecta atque damnosa res sit *tristes Amaryllidis iras, atque superba pati fastidia*. Breviter omnis sordidus affectus nos ad turpem & eandem miseram adigit servitutem: commentatio sapientiæ, & fortunarum, atque adeo corporis contemptus, nos rerum efficit dominos. Proinde ne verbis quidem consequar, quantum insit voluptatis, cum quis sibi videt adesse eam animi vim, & ut non modo hujus vitæ luxum ac fastum, atque omnia quæ vulgus admiratur, contemnat: sed etiam nihil quicquam animo concidat, imo exsurgat potius, si sibi vel in præsentia moriendum intelligat. Sed nescio quomodo nunquam sumus contenti domestico animi testimonio; sed semper quærimus externas laudes. Si res ipsa

clauderet dubitationem, an sapiens fortunæ contentus res sit longe præstantissima, prudentiæ esset, ad sapientum confugere consilia. Sed sunt hæc nostra omnia, quæ de animi magnitudine nobis dicta sunt, luce illustriora: quare nihil opus est ut externum excellentiæ nostræ testimonium requiramus, si aperte videmus nobis illum, quem tantopere laudamus, mentis adesse vigorem. Cato in Libycis illis arenis neglexit Ammonis adire oraculum, dum ait,

*Quid quæri, Labiene, jubes? an liber in armis  
Occubuisse velim potius, quam regna videre?  
An noceat vis ulla bono? fortunaque perdat  
Opposita virtute minas? laudandaque velle  
Sit satis, & nunquam successu crescat honestum?  
Scimus, & hoc nobis non alius inseret Ammon.*

Laudabiliora sunt sane omnia quæ sine venditatione, quæ sine populo teste fiunt: nec ullum est virtuti theatrum conscientia majus. Principes & duces, qui propter res gestas etiamdum sunt celeberrimi, fere gloriam mercedem rerum gestarum spectabant. Jam cum longe præstantior sit victoria, jure seipsum & affectus suos vincere, quam alios per injuriam superare: tu si contempta aliorum prædicatione, conscientia præclararum rerum contentus, assidue honestum colueris, ipsos omnium gentium victores longo intervalllo superaveris: longe enim majoris laudis res est, totam illam affectuum conspirationem labefactare & perfringere, quam ab aurora ad Gades orbem sub jugum mittere. Pulchre dictum est Plutarcho, *amaterem sine teste gaudere amica: & avarum cum solus est, nummos non sine voluptate contemplari in arca.* Ex quo facile colligitur, ineptos nos esse, si pulcherrimarum rerum conscientia non simus contenti. Nunquam sane desunt & superi spectatores, quibus placere multo amplius nobis curæ esse debet, quam hominibus vel sapientissimis. Sed ne diutius hic laboremus, illud breviter statuendum est, nunquam illum vere laude esse dignum, qui

humanæ



humanæ laudis sit admodum appetens. Cavendum est item, ut supra dixi, laudis studium: eo quod quoties videri, atque laudari studes, ponis quodammodo cum superbo illo dæmone sedem tuam in aquilone, & altissimi exæquationem quandam impie affectas. His ergo rationibus beatus fies, & talis erit animi tui status, qualis est mundi supra Lunam, ubi semper est serenum, & ut aleyones avium genus in mediâ etiam hieme, cum turbulentissimæ sunt tempestates, perinde degunt, atque tranquillum esset mare: ita tu sapientis animi beneficio fortunæ sævitia minime conturbaberis: imo a tuo quodam fonte tibi perpetuo fluent rivi quidam solidarum voluptatum perennes, quibus copiose atque suaviter animus irrigetur.

**DEMETR.** Ergo & tu tandem voluptates persequendas statues?

**FLO R.** Non facio, Demetri, sed statuo eas res persequendas, unde voluptates existunt, non quæ mentis lumen extinguant, & ex homine pecudem faciant, sed quæ juvent & perficiant rationem, quæ sunt homine dignæ, imo quæ sunt illi cum divinis communes, & illi divinitatis similitudinem atque excellentiam tribuant.

**DEMETR.** Næ ille merito gaudet, qui se cernit ad eam animi dignitatem, quam sapientia largitur, pervenisse: veruntamen ut quis se magnum aut beatum existimet, videtur pugnare cum sapientium præceptis, qui proprium hoc esse superbiæ aut stultitiæ statuunt, *Sibi placere*. Quid? quod & columna quædam tua magnopere hoc cavendum dixit, *Ne quis de se magnifico sentiat*.

**FLO R.** Sibi placere dicuntur, qui ob aliquod fortunæ, vel corporis bonum, vel ingenii dotes, aliis anteferi postulant, cæterosque quodammodo despiciunt. Sed is, quem nos lætum esse volumus de rebus suis, nemini se opponit: contemni pro nihilo habet: fortunæ, aut corporis dotes suas non esse putat. Hoc maxime nomine magnum se credit, si sibi minimus, quamlibet etiam ingenii dotibus excellat, videatur. Scit omnia ex Deo esse,

esse, eoque illi omnia accepta refert. Neque enim hoc in modestiæ ratione positum est, ut ignores tibi adesse divina munera: quin potius magni sunt illa faciunda, sic tamen ut magnitudinis laus omnis illius esse intelligatur, unde illa oriuntur. Neque tu homines contemnis, sed apertas hominum, quod omnino licet facias, turpitudines. Miseraris illorum errores, & quam maxime cupis participes esse divini illius muneris, propter quod tu, ut populariter loquar, in domino gloriaris. Quid? quod qui sibi stolide placet, necesse est, propter eas, quas supra attulimus, rationes, ut idem sibi ipsi sæpissime displiceat. Nos autem de durabili & perpetua quadam quiete loquimur, quæ sane cadere non potest nisi in sapientem. Inde est, quod conquiescunt nunquam, propterea quod superbia omnis ex aliquo insipientiæ genere nascatur. Videtis jam, ut & hæc columna nihil difficile contineat, cum nihil animo carius, gratius, aut suavius esse debeat, quam cernere seipsum quam præstantissimum, & quam felicissimum. Tandem ad octavam, quæ ultima fuit, columnam est perventum: cuius hæc erat Epigraphæ, & quidem multiplex, ut mihi visa est:

ΜΕΛΕΤΗ, ΟΜΙΛΙΑ, ΚΑΙ ΜΑΛΙΣΤΑ ΦΥΛΑΤΤΕΣΘΑΙ  
ΑΠΟ ΕΑΥΤΟΥ.

*Quæ sunt,*

**EXERCITATIO, CONVERSATIO, ET  
POTISSIMUM CAVERE A SEIPSO.**

Præceptiones omnes, quantumlibet salutare sint, & appositæ ad dirigendam vitam, usus nisi adhibeatur, sunt supervacaneæ. Quorsus cubiculi parietes tecti citharis & testudinibus, quarum nullus sit futurus usus? Dictum est nobis supra nonnihil de consuetudinis potentia, quapropter conveniet ut hic breves simus. Si eas res (ut hinc principium faciamus) quas inviti patimur, vel suscipimus, parvi temporis usus faciles reddit: quid aliud, quam summa facilitas illic expectanda est, ubi rem aliquam gerendam ex animo susceperis? At jam nobis su-

pra

pra constitutum est, oportere unicuique adesse flagrans sui perficiundi desiderium, & rationibus item vel luce ipsa clarioribus ostensum est, cur id, & quomodo fieri oporteat. Ergo hoc tantum restat, ut vires periclitemur, & præclaram hanc bene, hoc est, honeste vivendi scientiam ad actionem ipsam proferamus. Nota nobis & patefacta est via: nobis proficisci certum est: jam quod valetudinem causari non possimus, nullum est negotium commonstrare. Quod vitæ genus est tam vel periculosum, vel ærumnosum, ac nautarum? Et tamen cernere est plerosque, quos nullis blanditiis ab eo vitæ instituto deducas. Qui in triremibus vincti remigant, & qui in custodias dantur, primis diebus indignabundi sunt, & insigniter tristes: postea temporis & usus beneficio eodem videas ad æquanimi-  
tatem quandam perductos. Gladiatores barbari, ac perdit homines, quas perferunt in arena plagas, ubi pugiles castibus confusi ne ingemiscunt quidem: inexercitati vero etiam ex levi ictu turpissimos edunt ploratus. Venatores in montibus inter nives pernoctant, & se interdiu uri patiuntur. De Libycis feris proditum est, alio translatis, etiam cum maxime ferveret æstas, quamvis uberes adsint aquæ, bibere non solere: hieme contra potare largius, eo quod in arenis illis sitientibus, ubi educatæ fuerant, æstate aquæ, ut quæ defecerat, non essent adsuætæ.

*Quid magis est durum saxo, quid mollius unda?*

*Dura tamen molli (ut ait Ovid.) saxa cavantur aqua.*

Silices, si Plinio fidem habemus, alicubi formicarum pedibus detriti inveniuntur. Ferrum ipso usu splendet, situ contra & rubigine exeditur. Sed ut rerum sit conclusio, ΜΕΛΕΤΗ (quod proverbium est) τὰς ἀδύνας hoc est, *Nihil est tam arduum, quod non assiduitate & pertinacia superetur, & ad familiaritatem perducatur.* Nulli sunt tam feri (ait Seneca) affectus, qui disciplina non perdomentur. Alii nunquam risere, alii venere, alii vino, alii omni humore interdixere corporibus. Didicerunt alii tenuissimis

simis & adversis funibus currere, & ingentia, vixque humanis toleranda viribus, onera portare: alii in immensam altitudinem demergi, ac sine ulla respirandi vice perpeti maria: Multa item sunt alia, in quibus pertinacia impedimentum omne transcendit, ostenditque, nihil esse difficile, cujus sibi mens ipsa patientiam indixerit. Πολλὰσι πλῆγαις θεὸς τερά διαμάζει: hoc est, *Crebris ictibus & rigida quercus domatur*. Demosthenem balbum natura fecerat, neque poterat primam artis, cui studebat, literam pronuntiare: sed industria usque adeo omnia naturæ impedimenta vicit, ut oratorum Græciæ longe princeps sit ab omnibus habitus. Convertamus ergo sapientiæ præcepta in usum, & cum tanta sint proposita præmia, hoc est, divina quædam nostri excellentia, nos non pigeat eum suscipere laborem, qui sæpe ob nihili res plerisque toleratur. Cum geniis nostris bellum geramus, & qui toties turpiter succubuimus, periclitemur tandem quid sit vincere. Coerceamus libidines. Contemni vel amemus, modo non subsit turpitudinis causa: & cum adversum aliquid accidet, complectamur illud libenter, tanquam materiam oblatam, in qua animi vires exerceamus, & nos ipsos magnos & præstantes efficiamus viros. Non inepte sane nos ad doctrinæ usum Thebanorum exemplo cohortatur Plutarchus: hi, cum semel Lacedæmonios antea invictos habitos vicissent, nunquam sunt postea ab iisdem superati. Et sane pro fervore usus in periclitandis viribus, accelerabitur illa facilitas, quam præstat habitus: quandoquidem & a philosophis acute disputatur, an una aliqua actio possit habitum generare. Vultis scire quid faciatis interea, dum sapientiæ commentationes in mores traducitis? Philosophamini. Hoc enim est vere, re ipsa & serio, non verbo tenuis philosophari. Hanc philosophandi operam semel susceptam ad extremum tueri vos conveniet, si vere homines esse velimus.

*DEMETR.* Ergo sententia tua, omnibus promiscue est philosophandum. At ipse arbitrabar, eos esse  
philo-

philosophos, qui in utriusque linguæ studiis ea gratia sint versati, ut sciant & possint de moribus, atque de omni natura differere: quod tu vitæ institutum mihi delegisse videris.

*F L O R.* Ejusmodi homines, si non tam oratione, quam vitæ actione inclusam animo sapientiam populis demonstrant, hominum genus sunt haud dubie longe præstantissimum. Sin palam affectibus indulgeant, philosophastri sunt, imo hominum nocentissimi, ut quibus inspiciendis vulgus facilius corrumpatur, dum a doctrinæ nomine turpitudine aliquid auctoritatis accipit. Philosophiæ pars maxime utilis, est ars vitæ. Quamobrem, ut indignum in primis est, aliquem, qui se grammaticum profitetur, barbare loqui: ita turpissimum est, vivendi artem profitentem in vita delinquere. Diogenes *hosce similes eorum esse* dicebat, *qui pictas caricæ pro veris elegissent.* Neque tamen ex turpitudine quorundam, qui in literis versantur, fas erit vituperare philosophiam. Non enim omnes agri, qui coluntur, sunt frugiferi. Atque ipsa se tibi multo ante inanem fore denuntiat, nisi ex studiorum umbra in actionum palæstram prodeas. Sed quid hic dicendum est de illis, qui divinitatis imitationem quandam singularem professi, & qui se pene divorum loco esse volunt, doctrina vel nulla, vel adulterina sunt exculti: & pessimis vitæ exemplis sceleratum turbæ, ad nefaria semper tendentis, cursum adjuvant? Itaque tu tum te oratorem optimum esse puta, cum tibi ipsi quod oportet persuaseris: tum philosophum item, cum tibi studes, & quas de honesto animo tenes præceptiones, in mores transfundis. *Nenne id flagitium est* (ait Menedemus) *te aliis consilium dare, fors sapere, tibi non posse auxiliari?* Siquidem alimenta quamdiu in sua qualitate perdurant solida, & in stomacho innatantia, onera sunt; mutata, in sanguinem & vires abeunt: ita quæ legimus concoquenda sunt, ut non tam in memoriam, quam in mores abeant. *Quantum ergo profeceris, non tam oratione, aut calamo, quam cupiditatum imminutione* (ut ait Seneca)

*est faciundum.* Si gloriarum videlicet refrixit ardor, libidinibus minus indulges, si auri fames est sedata, si te contemni non tam quam solebas gravate fers. Hæc signa sunt animi per philosophiam jam sanati, aut certe ad sanitatem magno gradu properantis. Hic philosophiæ & studiorum fructus est uberrimus, si nos indies meliores fieri sentiamus, si animus assidue tum moderatior, tum purgator redditur. *Oves (ut pulchre Epicteto dictum est) non revomendo quam esitaverint herbam, sed carne succulenta, copioso lacte, atque lana, commonstrant pastori, quam lata fuerint pascua in quibus errarint: ita nos non ambitiosis disputationibus, aut epistolis, quæ Ciceronis facundiam redolegant, vel libris, qui Aristotelis præferant acumen: sed constanti potius totius vitæ modestia ostendere debemus, in quibus & quam gravibus studiis simus versati.* Hujus usus qui rudis est, etiam quamvis sexcentos Aristoteles, & totidem Platones ac Cicerones devorarit, non magis habendus est philosophus, quam is citharædus, cui multa sit cithararum copia, aut musices lectio, citra illam pulsandi peritiam. Et contra, qui sapientiæ præceptis utitur, ut faber sit, vel agricola, haud dubie philosophus est. Imo idiota, si Christi & celestium rerum amore corripitur, theologus est egregius. Hoc si desit, in subtilissimis de divinis rebus versatum esse disputationibus nihil quicquam confert. Eum, qui nihil præter aridam & sterilem cognitionem elicit ex lectione longa, non inepte quidam similem dixit pictoris, qui formosæ mulieris lineamenta, colorem diligenter observat, ut depingat duntaxat: & contra rudem illum ejusmodi studiorum, qui tamen serio pius est, cum referre ait, qui subito ut formosam vidit, citra subtiliorem inspectionem totus est in amorem abreptus. Itaque hoc quod philosophari (quod est sapienter vivere) dixi, est vere hominem agere. Hoc ergo more philosophari commune est omnium qui se homines profiteri audent. Curiosior rerum explicatio forte poscit, ut hic nonnihil dicatur de eis viribus, quæ assuefactionis sunt capaces. Sunt enim quædam facultates, quas frustra

ad

ad obedientiam condocere tentes, cuius generis sunt, vis concoctrix, aut expultrix, aut appetentia illa alimentii. Nulla sane industria efficias, ut non velut latret stomachus, cum alimento deficitur. Et pertinet hæc fere ad illam animam, quæ populariter Vegetativa dicitur. Sensuum functiones etsi naturales sunt, (videt enim oculus naturaliter cum in luce coloratum aliquod est admotum) admotio tamen rerum convenientium est in arbitrio hominis, vel saltem intermissio functionis: cum integrum sit, oculos claudere, atque aures obstruere, etiam post res admotas: intellectus item naturaliter assentitur sententiis illis, quarum veritas est evidens: potest tamen voluntas alio convertere cogitationem: potest item eadem sibi quodammodo imperare. Omnis ergo animæ vis habitu imui potest, cuius functio nostri est arbitrii atque spontis. Aristoteles appetitui animali rationem civiliter præfectam esse statuit, eo quod illius motus etiam invicis nobis exoriantur: admittunt tamen (ut nobis supra ostensum est) disciplinam: quapropter & ille virtutum est particeps, & habitibus quibusdam, nunc pravis, nunc studiosis inficitur. In corporis membra idem, quantum ad motus usum attinet, animo tribuit herile imperium: quapropter jure vituperamur, si illis seclerate abutimur. Ubi merum largius haustum est, non est in potestate nostra, ne sequatur ebrietatis aliquid, eo quod jam ventum sit ad functiones prorsus naturales, & quæ sunt vegetatricis facultatis: prius tamen integrum erat, poculum non ori admove, aut admotum non exhaurire. Verum hæc disputatio tantæ utilitatis non est, ut sit hic commorandum: maxime cum typographica officina calami nostri celeritatem prævertat: quo fit, ut transcurrenda sint etiam quæ videantur necessaria. Convertamus ergo nos alacriter ad præceptorum usum, ut præclaræ istæ voluntates possint aliquando nos ad habitum firmitudinem perducere. *οὐ λείπει* (inquit Euripides) *τῷ κἀναρῶσι σὺν αὐτῷ θεῷ* hoc est, *Laboriose adnitentes Deus libens adjuvat.* Apud eundem est, ut nemo unquam

quàm clarus evaserit voluptatibus, & vitæ hujus deliciis. ἀλλ' οἱ πόνοι τίς ποτε τῶν δυνάμεων. quod est, *Labores sunt quibus claritudo paratur.* Si qua in parte nos præclare dedimus, laboris molestia abit, honesti decus est æternum. Contra, si turpiter aliquid nobis designatum est, voluptas quam petebamus actutum evanescit, inusta macula perpetuo, nisi studiorum fiat mutatio, adhærescit. Unde non possum satis admirari voluptariorum ineptiam, qui volunt ex præteritarum voluptatum recordatione in animo nasci quandam suavitatem. Quod si de corporis deliciis accipiendum est, Quæ, quæso, mihi voluptas inde existere possit, cum mihi in mentem venit stultitiæ meæ, & quam turpiter fuerim deceptus, dum pro rebus umbras amplecterer? Quin contra est, hoc singulare animo gaudium affert, cum se videt facillime semper contemnere ea, ad quæ vulgus incautum impotenter abripitur: se nusquam decipi, sed constante quodam judicio parvifacere ea, quorum species imponit vulgo. Penetrat nimirum in intimas partes, & videt solidi nihil subesse: vulgus in superficie consistit, nec cernit lulum & sordes, quæ sub pulchre depicto tectorio latent. Profuerit item non mediocriter in hoc philosophandi studio, si quis quotidie a seipso pensum aliquod eruditionis, tanquam prædagogus aut magister exigat: secumque ita cogitet: “Quomodo philosophatus sum hodie? quid didici? quem vici impetum animi? restitine libidini? toleravine patienter injuriâ? Si fecisse sentit, gaudeat, sibi caput demulceat: pomo, quod pueris, cum probe dictata reddiderint, sit, se donet: ipse sibi dicat, “Laudo, vir es, perge: sic tamen, ut laus illa omnis ejus esse intelligatur, a quo uno laudis omnis ratio manat. Sin lapsus se sentit, erubescat, ipse se objurget, neque increpandi sui finem faciat, donec ipse sibi polliceatur in posterum se fortem, frugi virum futurum. Conducet item, ut ipso mane, quotidie cum exsurgitur, Deo prius religiose adorato, sibi ob oculos unusquisque ponat, quæcunque possunt accidere: siue illa  
sunt



sint voluptatum irritamenta, sive dolorum cruciatus: atque ita secum ratiocinetur: "Hodie fortasse in eum  
 "locum sum venturus, ubi personæ tam affabre formatae  
 "erunt, ut pro rebus probent, ubi faces sint incendendæ  
 "libidinum, ubi nihil denique non erit illecebrarum.  
 "Quid faciam? abstinebo, philosophabor, tuebor dignitatem meam. Fieri item potest, ut hodie a me distrahantur carissimi, ut compilata sit arca, imo ut ipse  
 "ad carcerem, adeoque & ad mortem abducatur. Quid  
 "faciam? philosophabor, reddam dictata, generose perferam, re ipsa major ero illis omnibus, qui miserum esse putant quicquam, ubi turpitudine abest: illustreis animi specimen divis ipsis spectantibus dabo. Debet sane animus se in hisce rebus cogitandis pervolvere, ut nihil sit inopinatum: hac enim ratione paratur securitas, dum adversus omnem casum provisâ atque præparata sunt remedia. Demosthenem proditum est solitum adire statuas, & ab ipsis aliquid petere. Interrogatus, *cur id faceret*; respondit, *ea ratione se discere, non commoveri, si quando ab hominibus non impetraret quod peteret.* Sunt hæc quidem, quæ commemoravi virtutis tirocinia minime spernenda: in quibus & illud diligenter memoriæ mandandum est, ut, dum irritant externæ rerum species ad libidinem, celerrimus sit rationis occursus, neque concedamus otium, ut illecebræ prius animi aditus occupent, quam ratio sapientiæ præceptis meatus obstruat. Cum formam aspicias insignem, statim in promptu sit, persona est, & diarii decoris hos; luctum est, speciosa bractea crustatum. Nam si ejusmodi cogitationes prompte non se proferant, sauciat interm animus, & tacite venenum quoddam suave in eundem inspiratur, invalescit mentis caligo, & res ad perniciem tendit, & invitius postea, & laboriosius mala gaudia deseris. Similiter item est in terroribus, si non protinus sapientiæ scutum corripis, res apparent impatibiles. Itaque

*Principiis obsta: sero medicina paratur,  
 Cum mala per longas convaluerint moras.*

ubi

Ubi ad tempus aliquod hoc modo te gerere consueveris, admirabilis erit rerum ex dexteritate hac extemporali suavitas. Deinde illud videndum est, ut convictores probos deligamus. Tales enim fere evadimus, quales sunt illi quibuscum vivimus. Ex Theognide citat illud Aristoteles, ἐδῶν μὲν γὰρ ὁ πρὸς ἐδῶν. hoc est, *De probis probitatem discas*. Nullus fere locus est, qui non sit flagitiosorum vestigiis impressus. Improbis omnia redundant, nec minus animorum quam corporum morbi (quod multis exemplis Plutarchus ostendit) in nos imprudentes transfunduntur. Itaque (ut ait Seneca) *non tam valetudini prodest utilis regio & salubrius cælum, quam animis parum firmis in turba meliorum versari*. Nam & belluæ multum nativæ feritatis ex eo, quod cum hominibus convivunt, deponunt. Atque, ut qui in Sole versantur, colorem ex eo ducunt, quamvis non propterea ad Solem prodierint: sic bonorum convictus semper nobis vel non sentientibus probitatis aliquid affricabit. Si cum locum diligenter vitamus, ubi pestilens sit aer, qui corpus inficit: quanto majore cura ea declinanda sunt loca, & cavendæ societates, unde nihil præter morum corruptelam exspectandum est? Multi boni, etiam ut ad exempla cohortationes addantur, ægre unum aliquem improbum poterunt ad frugem revocare. Quid ergo tum usu venire verisimile est, ubi improbitas ab infinitæ multitudinis exemplo confirmatur? Natura nos finxit pronos ad imitanda prava, eoque nihil pene turpe ducimus, quod vulgo factitari videmus. Fraude alteri imponere, labefactare alienam pudicitiam, famam commaculare, ferociter ulcisci injurias, vel per nefas augere peculium, nos non pudet. At cur quæso? Non sane propterea, quod audeamus palam profiteri illa non esse mala: sed quia passim ita fit. eoque non veremur, ne nobis illa vitio vertantur, quasi ex hominum opinione pendendum esset, aut vulgi manifestus error æternæ rerum dignitati præjudicare posset. Multum igitur solliciti esse debemus in deligendis illis, quibuscum vivamus,

mus, aut quos nobis intuendos atque imitandos proponimus. Dispeream si sæpe vel unciam hominis in iis reperias, qui non modo Christiani sed etiam Dii pene terreni videri postulant. Ut in hac parte sint conspicui, in illa turpissime se dabunt. Semper ergo cum illis versabimur, qui nos reddere possunt meliores, aut quibus nos nostra opera utiles esse possimus. Fugiendi sunt maxime omnes licentiosi coetus, spectacula ludicra, convivia lascivorum, imo & privatæ societates, unde labis aliquid nobis aspergi possit. Quid dementius est, quam eos quærere, qui corrumpant, cum in illos passim incidamus? Et quotusquisque est, qui egressus ad turbas & convivia, non deterior domum redeat, quam domo sit egressus? Animis jamdudum studiose vitæ usu roboratis multum est periculi ab ista nostra stultitia, quæ in luxu & apparatus relucet. Quid ergo lucri hic infirmis, & iis qui ne per somnium quidem quid virtus sit viderunt, esse possit? Verum animus paullo compositior, ne tum quidem, cum fuitiles illas lætities aspicit, philosophari atque fructum capere intermitteret. Perpendet, quam ridiculum sit vulgus, & quam abjectum, quod tam levibus rebus delectetur: augebit & confirmabit institutum suum, & ex stultitia aliena sapientiæ fructum colliget. Si tales non sumus, ut postquam curis vitæ necessariis sumus fessii, animum recreare possimus, formosæ hujus machinæ contemplatione, aut evolvendis annalibus, ad ea nos animi laxamenta conferamus, a quibus nihil sit prorsus mentis integritati periculi. Inambulandum est cum prudentibus, loquendum item de rebus utilibus, sales vacent tum turpitudine, tum offensione, omnis vitæ usus in animo inclusam moderationem resipiat. Ex usu fortasse erit id, quod a Seneca in scriptis relictum est, ut fingamus semper nobis adesse virum aliquem gravem, factorum, imo & cogitationum inspectorem, Catonem aliquem, Scipionem, aut Lælium, quo præsentem delinquere erubescamus. Præstat tamen, si tantum apud te auctoritatis & reverentiæ est virtuti, ut ipse

te sine teste vereare, ipse te eum efficias, quo spectante peccare non audeas. Tum sane pædagogum dimittas licebit, ut qui jam in sapientum atque magistrorum ordinem sis cooptatus. Quod si populi dux & doctor es, vix licet ut te in angulum abdas, nisi ad tempus, dum sacris commentationibus das operam. Discat non tam ex sermone, quam ex moribus tuis vulgus vivere: alioqui, dum te abdis, das aliquam occultæ turpitudinis significationem. O felices eos, quorum ea est vitæ ratio omnis, ut ea lucem non reformidet! Verum illud longe splendidius est, eam tibi cogitationum puritatem & dignitatem esse perpetuam, ut vel fronte pingi quicquid cogites non recuses, qui pectoris tui arcanis patefactis admirabilior existeres. interim Seleni in morem neglectus. Cum contra alii sint, qui foris niteant: animus, qui verus homo est, si acutis & puris luminibus cerneretur, conspueretur ab omnibus. Salutares sane sunt hæ, & magnificæ, cupiditatis frenandæ rationes. Sed ea longe est præstantissima, quam religionis suppeditat doctrina, de vitanda turpitudine ob eam præcipue causam, ne illi (hoc est, Deo) displiceamus, a quo uno nobis est omne quod placet. Huc pertinent & auctores, qui nobis legendi sunt. Si de his, qui extra religionem sunt, sit sermo: si non tam linguam expolire, quam animum virtute collocupletare cupitis, nostra quidem sententia ex Græcis legendi sunt Plato, Plutarchus, Xenophon: ex Latinis Cicero & Seneca. Naturæ rerum arte & methodo tradit Aristoteles. Plinius naturæ historiam singulatim, & citra illam doctrinæ methodum copiose conscripsit. Sed nos morum disciplinam in præsentia quærimus. Ex nostris veterum scripta sunt anteponenda, spirant enim germanum quiddam in Christianismo, & erudita quadam simplicitate nituntur. Methodum tamen sæpe in iisdem desidero. Recentioribus, qui sunt innumeri, & methodus quædam est, & acuminis sane plurimum: sed magna est rerum jejunitas, & sæpissime in ludicris & frivolis ambitiose ostentant ingenium.

um. Si quando illis sacra tractantur, nullæ sunt flammæ, nullus impetus orationis, quo incendatur ad rerum amorem lector. Ex uno prope Aristotele barbarè intellecto, omnis illorum commentatio est composita. Primi ætatis gradus mihi consumti sunt in illorum captiunculis discendis: cujus utinam temporis bona pars utriusque linguæ studiis impensa fuisset. Ex ea incuria video me defici eis præsiidiis, quæ necessaria sunt illi, qui feliciter in literarum tractatione versari velit. Placent sane & illi, qui nunc nobis præ manibus sunt, Franciscæ, Augustini de civitate Dei libri. Erasmus Roterodamus vir fuit felicissimi ingenii, tenacis memoriæ, & plurimæ lectionis, doctissimus utriusque linguæ, qui si plusculum philosophiæ imbibisset, & paullo accuratior fuisset in Romani sermonis puritate, nihil neque nostra, neque superiora secula vidissent, quod sit cum illius scriptis ( ut equidem arbitror ) conferendum. Singularis plane est, & in civilibus, & in Christianis moribus fingendis artifex. Non sine voluptate menses abhinc aliquot vidi hic Lugduni Gulielmum Pagetum, potentissimi Anglorum Regis legatum, ætate quidem juvenem, sed ingenio atque sapientiæ maturum: fuit ille totus demersus in lectionem Senecæ, eo unice delectabatur: quod certe argumentum est solidissimi iudicii, quandoquidem Seneca auctor est undecunque gravissimus. Sed immensi operis res esset de singulis quid sentias pronuntiare. Omnia cum lustraveris, ex solis sacris literis est solida lectionis utilitas. Fac tibi esse sexaginta reginās, octoginta concubinas, & adolescentulas quarum non sit numerus: hoc est, ut tibi sint omnes & eruditionis & facundiæ opes, quas profani scriptores suppeditant: unica tamen sacrarum literarum commentatio debet esse *columba tua, perfecta tua, unica matri suæ, & electa genitrici suæ.* Rossensis Britannus Antistes, vir in theologicis studiis doctissimus, & si non magistratui, illius etiam studio ( ut plerisque placere video ) contumacius restitisset, virtutis exemplar absolutum, mihi.

dum Londinum aliquando ex Gallia proficisceretur, se invifenti confessus est, *se magnopere admirari, quid sibi vellet ea in re divina providentia, quod Lutherani aliquot longe felicissime enarrarent sacras literas, & tamen essent hæretici.* Sed harum rerum judicium vincit facultatis meæ vires. Nobis Ecclesiæ auctoritas semper plurimi est facienda. Sed jam tempus est, ut cohibeamus hanc evagationem : præsertim cum de sacris nobis mox dicendum sit. Illud nunc videamus, cur omnium maxime nobis sit a nobismetipsis cavendum. In promptu ratio est, quod nemo nisi a seipso lædatur. Nihil essent incursiones hosticæ, aut impressiones quamlibet graves, nisi intra nos essent inclusi hostes domesticæ, qui foederibus quibusdam perpetuis, una cum iis qui nos extrinsecus oppugnant, in nostram perniciem conjurarunt. Latent in nobis immanes cupiditatum belluæ, a quarum feritate nisi caveamus, continuo discerpemur. Etenim in lucis hujus limine nobis hausta sunt illa Circes pocula, unde est crebra hæc ex hominibus in belluas metamorphosis. Inveniunt sæpe ad quod exiliant eædem : quod dum immodice faciunt, ipso nos exitu strangulant. Tractandæ erunt ergo singulari arte atque dexteritate. Per itineris causam equo insidentes, labascenti subinde & ad tumulos offendere solito, frenum majore cura, maxime si salebrosus sit iter, adducimus. Militiæ cum vicinus est hostis ; domi item cum furum imminet fraus, aut latronum manus, excubatur diligentius. Cum rimosa est navis, sentina purgatur crebrius : & semper quo periculum propius adest, hoc studiosius providetur, ne quid damni accipiatur. Quid ergo hic nobis faciendum est, ubi non solum circum, sed etiam intra nos hostes sunt positi, quos neque arcere vallo, neque castris exigere detur ? Una nobiscum perpetuo vivunt, ad extremos usque rogos : prorsus debellare aut exterminare eosdem, facultatis nostræ non est ; placare & mitiores reddere, res est non tam ovationis quam justitriumphæ. Si per tesqua & silvas, ubi noxiæ laterent feræ, nobis iter faciendum esset, quanta nobis cautio esset,

esset, ne quando præda fiamus belluis: & cum intra nos concludantur multo truculentiores, non multo studiosius vitabimus? Dant hæc quidem intervalla, sed rara, quod & febres solent, & quoad ostensa sit præda, leves & mansuetæ apparent. Socrates in Phædro dicit, *se velle seipsum considerare, utrum bestia sit aliqua Typhone multiplicior, ardentior & furiosior*, (fuit Typhon ex Titanum gente vir in primis crudelis, ex cujus cruore venenatas animantes procreatas esse fabulis proditum est) *an placatus quiddam & simplicius animal, & divinæ cujusdam mitisquo sortis particeps*. Si vultis hæc familiarius explanari, sic habete. Cōspicis magnam pecuniæ vim, variam & pretiosam supellectilem, numerosum servitium divitis alicujus: mox ex latebris erumpit cupiditatis lupo ad prædam. Cernis venustæ mulieris formam & charites: hic sus libidinis bellua expergiscitur, & ad fructum furiose festinat. Affectus tibi videris injuria, aut damnum ab aliquo accepisse: hic leo ex lustris exilit, & se ad ultionem magno cum rugitu parat. Contrahis cum alio aliquid, in quo fidei integritas sit præstanda: hic fraudulenta vulpes se admiscebit, & sui commodi gratia fallaciam facere volet. Est in te dos aliqua, aut saltem tibi ita videtur, quæ non sit vulgaris vel ingenii vel corporis: hic pavo caudam suam gloriose admirabitur, & conspici atque laudari volet. Præripuit tibi alius lucrum, aut in laude aliqua tibi est antepositus: hic canis, qui non fert prædæ participem, aut solitarius erithacus, indignabitur. Offeret se difficultas, aut periculum aliquod gravius in præstando officio: hic cervus, aut lepus terga dare volent. Sunt & aliæ plurimæ, quæ omnes sollicitæ sunt, clathris sepiendæ, imo in perpetuis habendæ vinculis, nisi malimus ab iisdem in vinculis haberi. Externi hostes non possunt nobis nostra adimere bona. Hæc belluæ in animi recessibus abditi nos sapientia, moderatione & virtutibus spoliare non intermittunt; Quisquis fuit, qui, cum solum quendam, nescio quid secum loquentem, conspexisset, dixit, *Cave ne*

*cum malo homine colloquaris*, sapientissime & sensit, & locutus est. Siquidem in hoc bello tum difficili, tum perpetuo, non una est insidiarum aut insultus ratio. Nam leonum iræ grassantur apertius, & posito vel temporis beneficio impetu animi, ipsi ad speciem incolumitatis sponte nostra redimus. Sed blandientes libidinum & laudum Sirenes, hyenarum instar, quæ sermonem mentientes (dictū mirum) humanum, & pastorum inter stabula nomen ediscentes, evocatos pastores eosdem dilacerant, nos sub amica quadam specie perpetuo decipiunt, imo, ipsi nos decipiunt, neque vel cum nobis ipsis verum dicere sustinemus. Dubitatis? Fidem vobis faciet quotidianus usus, & ipsa experientia ostendet perennitatem insidiarum, quas ipsi nobis struimus: quas tamen, quia cum nobis ipsis perpetuo versamur, imo propter assiduitatem minus versamur, hoc est, nostri curam negligimus, non satis animum advertimus. Hoc quomodo fieri ac deprehendi possit, attendite. Phryne Atheniensis insigni forma meretrix Praxitelem statuarium præstantissimum (ut Pausanias tradit) a quo amabatur, rogavit, ut quod esset artis & ingenii sui opus eximium sibi donaret: assensus est ille quidem, & promisit, optionem atque electionem illi permittens. Verum quum sensisset illa Praxitelem dissimulare quod esset eximium, subornavit servum, qui Praxiteli, dum domo fortasse abesset, incendium domesticum nuntiaret, quo tamen non omnia conflagrassent. Tum Praxiteles tantum percontatus est, an Satyrus & Cupido illæsi superessent: unde constabat, de cæteris illum non magnopere laborasse. Mox Phryne occurrens omnia salva domi esse nuntiavit: & cum ea ratione quod esset artificiosissimum deprehendisset, Cupidinem abstulit. Sed quorsus hæc? dicetis. Cum abripimur citra aliquam certam industriam, & permittitur sibi mens in cogitationes aliquas ire, superveniamus nobismetipsis incautis, & expendamus, quibus rebus volutandis & versandis animus oblectetur. Imo si scire cupis, quam laute aut fru-



frugaliter se habeat aliquis tibi vicinus in victu, oportet ut citra invitationem aliquam inopinato supervenias discumbenti. Et quid tandem inveniemus? Nos videlicet semper in eis versari cogitationibus, quæ vel ad lucrum, vel ad gloriam, vel voluptatem aliquam denique nostram pertineat: quæ quidem ut non sit proprie nostra, satis est, quod nos attingat utcunque. “Ille prædicat, “jam magnus apparebo. Ex hac vel illa re nomen meum “perveniet ad Principem. Illa, cujus gratiam exambio, si “hoc mihi contingat, me magnificiet. Hujus rei ubi potiens ero, jucunde vivam. Inter homines mei ordinis “hac ratione primus habebor. Scotorum delector laudibus, vituperatio offendit. Si Christiani junctis viribus “duos aut tres conficiant exercitus, quorum unus per Panonios ad Byzantium contendat omnium fortissimus; “alius navalis Ionium teneat mare, & Bosporum Thracium obsideat: certius in Syriam exponatur, aut Ciliciam. O utinam Cæsar in cælum, aut ad inferos abeat! Quid mea interest? aies. Et Scorus sum ipse, & qualiscunque Christianus, qui nisi essem, aliter institueretur cogitatio. Et mihi verisimile fit, alios consimilibus pulsari cogitationibus. Usque adeo vigilat hæc nostra *gignantia* perpetuo, ut sese quo jure, qua injuria magnificet & extendat sollicita. Quomodo ergo hic tuebimur nosmetipsos a nobismetipsis? Excubet memoria, promte se exerat ratio, & sibi dicat unusquisque: “O quanto formosior esses, si tibi formosus non viderere! “Non te præ pudore abscondis, qui hominibus, cum nihil sis, videri aliquid postulas? Quam bella res est “stolidis aut meretricibus placere cupere? Quid superbis terra & cinis? Ad quam fragiles spes confugias, “cum opes vel hominum gratiam laboriose captas, “non vides? *Dominum Deum tuum adorabis, & illi soli servies.* Hujusmodi sane sententiis comprimenda est atque mitiganda belluarum nostrarum feritas. Verum subito simul atque intermiserit ratio hujusmodi castigationibus uti, statim redeunt ad ingenium bellæ, &

Natu-

*Naturam expellas (ut ille ait) furca, tamen usque recurret:* pristinus revenit cogitationum, pene velim nolim, modus: & semper libentius privatas cupiditates in animo verso, quam ea, quæ ad verum decus, vel immortalis Dei gloriam pertineant. Debet ergo unusquisque nostrum sibi in se perennes denuntiare inimicitias, & secum bellum gerere sempiternum, seipsum perpetuo excutere, excitare, admonere. Nam

*Neglectis urenda filix innascitur agris.*

Et fortasse hoc est odium animæ nostræ, si eam salvam cupimus, quod in Evangelio præcipitur. Ad hoc præcipue videndum est, quæ in nobis ferarum omnium maxime sit indomita: ad eam cicurandam potissimum est incumbendum, sive leo ea sit, sive lupo, sive denique sus: hoc est sagacissime odorandum est, quo maxime se efferat ingenii pravitas, & in ea parte confirmanda (quod & urbium propugnatores solent in locis infirmioribus) maxime est elaborandum: in nosmetipsos (ut inquit Seneca) inquiramus, nunc accusatoris, nunc judicis, nunc deprecatoris denique fungamur partibus, nec nosmetipsos subinde offendere vereamur.

**DEMETR.** Et aliis adsunt suæ feræ, quemadmodum & nostræ nobis.

**FLOR.** Quid tum? Duplicatur quidem ea ratione bellum, non extinguatur. Et, quanquam semper nobis plus est a nostris, quam alienis feris timendum: bella tamen & tumultus inde oriuntur, dum ad communem, vel opum, vel honorum, vel amorum denique prædam magnis concertationibus atque odiis a singulis inhiatur. Et tu ergo ipse fera es, & quicumque tibi circumfusi sunt, etiam ut sapientissimi appareant, feras in pectore gestant. Videas (fateor) multos, qui prorsus cicures videantur, quorum sermo suavissimus, aspectus amicus, & qui tibi se omnia obsecuturos polliceantur: sed istud tantisper durabit, dum non ostensa erit præda, ad quam eos sua potissimum fera proripiat. Dic esse for-  
didos,

didos, & parce facere sumtum: nihil dicent, nam fortasse non adeo benignitatis laude delectantur. Dic esse ignobiles, aut stolidos, vel quod ab illis est serio adamatum laedere vel abripere coneris: mox se commonstrabit illa vel iracundiæ, vel arrogantia, aut alicujus alterius generis fera. Non domita est illa quidem, sed coercita paullisper paullo metu aut pudore, interea dum interesse visum non est, prodiret, necne. Nam & serpentes pestiferæ, dum frigore rigent, tuto tractantur: sic non semper nos, sed cum adfunt instrumenta, & est occasio, nequitiam nostram explicamus. Alium videas virginalem quandam verecundiam præferentem, sed quæ mox sit in lasciviam abitus, si remotis testibus libidinis potiundæ fiat copia. Alius modeste de se loquetur, & gloriæ studium etiam editis voluminibus detestabitur, in hoc tamen fortasse scriptis, ut quam repudiare videtur claritatem acquirat. Non ergo credendum est frontibus: multiforme animal homo est, fuci plenum: frontis & animi, linguæ & pectoris rara est concordia. Quapropter ex Aristotelis sententia perniciosissimum animantium est improbus homo, eo quod rationis atque ingenii armis sit instructus, quibus facile abutitur ad potiundum ea, quæ scelerate concupiscit. Ergo non tam cum in turba sumus, quam cum soli, ipsi nobis semper diligentissime observandi sumus, ne nos ferarum istarum necessarius convictus ad tranquillitatis sedes contendentes in ipso itinere crudeliter dilaniatos detineat, aut remoretur.

Hujusmodi (ut opinor) est inscriptionum intelligentia, ex qua deprehendi philosophum illum, quem de principio Democriticæ arbitrabar fuisse factionis, eruditius fuisse institutum, & ad Socraticam deflexisse doctrinam. Ab eo rerum cursu mihi visus sum subire templum ipsum, in quo inerat incredibilis rerum tum species, tum suavitas. Triumphum ex fortuna egeram, mortis ademptus erat metus, pavi meipsum contemplatione naturæ, securus aspexi mortalium vulgus, quod ad eas ædes, in quas ipse jam ingressus eram, per sentes,  
per

per anfractus, & per devia quædam loca, quæ tamēn prima fronte amœna videbantur & plana, frustra contenderet. Et quem non ad felicem illam tranquillitatis arcem perducatur flagrans & constans perficiendi sui studium? in eo maxime, qui intelligit, quæ sint sua, & vera bona, omnemque hominis dignitatem esse ex animo: qui intrinsecus quærit requiem: qui non pendet ex opinione vulgi: qui sponte præstat, quod necessario est faciendum: quem non pœnitet suæ fortis in hac rerum excellentia: & qui denique tam cautus est in vitæ usu, ut a nemine diligentius, quam a seipso (cum nemo nisi a seipso lædatur) caveat. Verum in tanta bonorum ubertate atque copia, ut ingenue quod verum est fatear, desiderare tandem aliquid cœpi, atque subvereri, ne non esset ille verus & summus perfectæ tranquillitatis locus.

*FRANC.* In tanta bonorum Hiade, quod aiunt, quid fuit ulterius expectandum? Vide ne a præceptis illis, quæ columnis inscripta erant, aberraveris, nondumque plene cupiditates frenare didiceris, & tua ipsius culpa ex tranquillo in scopulum sis delatus. Num te senex ille in fraudem induxit, aut falsa aliqua spe complevit? Vide ne ingratus sis adversus eum, cujus ope ex fluctibus in portum es convectus. Ejus doctrinam si ut mancarn traduxeris, omnes philosophorum familiæ tibi litem intendent.

*FLOR.* Seni me plurimum debere fateor: quandoquidem nulli adeo felix contingit natura, ut citra sapientiæ præcepta ad tranquillitatem perveniat. Sed quæ fuerit fluctuationis meæ causa vobis propediem explicabo. Vos quæso, ut adhuc attente fecistis, ita quæ reliqua sunt audiat. Senex, ubi inductus eram, aliorum digredi mihi velle visus est: cum ego apprehensum per humanitatem denuo obsecro, ut qui superessent in animo scrupos stirpitibus eximeret, & beneficium, quod magnum me ab eodem accepisse confitebar, accessione quadam cumlaret. Tum ille, quid vellem exponere iussit. Ipse continuo hunc in modum sum verba exorsus:

“Tua

“Tua in me merita ingentia esse, venerande senex, ut  
“negare non possum, ita libenter agnosco. Verum cum  
“ingenui animi sit, ei cui multum debeas, plurimum  
“etiam velle debere, non dubitavi in præsentia paullo  
“fortasse confidentius te alio divertentem remorari, ut  
“beneficium hoc magnum, cuius fundamenta jam per  
“te jacta sunt, tua etiam opera sit absolutum. Multa  
“sane est in hoc templo tranquillitatis species; sed ani-  
“mum meum habent hæitationes quædam de rebus cer-  
“te non levibus; quæ nisi tollantur, animo tranquille  
“conquiescere non possum. Voluntatem tibi non deesse  
“ad præstandum quod volo, satis mihi declaravit jam  
“usu ipso mihi compertus humanitatis tuæ candor. Fa-  
“cultatem autem ut non minorem esse credam, efficit  
“ista quam sustines sapientiæ professio, quæ hoc susci-  
“pere ac polliceri videtur, ut veritatis notionem omni-  
“bus eam studiose quærentibus communicet. Hæitati-  
“ones autem hujusmodi sunt: Non inficior ipsa argu-  
“mentationum tuarum vi hucusque me permotum esse,  
“ut valde in eam sententiam propendeam, quæ procu-  
“rationem rerum omnium Deo tribuit, atque animo-  
“rum statuit immortalitatem. Sed quia pene tota do-  
“ctrinæ structura his nititur fundamentis, cupiunt ple-  
“nius quiddam aures meæ. Nam collectiones tuæ non  
“adeo lucidæ visæ sunt, ut nihil contra dici possit. Por-  
“ro ad tranquillitatem opus omnino mihi videtur certis-  
“sima quædam rerum tum spes, tum agnitio. Cur tan-  
“tam ingenii nostri caliginem esse voluit Deus, ut no-  
“bis clare videri non possit, quid de nobis post brevem  
“hanc vitam futurum sit: superfuturusne sit in æter-  
“num ævum; aut mox interiturus animus? Et, si super-  
“est, quo erit illi commigrandum, & quomodo sit ha-  
“bendus? Multo enim magis nostra interesse videtur  
“harum nos rerum animo & scientia compotes esse,  
“quam vel discursus siderum, vel naturæ vires, vel di-  
“sciplinarum demonstrationes ad unguem callere. Cer-  
“te nuda illa virtutis dignitas, ut sit egregia, ad tran-  
“quil-

"quillitatem tamen conficiundam per se non fatis effi-  
 "cax & idonea videtur. Nisi enim adsit commentatio  
 "illa naturæ proprium hominis munus, semper manca  
 "est nostra conditio, & deficitur præcipua sui parte. Et  
 "quidem virtus una cum doloribus consistere potest:  
 "cogitationes vero sapientiæ non item. Nunc vero cum  
 "vita hæc variis sit doloribus & ærumnis obnoxia, qui-  
 "bus a nobili illa commentandi ratione avocamur, quam-  
 "diu hic vivitur: si anima semel efflata non superest, lu-  
 "dibrio a natura haberi videmur, qui in eum conditi-  
 "sumus finem, quem nunquam finimus affecuturi. Stoici  
 "fortasse hic me mollem aut iniquum dicent, qui non  
 "juxta habeam non fuisse, & non fore, & qui non ad  
 "me solum instans quoddam interjectum punctum per-  
 "tinere arbitrer: contendunt hoc esse mortalem immor-  
 "talium conditionem postulare, cupere aliquem, ut  
 "quacunque sui parte sit superstes. Flere prohibebunt,  
 "atque ita demum animo cadentem fulcient:

"Desine fata deum flecti sperare precando.

"O macram consolationem! A natura scilicet ad tu-  
 "multus duntaxat hosce, & turpitudines, atque iniqui-  
 "tates constructi sumus? Sane si quis est ea animi æqui-  
 "tate, vel duritia, potius præditus, ut eodem loco ha-  
 "beat, non fore, & non fuisse, nec ejus oculi æternita-  
 "tis viriditate rapiantur, nec quicquam hisce rerum te-  
 "nebris offendantur, gaudeat ille suo illo bono, me cer-  
 "te rivalem non est habiturus. Cur id faciam, si requi-  
 "ris: si aliud non occurret quod afferam, quanquam  
 "plurima non desunt, cum Socrate dicam, *ἐναρξίστης τὸ*  
 "*δαίμονιον*, Sed jam faciamus constare animos esse sem-  
 "piternos, & rem esse extra omnem controversiam.  
 "Hic proxinus se offert alia sollicitudo non mediocris:  
 "omnino verisimile est supplicium fumendum de iis,  
 "qui officium, dum in terra agerent, non coluerunt. Et  
 "jam quotusquisque est, qui vel Deo debitam gratiam  
 "referte studuerit, vel qui quam oportuit humanitatem

"aliis

“ aliis præstiterit? Imo quis non est, si totus intus &  
“ in cute (quod aiunt) conspici possit, qui non inveni-  
“ atur inquinatissimus, & qui non omnia sit commeritus  
“ extrema? Tum senex, qui mihi longiorem visus est re-  
“ fugere explicationem, hæc pauca respondit: “ Querela  
“ tua duas mihi partes complecti visa est: altera perti-  
“ net ad caligines, & nutantem hanc rerum quæ sunt  
“ anima & procuratione divina dignæ cognitionem: alte-  
“ ra petit certam & indubitatam quandam salutis spem,  
“ ubi hæc vita erit exacta. Nam sine illustri tum notitia,  
“ tum spe tantarum rerum, animi quietem constare  
“ non posse nec injuria credis. Ingenii humani vigor  
“ tantus non est, ut quamdiu in corpore habitat, exacte  
“ tenere possit animæ aut sui ipsius agnitionem. Est enim  
“ fortasse maximum orbis miraculum homo, dum tam  
“ arcte duæ res, quarum altera sit dignissima, altera ab-  
“ jectissima, copulantur. Quare nihil mirum est, si ani-  
“ mus corporis tenebris septus, se clare non aspiciat.  
“ Hoc si indignaris, indignere te esse hominem. Voluit  
“ Deus esse tale animantis genus, quod multa sciret li-  
“ quido, quod multa prorsus ignoraret, & quod multa  
“ opinione duntaxat & conjectura assequeretur. Nec  
“ defuerunt nostri ordinis homines, qui multa sint de  
“ manium statu & rebus locuti: sed quia argumentatio-  
“ nes illorum non tam sunt illustres & firmæ, quam tu  
“ exspectas, facile præteribo. Itaque hoc tibi certe as-  
“ sentior, morbi ac defectus aliquid inesse in natura.  
“ Philosophia remedii aliquid suppeditat, & huc te, quo  
“ non ita multi veniunt, perduxit: quo nihil ab eadem  
“ majus aut uberius præstari potest. Hoc si tibi satis esse  
“ non videtur, excusatum me habe, rogo, boni quod  
“ præstiti consule, nec a me ea requiras, quorum sum in-  
“ solens atque ignarus: quandoquidem & philosophi  
“ homines sunt. Hic digresso sene, statim illud mentem  
“ subiit, Deus scientiarum dominus est. Ad cælum ita-  
“ que subito, (cum jam naturæ auxilium nullum amplius  
“ speraretur) & oculos & animum converti, Deumque im-

mortalem venerabundus supplexque precatus sum, ut, quæ ad placidam quietem ducit, viam ostenderet. Sed, ut verius dicam, ille me prior exfuscitavit, ut ad se confugerem: imò priusquam confugere statuissem, *Sede* (quod aiunt) *ad unxavit* opem tulit. Mox igitur alter editior collis se ostendit, in quo posita erat ædes, quæ infinitis, quod fieri antea posse non credideram, partibus prioris speciem atque magnificentiam omnem superavit. Tanta sane fuit spectaculi commutatio, ut ipse mihi, quamvis priora illustrissima essent, visus sim ex sublustri quodam vel potius tenebroso specu ad diem & splendidissimi Solis aspectum eductus. Ædis speciem frustra vobis explicare coner. Nulla tanta est humana facundia, quæ queat dicendo rerum exæquare dignitatem. Ad eam ducebat angustus quidam callis, quem tamen nemo terebat, præter eos, quos numen ipsum ad id peculiariter delegisset. Ubi proxime a foribus aberam, mihi conspectus est vir, in cuius vultu cœlestis quædam majestas elucebat. Cœpi ipse rerum quodammodo magnitudine perterritus retrocedere. Verum ille, non expectata ulla mea vel salute, vel quæstione, ut bono essem animo iussit, omniaque sibi & visa & audita dixit, quæ mihi ad inferius illud templum contigissent. “ Et philosopho, inquit, illi tuo recte dictum est, Voluisti se Deum esse quoddam animantis genus, quod multa ignoraret, quod multa sciret, quod multa item opinaretur. Sed addendum fuit, quædam ignorata ejus generis esse, ut quamvis sciri possint, & nostra intersit eadem scire, id tamen fieri non posse naturalibus ingenii viribus: sed opus esse peculiari cœlestis cujusdam eruditionis luce. Hanc autem partem tam necessariam cognitu naturæ occultam voluit esse Deus, ut ne nos aliquando timore aliquo mentis humanæ modestiæ fines egrederemur. Si dos aliqua homini sit a natura, propter quam sibi placere posset, ea est ingenii præstantia: nam reliqua sunt cum belluis communia. Jam, cum homo usque adeo superbiat in his ingenii te-  
nebris



nebris positus, quid faceret, si illi naturæ arcana omnia comperta essent, & ratione comprehensa? Multum sane omnino inest periculi ab cognitionis præstantia, nisi ea adeo præstans sit, ut nulla prorsus ex parte, neque cum generatim, neque cum de singulis est faciendum judicium, fallatur: quod sane nemini citra auxilium aliquod Dei non vulgare contingit. Voluit itaque Deus, non ignarus quam proni simus in neglectum sui, postquam nobis cernere dederat, multum inesse defectus in natura nostra, non tam nobis vires deesse ad sanitatis salutisque viam tenendam, quam viæ ipsius agnitionem esse ignotam: ut tandem usu ipso atque periculo intelligamus, illum, ut est, esse omnia; nos autem, si cum illo conferamur, nihil. Si cui hæc viæ salutis agnitio contingit, illius est beneficium: sin destituimur, nostrum est vitium, non Dei. Nam in rectum ipsum obliquitas nulla cadit. Age vero querelas omitte, certam jamjam rerum omnium, quæ ad salutem atque tranquillitatem adipiscendam sunt necessaria, & agnitionem & spem accepturus. Hujus oratione adeo me incitatum sensi, ut tum primum mihi germanum tranquillitatis inveniendæ magistrum & ducem contigisse sim arbitratus. Jussit ille ut legerem, quæ supra fores erat, inscriptionem.

ΜΑΚΑΡΙΟΙ ΟΙ ΚΑΤΟΙΚΟΥΝΤΕΣ ΕΝ  
Τῷ ΟΙΚῷ ΣΟΥ.

*Id est,*

BEATI QUI HABITANT IN DOMO  
TUA.

Hic, inquit, est locus ille quem quæris. De hoc nobili in primis Vati dictum est, *Sedebit populus meus in pulchritudine pacis, in tabernaculis fiduciæ, in requie opulenta.* Illustris ille & sacer Hierosolymorum Rex moravit in hisce diem unum agere, quam in ista vestra obscura sane regione annorum myriadas. Maluit hic abjectus esse, quam inter improbos, cujusmodi sunt omnes

“ omnes homines, regni fastigium tenere. Et, ut quod  
 “ illic tibi per longas ambages, & diu quærenti non  
 “ contigit, hic compendio assequare, duabus tantum o-  
 “ pus est præceptionibus, quas vides duabus illis in ipso  
 “ ædis ingressu positæ columnis inscriptas. Erat illarum  
 prior,

ΤΝΩΘΙ ΣΕΑΤΤΟΝ. Posterior.

ΤΝΩΘΙ ΤΟΝ ΘΕΟΝ.

Ex his enim continuo & necessarie omnem officii & pietatis fructum, imo felicitatem perfectam effluere indubitanter constituebat. Sensit ille interea me aliquid animo sollicitè versari, iussitque ut intrepide quod cogitarem eloquerer. Tum ego illius hortatu animatus, quid sibi vellet illud NOSCE TE IPSUM, quæsi: quandoquidem omnes illæ priorum columnarum præceptiones illud ipsum complecti videbantur. “ Hæc, inquit  
 “ ille, agnitio sui, quæ hic præcipitur, interiorē claudit intelligentiam, quam sit ea, quam jampridem audisti. Diversæ sunt istæ, plurimumque dissidentes philosophiæ. Illa naturæ institutio tantum jubet, ut externas fortunæ accessiones & corporis bona parvifacias, teque totum philosophiæ, quæ eruditione & virtutibus te sit expolitura, permittas. Et sane non prorsus degener est illa institutionis forma. Sed hæc nostra disciplina altius quiddam continet.

“ (*Sensibus hæc itis, res est non parva, respondeat*)

“ Hic præcipitur, ut non solum agnoscas omne tuum, bonum esse ex Deo uro; (ne nos credas pervulgata decantare) sed etiam tantam esse naturæ tuæ infirmitatem & corruptionem, ut ista ipsa officia tua sint inofficiosa, ista ipsa tua justitia quodammodo injusta, istæ ipsæ virtutes vitiosæ: in summa, quicquid ex te ipso proficiscitur, quantumcunque vel tibi, vel vulgo videatur speciosum, non esse ejus generis, ut te in judicio tueri possit, si tecum summo jure Deus agat. “ Hinc est quod *justitias nostras omnes* Esaias vates præclarissimus *similes esse dixit panno mulieris menstrualis*. Hinc  
 tibi

" mihi toties inculcatum est, *non inveniri in carne nostra bo-*  
 " *num*, totamque hanc naturæ nostræ massam adeo esse  
 " vitiatam, ut citra peculiare numinis auxilium nihil  
 " proferre valeat: quod Deus munere aliquo æterno di-  
 " gnum iudicet. Et quoniam *nisi syncerum sit vas, quodcum-*  
 " *que infunditur acefcit*, fit ut etiam affectus pii, & acti-  
 " ones honestæ, ad quas a divini spiritus impulsu ( me  
 " facio, ac si adhuc vobiscum conviverem ) excita-  
 " mur, vel fraudis vel tarditatis aliquid accipiant.  
 " Perversus enim nostri amor, quem tam alte imbibi-  
 " mus, a nobis fere perpetuo extorquet, ut quicquid ge-  
 " rimus, referamus ad aliquam utilitatem aut laudem  
 " nostram, & Deum debita sibi gloria fraudemus. Effi-  
 " cit idem, ut in eo, qui unus, & sine modo comple-  
 " ctendus, imo depereundus est amando, inertī quo-  
 " dam languore obtorpescamus. Quotusquisque no-  
 " strum est, qui eam præstet in officiis alacritatem,  
 " quam sæpe in profanis cupiditatibus persequendis  
 " ostendimus? Jure itaque singulari illi tolerantia ex-  
 " emplo Jobo dictum est, *Verebar omnia opera mea, sci-*  
 " *ens quod non parceres delinquenti. Ne cæli quidem sunt*  
 " *mundi in conspectu tuo: quanto minus nos scelerati homi-*  
 " *nones, qui habitamus domos luteas? Si habuero quippi-*  
 " *am justī, & hic quodque iudicem veniam deprecabor. Nul-*  
 " *lum luculentius adversus me dici potest testimonium,*  
 " *quam si ipse coner meipsum innocentem ostendere.*  
 " Non potest non esse nocens, qui se innocentem, vel  
 " leviter profiteatur, aut cogitet. Ergo quocunque te  
 " vertas, intelligis te nihil esse, nisi sordes, vitium, in-  
 " firmitatem, scelus, adeoque omni odio dignum: omne  
 " auxilium, omnem salutem atque dignitatem a Deo  
 " expectandam: *te esse figmentum, illum esse figulum, qui*  
 " *quidem vas aliud ( ne superbe de æternitatis præjudiciis*  
 " *queramur) in honorem, aliud in contumeliam apparat. Quæ*  
 " equidem dum audio, Paulum illum Tarsensem cogito,  
 " Christianæ philosophiæ longe haud dubie & scientissi-  
 " mum interpretem, & fortissimum vindictam.

FRANC. Nunc, ut apparet, *incedis per ignes supposito cineri doloso*: tractas argumentum litigiosum, & hac nostra tempestate mirifice controversum. Nam, dum ita extenuas nostras vires, & officiorum quandam statuis impuritatem, eorum esse sententiæ videris, qui actionibus nostris, etiam bonis, meriti rationem adimunt. Vide sis igitur tu, qui nobis semper reverendam suades Ecclesiæ auctoritatem, quam sint istæ consentanea: quod quidem dico non ignarus religionis atque integritatis tuæ: sed quod, si quando tale aliquid in vulgus edas, existere possint invidi & malevoli homines, omnia in peiorem partem rapere parati. Adhibenda igitur huc in præsentia apparet non solum cura acris, sed etiam illa deprecandæ impietatis religiosa cautio.

FLOR. Gratiam tibi habeo pro isto admonitionis officio. Sed quid opus est tam sollicita cautione, cum ipse ea duntaxat tractem, quæ in communi religionis agnitione posita videantur, & quæ scire etiam cerdonum intersit? Versor item in causâ cum ea moderatione, & Ecclesiasticæ auctoritatis reverentia, ut neminem, nisi vel impium vel stolidum, sermo meus offendere possit. Quod si improbi aut invidi lectoris tanta habenda est ratio, nihil unquam neque dicendum, neque scribendum erit: quandoquidem ingeniosæ improbitati nunquam desit calumniandi ansa. Verum (ut ad illud, quod cœpimus, redeamus) si quis orationis nostræ vim expendat, inveniet nos exaugendi, non minuendi in honestis actionibus meriti rationem tradere. Fieri enim potest, ut divina bonitas, quia divina, hoc est, immensa est, etiam imperfecta illa nostra officia, cuiusmodi esse omnia dixi, boni consulat, meriti loco habeat, & laude ac præmio digna iudicet. Verum mihi ægre licere arbitror, statuere aliquod meum ulla in re meritum, quandoquidem ab eo, cuius imperium detrectare nefas est, jubemur, *cum fecerimus omnia, quæ officii nostri sunt, fateri nos servos esse inutiles*. Neque profecto ille voluit, ut aliud in lingua, aliud in animo haberemus, & fucata quadam

quadam uteremur modestia. Deponenda est ergo, quæ ex operibus aut rebus nostris gestis, quamlibet præclaris, nascitur fiducia: nos totos in Deum coniciamus: ille nobis sit sacra anchora, una illius bonitate atque misericordia nitamur: nos totos in illius fidem ac clientelam conferamus: neque sic salutis nostræ laudem dividamus, ut partem alteram Deo permittamus, alteram nobis vindicemus. Quod cum nefarie fiat, quid sentiendum est de iis, qui merita sua jactare atque venditare, tanquam ipsis superessent, non verecundantur? Quocirca non est opus nos esse sollicitos de pactis aut syngraphis producendis, quibus ille obstrictus sit, labores nostros propter se susceptos præmio afficere. Neque enim memoria illi adeo infirma est, ut periculum sit ne non recordetur; neque tam avara voluntas, ut sudores nostros defraudare velit. Omittamus timorem, manebit promissis, non deseret consuetudinem suam: hoc est, si pie aliquid & grate fecimus, majoribus non modo quam nos digni simus, sed etiam quam excogitare possimus, præmiis est collocupletaturus. Non inficior, licere mercedis spe impelli ad perferendos labores: nemo tamen, ut arbitror, paullo generosius institutus non gratuitos est mercenariis antepositurus, plurisque facturum illud officium, quod ad nullum aspexit commodum, quam illud quod voluptate sit mutuatum, aut mercede aliqua evocatum. Satiùs igitur est nos ad nullum aliud confugere pactum, quam quod ille dudum sit pollicitus: felicitatem iis, qui suum filium per fidem illam, ex qua caritatis officia manant, amplecterentur. At istuc non est suis meritis, sed Christo niti. Extenuemus ergo semper laudes nostras, abiciamus eam, quæ ex nobis est, fiduciam: fateamur nos solo odio dignos; deberi tamen salutem, eo quod adhærescamus Christo. Et sane (ut res paucis absolvatur) non alia est præstantior bene merendi ratio, quam si semper, etiam postquam præstitimus, quantum debuimus, quod tamen haud scio an unquam contingat, fateamur, nos aut nihil prorsus, aut

certe flagella mereri. Atque utinam non ita se res haberet. Hac animi modestia ille unice delectatur. Sed video me institutæ disputationis non bene servare decorum, dum quæ post dicenda fuerant, ante tempus fortasse usurpo. Sed iactura hæc levis est, jam redeamus ad Paulum, qui omnia conclusa dicit & *constricta peccatis, omnia factata turpitudinibus, quo illustrior sit Dei bonitatis ac misericordæ gloria*: qui in nos ultima omnia commeritos tot tantaque conferre solet. Jam patefacta est nobis infirmitas nostra, quærenda est sanatio: tenemus quædam salutis principia, dum nobis agnitus est noster morbus. Confugiendum est aliquo, unde auxilium sit infirmitati nostræ. Quo vero confugiendum foret, monstravit altera illa columna, quæ erat de AGNOSCENDO DEO. Est enim ille rerum omnium & parens & salus. Verum, cum neque illum per nos commode cognoscere possemus, & ut cognitus esset, tanta erat indignitas nostra, ut non modo accedentes non admitti, sed ad custodias sempiternas, pessimis (ut meriti eramus) perdendi exemplis, abripi debueramus, opus fuit & itineris dux, & grätiosus precator aliquis, qui ad offensum rerum & principem & parentem allegaretur, cujus ductu atque auspiciis res nostra omnis constituenda foret. Superius ergo in arcu, qui columnas jungebat, divini cujusdam juvenis mihi imago conspecta est, cujus caput coronâ spinea contegebat, latus, manus & pedes perfossionum gestabant cicatrices, totum denique corpus cruoris notis apparebat respersum: superne capiti imminebat versus hic, tanquam cœlo veniens,

ΟΥΤΟΣ ΕΣΤΙΝ Ο ΤΙΟΣ ΜΟΤ Ο ΑΓΑ-  
ΠΗΤΟΣ, ΕΝ Ω ΕΤΔΟΚΗΣΑ: ΑΤ-  
ΤΩΤ ΑΚΟΥΕΤΕ.

Quod est.

HIC EST FILIUS MEUS ILLE DILECTUS, IN  
QUO MIHI COMPLACUI: IPSUM AUDITE.

Info.

Inferius ad pedes hic alter erat,

ΕΓΩ ΕΙΜΙ Η ΟΔΟΣ, ΚΑΙ Η ΑΛΗΘΕΙΑ,  
ΚΑΙ Η ΖΩΗ.

*Quod est.*

**EGO SUM VIA, VERITAS, ET VITA.**

Statim mihi agnitus est dulcis ille nostri generis Servator  
J E S U S. Tum Paulus rursus orationem hunc prope  
in modum est exorsus: "Hic est æterni illius atque  
"omnipotentis Regis filius, in cuius Evangelio propa-  
"gando omne meum studium, postquam ad id munus  
"delectus fueram, positum erat. Deformatur hic plu-  
"rimum ab ejus vestræ ætatis præconibus, aut eis qui  
"tales haberi postulant: eoque fit, ut minus ametur,  
"plurimumque sit in orbem & errorum & calamitatum  
"invectum. Hunc quia philosophi tui ignorarunt, *viam*  
"paci non cognoverunt, non fuit timor Dei ante oculos eorum.  
"In hoc uno salus est omni credenti. Per hunc est nobis adi-  
"tus familiaris ad patrem. Hic est conciliator ille, qui nos  
"in gratiam cum patre reduxit. Hic est pax nostra, qui fe-  
"cit utraque unum. Hunc disciplinam pacis nostræ dixit præ-  
"clarus ille vates Esaïas. Hujus livore sanati sumus. Hic  
"est & prora & puppis salutis nostræ. Hic est, qui  
"jussit, ne extimesceremus eos, qui hoc corpus occidunt, &  
"quo nocere possint ulterius non habent. Hic primus extulit im-  
"mortalitatis vexillum, docuitque post breves has æru-  
"mnas esse nobis locum in cœlo, ubi beati sempiterno  
"ævo fruamur: depulit item terrores & carnificinam con-  
"scientiarum, inde venientes, quod scelerati simus, &  
"non præstitimus quod fuit muneris nostri. Nam pro-  
"pter hunc certo nobis condonantur scelera, & ad æter-  
"nas illas sedes sublevamur; modo illi flagrans illa fi-  
"des nos conjungat. Hic ergo est ille thesaurus & sapi-  
"entiae & bonitatis divine: hunc tibi jam ostendi: hunc  
"amplectere, hoc frui: hic est certissima & com-  
"pendiaria ad tranquillitatem sempiternam via: hanc  
"tu, si sapis, perpetuo insiste. Venient propediem in-

L 1 2

— finita

“ finita illa futuræ vitæ gaudia : interea certissima spe  
 “ completus, quæ ventura sunt summa animi cum hilari-  
 “ tate constanter expectata, nihil quod sit in hoc orbe,  
 “ vel in altero minarum reformidans. Imo si fractus il-  
 “ labatur orbis, impavidam feriant ruinae. Hæc ubi dixe-  
 rat, introrsus se in gloriosam illam adem abdidit. Ego  
 vero tum somno solutus sum quidem, attamen in tan-  
 tarum rerum cogitatione habitans aliquamdiu substiti,  
 vix certe animi præ gaudio compos : Deoque tan-  
 dem immortalī, qui mihi CHRISTUM suum osten-  
 dere dignatus est, gratias pro viribus egi.

FRANC. Longe præclarissima sunt ista, quæ de  
 Christo prædicantur. Sed quoniam tranquillitatis ratio  
 potissimum pendere videtur ex certi ratione, per nobis  
 gratum facies, si fusius explicaveris ea quæ ad nos cer-  
 tos reddendos pertinent. Nemini dubium esse potest,  
 vera esse, quæ Deus, hoc est veritas ipsa docet. Sed quo-  
 modo mihi poterit certo constare, Christi doctrinam  
 esse ex Deo ? Non enim omnibus satisfacit, illud ita ab  
 Ecclesiâ definitum esse : nam qui paullo curiosior est,  
 quæret, unde constet ea de re isti Ecclesiæ. Et unde  
 item mihi constare possit, Ecclesiâ non posse falli.  
 Deinde, ut certò constet Christi doctrinam a Deo profe-  
 ctam : in ea tamen non continetur, me salvum fore, ni-  
 si hac lege ac conditione adjecta, dummodo Christo per  
 fidem illam flagrantem adhæream. Hoc autem in me  
 positum non videtur, cum sit res divini muneris : & ut  
 eo a Deo sim affectus munere, ab eodem tamen aliquan-  
 do excidere possum : quod si excido, non amplius Chri-  
 sto adhæresco. Me autem a fide illa non casurum in sa-  
 cris literis non continetur. Jam ut a dialecticis statui au-  
 dio, si principia argumentationis sunt infirma, & quæ  
 consequitur rerum conclusio nutat. Accedit huc, quod  
 Solomon statuit, *Neminem scire, amorem, an odio dignus  
 sit* : sed omnia in futurum servari incerta. Fluctuant er-  
 go adhuc rationes meæ, nec dentes adeo tenaces sunt  
 anchoræ, ut aberrationem incertam a navi mea prohi-  
 bere



bere queant. Et quamvis ipse profecto non tam quam præ me fero addubitem, delector tamen plurimum orationis istius cursu, quæ pietatem una cum eruditione feliciter copulare videtur.

**FLOR.** Istiusmodi disputationibus non me cupide offero, neque libenter cum quoquam hisce de rebus instituo certamen: non invitus in institutis patriis maneo: turbulenta sunt tempora: hominum est, si quando alias, irritabile genus. Verum cum fas non sit quenquam hospitem esse in institutis urbis suæ; & res, quas me tractare vultis, ejus sint generis, ut percursas animo atque decantatas eas omnes habere debeant, quicunque Christianismi professionem sustinent, mos vobis geretur. Omne hoc Christianæ religionis mysterium a Deo vero profectum esse, quinque (ut nobis videtur) præcipue rebus apertissime demonstratur. Afflatu numinis, Ecclesiæ auctoritate, Christi ipsius vita, Doctrinæ ejusdem genere, & prodigiosis illis denique operibus, quæ Miracula vocantur. Jam de singulis obiter aliquid vobis dicetur: quæ singula si nequeant, certe juncta fidem abunde facient. Usus ipse nos satis docet, omne studium nostrum deorsum tendere, contra quam naturæ nostræ dignitas postulat. Divini ergo spiritus opera est, quæ erigit animos nostros ad se tum agnoscendum, tum amandum: quam quidem nos non incommode Afflatum vocabimus, de quo dictum est ipsi Christo, *Nemo venit ad me, nisi pater meus traxerit eum.* Eodem pertinet & illud in Actis Apostolicis, *Crediderunt autem quotquot erant destinati ad vitam æternam.* Et est hæc præstantissima, & quam nulla vis labefactet, firmitudinis ratio. Nulla sane ~~et~~ philosophica, aut visio oculorum, aut tactionis experientia est, quæ tam potenter eliciat animi assensum, quam solet divinus ille impulsus, quoties illi libitum est instinguere atque excitare aliquem ad fidem, etiam rerum alioqui non apparentium. Hoc qui dubitat, expendat invictam illam Heroum nostrorum, quos Martyres vocamus, constantiam: & videbit, non fuisse *arundines* vero

agita-

*agitationes.* Huc item spectant illa Pauli verba, magnitudinis atque confisionis animi plenissima: *Certus sum enim quod neque mors, neque vita; neque angeli, neque principatus, neque virtutes; neque instantia, neque futura; neque altitudo, neque profundum, neque creatura alia poterit nos separare a caritate Dei, quæ est in Christo Jesu domino nostro.* Jam & Ecclesiæ, hoc est, tot præstantium in omni sapientiæ genere virorum, summus de Christiano dogmate consensus, jam inde ab ejus exordio in hunc usque diem, non parum hic obtinere debet momenti. Non enim solum doctrinam hanc (quod impii quidam caussati sunt) amplexa est indocta turba, aut aliquot anus: sed summa atque in omni philosophia exercitatissima ingenia: quod qui latius narratum cupit, consulat scriptores eos, qui illustrium nostræ religionis virorum catalogum composuerunt. Hoc tamen hic non præteribo, neminem superbum, quantumcunque ingenio excellat, Christianæ eruditionis esse capacem. *Abscondita est prudentibus hisce & sapientibus, detegitur parvulis.* Verum hoc non humilitatem, aut absurditatem doctrinæ, sed excelsitatem arguit: eo quod ejus tanta est puritas, ut in animam illam, quæ tam foeda & indigna labe, quam est superbia, est contaminata, non cadat. Nihil enim tantopere salutis nostræ apud Deum obest, quam ingenii inflatio, & tumor ex propriæ sapientiæ opinione natus. Non ergo intrat in celorum regnum, nisi qui conversus ab illa magnitudinis suæ opinione, parvuli instar efficitur. Julianus, Romani imperii Rex, partim præ regnandi libidine, partim præ ingenii superbia a Christo defecit, & jactare illud solebat; *nihil nobis esse præter nudum illud τίς εσθωρ.* Sed qui tres illas posteriores quinquepartitæ divisionis partes excusserit, inveniet haud dubie verissimum illud esse, quod a Regum sanctissimo, vatumque pariter eximio dictum est, *Testimonia tua credibilia facta sunt admodum.* Ad religionis dogmata, cujusmodi est Trias illa gloriosa, Virginis partus, Humanæ naturæ in Christo cum Divinitate copula, illa mortuorum generalis Resurrectio, paucaeque

alia id genus constituenda, proprias asferre demonstrationes nequimus quidem: omnia tamen ejus generis esse, ut digna sint quæ sine dubitatione credantur, ostendere est in promptu. Dicam tamen breviter, tum quod institutum compendium ita requirat, tum quod celerior sit ingenii vestri facultas, quam ut opus sit, mansum (quod aiunt) in os inferere. Primum, Christi vitam extra crimen fuisse indubitatus est, quam ut ostendi oporteat. Nihil in illa inerat, quemadmodum in philosophorum plerisque fuit, ad sanctitatis ostentationem compositum. Nihil non castissimum, nihil non moderatissimum, nihil fastidiosum, nihil indignabundum, nihil a communi consuetudine discrepans, nisi aliquando aliter fieri ex divini honoris usu fuisset: omnia plana, omnia simplicia, omnia humanitatis atque misericordiae plena. Quapropter Pharisei, qui vulgo sancti, propterea quod cultus ac cærimoniis a vulgo differrent, videri volebant, Christo non mediocriter succensebant, quod contra atque illi facitare essent soliti, cum publicanis & peccatoribus versaretur ac manducaret. Et Simon ille indigne tulit, quod pedes suos Christus a lasciva & infami muliercula, quæ tamen lacrymosis singultibus spurcitiam suam jampridem detestata fuerat, contingi sit passus. Et cum vitæ laus omnis duobus illis verbis, *ἀνέχεσθαι τὰς ἀπεναντίας*, hoc est, *Sustine*, (subaudi adversa) & *ἀπέχεσθαι*, (subaudi ab illicitis) sit conclusa: evolve annales, & vide, an ullius vitæ ratio fuerit cum illius comparanda. Sola popularitas illi a nefariis & superciliosis vertebatur vitio: quam tamen ille amplexus est vel idcirco, ut neminem a spe salutis austero vitæ genere deterreret: & ostenderet, non in solitudine, aut aspera atque singulari victus ratione, pietatem, quæ nos Deo gratos efficit, positam esse. Tota rerum illius ratio simplicitate quadam candidissima est referta: & quo fixius in eam fueris intuitus, hoc tibi semper admirabilior exsurget. *Οὐ τερψόμενος, ἀλλὰ καὶ βλάπτεται*, cui videre datur divini illius juvenis præstantiam. Sed me revocō. *Non mihi si lingue centum sint,*

etæque

*oraeque centum*, propterea dicendo æquavero minimam partem virtutum earum, quibus omnis ejus vita fuit exornata. Relinquamus itaque hanc partem, & accedamus ad Doctrinam. Nam hic urgent acrius pietatis hostes. Complectitur autem illa, ut breviter dicamus, tres partes. Prima posita est in præceptis vitæ: Altera pertinet ad finem bonorum: Tertia complectitur mysteria quædam, quorum agnitio ad humanæ salutis consilium pertineat. De præceptis vitæ ab eo traditis quid attinet dicere? Quanta passim in illis tum æquitas, tum humanitas, tum sanctimonia relucet? Nihil illic reperire poterant quantumlibet ingeniosi calumniatores quod reprehenderent. Voluit nos sobrie, juste, & pie vivere: Et non solum de amicis, sed etiam de inimicis bene mereri: Perferre fortiter injurias, & humanitate etiam adversus eos, qui nos hostiliter persequerentur, usi. Porro de bonorum finibus vide quid constituerit: summum bonum, nempe apertam Dei, hoc est, principis rerum causæ agnitionem, in æternum ævum duraturam, ad quam tamen & purgati atque reformati corporis societas accedet. Sed neque hic philosophorum suggillationi locus esse potuit. A cruce ista fortasse abhorrebunt illi: indignum aut ridiculum dicentes, ut qui Dei filius sit dictus, tollatur in crucem: & ut hac ratione, in speciem tam ignobili, contingat hominibus expectata felicitas. Obruor copia eorum, quæ hic responderi possunt: sed contrahenda est in brevem quandam gyrum hæc immensitas. Et ne vos putetis me fulgentibus magis quam fortibus armis præliari, accipite hunc hypotheticum Syllogismum, cui (ut equidem arbitror) responsio nulla opponi potest. Est enim valida argumentationis forma, ut dialectici tradunt, ubi consequentis negatione tollitur antecedens. Si Antonius est perfectus orator, est peritus philosophiæ: Sed Antonius non est peritus philosophiæ: Ergo non est perfectus orator. Sed hic prius prior ἀκολουθεῖ, hoc est, *consecutio* est corroboranda. Sic ergo nos colligamus, Si Christus falso præ-

prædicavit se esse Deum, & mendacissimus & deterrimus ille fuit omnium qui unquam ab orbe condito fuerunt hominum: Sed hujusmodi non est noster Christus; Ergo non falso, sed vere prædicavit se esse Deum. Prior consecutio vel inde liquet, quod omnium scelerum, quæ excogitari possunt, illud maximum est, manifeste & falso sibi assumere divinitatis gloriam. Si quis Solis specie atque utilitatibus (quæ non exiguæ aut paucae sunt) captus, humana quadam ignorantia eum velut Deum aliquem adoret, execrabilis esset impietas, & crimen illud omnium summum, quod vocatur εἰδωλόλατρεία. Quale ergo illud nefas esset, aliquem falso seipsum commendare mortalibus ut Deum adorandum? Fuerunt barbari aliquot, & Romani item Reges, qui impie sibi statuas erigi curaverant, & qui in diis haberi voluerunt: sed fuerunt illi viri aperte impii & ridiculi, neque a quoquam tales, quales postulabant, habiti sunt. Mahumetes se duntaxat prophetam profitebatur. Verum aliquem prædicare, unum esse duntaxat Deum, rerum parentem & Regem, & se eundem esse Deum, & cum patre ipso θεογονιστορ, illudque assidue inculcare, curareque ut per universum orbem propageretur: cujus esset sceleris res, cujus impietatis? Quantum in divinam maiestatem peccaretur, si aliter se res haberet? Imo omnia mala facinora ab orbe condito nata una conjuncta cum hoc comparata nihil essent. At istud Christus fecit, atque indies fieri curat, curabitque quamdiu terrarum stabit orbis. Jam eundem est ad destructionem consequentis prioris εἰδωλόλατρείας hoc est, ostendendum est, illum non fuisse deterrimum mortalium, quin potius omnium extra aleam optimum. Verisimilene est Deum, cujus nutu omnis hic orbis administratur, tantam passurum fuisse insaniam atque impietatem? Quid dixi passurum? imo plurimis & manifestis infinitæ potentiae suæ signis confirmaturum tam perniciosum, qui in se redundaret, errorem? aut adjuturum fuisse tam audax & superbum mendacium? Vide nunc Christum imperan-

tem ventis & mari: nunc mortuos excientem ex sepulchris: nunc cæcis visum, nunc morboſis ſanitatē reſtituentem. Quid dixi Chriſtum? Vide diſcipulos, abjectos in ſpeciem homunciones, quibus in ipſam rerum naturam fuiſſe videbatur imperium. Nonne etiā ipſa Petri umbra morbos depulit? Apertiores erant illæ, & majores res, quam ut intervenire potuerit ulla impoſtura, aut falſa miraculi ſpecies. Ad hoc autē adhibita fuiſſe divinitus illa teſtimonia, ut ipſa Chriſti divinitas declararetur, cum ex plerisque aliis locis, tum liquet ex eo, ubi dictum eſt, *Ut autem cognoscatis quod filio hominis ſit potestas remittendi peccata, dixit paralytico, surge.* Num Deus voluit nos de induſtria falſa dictione teſtimonii in fraudem inducere, aut veritati collibitum eſt nos mendacio decipere? Deinde conſidera, quanto cum ſucceſſu illa divinitatis Chriſti prædicatione in hunc uſque diem floruerit: quod ſane temere in hac rerum, quas noſtra religio tradit, raritate, maxime cum ſummi hominum ordines reluctarentur, fieri non potuit. Non juviſſet ergo Deus, nec tam potenter confirmaret ejus cauſam, ſi fuiſſet ille deterrimus, & tam impudentis impietatis præco. Nunc ergo tollamus prioris conſecutionis antecedentem partem, & conſtituamus id, quod de principio propoſueramus, Chriſtum non falſo prædicaffe ſe eſſe Deum. Sed ut bonitas tum vitæ, tum doctrinæ Chriſtianæ nobis paullo ſit apertior, familiares aliquot ſimilitudines, eaſque perbreves adducam. Hoc tamen nobis præparationis cujuſdam ſit loco, quod Cicero vere ſtatuit, *eam virtutem, qua nos gratos efficit, matrem eſſe reliquarum omnium.* Hinc pii ſumus in parentes, hinc boni cives, & de patria bene merentes, hinc ſancti & religionum colentes, quæ omnia ſunt grati animi fructus & officiæ. *Equidem* (inquit Cicero) *nihil magis proprium hominis exiſtimo, quam non modo beneficio, ſed etiam benevolentia ſignificatione alligari.* Nihil porro tam inhumanum, tam inhumane, tam ferum, quam committere, ut beneficio non dicam indignus, ſed victus eſſe videare. Hinc eſt

est illud Senecæ, *Dixeris maledicta cuncta, cum ingratum hominem dixeris.* Jam animo finge, parentem tuum pergre abisse, adhuc tu dum vagires in cunis, qui tamen amplum providisset patrimonium : & etiam absens summo studio curasset, ut per omnes ætatis gradus sic ad excellentiam esses institutus, ut nihil, quod ad utilitatem vel gloriam pertineret, in te desideraretur. Num jam grandiusculus, cum in eam bonorum, quam patris cura tibi providit possessionem venisses, conquiesceres in fructu, neque ullo patris agnoscendi, quem adhuc superstitem esse constaret, desiderio tenerere ? Et non potius illi non vulgarem referres gratiam, qui tibi parentem tam benignum monstrasset ? Finge item, quod pariter exempli causâ positum sit, numerosam esse tibi ex necessariis familiam, qui ex te uno pendeant, deesse tibi omnino unde alas, singulo tamen mane tantum auri tibi dormienti sub pulvino reponi, quantum sat sit ad honeste reficiendum familiam. Nonne magnopere scire averes, unde esset hæc benignitas, & auctoris indicem præmio liberali pro viribus afficeret ? Superstes est noster parens, imo immortalis est & æternus : unde non nobis tantum est pusillum illud auri, sed quicquid uspiam boni nobis est. Nos ingratisissimi illum neque agnovimus, neque agnoscere studuimus. Unus Christus, ut agnosceremus, præstitit. Quapropter multo iustius illi ( etiamsi Deus non esset ) divini exhiberentur honores, quam Cereri, Minervæ, Baccho, Apollini, Musis, quibus superstitiosa, imo impia potius antiquitas, quod frugum, oleæ, vitis, medicinæ, & artium crederentur inventores, divinitatis gloriam attribucere non est veritas. Nec est opus hic singulatim recensere, qualis in nos sit Deus. Quot sensibus, quot animo voluptates colligantur, & ut nihil sit vel oculis vel animo visum, quod malleus esse, quam homines. Nonne ergo gravissimi delicti culpam sustinemus, si adversus auctorem ingrati reperiamur ? Hic interim dum calamus velocissime ad metam festinat, in mentem venit communis cuiusdam, sed

sed vulgo parum animadversæ, dementiæ. Si tu gravissima siti æstuans, aut in maximis constitutus doloribus, invenires, qui liquore aliquo in os aut vulnus infuso, aut admoto pharmaco protinus omnem dolorem tolleret, nonne te illi immortaliter & summe obstrictum putares, non solum dum præsens sentitur beneficium, dolorque abit, sed etiam cum jam abiisset? Dic, Demetri, estne consentaneum quod dico?

**DEMETR.** Est profecto: immortalem enim beneficii, præsertim tanti, gratiam esse par est.

**FLOR.** Quod si ejus esset generis dolor, ut nisi illi perpetuo instillaretur, perpetuus esset: Num propterea minus merebitur ille gratiæ, quia pergit esse officiosus & misericors, & perpetuo instillat?

**DEMET.** Omnino contra est: nam velut præsens aliquis Deus esset ille habendus.

**FLOR.** Vide nunc, ut iniquiter apud nos beneficia hæc Dei, maxima, quia continua sunt, pretium omne amiserunt: nec jam beneficia sed quædam naturæ debita habentur? Delectat me formosus hic rerum decor: sed quia in promptu mihi est cum volo ea voluptate frui, quodammodo parvi facio. Quod si oculi usus est ademptus, tum demum intelligerem, quanta sit in luminibus jucunditas. Vita item suavissima est: sed quia cursus ejus est continuus, auctoris beneficium non sentitur. Itaque cum hoc Christi beneficium, quod nos gratos efficit adversus parentem nostrum, sit tam magnum, ut nullum sit quod cum eo componatur: tam illustre, ut negari non possit: fatendum plane est, ab improbitate tantum boni non potuisse profuere: imo divinam in illo inesse bonitatem, cujus solius opera effectum est, ut nos grati, hoc est, boni, imo divini simus. Bene ergo Paulo de ejus doctrina dictum est, *Exhortatio nostra non est de errore, neque de immunditia, neque in dolo.* Relinquamus igitur hoc pro concessio & probato, Christum esse Deum, adeoque nihil in ejus doctrina contineri, quod non sit verissimum. Nunc venio ad illam alteram par-

tem



tem argumentationis tuæ, Francisce, ubi dixisti, me certum reddi non posse de salute æterna: aut me Deo gratum esse certo colligere nequire, propterea quod hoc adjectione quadam intelligatur, dummodo perhístam in illa fidei, quæ requiritur, flagrantia: qua de re certus esse posse non videor. Profecto hic cura quædam me torquet, verentem ne indoctius aut obscurius tantæ res tractentur, & ne oratio non digna silentio & expectatione vestra videatur. Et quia ordinata rerum distinctio plurimum lucis affert, quinque sententiis responsionem meam absolvam. Primum hoc vos fugere non debet, non eam hic requiri certitudinem (liceat hac voce uti) quæ est in mathematicis, ubi sensus aut evidens ratio extorquet animo assensum: ut quod ignis caleat, aut quod quæ ratione prædita sunt, sint capacia disciplinæ. Moralis est præsens rerum tractatio, cujus res dum probantur, populari & crassiore quadam ratione sunt contentæ. Equidem Byzantium nunquam vidi, accepi tamen & scriptis & fama esse principem Thraciæ urbem: verumtamen cum homines illi sint, aut fuerint, ex quibus ita esse didici, fallere poterant: non tamen propterea dubito, sit necne ea urbs. Nulla *αποδείξις* mihi constat parietem qui imminet, me vel jam nunc non esse oppressurum: attamen ea de re non sum sollicitus. Faciunt quoque signa & exempla fidem, imo & probationes, quas *ατέχνης*, id est, *inartificiales* vocant. Deinde hic illud repetendum est: Illos, qui divinum illud fidei donum accipiunt, propter internum illud spiritus magisterium minime dubitare. *Ipse enim spiritus* (ait Paulus) *testimonium reddit spiritui nostro, quod filii Dei sumus*. Finitimum est illud ejusdem. Scio cui credidi, & certus sum. Et forte eodem referri potest manna illud absconditum, & nomen novum in calculo, quod nemo scit, nisi qui accipit. Tertio & illud, ut equidem arbitror, intelligendum est, Omnes quicunque legitime Christiani sunt, debere certo persuadere sibi, se gratos & esse, & perpetuo fore, Deo patri, propter eum quem amplectuntur Christum. Nam

hæsi-

hæsitare, postquam legitima præcessit poenitentia, & in Christi fidem ac clientelam te contuleris, est divinæ diffidere bonitati, & non credere illius gratiam, quæ in Christo est, superare indignitatem tuam, quæ simul atque Christum amplecteris evanescit. Hujus sententiæ fuit ille, cujus supra mentionem feci, Roffensis Antistes: Hieronymus item Hangestus, vir in disputando acutissimus, quales multos profert nobilissima illa Parisiorum academia, illud ipsum pene in scriptis reliquit. Hic ego non loquor de illo gratiæ habitu a caritate distincto. Nam ejusmodi aliquid nobis esse omnino cognosci non potest. Expedire item plurimum, ut illud fiat: hoc est, ut tibi certo persuadeas, te perpetuo fore propter Christum Deo gratum, duabus de causis arbitror. Primum, quod hoc non est vere gratum esse Deo, ab eo ad punctum temporis aliquod accepisse beneficium, quod mox sis amissurus, unde æterna quædam calamitas consequatur. Deinde, quod hac ratione magnopere augeatur amor adversus Deum. Nam nemo unquam magnopere illum amabit, de cujus fide ac benevolentia erga se dubitat; vel si timet, ne præsens gratia aliquando vertatur in odium. Quid enim mihi prodest Deus, nisi fuerit (ut pie certe ille inquit) *Deus, Deus meus*? Ergo cum amor flagrans sit, qui parit solidos virtutum fructus, is suadendus est potius, quam timor. Nec est quod hic proferas, illos principium duntaxat facere a timore, qui docent dubitare, an grati simus Deo. Omnis timor servilis est haud dubie in eo, qui amari se dubitat. Quisquis ergo timorem hunc docet perpetuo, amare, atque adeo fortiter & generose agere dedocet. Unde fit, ut mirum non sit, si neque vulgus, neque Principes Christiani multum habeant Christianæ virtutis: & præperituris rebus æternas illas spes, virtutisque decus omne contempnant, cum amare Deum (utinam non vere dixerim) nunquam didicerint. Profuerit plurimum, si religionis magistri id consilii, quod Menedemus dedit Chremeti, qui filium austeritate abalienaverat, sequantur. Quod facient, si præstent,

præstent, ut sentiamus illum esse patrem: ut audeamus illi omnia credere: ab illo petere, & poscere: ne quam aliam queramus copiam. Quum mihi dicis, hoc non in fide, hoc est, in generalibus illis scripturis contineri, me nunquam casurum a fide; Tibi respondebo, disputationem istam esse paullo curiosiorem: neque illud tibi proponi credendum, quod te prorsus fugiat, quæ sit pectoris mei fides, cadit tamen in fidem meam: possum enim ipse videre, an mihi placeat Christus; an ex animo displiceat omnis improbitas: quæ ubi adsunt, impium est dubitare, an sis Deo gratus. Et ut certo apud te statuis, in omnem vitam amplecti Christum, & omne improbitatis genus averfari, ita certo persuadere tibi potes, te perpetuo Deo gratum fore. Non deserit hoc genus studia ille. Valeant itaque qui me a complexu tam salutaris persuasionis divellere conantur. Utinam mihi indies sententia hæc crescat, sic enim, & non aliter, me legitime Christianum fore credam. Tum exsurgent caritatis officia, & contemptus rerum hujus mundi. Falsæ opiniones sceleratos efficiunt: opinionones languidæ, & imbecillæ in religionis rebus assensiones, ut caveant (si tamen cavent) a turpissimis facinoribus, certe perpetuo torpent, neque quicquam proferunt tanti, hoc est, Christiani nominis professione dignum. Quarto loco animadvertendum est illud, ut in disciplinis, ita & hic certitudinis (hujus vocis usum mihi concedi postulavi) esse gradus. In philosophorum scholis major est principiorum, quam conclusionum certitudo aut evidentia. Notius est hominem esse rationalis naturæ, quam felicitatis capacem: notius est, nullum esse ultimum rei individuae, quam lineam non fieri punctorum commissura. Ita in hoc fidei ardore sunt magna discrimina: alius longe fuit illa Pauli, alius noster: omnis tamen etiam infimus, & tantulus, quantum est granum sinapis, suum affert fructum. Hoc Christus ipse in Evangelio docet, ubi demersionis Petri in fluctus causam in fidei exilitatem conferebat. Et Apostoli item sibi fidem, hoc est, inclinationem sui in Deum, exaugeri postulabant. DE-

**DEMETR.** Potestne ista fides cum aliquo turpi proposito aut sine esse conjuncta? Et ut familiarius tecum loquar: Si aurum alienum fraudulentè detineo: si illicitos puellæ amplexus exambio: si incommodare cuiuspiam cupio, qui me damno affecit: num propterea desino esse ex legitimis Christianis?

**FLOR.** Maxime: imo ne homo quidem tunc es: nam ista quæ commemorasti, fere etiam fiunt vel contra Ciceronis aut Aristotelis officia. Vide sis tunc qui possis Christo interea placere, qui amicam, hoc est, animam ac mentem sibi gratam, vult totam esse pulchram, & sine omni macula. Hoc tamen hic addo temperamentum, quod quintæ sententiæ loco sit: subducere se nobis interdum paullisper solere divinum spiritum, (quod tamen semper culpa nostra contingit) aut certe velut in nobis dormire: unde fit, ut in turpitudines interdum etiam insignes viri delabantur. *Sed cum ceciderint, non collidentur, quia Dominus* (ut ait scriptura) *supponit manum suam*: facile ad se redeunt, & desunt infirmitatem suam. Sed summa sollicitudine cavendum est, ne frequentia defectionis a Deo nos indies reddat indigniores, qui allevemur. Nunquam possumus nimium time-  
re, ne simus turpes. Cæterum illud quod tu, Francisce, ex Solomone attulisti, referendum arbitror ad casus hujus vitæ, quod præ senti fortunæ non sit confidendum, *eo quod nesciamus quid superventura pariat dies*. Certe absolute accipi vix potest, eo quod nemo nostrum non novit, aut saltem noscere debet, se esse odio dignum. Ergo, ut ad plenam rerum conclusionem tandem aliquando ventum sit, Fiducia hac, quæ ex Christo est, freti, jure nobis gloriam filiorum Dei vindicamus. Quod si filii sumus tanti Regis, a quo nobis timendum est? Num quicquam est in hoc regno, quod ad illius vel nutum non contremiscat? Quid aliud nobis mors ipsa asserre potest, nisi ut deserto hoc exilio regni a terni possessionem atque fructum capiamus? "Gaude igitur serio anima mea, exulta confidenter, sed interea semper ob oculos tibi  
" sit

“ sit tuus Christus, qui unus omnibus illis & mortis &  
 “ conscientiarum & inferorum terroribus te liberavit; &  
 “ certissima, propediemque ventura æternæ felicitatis  
 “ spe complevit. Interim cum illo generose & lætus per-  
 “ fer, si ætumnosus sis & abjectus. Franciscæ ergo, &  
 Demetri, nonne vobis ostendi facilem parandæ tranquil-  
 litatis rationem?

FRANC. Vicisti profecto, quanquam ea magna fu-  
 it, exspectationem nostram: & communi bonorum o-  
 mnium auctori gratias agimus, qui istam tibi facultatem  
 tribuerit, ex qua ad nos non parum adjumenti venisse  
 sentimus. Et sunt ista tua (ut Ovidii versum usurpem)

*Somnia formoso candidiora die.*

Verum illud dic item, quod mihi præteriisse videris,  
 Sitne aliqua ratio, qua instinctus ille divinus, qui fidem  
 istam præstat, certo parari possit? Quod quidem non eo  
 dico, quod inde velim vindicare aliquid laudis indu-  
 striæ nostræ, sed solum hoc, ut inde sequi possit, ut mi-  
 nus indigni nos simus, qui afficiamur tanto beneficio.

FLORE. Est sane, & ea ipsa de re cogitaveram, sed  
 præcipiti orationis lapsu in alias sum abreptus cogitatio-  
 nes. Et est ea duplex, sed quæ tamen conjuncta perpe-  
 tuo permanere cupiat. Altera est, quæ posita est in pre-  
 cibus, quibus assidue Deus pulsari amat. *Petite*, inquit  
 Christus, & *accipietis*. *Quicquid petieritis patrem in nomine*  
*meo, dabit vobis*. Altera est sacrarum literarum lectio  
 assidua. Simplex est orationis facies, sed incredibilem  
 tum fructum, tum delicias claudit. Nemo enim unquam  
 (dicere ausim) fuit, qui animo perficiendi seipsum eis  
 studiis se dediderit, qui non vel ex malo bonus, vel ex  
 bono melior sit effectus. Et sane in hac rerum nocte, si  
 libros illos excipias, nihil prorsus est in divinis rebus lu-  
 cis: quapropter par est omnino eos ipsos omni studio  
 atque observantia, perinde ac thesaurum aliquem in-  
 comparabilem, & conservare, & venerari. Habent (mi-  
 hi crede) nescio quid arcanæ & velut magicæ cujusdam

(si tamen ita loqui fas est) virtutis, in rapiendis in cœlū, & Deum versus, animis. Et sane mihi animus est, in iisdem tabernaculum vitæ collocare. Sed me hisce de rebus prolixius dicere, cum instituta brevitās, tum operæ Typographicæ exemplum sedulo efflagitantes prohibent.

FRANC. Quanquam jam advesperascit, adhuc tamen te non dimittemus: nisi illud prius exposueris: An præterito priore illo templo liceat in editiores illas ædes ingredi? Quod si datur, cur nos eo per ambages ducere voluisti, & longos anfractus, quo compendio ire licuit?

FLOR. Plane licet, prioribus præteritis, hoc est, citra exactam & curiosam naturæ indagatōem, Christianæ tranquillitatis fructus illos suavissimos colligere: & pene adducor ut credam, feliciores esse, quibus hac transitione uti contingit. Verum, quia idem & naturæ & religionis auctor est, *& raro aliud natura, aliud sapientia* (ut Juvenalis verba paullum immutem) *dicit*, visum est & naturæ afferre præsidia: maxime cum non desint inflata quædam ingenia, quorum ambitio sit ipsa ratione (qua se falso præstare credunt) comprimenda. Quamprimum ergo petamus illum religionis portum, & cum Paulo subeamus illas Christianæ pietatis ædes, quæ unæ veram & sempiternam præstant tranquillitatem: priores umbratile quiddam, ac imagines ejusdem habent, vel certe gradus quidam sunt duntaxat, per quos ab imaginibus ad res ipsas scanditur. Et fortasse me clam vultis reprehendere, quod prolixius atque intempestive sim philosophatus. Agnosco culpam. Sed hic duo cogitate: tum eam esse rerum majestatem, ut etiam si ditissimus & ingenii & orationis essem, semper aliquid sit desiderandum: tum fortuitam fuisse orationem, nullo sumto prolixiore ad cogitandum spatio. Contenti itaque sitis hoc brevi responso, ne opus sit sermone hoc extremo, cum jam vela complicanda sunt, novam instituere disputationem.

*DEMETR.* Perfecisti sane tu oratione tua, ut utriusque nostrum animus sit mirifice exhilaratus. Et convenit plane, ut hæc oborta lætitia in amœnam quandam erumpat cantionem. Nescis (video) quid velim, & res a gravitate nostra alienas tibi commemorare appareo. Sed secus est. Vidi aliquando carmen quoddam tuum, quod plane ejusdem mihi visum est cum præsentē disputatione argumenti: istud si attuleris, utrique nostrum satis superque factum erit.

*FLOR.* Tu præ amore non satis æquus studiorum meorum judex, mihi suades, ut inscitæ meæ testes quamplurimos domestico quodam præconio colligam. Solebam interdum animi laxandi causa ad chelyn versus quosdam Horatianos recitare: sed cum argumenta mihi visa essent leviora, aggressus sum ipse ad componendum in meum ipsius usum carmen, cujus sensus pabuli aliquid animo suppeditaret. Composui, sed parum feliciter: quod præcipue illis videbitur, qui profanarum rerum admiratione capti, nullum carmen aptum existimant, si desint Thespiades, Joves, Veneres, Leda, & fabulosa id genus Græcorum commenta. Sed ne Jupiter quidem ipse (ut in proverbio est) omnibus placet. Ergo, ut mihi tandem per nos abire liceat, afferam carmen ipsum, etsi non doctum aut cultum; certe tamen, quod multo potius est, pium.

## O D E.

Nihil esse in hac vita requietis, præter id quod  
a sapientia & pietate proficiscitur.

**Q**UID vos, o superi boni,  
Quid rerum Genium criminor amplius  
Falso? Sum dubio procul  
Infelix opifex ipse mihi mali.

Frustra querito, qui sciens  
Haurire ex tenebris lucem, & in horrida  
Mortis regno habitans miser,  
Vitam, vel solidas delicias moror.

Mella absynthia non dabunt,  
Uvas nec tribulus: sic mala gaudia  
Vitæ qui sequitur brevis,  
Is fructum petit ex arbore non sua.

Formarum iste decor fugax,  
Auri qui nitor effulget in ædibus  
Altis, stemmata regum, opes;  
Luxus, delicias, insuper addito:

Quicquid luminibus vides,  
Et quicquid manibus tangis amabile,  
Cuncta hæc pulvis & umbra sunt,  
Et noctis brevis hujus mera somnia.

Quod jam præteriit, nihil,  
Est ventura voluptas cito transiens,  
Mox ad præteritum venit:  
Et tu, quod nihil est, tam cupide petes?

Inunc, I miser, & levi  
Vento tende plagas (quodque alius, nisi



*Demens, bercule non velit )*

*Umbram, quæ fugit, amplectere, si vales.*

*Nolenti quod abittibi,*

*Id tu relinquere debes etiam volens :*

*Et prudens ea querere,*

*Nolenti nequeant quæ tibi præripi.*

*Quid prodest homini, rogo,*

*Lucrum totius orbis cum opibus suis :*

*Si post hoc breve tempus*

*Punctum, spes animæ nulla relicta sit ?*

*Quanto nunc sapientius*

*Is vitam instituit, qui studiis piis,*

*Et vita innocua sibi*

*Munit, cum migrat hinc, ad superos viam ?*

*Gustum si interea cupis*

*Veræ lætitiæ, vel bona tempora,*

*Liber sollicito metu*

*Componas modicus voti animum tuum.*

*Gyrum si finis egredi*

*Hunc extra rationis, tibi quos ciebat*

*Æstus, quos strepitus parit ?*

*Et vires miser & turpiter inquires,*

*Si plenam requiem voles,*

*En, compendia tam difficilis viæ*

*Dat sacra studium crucis.*

*Felix est animi quem studium hoc iuvat,*

*Non hunc divitiæ tenent,*

*Curæ degeneris vulgi, & amor gravis :*

*Sed recti decus, & viris*

*Quæ magnis solet æther dare præmia.*

*Quas nos appetimus, velut*

*Commoti furis, delicias fugit :*

*Sane .*

*Sane non secus ac cruces,*

*Et mentis remoras, scandere dum volet.*

*Quæ nos prima velut bona*

*Miramur, penitus spernit: Et omnia,*

*Tanquam stercora, negligit:*

*Unum quo valeat CHRISTUM adipiscier.*

*Quod vulgus grave iudicat,*

*Hic perfert alacris: nec solidum putat*

*Ullum ( ut cætera suppetant )*

*Huic, cui CHRISTUS abest, affore gaudium.*

*Tantum, CHRISTE, crucem tuam*

*Latus cogitat, in qua sub imagine*

*Mortis, conspicit abditam*

*Et vitam, Et superum perpetuum decus.*

*Sic ( quod non temere solet*

*Aut multis dare cælum ) mel hic ex petra*

*Ipsa fugit, Et ampliter*

*Duro ex saxo oleum, cum lubet, elicit.*

*Huic soli merito datum*

*Vita tempus, Et ævum placide fluit,*

*Clausum pectore qui tenet,*

*Cunctorum instar Et hoc pondus habens, bonum.*

*Extra se quid enim volet*

*Quidquam, qui pretiosum illud, Et omnium*

*Per dispendia querere*

*Quod solum deceat, margaritum tenet ?*

*Quantis hei mihi fluctibus*

*Factantur reliqui, sæpe quibus sua*

*Et vota exitium afferunt,*

*Et curas redivivas sine termino ?*

*Summum sæpe vocat diem*

*Illum, degeneris qui generis timor*

*Est communis, Et exitus*

*Ingratas lacrymans increpat moras.*

O nunc, o utinam furor

Hic me corripiat : sic cupiam libens

Illo pergers, quo, velim

Nolim, perbreve post tempus eundum erit.

Præsens avolat, altera

Instat vita : viam non aliam Pater

Ducentem huc docuit, nisi

Quæ cari posita est in cruce Filii.

Qui nunc luminibus queas

Siccis aspicere hæc impia vulnera;

Auctor quorum es, & e quibus

Ingrato tibi tam grata fuit salus ?

Tu, qui sollicitus fugis

Quod durum est, celer in mollia diffuens :

Qua communia præmia

Poscis fronte, laboris subiens nihil ?

Si non tanta potes pati,

Id saltem effice, ne dissimilem sui

Prorsus cernere te queat

Is, quocum petis olim fore participes.

Quod Phæbum propius refert

Vere lucidius dixeris : & nivis

Quæ sunt alba modo, locum

Inter candida primam sibi vindicant.

Hæc rursus mage dulcia

Sunt, quæ mella imitantur redolentia.

Et plus illa volucra,

Quæ contendere cum auris levibus queant.

Ergo dispeream, nisi

Quo CHRISTO fueris consimilis magis,

Hoc præstantior exeat.

Is princeps decoris totius est typus.

Persuasum quibus est ita,

Cum res difficiles acriter opprimunt,

*Hoc solamen habent pium,*  
*Quod CHRISTUM referant hoc melius modo,*

*Rari sunt genus hoc viri,*  
*Excellens animi quos vigor eximat*  
*Ex vulgo: quia pulchra res*  
*Semper rara erit, & difficilis simul.*

*Sed nobis stolidis venit*  
*In mentem prope nunquam pietatis, &*  
*Quod sint omnia vanitas,*  
*Donec mors inopina impulerit fores.*

*Tum primum sapere incipis,*  
*Damnans prateritam vitam, & inania*  
*Sero gaudia, quæ quidem*  
*Toto pectore paullo ante adamaveras.*

*Tum CHRISTUM pavidus vocas:*  
*Cujus tu, incolumi dum tibi res tue*  
*Florerent, meminisse vix*  
*Dignabare. Quid hic sit meriti, vide.*

*Istuc cum facias metu,*  
*Hunc nunquam (bonitas illius est ea)*  
*Frustra amplecteris: attamen*  
*Id multo satius, quo citius facis.*

*Si quavis alia studes*  
*Unda extinguere flammam sis, aut via*  
*Diversa requiescere*  
*Quæras: una opera omnis cum oleo perit.*

**F I N I S.**

AØ1 145315Ø





240

246

26

780

500

1660

3

$$\begin{array}{r} 3 \quad 3 \quad 1 \\ 1 \quad 20 \quad 80 \end{array}$$

